


A. IX. C

11355/B

~~Ray 177~~





Digitized by the Internet Archive
in 2018 with funding from
Wellcome Library

ARTIS MEDICÆ
PRINCIPES.

TOMUS QUARTUS.

THE NEW YORK PUBLIC LIBRARY

ASTEN LENOX TILDEN FOUNDATION

500 N. 5TH ST. NEW YORK, N. Y.

1897

1897

ARTIS MEDICÆ PRINCIPES


HIPPOCRATES, ARETÆUS,
ALEXANDER, AURELIANUS,
CELSUS, RHAZEUS.

RECENSUIT, PRÆFATUS EST

ALBERTUS DE HALLER,

PRÆSES SOCIET. REG. SCIENT. GÖTTING.
SODALIS ACADD. REG. SCIENT. PARIS.
CHIR. REG. GALL. IMP. BEROL. SUEC.
BON. ARCAD. BAVAR. SOC. SCIENT. BRIT.
EDIMB. UPSAL. BAT. BOT. FLOR. HEL-
VET. IN SENATU SUPREMO BERNENSI
DUCENTUMVIR.


TOMUS IV.



LAUSANNÆ,

Sumptibus FRANC. GRASSET & SOCIOR.

M. D. CC. LXXI.



WELLS MEDICAL

PHARMACY

212 N. 1ST ST. ST. LOUIS, MO.

DEPT. OF HEALTH, ST. LOUIS, MO.

RECEIVED

APR 11 1900

ST. LOUIS, MO.

TO THE DIRECTOR OF THE
DEPT. OF HEALTH
ST. LOUIS, MO.
FROM THE
WELLS MEDICAL PHARMACY
ST. LOUIS, MO.
RECEIVED



P R Æ F A T I O

A D T O M U M I V.

HIPPOCRATIS ecce opera omnia ;
 amice lector, quorum commodam
 editionem iis medicis curare visum est
 qui græcarum litterarum minus studiosi, ta-
 men divi senis præfagiis & consiliis uti vo-
 lent. Criticam manum non adhibui : aliis
 laboribus mea tempora debui ; neque satis
 profunde linguam C O I sum meditatus, ut
 meo arbitrio magis crederem, quam F O E-
 S I O aliisque editoribus. Subinde tamen,
 ut ferebat occasio, dum menda lego, aliqua
 vocabula in melius reformavi. Præfatiun-
 culas cuique libro addidi, ut præcipuum au-
 ctoris scopum indicarem, & mea de ea quæ-

stione cogitata aperirem, sitne quisque liber vere HIPPOCRATICUS. In re conjecturis obnoxia, in qua demonstratio sperari nequit, consului veteres, Galenum etiam potissimum: deinde librum ipsum, ut videretur vel aliqua posteriora inventa tradere, vel ratiociniis indulgere philosophicis, quæ a Medicina HIPPOCRATEM separasse CELSUS idoneus auctor exstat; vel demum errores & opiniones contineret, alienas ab HIPPOCRATICIS. In primum tomum collegi, quæ ab omni tempore pro HIPPOCRATICIS habita fuissent. Et tamen etiam hic, dum hæc opera sollicite lego, sæpe lecta prius, nova mihi dubia sunt enata. Ita in libro de aëribus aquis & locis, de quo nunquam dubitatum fuit, auctoris in Europa nati manifestum opus est: neque vero putem

COUM virum Europæum potius quam Asiaticum haberi posse. Nisi forte Doricam ob originem se Europæ addixerit.

. Deinde in libro *de Alimento* tamen locus est, qui ad ERASISTRATEA tempora, aut iis etiam posteriora, videatur pertinere, cum & arteriæ a venis distinguantur, & à corde nasci, & ab eo sanguinem & spiritum in omnia vehere dicantur. Verum mitiora ubique secutus, non sustinui damnare librum, quem GALENUS pro legitimo habeat.

. In secundam classem eos conjeci libros, qui non videantur ipsius esse HIPPOCRATIS: quod vel aliena varia ab ipsius DIVISENIS placita tradant, vel nuperiora inventa, vel ejusmodi demum vitia contineant quæ HIPPOCRATES ipse damnaverit, neque ideo videatur commisisse. Cæterum bo-

na sunt in univēsum scripta , eorumque multa à G A L E N O vel ad ipsum H I P P O C R A T E M referuntur , vel certe ad primos viri discipulos , aut filios generumque.

In tertiam classem eos conieci , qui magis manifesto spurii essent : sive mera fuerint aliorum operum H I P P O C R A T I C O R U M compendia , sive in ratiociniis solis occupentur : sive indicta fuerint veteribus : sive denu magno viro indigna , quales sunt epistolæ.

Video displiciturum multis , quod Epidemicorum duos libros a quinque reliquis separaverim , quod Prædictionum librum secundum a primo avulserim. Verum cum ex communi sensu veterum illi quidem libri genuini essent H I P P O C R A T I S labores , isti vero incerti auctoris , neque D I V I S E N I S sint opera , certe visum est consultum eos li-

broſ ſeorſim digniori loco reponere, qui legentium fidem mereantur; alioqui antiqui eſſent, neque tamen HIPPOCRATICI. Inſinitis erroribus, infirmisſque ratioſciniis locum dedit genuinorum ſcriptorum cum ſpuriiſ confuſio: quæ dum miſcuerunt nuperi, pro inventis HIPPOCRATIS anatomicis, pro placitis VIRI SUMMI, alienorum temporum induſtriam produxerunt, debilemque ignotorum hominum auctoritatem.

Eo minus vero nos ſollicitos tenuerit, ſi limites claſſium non ſemper firmiſſime conſtituerim: & aliquis enim hic locus eſt, citra quem error ſit innoxius. Totum nempe HIPPOCRATEM medicis trado, etſi paulo aliter diſpoſitum quam in vulgaribus ſolet editionibus.

P R Æ F A T I O.

Ita utere his nostris laboribus, *Lector benevole*, qui nihil hic nobis sumamus, præter voluntatem publicis serviendi commodis, **ARETÆUS** continuo sequetur.

Dabam Bernæ Helv. die 1. Novembris
1770.




TABULA TOMI QUARTI.

I HIPPOCRATIS DE SANORUM VICTUS RATIONE.	pag. I
2 EJUSDEM LIB. II.	31
3 EJUSDEM LIB. III.	60
4 DE VICTUS RATIONE SALUBRI.	81
5 DE INSOMNIIS.	88
6 DE ULCERIBUS.	101
7 DE FISTULIS.	115
8 DE HÆMORRHOIDIBUS.	122
9 DE VETERI MEDICINA.	129
10 DE ARTE	155
11 DE MEDICO.	169
12 DE DECENTI HABITU.	178
13 PRÆCEPTIONES.	186
14 DE LEGE.	195
15 DE JUREJURANDO.	197
16 DE HOMINIS STRUCTURA.	199
17 DE NATURA HOMINIS.	200
18 DE ÆTATE.	208
19 DE ÆTATE FRAGMENTUM.	210
20 DE SEPTIMESTRI PARTU.	211
21 DE SIGNIFICATIONE VITÆ ET MORBIS SECUNDUM MOTUM	

LUNÆ ET ADSPECTUS PLANE- TARUM.	pag. 214
22 DE LIQUIDORUM USU.	230
23 DE MEDICAMENTIS PURGANTI- BUS.	238
24 DE VERATRI USU.	241
25 ANTIDOTI.	243
26 DE EXSECTIONE FETUS.	245
27 DE RE VETERINARIA.	247
28 EPISTOLÆ.	268
29 VITA EX SORANO.	318
30 DE VITA ET FAMILIA SCRIP- TISQUE HIPPOCRATIS TE- STIMONIA.	322
31 FRAGMENTA ET ELOGIA.	345
32 CONSENTIENTIA.	367
33 CONTRADICTA ET DEFENSA.	399





HIPPOCRATIS

DE

SANORUM VICTUS RATIONE

LIBRI TRES.

LIBER PRIMUS.

P R Æ F A T I O.

*I*NDIGNUM esse HIPPOCRATE GALENUS & MERCURIALIS. Sed antiquus certe est, qui HERACLITI præcepta contineat, idem mire brevis, obscurus, & hætenus hippocraticus. Omnia constare igne & aqua, hæc sufficere omnibus, illum movendo, hanc alendo; ex iis etiam animam misceri. Temperamenta octo ex varia aqua & ignis portione & ex utriusve vario robore fieri. Ad quodque temperamentum idonea victus ratio enumeratur. Sed etiam animorum varietas recensetur, quæ ex diversa hac elementorum temperie nascitur, & cujusque remedia. Ita cholericæ homini frigida & hu-

Princ. Art. Med. Tom. IV. A

mida victus ratio præscribetur, tum balnea, nulla vene incidende facta mentione. Adparet temperamentorum theoriam longe ab ea differre, quæ reperitur in libro de carnibus. Duplex tamen, ut in libro de genitura, semen hic reperias, ipsique mores a prædominio masculi seminis aut feminei deducuntur. Duplicem etiam uterum admittit; & in universum præidiis ab exercitatione & a vomitu petitis ad fines medicos utitur. Hactenus a lib. III. non diversus.

Hæc facilia, multo obscuriora quæ sequuntur, in quibus noster olim ILL. COLLEGA J. M. GESNERUS pro sua singulari sagacitate germina animalium & plantarum detexit, quæ incorrupta alterne conspicua fiunt & vegetant aut adolescunt, alterne in statum inconspicuum redeunt. Intercedunt multa, quorum sensum & scopum egre invenias.

ARGUMENTUM LIBRI PRIMI.

Docet quæ diætam salubrem instituenti prænoscentia sint; ex quibus animantium corpora constituentur; humanos artifices cum natura confert; nec non masculos cum fœminis inter sese in corporis robore, auctione, & nutritione. De temperamentis ætatum, sexusque agit; ac de variis animi pathematibus.

CAPUT I.

*Proemium totius operis, adtentione, docilitate,
& benevolentia conditum; quæ diætetico medico
prænoscentia, ac de cibi ac potus facultate.*

SI quis ex iis, qui prius de humano victu, ad sanitatem conferente, scripserunt, omnia in totum recte cognovisse, & quantum humanæ menti conceditur, conscripsisse mihi videretur, satis esset id mihi, labore expleto ab aliis, quæ nossem recte se habere, iis uti, prout ipsorum quidpiam utile esse videretur. Nunc vero multi quidem scripserunt, nullus tamen, quid scribendum esset, recte cognovit. Alii quidem aliud adsequuti sunt; totum vero, ne unus quidem adhuc ex his, qui ante exstiterunt. Neque tamen eorum quisquam merito reprehendendus est, propterea quod invenire non potuerint; quin potius laudandi omnes, quod investigare contenderint. Neque ergo, quæ recte dicta non sunt, arguere decrevi; sed iis, quæ satis sunt explorata, adsentire in animum induxi. Quæcunque igitur recte a prioribus dicta sunt, de iis fieri non potest, me aliter scribentem recte scribere: quæ vero non recte dixerunt, si ea quidem, quod ita non se habeant, redarguero, nihil profecero; at explicando quomodo eorum quodque recte habere videatur, declarare volo. Hanc autem orationem ideo præponendam duxi, quod plerique homines ubi aliquem prius de re aliqua differentem audierint, eum qui posterius his de rebus disceptat, non probant, nescientes ejusdem mentis esse de his, quæ recte dicta sunt (& invenire quæ dicta non sunt) cognoscere. Ego igitur, quæ recte dicta sunt, ut dixi, iis adsentiar:

quænam vero sint, quæ non recte fuerint cognita, ea declarabo. Quin etiam ea, quæ nullus ex prioribus explicare aggressus est, illa quoque qualia fuerint, demonstrabo.

CAPUT II.

Institutum suum proponit de dieta tum universali, tum particulari, ad quod ciborum, potionum, laborum, astrorum, regionum facultates dignoscendæ sunt.

QUI de hominis victus ratione recte scripturus est, eum dico, primum quidem totius hominis naturam nosse ac dignoscere oportere: nosse quidem, ex quibus ab initio constitutus est; dignoscere vero, quænam in eo partes superent. Nisi enim primam constitutionem noverit, quodque in corpore superat, ea, quæ homini conducunt, minime offerre poterit. Hæc igitur conscribentem cognoscere oportet; deinde vero ciborum omnium, ac potionum, quibus in victu utimur, quam singula facultatem, tum ex natura, tum ex necessitate & arte humana obtineant: scire namque decet, qua ratione fortibus natura vires detrahare: & quomodo imbecillis, ut cujusque occasio se obtulerit, vires ex arte adhibere oporteat. Qui vero commemorata noverit, huic nondum idonea est hominis curatio: quandoquidem homo comedens; nisi etiam (laboribus) exerceatur, sanus esse non potest. Cibi enim & labores contrarias inter se facultates, mutuo tamen ad sanitatem conferentes, obtinent: labores namque, ea, quæ adsunt, consumere so-

lent; cibi vero & potiones ea, quæ vacuata sunt, explere. Laborum autem, quantum par est, facultas, tum eorum, qui a natura, tum eorum, qui per vim contingunt, dignoscenda est; & quinam ex ipsis carnes ad incrementum, & qui ad defectum, præparent. Neque ista tantum; verum etiam conveniens laborum modus pro ciborum copia, & hominis natura, & corporum ætate, pro anni temporibus, ventorumque mutationibus, & pro locorum situ, in quibus vitam agunt, & pro anni constitutione. Quin etiam siderum ortus, & occasus noscendi sunt; quo & ciborum, ac potionum, ventorumque, ac totius mundi vicissitudines, excessusque, ex quibus sane morbi hominibus proveniunt, observare sciat. Qui tamen hæc omnia noverit, huic inventum nondum satis est: nam si præter hæc inventus fuerit cujusque naturæ conveniens cibi modus, & laborum numerus, qui neque supra, neque infra modum excedat, sanitas profecto hominibus exacte inventa fuerit. Nunc vero prædicta quidem omnia, quænam sint, inventa sunt; hoc vero inveniri non potest. Si igitur quis præsens adsit, & inspiciat hominem exsuentem se vestibus, & in gymnasiis exercentem, is utique noverit, hæc quidem detrahendo, illa vero adji- ciendo, ut sanum servare oporteat. Qui vero non adfuerit, is exacte cibos & labores præscribere non poterit; quum, quantum quidem quis invenire possit, a me jam relatum sit. Nam si a reliquis vel parum admodum deficient, tempo- ris tamen spatium corpus ab excessu superari, & in morbum incidere, necesse est. Ab aliis igitur, ut hucusque investigatione pervenirent, tentatum est, neque vero hæc dicta sunt; a me autem inventa est morbi prænotio, etiam antequam

homo ab excessu ægrotet, utramvis in partem fiat. Neque enim morbi confertim hominibus accidunt; sed paulatim collecti, repente se produnt. Prius ergo quam in homine, quod sanum est, a morbofo superetur, quæ perpetiantur, & ut ea sanitati restituenda sint, a me inventa sunt. Hoc autem scriptis addito, meditationum conatus perficietur.

C A P U T III.

Institutum aggreditur, & de principiis naturalibus universim disputat; quæ duo constituit, ignem & aquam, quatuor donata qualitatibus.

OMNIA igitur tum animantia, tum homo ipse ex duobus, facultate quidem diversis, usu vero consentientibus constant: igne (inquam) & aqua. Quæ duo simul juncta, tum aliis omnibus, tum sibi invicem satis sunt; utrumque vero seorsim, neque sibi ipsi, neque cuiquam alteri (suffecerit.) Horum igitur utrumque hanc obtinet facultatem. Ignis siquidem omnia semper movere; aqua vero omnia semper nutrire, potest: at secundum partes utrumque superat & superatur, ad summum, ac minimum, quoad fieri potest. Neutrum enim hanc ob causam prorsus superare potest. Ignis siquidem in extremam aquam irruens, alimento deficitur; avertitur igitur eo, unde alimentum sumpturus est. Aquam vero in extremum ignem irrumpentem deficit motus. In ea itaque sistitur: & quum constiterit, non amplius superior est; sed protinus ab irruente igne in alimentum consumi-

tur: proptereaque neutrum penitus superare potest. Quod si alterutrum aliquando etiam superaretur, nihil eorum, quæ nunc sunt, veluti nunc se habet, permaneret. Quum autem ita semper se habeant, eadem erunt, & neutra, neque simul deficient. Ignis igitur & aqua, quemadmodum a me dictum est, in summo ac minimo similiter considerata, omnibus in universum satis sunt. Horum autem utrique hæc adjuncta sunt: igni quidem calidum & siccum; aquæ vero frigidum & humidum. Habent autem a se invicem: ignis quidem ab aqua humiditatem; inest enim ab aqua humiditas: aqua vero ab igne siccitatem; inest enim aquæ ab igne siccitas. Quibus sic se habentibus, in multas cujusvis generis, tum seminum tum animalium formas, nihil inter se, neque visu, neque facultate similes, a se invicem secernuntur. Quum enim nunquam in eodem statu permaneant, sed perpetuo alterentur; temporis tandem successu, quæ etiam ab his secernuntur, dissimilia oriri necesse est.

C A P U T IV.

Horum, quæ ex principiis orta sunt, non ortum; sed alterationem, incrementum & decrementum esse.

NIHI L quidem rerum omnium perit, neque oritur, quod prius non erat; verum invicem commixta & discreta, alterantur. At homines existimant, id quidem, quod ex orco in lucem augetur, oriri: quod vero ex luce ad orcum imminuitur, perire; oculis autem magis creden-

dum, quam opinionibus. Ego vero ista ratione exponam. Animantia namque sunt & illa, & ista: neque animal interire potest, quin omnia intereant (etenim unde moriatur?) neque quod non est, generari: quum non sit unde generetur. Verum augentur omnia, & imminuuntur ad summum, & ad minimum, quoad ejus fieri potest.

C A P U T V.

Rerum naturalium declarationem adgreditur, ejusque basin primo supponit: mox in genere describit, de generatione & corruptione, ac divina necessitate.

QUID autem generari & interire vocem, multorum gratia expono; ea vero & commisceri, & secerni, significare declaro. Sic autem se res habet: generari, & interire idem; commisceri & secerni idem. Generari idem, quod commisceri. Interire, imminui, idem ac secerni. Unumquodque ad omnia, & omnia ad unumquodque idem sunt. Lex enim in his naturæ adversatur; seorsum vero omnia, & divina, & humana sursum & deorsum vicissim rependuntur. Dies & nox ad summum & minimum considerantur, velut lunæ summum ac minimum accedit. Igni suus est impetus, & aquæ item suus; sol ad longissimum, & brevissimum accedit; rursus hæc, & non hæc: lux Jovi, tenebræ orco, lux orco, tenebræ Jovi: commeant & transnoventur illa huc, & hæc illuc, & omni quidem tempore; illa horum, hæc vero illorum res peragunt; & quæ quidem faciunt, nesciunt; quæ

vero non faciunt; scire videntur; & quæ quidem vident, non cognoscunt. Et tamen his omnia necessitate divina contingunt, & quæ volunt, & quæ nolunt. Illis autem huc, his vero illuc commeantibus, & invicem commixtis, fatalem suam sortem unumquidque complet, & ad majus, & ad minus. Interitus autem est omnibus mutuus: & majori a minore, & minori a majore. Quin etiam majus a minore, & minus a majore auge-
tur; tum reliqua omnia, tum hominis animus & corpus, velut anima certo ordine gubernantur. Irrepunt autem in hominem partes partium, tota totorum, quæ ignis & aquæ commixtionem habent, partim quidem sumptura, partim datura: & quæ quidem sumunt, plus faciunt; quæ vero dant, minus. Lignum homines ferra secant: & hic quidem trahit, alter vero trudit; idem tamen faciunt, & minus facientes plus faciunt. Idem & hominis naturæ, partim quidem propellit, partim vero trahit: partim dat, partim etiam accipit: & alii quidem dat, ab alio vero accipit, & alii quidem tanto plus dat, ab hoc vero tanto minus accipit. Locum autem suum quidque tuetur; & quæ quidem ad minus tendunt, in minorem locum fecernuntur: quæ vero ad majus proficiscuntur, commixta in majorem classem transeunt. Externa vero, neque ejusdem generis, ex aliena regione pelluntur: in unoquoque autem anima, majora & minora habens, suas ipsius partes circummeat, quæ nec adpositione, nec detractiōe indigent; quum tamen eorum, quæ adsunt, accretione, & imminutione opus habeat. Locum vero singula conficiunt, in quem ingrediantur, & ea, quæ incidunt, suscipiant: neque enim potest, quod non est ejusdem generis, in loco minime sibi conveniente permanere;

vagantur siquidem non adgnita; invicem vero permixta, simul cognoscuntur. Conveniens enim convenienti adhæret; haud convenientia vero dissident & pugnant, & a se invicem separantur. Quam ob causam hominis anima in homine, neque in ullo alio incrementum, accipit; eodemque modo de magnis animalibus. Quæcunque vero aliter per vim mutuo fecernuntur: de aliis animalibus prætermittam; de homine vero declarabo.

C A P U T VI.

De hominis ortu, incremento, alimento, & mixtionis harmonia excellentissima.

IRREPIT autem in hominem anima, ignis & aquæ contemperationem obtinens, fortem corporis humani. Hæc autem feminea & mascula, multa & cujusvis generis nutriuntur: nutriuntur autem & augescunt victu, quo homo utitur. Quæ vero ingrediuntur, ea omnia partes habere necesse est; nam cujuscunque pars non inerit a principio, nullo unquam modo augeri poterit, neque copioso neque exiguo accedente alimento; quum non habeat, quod incrementum accipiat. Augetur autem quidque in suo loco, quod omnia habet: superveniente vero alimento, ab aqua sicco, ab igne vero humido, alia quidem intro, alia vero foras vi adiguntur. Quemadmodum fabri lignarii lignum ferra secant, & alter quidem trahit, alter vero trudit, idem sane facientes; & qui deorsum urget, eum, qui supra est, trahit; neque enim aliter deorsum ire posset: sin per vim agant, penitus aberrabunt. Ita se

habet hominis alimentum : aliud quidem trahit, aliud vero trudit ; intro vero vi actum, foras trahit ; si autem intempestive per vim agatur, prorsus successu frustrabitur. Sed singula tanto tempore eundem habent ordinem, quoad locus non amplius suscipiat, neque satis alimenti ad extremum usque aquarum habeant. Postea ad externam regionem transeunt tum feminea, tum mascula, eodem modo, vi & necessitate coacta. Quaecunque vero fatalem sortem implerint, hæc prima fecernuntur, & simul commiscentur ; unumquodque siquidem fecernitur, hæc autem omnia commiscentur. Quæ ubi regionem permutaverint, & concentum tres consonantias recte habentem nacta fuerint, comprehensim per omnia penetrantes, iisdem, quibus etiam antea, vivunt & incrementum accipiunt. Quod si concentum non adsequantur, & gravia acutis minime consona fuerint, prima consonantia perit : & si secunda generatio adfuerit, quod per totum est, uno decedente, totus tenor vanus est. Non enim consonantiam haberent ; sed a maiore ad minus, ante destinatam sortem, transitio fit ; eo quod nesciunt, quid faciant.

C A P U T VII.

Hominis ortum & incrementum in utero demonstrat.

AT cur utrique, tum masculus tum femina generentur, procedente oratione ostendam. Horum autem quodcunque concentum fortitum fuerit, dum humidum est, ab igne movetur ; motum vero vivescit, & alimentum ad se ab in-

gradientibus in mulierem cibo & spiritu adtrahit: imprimis quidem undique æqualiter, dum adhuc rarum est; motu vero & igne siccescit, & solidescit: & solidum redditum, circumquaque densatur. Ignisque inclusus non amplius sufficiens alimentum adtrahere valet, neque spiritum propter ambientis corporis densitatem expellit. Absumit enim quidquid intus humoris inest: solida quippe, quæ naturam in consistenti & sicco (positam habent), non concedunt igni in alimentum; sed præfirma redduntur, & humore deficiente compinguntur, quæ quidem ossa, & nervi nominantur. Ignis autem ex commixto humore commoto, corpus secundum naturam propter hanc necessitatem componit. Neque enim per solidum & siccum diutius permeare potest, quum alimentum non habeat; at per humida & mollia potest: nam hæc ipsi sunt alimentum. In his autem etiam siccitas, ab igne non consumpta inest. Hæc vero mutuo inter se conjunguntur. Ignis igitur penitissime conclusus, & plurimus est, & maximum exitum fecit, quum plurimus hoc in loco humor inesset, qui venter appellatur; indeque excidit foras, cum alimentum non haberet, ac transitus spiritus fecit & alimenti subvectionem, & concoctionem. Qui vero ad reliquum corpus exclusus est, triplices circuitus fecit. Etenim quod erat in igne humidissimum, in iis locis remansit, quæ venæ cavæ appellantur; in medio vero harum, quod reliquum est, aquæ densatum constitit, & carnes vocantur. Ad summam, ignis omnia, quæ sunt in corpore, secundum suum ipsius modum, ad universi imitationem, parva cum magnis, & magna cum parvis, disposuit. Ventrem quidem maximum, sicci & humidi promptuarium constituit, ut omnibus da-

ret, & ab omnibus acciperet, maris habens facultatem, quod animalia in eo enutrita fovet, aliena vero perimit. Circum hunc autem est aquæ frigidaë, & humidæ coagmentatio, transitus spiritus frigidi & calidi, ad terræ imitationem, omnia in eam illabentia alterantis. Consumens vero & augens, aquæ tenuis, & ignis dispersionem fecit, obscuri non apparentis & apparentis a compacto secretionem; in quo delata omnia singula pro fatali sorte in apertum veniunt. In hoc autem triplices ignis circuitus fecit, in se invicem intro ac foras tendentes; alios quidem ad humorum cavitates, lunæ facultate: alios vero ad exteriorem superficiem, ad ambientem consistentiam, siderum facultate: medii autem, intro & foras permeantes, calidissimum & validissimum ignem (continent) qui cunctis dominatur, omniaque secundum naturam moderatur, sine strepitu tum ad visum, tum ad tactum. In hoc anima, mens, prudentia, incrementum, motus, imminutio, permutatio, somnus, vigilia. Hic omnia in totum gubernat, & hæc, & illa, nunquam quiescens.

C A P U T VIII.

Comparatione quarumvis aliarum actionum, & affectionum humanarum, sive natura, sive arte consent, naturalis ortus, & incrementi doctrinam confirmat, & illustrat.

AT vero homines ex manifestis obscura in considerationem adhibere non noverunt. Ignorant enim, quod artibus utantur naturæ

humanæ similibus. Deorum enim mens edocuit ipsos sua ipsorum opera imitari, cognoscentes, quæ faciunt, & ignorantes, quæ imitantur. Omnia enim similia, quæ dissimilia sunt; & convenientia omnia, quæ sunt differentia; loquentia, non loquentia; rationem habentia, ratione carentia: singulorum modus, qui in confesso est, aliquantulum adversatur. Lex enim & natura, quibus omnia conficiuntur, consentientes non consentiunt. Legem quidem ipsi sibi homines statuerunt, ignorantes, de quibus statuerent. Naturam vero omnium Dii certo ordine constituerunt: quæ igitur homines sanciverunt, ea nunquam eodem modo se habent, sive recta, sive non recta sint; quæ vero Dii sanciverunt, ea semper recte habent. Atque recta & non recta, in tantum inter se differunt. Ego proinde artes manifestas, affectionibus hominum tum manifestis, tum obscuris similes esse demonstrabo. Divinatio hoc munus habet: ut ex manifestis obscura quidem cognoscat, ex obscuris manifesta, & ex præsentibus, quæ futura sunt, ex & mortuis, viventia. Ea etiam, quæ intelligentiam non habent, intelligunt, semper quidem recte, qui doctus est, indoctus vero alias aliter. Hominis naturam & vitam hæc imitantur. Vir cum muliere congressus, puerum creavit; ex re manifesta obscuram cognoscit, quod sic futurum est. Mens hominis obscura, manifesta cognoscens, ex puero in virum transit, ex præsentī, quod futurum est, cognoscit. Non simile quidpiam mortuus viventi, ex mortuo animal novit. Venter intelligentia caret; ex eo intelligimus, quod sitit aut esurit. Quæ artis divinandi & humanæ naturæ affectiones, intelligentibus quidem semper recte; ignorantibus vero alias aliter se habent.

Artis ferrariæ instrumenta ferrum colliquefaciunt, dum flatu ignem cogunt, alimentum, quod adest, detrahunt, quumque rarum fecerint, feriunt & ducunt; aquæ autem alterius alimento roboratur. Eadem homini a pædotriba contingunt: præsens alimentum igne detrahitur, dum ille vi spiritus impellitur; rarefactus vero tunditur, adteritur, extenuatur; aquis autem aliunde inductis corroboratur. Fullones quoque idem conficiunt, pedibus calcant, feriunt, eluendo tundunt, trahunt; lavando firmiora reddunt; quæ supereminet de-radendo, & adtexendo pulchriora efficiunt. Eadem etiam homini contingunt. Sutores tota in partes dividunt; secando autem & pungendo lacerata integra reddunt. Idem etiam in homine contingit, tota in partes dividuntur, & partium adpositione tota fiunt; pungendo & secando marcida a Medicis sanantur, ac vivit homo. Medicina id, quod molestum est, amovet: & unde laborat auferens, sanum facit. At natura sponte hæc potest. Qui sedet, laborat exsurgere: qui movetur, conatur requiescere; atque alia ejusmodi natura, quæ sunt medicinæ, sibi vindicat. Fabri lignarii dum ferra secant, hic quidem trudit, alter vero trahit, & ut idem fiat, utrimque res fert. Dum terebrant, unus quidem trahit, alter vero impellit. Premens alterum sursum trahit, alterum deorsum, & minus facientes plus faciunt, humanamque naturam imitantur. Spiritus hic quidem trahit, ille vero pellit, & ut idem fiat, utrimque contingit. Cibi partim quidem deorsum urgentur, partim vero sursum vergunt. Ab una anima dividente, plures & pauciores, majores, & minores fiunt. Qui domos construunt, ex rebus differentibus unam convenientem efficientes, sicca quidem humectantes,

humida vero siccantes, & tota quidem in partes secantes, secta vero conjungentes, (nisi enim ita contingeret, nihil proprie fieri posset), humani victus rationem imitantur, dum sicca quidem humectant, humida vero siccant, tota in partes secant, secta vero conjungunt. Hæc omnia quum differentia sint, naturæ conveniunt. Musicæ organum primum adesse oportet, in quo concentus, quæ vult, declaret. Compositiones ex iisdem non eadem; ex acuto & gravi, nomine quidem similibus, sono vero non similibus. Quæ plurimum differunt, maxime conveniunt, quæ minimum differunt, minime conveniunt. Si quis vero omnia similia faciat, nulla aderit delectatio. Plurimæ & variæ admodum mutationes maxime delectant. Coqui opsonia hominibus parant cujusvis generis differentia commiscentes, non eadem ex iisdem ad hominum cibum ac potum. Quod si omnia similia facerent, nullam haberent delectationem; neque si eodem omnia componerent, ea utique recte se haberent. Pulsantur toni in musica tum superne, tum inferne. Lingua musicam imitatur, & ex his, quæ illabuntur, quod dulce est & acidum, dignoscit, & quæ sunt dissonantia & consonantia. Pulsat autem sonos supra & infra, neque quæ supra, si infra pulsentur, neque quæ infra, si supra, recte habent. At lingua probe composita, concentus (adeſt) delectatio; inconcinna vero, molestia. Coriarii tendunt, terunt, pectunt, lavant. Eadem est puerorum cura. Qui nectunt, aut texunt, fila in orbem ducendo pliant, a principio in principium desinunt. Idem est circuitus in corpore; unde incipit, eodem desinit. Qui aurum tractant, tundunt, lavant, molli igne liquant (neque enim vehementi coit) quod ubi elaboraverunt, ad omnia utuntur. Triticum

ticum homo tundit, lavat, molit, eoque igne subacto utitur, neque vehementi quidem igne in corpore conficitur, sed leni. Statuarii corporis similitudinem efficiunt, anima excepta, (neque enim mentem habentia fingunt,) ex aqua & terra, dum quæ sunt humida, siccant, & sicca humectant; & quæ superant, demunt; & ad ea, quæ deficiunt, adjiciunt, ex minimo ad maximum incrementum perveniendo. Eadem homini contingunt: ex minimo enim ad maximum incrementum deducitur, dum quæ superant, detrahit, & quæ deficiunt, apponit: sicca humectando, & humida siccando. Figuli rotam versant, quæ neque retrorsum, neque antrosum procedit: sed utramque in partem simul universi imitatione in orbem fertur. In ea autem cujusvis generis opera, neque inter se similia, circumagendo efficiunt. Ex iisdem eadem hominibus eveniunt, reliquaque animantia in eodem circumactu omnia operantur, ex iisdem nihil simile, iisdem instrumentis, ex humidis sicca, & ex siccis humida afficiendo. Grammatica tale quid est, figurarum compositio, quæ sunt humanæ vocis notæ, facultas ea quæ præterierunt in memoriam revocandi, & quæ facienda sunt demonstrandi; ea cognitio per septem figuras habetur. Hæc omnia homo tum literarum gnarus, tum earum rudis conficit. Per septem etiam figuras sensus homini contingit; auditus soni, visus apparentia, narium odor, linguæ suavitas & insuavitas, oris sermo, corporis calidi & frigidi tactus proprius est. Spiritus intro & foras permeat; & per hæc hominibus cognitio contingit. Palæstra & pædotribæ, tale quid docent; ex instituto leges violare, jure injuriam inferre, decipere, furari, rapere, vim pulcherrimis ac turpissimis inferre. Quæ qui non facit, malus est; qui vero

facit, bonus; indicium hoc multorum imprudentiæ, hæc spectant, & unum præ omnibus probum judicant, reliquos vero malos. Multi mirantur, pauci vero cognoscunt. Homines in forum progressi eadem perpetrant, dum vendendo & emendo decipiunt. Qui plurimum decepit, eum admirantur. Bibentes & insanientes eadem peragunt, currunt, luctantur, pugnant, furantur, decipiunt, unus omnibus præfertur. Histriones & deceptores coram spectatoribus alia dicunt, alia sentiunt. Iidem prorepunt & irrepunt minime iidem. Homini datum est alia quidem dicere, alia vero facere; eundemque non esse eundem, & interdum quidem aliam habere mentem, interdum vero aliam. Sic fane artes omnes cum natura humana communionem habent.

C A P U T IX.

Generalis ortus & incrementi humani theoriam prædictam singularium inductione illustrandam, confirmandamque proponit.

AT vero hominis anima (ut a me etiam antea dictum est) ignis & aquæ temperamentum habens, partes quidem hominis, in omne animal quod respirat, irrepit, & in omnem fane hominem, tum juniorem, tum seniore: in omnibus autem non similiter increscit. Verum in juvenilibus quidem corporibus, quum nimirum velox sit circuitus, & corpus ad incrementum aptum (ipsa nempe anima) velut incensa & attenuata in corporis incrementum impenditur. At in senioribus, quum tarda sit motio, corpusque

fane frigidum, in hominis imminutionem confumitur. Quæ vero corpora in vigore sunt & ætate fecunda, ea nutrire & augere potest. Potentes autem homines sunt: quisquis plurimos homines alere potest, is potens. Iis vero, quos alit, deficientibus, imbecillior est. Sic etiam singula corpora se habent. Quæ plurimas animas alere possunt, ea sunt robustiora; his vero discedentibus, imbecilliora. Quidquid igitur in aliud corpus ingressum fuerit, non augetur; quidquid vero in feminam id augetur, si quæ conveniunt, nactum fuerit. Partes autem simul omnes discernuntur & augentur, neque una prior altera, neque posterior: majores tamen natura minoribus priores conspiciuntur, quum priores non sint. Neque vero æquali tempore omnes fetus formantur; verum alii citius, alii tardius, prout quisque ignem & alimentum sortitus fuerit. Quidam igitur fetus tribus ac quadraginta diebus conformationem habent; quidam quatuor mensibus. Eodem etiam modo vitales nascuntur, quidam citius septimo mense perfecte; quidam tardius, nono mense perfecte in lucem prodeunt, eam contemperationem habentes, quam semper habituri sunt.

C A P U T X.

Ortus & incrementi humani diversitatem secundum sexum in mare & femina ostendit.

MARES igitur & feminæ hoc modo, quoad ejus fieri potest, nascuntur. Feminæ vero ab aqua magis, & ex frigidis, humidis, ac mollibus, tum cibus, tum potibus, & vitæ institutis

tis, incrementum accipiunt. At mares ab igne magis, ex ficcis videlicet & calidis cibis, reliquaue victus ratione. Si igitur feminam procreare sit animus, victus ratione ad aquam tendente est utendum. Si vero marem, victus ratio, quæ ad ignem spectet, instituenda est. Ac neque solum hoc viro, sed etiam mulieri peragendum. Neque enim solum quod a viro excernitur, ad incrementum aptum est, sed etiam quod a muliere, istam sane ob causam. Neutra quidem pars per se sufficientem habet motionem ad humoris copiam, ut quod affluit, absumat; sed ex ignis imbecillitate concrefcit. Quum vero in unum ambo convenerint, in sese mutuo incidunt, ignis ad ignem, & aqua eodem modo. Si quidem igitur in sicco loco circumagatur, aquam, quæ simul illapsa est, superat, ab eaque ignis incrementum accipit, ut non ab illabente unda exstinguatur, sed & id, quod supervenerit, excipiat, & quod jam inest, congreget. Si vero in humidum inciderit, statim ab initio ab illabente unda exstinguitur, & in minorem ordinem dissolvitur. Uno vero cujusque mensis die, ea quæ irruunt, cogere & superare valet, idque si contigerit, ut quæ ab utrisque immittuntur, in eundem locum conveniant. Consistere autem inter se possunt & mas & femina, quandoquidem anima in omnibus animatis eadem est; cujusque vero corpus differt. Semper igitur anima tum in majore, tum in minore similis est. Neque enim natura, neque necessitate immutatur. Corpus vero nunquam in ullo neque natura, neque necessitate idem est, quum partim in omnia secernatur, partim ad omnia commisceatur.

Si igitur contigerit, ut ab utrisque mascula corpora secernantur, pro re præsentī increscunt, pro-

creanturque viri animo clari, & corpore validi, nisi a subsequente victus ratione lædantur. Quod si a viro quidem masculum semen secernatur, a muliere vero feminineum, & masculum superaverit, anima quidem imbecillior ad validiorem admiscetur, quum nihil ex his, quæ adfunt, familiarius habeat, ad quod se conferat. Parva enim majorem, & major minorem suscipit: in commune tamen in ea, quæ adfunt, imperium exercent. Et maris quidem corpus augefcit; feminæ vero minuitur, & in aliam sortem secernitur. Atque hi quidem prioribus minus clari sunt; sed quoniam masculum a viro excretum dominatum obtinuit, viriles procreantur, & hoc nomen merito obtinent.

At si a muliere masculum quidem secretum fuerit, & a viro feminineum, masculumque dominatum obtineat, eodem modo, quo prius incrementum accipit, hoc vero minuitur; Androgyni autem procreantur, hocque nomine recte nuncupantur. Ac tres quidem hæ sunt virorum generationes differentes in eo, quod plus aut minus tales sint, ob partium aquæ temperationem, alimenta, educationes, & consuetudines; de quibus etiam procedente oratione est agendum. Femina vero eodem modo procreatur, si quidem ab utrisque feminineum secretum fuerit, feminæ maxime muliebres, & ad hanc indolem comparatæ nascuntur. Quod si mulieris quidem semen feminineum, viri vero masculum fuerit, obtinuerit autem feminineum; eodem modo augefcit; & prioribus audaciores quidem sunt, venustæ tamen & ipsæ. At si viri semen feminineum fuerit, mulieris vero masculum, prævalueritque feminineum, eodem modo incrementum accipit, & prioribus longe audaciores nascuntur, viraginesque nominantur. Si quis autem animam animæ commisceri minime

sibi persuadeat, is ratione caret. (Quod si) carbones ardentes ad ardentes, validos ad debiles adjiciat, & ipsis alimentum exhibeat, eandem omnes corporis speciem præbebunt, neque alter ab altero dignoscetur; sed quocunque in corpore ignem fuscitaverint, idem in omnibus erit. Ubi vero præsens alimentum consumpserint, in id, quod obscurum est, secernuntur. Idem quoque humanæ animæ contingit.

C A P U T X I.

Ortus & incrementi humani diversitatem in multitudine fetuum enarrat.

AT vero gemellorum procreationem sic oratio declarabit. Ut plurimum quidem natura uterorum muliebrium in causa est. Si enim utraque ex parte juxta osculum æqualiter a natura comparati fuerint, & æqualiter hiaverint, & a purgatione siccentur, alere possunt, si viri semen conceperint, ita ut statim dividatur. Sic enim in utrumque uterum æqualiter spargi necesse est. Si igitur copiosum ab utrisque & validum semen excretum fuerit, in utrisque locis augeri potest; accedens enim alimentumprehendit. At si alio quo pacto contingat, gemini non nascuntur. Quum itaque ab utrisque masculum semen secretum fuerit, in utrisque masculos generari necesse est. Quum vero feminineum ab utrisque, feminæ procreantur. Quum hoc quidem feminineum, illud vero masculum fuerit, quodcunque alterum superaverit, id ipsum incrementum accipiet. Similes vero inter se gemelli hanc ob causam gignuntur. Imprimis quod æqualia sint loca, in quibus

augeſcunt; deinde quod una excreti ſint, poſtea quod iisdem alimentis augeſcant, vitalesque in lucem producantur. Fetus autem ſuccedanei hunc in modum gignuntur. Ubi & uteri natura calidi & ſicci fuerint, & mulier ejusmodi, ſemenque calidum & ſiccum inciderit, nulla amplius in uteris reperitur humiditas, quæ ſuperincidens ſemen ſuperet. Quam ob cauſam initio coaleſcit, ac vivit; permanere autem non poteſt: quin etiam id, quod ineſt, inſuper corrumpit, quia non eadem utriſque conducunt.

C A P U T XII.

Ortus & incrementi humani diverſitatem ſecundum conſtitutionem corporis declarat, ubi pro ætatum diverſitate diverſa diæta inſtituitur.

QUOD aquæ tenuiſſimum, & ignis rariſſimum eſt, ea in hominis corpore contemperationem fortita, ſaluberrimum habitum conſtituunt; propterea quod neque in maximis anni tempeſtatum mutationibus, neque in ætatum tranſmutationibus, neque in ciborum ac potuum victus ratione, aqua denſiſſima evadit in aquæ acceſſionibus, neque ignis in ignis incurſibus. Poſſunt enim ambo tum motionem, tum repletionem copioſam ſuſcipere. Æs tum molliſſimum, tum rariſſimum, plurimum temperamentum recipit, & optimum redditur. Eodem modo etiam quod in aqua eſt tenuiſſimum, & quod in igne eſt rariſſimum, contemperationem fortita. Qui igitur hanc naturam habent, ſani omni tempore uſque ad quadrageſimum annum perſeſcunt; quidam vero etiam uſque ad extremam ſenectutem. Qui vero ſupra quadrageſimum an-

num morbo aliquo correpti fuerint, vix unquam evadunt. At vero corpora, quæ ignis validissimi & aquæ densissimæ contemperationem sumpserint, valida quidem & robusta evadunt, verum multa cura indigent. Magnas enim utramque in partem mutationes habent, & in aquæ & ignis incurfibus eodem modo in morbos incedunt. Huic igitur victus ratione anni temporibus contraria uti confert. Aquæ quidem accessione contingente, (qui ad ignem, ignis vero incurfu contingente) iis quæ aquæ adversantur utendum, sensim quidem pro anni temporum ratione transmutatione facta. At ubi aquæ crassissimæ & ignis tenuissimi in corpore temperatio facta fuerit, talia contingunt, ex quibus frigidam & humidam naturam dignoscere convenit. Et hæc corpora hieme quam ætate, & vere quam autumno, morbosiora sunt. Inter hos, quod ad ætates adtinet, pueri maxime sani sunt, deinde adolescentes; morbis vero maxime obnoxii senes, & iis proximi, eæque naturæ cito senescunt. His in victus ratione conferunt, quæcunque celefaciunt & siccant, tum in laboribus, tum in cibis; & ad exteriores corporis partes labores adhibere magis, quam ad interiores convenit. Si vero quod in igne est humidissimum, & in aqua densissimum, contemperationem in corpore acceperit, ex his humidam & calidam naturam dignoscere licet. Hi quidem vere maxime morbis tentantur; autumno vero minime; quandoquidem vere humiditatis excessus est, autumno vero siccitatis commoderatio. Ex ætatibus maxime morbis obnoxia, quæ juniores sunt. Corpora vero celeriter crescunt, iique destillationibus obnoxii redduntur. Pro diæta autem conferunt, quæ siccant & refrigerant, tum cibi, tum potus, tum labores. His quoque partes corporis inter-

nas laboribus exercere maxime conducit. At si quod in igne est validissimum, & in aqua tenuissimum, contemperationem adeptum fuerit, sicca & calida ea est natura, iique in ignis accessionibus morbo corripuntur; in aquæ vero accessionibus sanitate fruuntur. Ætate vigente ad bonam carnis habitudinem, morbosissimi sunt; senes vero & utrisque proximi, admodum sani. Victus rationes, quæ refrigerent & humectent, & labores minime calefacientes & colliquantes, plurimam refrigerationem afferent. Ejusmodi naturæ longissimæ sunt vitæ, & maxima sanitate fruuntur. Si vero ignis rarissimi & aquæ siccissimæ contemperationem acceperit, sicca & frigida ejusmodi est natura; autumnus quidem morbis obnoxia, vere autem & proximis temporibus, sana. Similiter ætates ad annos quadraginta morbosæ; pueri vero sanissimi, & quum ad utrasque ætates accedunt. Diætæ sint, quæ calidæ humectant, & labores, qui sensim adhibiti leniter calefaciunt, neque multum ex his, quæ adsunt, tollunt. De naturæ igitur cognitione, ea sic a prima constitutione dignoscenda est. Ætates autem ipsæ ad se ipsas, hoc se habent modo. Puer quidem ex humidis & calidis temperatus est, quandoquidem ex his constat, & in his incrementum accepit. Quæ igitur ortui sunt proxima, humidissima & calidissima, & quamplurimum augentur, quæque eodem modo se habent. At adolescens calidus quidem, quoniam ignis accessio aquam superat; siccus vero, quia puerile humidum jam consumptum est, partim quidem in corporis incrementum, partim vero in ignis motionem, partim etiam a laboribus. Vir, quum corpus constitit, siccus, & frigidus, quoniam calidi quidem accessio non amplius superat, sed destitit ab

incremento corpus quiescens, & perfrigeratur. Verum ex juvenili ætate siccitas adest, neque ab accedente ætate, neque aquæ accessione humiditatem habet; ideoque a siccis & frigidis superatur. Senes autem frigidi & humidi; quoniam ignis quidem decessio, aquæ autem accessio adest, & siccitatis quidem sublatio; humidorum vero constitutio. At vero inter omnes, mares quidem calidiores sunt & sicciores; feminae vero humidiores & frigidiores, eam ob causam, quod utrique per exordia in talibus nati sunt, & ex talibus creverunt. Quin etiam in lucem producti (mares,) laboriosiore victus genere utuntur, quo incalescunt ac resiccantur; feminae vero humido magis ac otioso, & singulis mensibus calidi purgationem ex corpore habent.

C A P U T XIII.

Ortus & incrementi humani diversitatem secundum animæ vim rationis, tum intelligentem, tum sentientem edisserit.

AT de ea quæ dicitur animæ prudentia vel imprudentia, sic se res habet. Quod in igne est humidissimum, & in aqua siccissimum, in corpore temperamentum fortia, prudentissima efficiuntur; quoniam ignis quidem ab aqua humiditatem, aqua vero ab igne siccitatem habet. Utrumque autem hoc modo sibi maxime satis esse videtur. Neque ignisimenti indigentior longe proficiscitur, neque aqua motionis inops admodum levis redditur. Utrumque igitur tum hoc modo sibi satis est, tum inter se temperata. Quod enim vicinis minime indiget, id maxime

præsentibus obtemperat, ignis, qui minime, neque necessitate movetur, & aqua, quæ maxime, non per vim. Ex his autem animus contemperatus, prudentissimus est, & memoria maxime valet. Quod si aliquo superinducto usus fuerit, & horum quodcunque increverit, aut contabuerit, imprudentissimus evadit; quare quum sic se habent, ipsa sibi maxime satis esse videntur.

Quod si ignis & aquæ purissimæ contemperacionem acceperit, & ignis aqua paulo inferior fuerit, ii quidem etiam prudentes sunt, pius tamen illis quam in priore (temperacione) deest. quoniam ignis ab aqua superatur, tardamque motionem efficiens, segnius in sensus illabitur. Ejusmodi autem fere stabiles sunt animi, quamcunque ad rem se applicuerint. Quod si recta adhibeatur victus ratio, prudentiores & acutiores præter naturam evadent. His autem conducit, ut victus ratione, quæ ad ignem magis accedat, utantur, & neque cibis, neque potionibus expleantur. Cursibus itaque celeribus utendum, quo & corpus humore vacuetur, & humor celerius sistatur. Lucta autem, frictionibus, & similibus exercitationibus uti non convenit, ne ampliores redditus meatus expleantur. Ab his enim animæ motum gravari necesse est. De ambulationibus etiam tum a cœna, tum matutinis, itemque post cursus, utendum est. A cœna quidem, quo siccius alimentum ab iis, quæ ingeruntur, anima accipiat. Mane vero, ut viæ humore vacuentur, & animæ meatus minime obstruantur. Ab exercitiis autem, ne quod a cursu excretum est, in corpore remaneat, & animæ commixtum, vias obstruat, & alimentum conturbet. Confert etiam, ut vomitionibus utantur, quo corpus repurgetur, si quid remissius labores effecerint. A vomitione autem sensim adjici-

ciendo, cibus offerendus, per quatuor, ut minimum, dies. Ungi vero, quam lavari, magis convenit. Rebus autem venereis in aquæ accessionibus frequentiore utendum; minus vero in ignis incurfionibus.

At si in aliquo inferiorem quam aqua potentiam ignis sortitus sit, tardiores eum esse necesse est, ac tales stolidi appellantur. Nimirum enim quum tardus sit circuitus, paulatim sensus allabuntur, & qui acuti sunt, sensim etiam commiscuntur, propter circuitus tarditatem. Acuti enim sunt animi sensus, qui visione & auditione percipiuntur; qui vero tactu, tardiores & facilius sentiuntur. Has igitur non minus ii sentiunt, quam quæ sunt frigida & calida, & ejus generis. Quæ vero visione & auditione percipienda sunt, quæ non ante sciunt, percipere nequeunt. Nisi enim ab igne illabente commota anima fuerit, id quaecunque sit, non percipiet. Id igitur hujusmodi animis ob crassitiem non contingit. Quod si recta victus ratione utatur, is etiam melior evadere queat. Eadem igitur, quæ priori victus ratio confert; verum cibus tum siccioribus, tum paucioribus, laboribus autem pluribus & vehementioribus utendum. Confert etiam ut fomentis, & post ea vomitionibus utatur, & post vomitus ex longo intervallo cibos exhibeat, si minor vomitus contigerit; quæ si fecerit, magis valebit & prudentior evadet.

Quod si magis a præsentia aqua ignis superetur, hos jam alii dementes, alii attonitos appellant. Eorum autem insania tardior existit. Hi plorant, quum a nemine vexentur, aut verberentur; minime metuenda metuunt, molestia afficiuntur, ubi minime convenit; & sentiunt, quæ prudentes non deceant. Iis itaque fomenta conducunt, & a fomentis purgationes ex veratro, & victus ratio

adhibenda, quam antea dixi; indigetque talis (homo) adtenuatione spiritus, ac siccitate.

At si aqua inferiorem quam ignis facultatem adpta sit, quum sinceram contemperationem habeant, in sanis corporibus prudens est ejusmodi anima, & quæ ingruunt, percipit, neque frequenter ad alia se transfert. Talis igitur natura boni est animi; melior tamen efficietur, si recta victus ratione utatur; ut deterior, si prava. Huic vero victus ratio conducit, quæ ad aquam magis spectet, & neque in cibis, neque in potionibus, neque laboribus modum excedat. Cursibus flexis & circensibus, luctis, & reliquis exercitationibus utatur, dum in nullo modum superet. Si enim corpus bene valuerit, nullaque re alia perturbetur, hæc animæ contemperatio prudens est.

Quod si adhuc magis aquæ vis ab igne superetur, eo acutiorem quidem animam habere necesse est, quo citius movetur, & ad sensus celerius incurrere; verum priore minus stabilem, propterea quod moventur ea, quæ adveniunt, & ad plura alia propter celeritatem feruntur. Huic conducit ea victus ratione uti, quæ magis ad aquam spectet, quam priori, & maza potius quam pane, piscibus quam carnibus, potione etiam dilutiore, & venere rarius uti, & laboribus, qui secundum naturam maxime obeuntur, & quam plurimis; violentis vero, si uti cogatur, paucioribus. Vomitionibus etiam post ipsas repletiones, quo corpus quidem evacuetur, quam minime vero incalescat. His etiam ad prudentiam confert, ut minime carnosæ evadant. Ad bonum enim carnis habitum necesse est sanguinem calidum fieri. Quod quum acciderit, ejusmodi animus, aqua superata, adtracto igne in insaniam incidit. His vero confert, ut negotia cibo sumpto potius quam jejuni obeant.

Commodo enim alimento admixto, stabilius longe animus evadit, quam alimenti indigens.

Quod si adhuc magis aqua ab igne superetur, ejusmodi animus valde acutus est, eosque somniis agitari necesse est. Hos autem subfuriosos vocant. Hoc enim infantiæ proximum est. Etenim a brevi & incommoda inflammatione infantiunt, & in vini potionibus, & carnis bona habitudine, & a carniū esu. Sed & hunc ab his quidem omnibus abstinere oportet, & omni alia repletionē, & exercitationibus, quæ per vim obeuntur. In victus autem ratione, maza non subacta utendum, & oleribus coctis, præterquam purgantibus, & pisciculis ex muria. Quin etiam aquam bibere optimum, si fieri possit; sin minus, quod ad hanc proxime accedit, vinum molle & album. Deambulationibus quoque matutinis multis utatur; a cœna vero solum exsurgat, ne cibi quidem a deambulationibus post cœnam resiccentur, corpus autem a matutinis evacuetur. Aqua autem tepida circumadfusa potius perfundatur, quam ungatur. Confert etiam æstate interdium somno uti breviori, quam multo, ne corpus ab anni tempore exsiccentur. Commodum etiam est vere fotibus antea præparatos potionibus ex veratro purgare; deinde sensim ad victus rationem adducere, neque hunc jejunum negotia obire oportet. Et hac sane cura ejusmodi animus prudentissimus evaserit. Prudentis igitur & imprudentis animi, hæc contemperatio causa est, velut a me scriptum est; victus tamen ratione melior & deterior fieri potest. Ignis autem incurfibus superantibus, forte aquæ aliquid addi non potest, ut neque, si aqua in temperamento prævalet, ignis augeri. Ex his vero prudentiores, & imprudentiores animi efficiuntur.

CAPUT XIV.

Ortus & incrementi humani diversitates quantum ad animi appetentem facultatem enarrat.

AT vero istorum nulla amplius contemperatio, cujusmodi est iracundus, segnis; dolosus, simplex; infensus, benevolus. Horum omnium, meatuum natura, per quos anima meat, causa est. Per qualia enim vasa secedit, & ad qualia allabitur, & qualibus commiscetur, talia (homines) sapiunt. Ideoque hac victus ratione immutari non possunt; naturam enim occultam transformare non licet. Similiter vero & vocis, qualiscunque tandem fuerit, spiritus meatus causa sunt. Per quales enim aer movetur, & ad qualescunque adlabitur, talem esse vocem necesse est. Et hanc quidem deteriorem & meliorem facere possunt: quod leviores & asperiores spiritus meatus reddi queant; illud vero victus ratione permutari non possit.

HIPPOCRATIS

DE

VICTUS RATIONE SANORUM

LIBER SECUNDUS.

PRÆFATIO.

NON indignus est hippocratico nomine boni ordinis liber, quo ea res, quas scholæ dixerunt

non naturales , suis cum viribus recensentur , quas in sano corpore exercent : eas vires auctor ex qualitatibus simplicibus derivat , dulci , acri , aquoso , pingui ; exque viribus ab iis profluentibus , ut adtenuantibus , calefacientibus , refrigerantibus , purgantibus , siccantibus , adstringentibus , humectantibus. Initium facit ab aeribus aquis & locis , neque dissimilia docet eorum , quæ Hipp. in proprio libro docuerat. Fusius agit de cibis in Græcia usu receptis , pane vario & cerealibus ; deinde carnibus , inter quas etiam caninam reperies , & equinam : inde de avibus edulibus paucis , & de numerosis piscibus , quibus Græci mire indulgebant. Hinc potulenta , tunc olera , legumina , herbae , poma , de quibus ea scribit , quæ fere tota posteritas recepit. Porro de culinariis præparationibus , & earum efficacia. Desinit in Gymnasticis , lucta , cursu , balneis. Finis est in modo quo delassati & ab insolitis nimisque laboribus fatigati , per victus rationem restituantur. Vomitus laudat. Ex igne & aqua omnia constitui docet , ut prior.

ARGUMENTUM LIBRI SECUNDI.

Enarrationem principiorum & differentiarum humani corporis (quæ penitus Physica est) sequitur diætæ tractatio , qua corpus humanum vel conservatur in eodem statu , vel secundum qualitatem & quantitatem mutatur. Agit itaque de ventorum ac regio-

regionum singularum naturis, ac situ; de alimentorum facultatibus ac differentiis, ex animalibus ac plantis petitis; de balneis, & externis rebus; ac de variis exercitiis.

C A P U T I.

De locorum situ ac temperie.

AT singularum regionum situm & naturam sic dignoscere oportet. In univ-
sum quidem res ita se habet. Quæ ad meridiem sita, præ ea quæ ad septentriones spectat, calidior est & siccior, quod ad Solem proxime accedat. In his autem regionibus, hominum nationes & quæ e terra producuntur, sicciora, calidiora, & validiora esse necesse est, quam quæ in contrariis, velut Libyca natio (si) cum Pontica (conferatur,) & quæ utrisque vicina sunt. Per se autem ipsæ regiones hoc modo se habent. Alta loca, & arida, & ad meridiem sita, campestribus æqualiter sitis sunt sicciora, quod pauciores humiditates contineant. Illa siquidem aquam pluviam non retinent; hæc contra. Lacustria & palustria humectant & calefaciunt. Calefaciunt quidem, quoniam cava sunt, & circumdantur, & (ventis) minime perflantur; humectant vero, quod quæ e terra producuntur, quibus homines nutriuntur, humidiora sint, & spiritus, quem inspiramus, propter aquam motus expertem, crassior sit. Cava vero & minime aquosa, siccant & calefaciunt. Calefaciunt quidem, quod cava sint & circumdantur: siccant vero, cum propter alimenti siccitatem, tum quod spiritus, quem inspiramus, quum siccus sit, humorem ad

fui nutritionem e corporibus trahat; quum non habeat humidius quidquam, in quod incidens nutriatur. At quum regionibus montes ad austrum adjacent, in his austri æstuosi, & morbosi afflant. Quum vero ab aquilone montes adjacent, in his aquilones perturbant ac morbos efficiunt. Ubi autem ab aquilone cava loca urbibus adjacent, ab æstivis ventis calidus & morbosus hic locus est: propterea quod neque perflans boreas puram spiritus invectionem exhibet, neque ab æstivis ventis perfrigeratur. Quæ autem insulæ continenti sunt vicinæ, eæ rigidiores habent hiemes; marinæ vero hiemem tepidiorum; propterea quod nives & glacies in continenti stationem habent, & ventos frigidos ad vicinas insulas mittunt. In marinis vero, per hiemem stationem non habent.

C A P U T II.

De aëre, & de ventorum natura ac facultatibus diversis.

AT vero de ventis, quam quisque naturam aut facultatem habeat, hoc modo dignoscendum. Omnes quidem venti, tum animalium corpora, tum ea, quæ e terra producuntur, suapte natura ideo humectant & refrigerant, quod ventos omnes a nive, a glacie, a vehementi gelu, a fluminibus & stagnis, & terra humecta ac perfrigerata spirare necesse sit; & validiores quidem ventos a majoribus & validioribus; debiliores vero a minoribus & debilioribus. Quemadmodum enim animantibus spiritus inest, ita in cæteris omnibus, nonnullis quidem minor spi-

ritus, quibusdam vero (major) pro eorum magnitudine. Naturam igitur habent quidem refrigerandi & humectandi venti omnes. Verum propter situm regionum & locorum; per quæ ad regiones quasque accedunt, diversi inter se sunt, frigidiores, calidiores, humidiores, sicciores, morbosiores, salubriores.

Singulorum autem causa ad hunc modum cognoscenda est. Boreas quidem frigidus & humidus spirat, quia ab ejusmodi locis erumpit, & ad loca ejusmodi permeat, ad quæ sol non accedit; neque aërem resiccans humorem ebibit: ideoque ad terram habitabilem, suam ipsius facultatem retinens accedit, quum regionis situ non corrumpitur, & his quidem, qui proxime habitant, frigidissimus est; remotissimis vero minime. At auster a locis, natura aquiloni similibus spirat. Quum enim ab australi axe spiret, & a nive multa, glacieque ac gelu valido irruat, his quidem, qui illic prope habitant, talis spiret, qualis nobis boreas, necesse est. Neque tamen toti regioni similis accedit. Nam, quum per solis accessus in meridiem spiret, exhausta a sole ejus humiditate, resiccatus rarefcit; ideoque calidum & siccum ad nos ipsum pervenire necesse est. Proindeque vicinis regionibus eandem potentiam calidam & siccam ex necessitate impertit. Quod & ipsum sane in Lybia facit; quum, quæ e terra nascuntur, arefaciat, & homines latenter exsiccet. Nam, quum neque e mari, neque e fluvio humorem accipere queat, ex animantibus & plantis humidum exfugit. At ubi pelagus transierit, quum calidus & rarus sit, multa humiditate regionem, ad quam illabitur, implet; atque adeo Austrum calidum & humidum esse necesse est, ubi regionum situs non (aliud) ferant. Ad eundem vero modum reli-

quorum etiam ventorum facultates se habent. Ad singulas autem regiones sic venti comparati sunt. Qui quidem venti ex mari in regiones irruunt, ii quodammodo sicciores sunt. Qui vero e nive, aut glacie, aut stagnis, aut fluminibus, ii omnes tum fata, tum animantia humectant & refrigerant, & corporibus sanitatem præstant, quotquot frigore modum non excedunt. Hi enim, quod magnas in corporibus caloris & frigoris mutationes faciunt, lædunt. Quod sane iis contingit, qui loca palustria & calida, juxta magna flumina, incolunt. At reliqui venti, qui ex prædictis spirant, utiles sunt, tum quod aërem purum & sincerum præbeant, tum etiam animæ calori humiditatem suggerant. Qui autem venti secundum terram flant, eos, quum a sole & terra resiccantur, sicciores esse necesse est. Nam, quum non habeant venti, unde alimentum trahant, a viventibus humorem exsugunt, fataque & animantia omnia lædunt. Et qui quidem relictis montibus ad urbes perveniunt, non solum siccant; verum etiam spiritum, quem adtrahimus, turbant, & hominum corpora morbis obnoxia reddunt. Horum igitur cujusque natura & facultas ad hunc modum cognoscenda est. Quanam autem ratione ad singula se præparare oporteat, procedente oratione demonstrabo.

C A P U T I I I.

De alimentis in universum, mox de cerealibus in specie; ac de panum differentiis ac facultatibus.

AT vero ciborum & potuum singulorum facultatem tum naturalem, tum arte para-

tam, ita cognoscere oportet. Qui igitur in universum, aut de dulcium, aut amarorum, aut pinguium, aut salforum, sive alius cujuscumque rei ejusmodi facultate dicere conati sunt, ii non recte judicant. Neque enim eandem facultatem habent, nec dulcia inter se, neque amara, neque aliorum ejusmodi quidquam. Horum enim multa & alvum dejiciunt, & sistunt, & siccant, & humectant. Eodem modo in reliquis omnibus. Sunt & quæ adstringunt, & per alvum secedunt, & urinas movent. Sunt, quæ horum neutrum faciant. Ad hunc autem modum & ex calefacientibus ac reliquis omnibus, alia aliam habent facultatem. Et quidem omnia qualia sint, declarari non possunt; quam tamen singularia quædam facultatem habeant, docebo. Hordeum natura quidem frigidum & humidum & exsiccat. Inest & quiddam, quod purget, ex pælearum succo. Indicium autem est, quod si hordeum integrum quidem coquere velis, vehementer purgat is succus; si vero decorticatum (coxis) refrigerabit magis, alvumque sistet. Quum autem tostum fuerit, humor qui purgat, igne adimitur; frigiditas autem & siccitas relinquitur. Quod si refrigerare & siccare oporteat, in ipsum polenta perficiet.

Maza cujusvis generis sic utimur, eamque habet maza facultatem. Farinæ confusaneæ minus quidem nutriunt; magis autem per alvum secedunt. Puræ vero plus nutriunt: minus autem per alvum secedunt. Maza pridem subacta, conspersa, sine intritione, levem facit, & facile secedit, & refrigerat. Refrigerat quidem, quia frigida aqua frigesacta est; secedit vero, quia cito concoquitur; levem vero facit, quia multum alimenti cum flatu foras exit. Quum enim alimenti transitus angustiores sint, aliud quod superadditur,

non recipiunt; & pars quidem cum spiritu adte-
nuata foras excernitur: pars vero, quæ intus
manet, flatum inducit; partimque etiam superne
eructatur, partim per inferiora secedit. Multum
itaque alimentum e corpore exspirat. Quod si
mazam statim, ut subacta est, exhibere velis, ea
siccandi vim habet, quod nimirum polenta quum
sicca sit, atque ita aqua irrigata in ventrem ca-
lida incidat, humorem ex ipso trahit. Calidum
siquidem frigidum, & frigidum calidum trahere
solet. Ventriculi autem humore consumpto, re-
siccari necesse est. Aqua vero, quæ simul mazam
subiit, inducta, refrigerat. Quæ igitur aut in
alvi profluvii, aut alius ejusmodi caliditatis pro-
fusione, siccare aut refrigerare oportet, hæc maza
efficiet. At vero sicca intrita, exsiccatur quidem,
non æque tamen, propterea quod vehementer
condensata est; alimentum vero plurimum cor-
pori impertit, quum nimirum sensim ipsius eli-
quatae alimentum viæ excipiant. Per alvum igi-
tur tarde secedit; flatum tamen minime excitat,
neque ructus adfert. Quæ autem jam pridem
subacta & intrita est, nutrit quidem minus; sed
alvum movet & flatum magis inducit.

Cyceon autem cum farina solum in aqua refrige-
rat & nutrit; cum vino autem calefacit, ac nutrit
& sistit; cum melle, minus quidem calefacit & nu-
trit; magis vero alvum subducit, si mel purum fue-
rit; alioqui alvum non ciet, sed sistit. Cum lacte
autem, omnes (cyceones) quidem nutriunt; ve-
rumtamen ovillum lac alvum sistit; caprinum
vero magis alvum subducit: bubulum minus:
equinum & asininum alvum magis movent. Tri-
ticum hordeo quidem est valentius, & magis nu-
trit, minus autem alvum subducit, tum ipsum,
tum succus. Panis autem ex tota farina factus,

ficcat & alvum subducit; purus vero plus quidem nutrit, minus vero alvum dejicit. Ex ipsis autem panibus, fermentatus quidem levis est, & per alvum secedit. Ac levis quidem est, quoniam fermenti acore humiditas est consumpta, quæ sane alimentum est; secedit autem, quia cito coquitur. At non fermentatus, minus quidem alvum dejicit, plus vero nutrit. Ex succo autem subactus, levissimus est, etenim abunde nutrit, & per alvum secedit. Nutrit quidem, quia purus; levis vero est, quod cum levissimo subactus sit, & ab eodem fermentatus ac tostus. Per alvum autem secedit, quod dulci & alvum subducenti tritici parti commixtus sit. Ex panibus autem maximè plurimum habentimenti; quod humidum ab igne minime exuratur. Et furnacei panes magis nutriunt, quam focarii & veruarii, quod minus ab igne exurantur. Testacei vero & subcinericii, siccissimi: hi quidem propter cinerem; illi vero propter testam, humido exsucto. Similaginei autem horum omnium validissimi sunt; multoque magis qui ex alica parantur, admodum nutriunt; verum non æque subducunt. Farina pura ex aqua pota refrigerat: & lotura farinæ aqua subactæ, igne cocta. Furfurum succus coctus, levis, alvum subducit.

At farinæ ex lacte exhibitæ, propter serum magis per alvum secedunt, quam quæ ex aqua; præcipueque si cum alvum dejicientibus miscantur. Quæ vero farinæ cum melle & oleo incoquantur, aut assantur, omnes æstum & ructum excitant: ructum quidem, quod quum multum alimentum exhibeant, per alvum minime secedunt; æstum vero, quod quum pingues & dulces sint, & inter se convenient, neque ejusdem cocturæ indigeant, in eodem sunt.

Similago & alica cocta, validum & multum alimen

tum exhibent; non tamen per alvum secedunt. Tragus sive olyra, tritico levior, & quæ ex ea conficiuntur, his similiter, quæ ex tritico parantur; magis tamen per alvum secedunt. Avena in cibo & sorbitione sumpta, humectat & refrigerat. Polentæ ac farinæ recentes vetustis sicciores sunt, quod igni & præparationi viciniore sint. Quæ ubi vetustæ sunt, calor exspirat, frigiditas vero inducitur. Panes calidi quidem siccant, frigidi vero minus; gracilitatem tamen quandam inferunt.

C A P U T IV.

*De leguminibus, carne, & succo carnis
universim.*

FABÆ alimentum quoddam alvum sistens & flatuosum exhibent. Flatuosum quidem, quoniam meatus aliud superveniens alimentum non excipiunt; alvum autem sistens, quoniam totam alimenti fæcē continet. Pīsa minus quidem inflant; magis autem alvum dejiciunt. Eruihiæ autem & phaseoli, his magis alvum dejiciunt, minus vero inflant, & probe nutriunt. Cicer album, alvum & urinam movet, & nutrit. Nutrit quidem, quod carnosum est; dulce per urinam redditur; falsuginosum per alvum demittitur. Milii grana ac paleæ siccant, & alvum sistunt: & cum ficubus, vehementibus doloribus (succurrunt). Milium autem coctum nutrit, minime tamen per alvum secedit. Lentæ æstuosæ sunt & turbant, & neque alvum dejiciunt, neque sistunt. Ervum vero alvum sistit & validum est, incrassat, explet, & bonum colorem homini conciliat. Lini semen nutrit & alvum sistit, &

aliquid habet refrigeratorium. Hormini semen consimilia lini semini efficit. Lupini natura validi & calidi; præparatione tamen leviores & frigidiores evadunt, & per alvum secedunt. Irio humectat & alvum dejicit. Cucumeris semen, urinam magis, quam alvum, movet. Sefamum non lotum per secessum abit; implet autem & incrassat: alvo quidem secedit propter exterius putamen; carne vero implet & incrassat: lotum vero, alvum quidem minus dejicit; incrassat autem, & explet magis: siccatur vero & urit, quia pingue & oleosum. Cnicus autem dejicit. Papaver sistit, idque nigrum præstat magis, quod etiam album facit; potenter autem nutrit. Horum omnium succus magis, quam caro, alvum movet. Hæc igitur in præparatione adhibenda cautio, ut in quibus siccare velis, in iis succo detracto carne utaris; in quibus vero alvum movere, succo plurimo, & carne pauciore, ac bene succulenta.

C A P U T V.

De iis, quæ ab animalibus sumuntur, alimentis; quadrupedibus, volucribus, piscibus.

DE animalibus autem, quæ in cibum veniunt, sic sentiendum. Carnes bubulæ validæ sunt, & tardæ ac difficiles concoctu ventribus; quoniam crassi & multi sanguinis est hoc animal. Et carnes in corpus sumptæ graves sunt, eædemque carnes & sanguis, & lac. Quorum autem animalium lac tenue est, & sanguis similiter, eorum quoque carnes consimiles sunt. Caprinæ carnes his leviores sunt, & magis alvum dejiciunt. Suillæ his quidem magis corpus roborant, & abunde

alvum dejiciunt : propterea quod tenues, paucumque sanguinem continentes venas (hoc animal) habet; multam vero carnem. Agninæ ovillæ sunt leviores, & hœdinæ caprinis: quia exsangues magis & humidæ. Sicca enim & valida natura animantia, quum quidem tenera sunt, per alvum fecedunt, quum vero adoleverint, non item, & vitulinæ carnes ad bubulas eodem se habent modo. At porcellorum carnes suillis sunt graviores; hoc enim animal natura carnosum & exsangue, quamdiu tenellum est, superabundantem habet humiditatem. Quum ergo superinjectum alimentum meatus non suscipiunt, id quod remanet, ventrem calefacit & turbat. Carnes asininæ per alvum fecedunt; sed pullorum præsertim, & equinæ sunt leviores. Caninæ calefaciunt & siccant, roburque afferunt, non tamen per alvum fecedunt; catulinæ vero humectant, & alvum dejiciunt. Sylvestris suis (caro) siccant, & robur affert, alvumque dejicit: cervi vero siccant, & minus alvum dejicit, magis autem urinam provocat. Leporina sicca est & alvum moratur: urinam tamen quodammodo ciet. Vulpina humidior est. Erinaceorum terrestrium carnes urinam provocant; verum humectant.

At vero de volucribus sic se res habet. Omnes fere volucres quadrupedibus sicciores sunt: nam quæ vesicam non habent, neque urinam reddunt, neque salivam fundunt, prorsus sicca sunt; ventris enim caliditate corporis humiditas in caloris alimentum absumitur; atque idcirco neque urinam reddunt, neque salivam fundunt. Cui autem ejusmodi humiditates defunt, id ipsum necessario siccant. Palumbis igitur caro siccissima apparet: deinde columbæ, tertio perdicis, & galli, ac turturis: anseris vero, maxime humida. Quæ autem semina

legunt, prioribus sicciore sunt. Anatis vero carnes, & reliquarum (avium,) quæ in paludibus aut aquis degunt, omnes humidæ sunt.

Ex piscibus siccissimi quidem hi: scorpius, draco, callionymus, cuculus, glaucus, perca, thrissa: leves vero, faxatiles fere omnes; velut turdus, phycis, elephitis, gobio. Tales autem & prædicti, erronibus leviores sunt: quum enim quiescant, raram & levem carnem habent. Errones autem & undas verberantes, laboribus adtriti, solidiorem carnem obtinent. Torpedines, & squatinæ, ac rhombi, & ejusmodi, leviores sunt. Qui vero pisces in cœnosis & paludosis locis cibum capiunt, velut capitones, mugiles, anguillæ, & reliqui id genus, graviores sunt, quod ab aqua & luto, & his quæ illic producuntur, nutriuntur: ex quibus etiam spiritus haustus hominem lædit & aggravat. Fluviatiles autem & palustres, his etiam graviores sunt. Polypi vero & sepix, atque ejusmodi, neque leves sunt, ut videntur, neque alvum dejiciunt, idcircoque, si edantur, oculos gravant: illorum tamen jus alvum movet. Conchyliæ vero, velut pinnæ, purpuræ, patellæ, buccinæ, ostrea, ea quidem sicca sunt: horum autem succi alvum movent. Mytuli, pectines & tellinæ his magis per alvum secedunt. Urticæ, & qui cartilaginei sunt generis, maxime humectant & alvum dejiciunt. Erinaceorum ova, & locustarum humor, muscoli, & ursi, & cancri, præsertim fluviatiles, sed & marini, alvum movent, & urinam provocant. Sale conditi siccant & attenuant: plerique etiam leniter alvum dejiciunt: ex salitis siccissimi quidem marini, deinde fluviatiles, palustres maxime humidi. Inter sale conditos pisces, qui percæ nominantur, valde siccant.

Ex cicuratis autem animalibus, quæ in syl-

vis & agris pascuntur, iis quæ domi nutriuntur, sunt sicciora; quia laborando a sole & rigore resiccantur, & siccioire spiritu utuntur. Fera etiam animalia mansuetis sicciora, & crudivora, quæque sylvarum materia pascuntur, & quæ parum edunt, multum edentibus sicciora; quæque fœno pascuntur, iis quæ herbis; item quæ fructus edunt, iis quæ minime fructibus victitant; quæque parum bibunt, iis quæ multum; & quæ multo sanguine abundant exsanguibus & paucum sanguinem habentibus; & quæ in ætatis vigore sunt constituta, potius quam admodum vetusta: & juvencula, & mascula quam feminea, & castrata, quam non castrata; nigra quam alba, & hirsuta quam nuda. His vero contraria, humidiora.

Animalium autem ipsorum carnes validissimæ quidem, quæ maxime laborant, & sanguine abundant, & supra quas recumbunt. Levissimæ vero carnes sunt, quæ minime laborant, & in umbra latent, & in intimis animalis partibus sitæ sunt. Exsanguium autem validissimæ, cerebrum & medulla. Levissimæ quæ sunt in ventre inferiore, muscoli, pectines, pedes. Piscium siccissimæ sunt partes superiores, levissimæ ventris inferioris, & capita humidiora, propter pinguedinem & cerebrum. Volucrum ova validum quid, & nutriens, & inflans habent: validum quidem, quoniam animalis generationem continent: nutriens vero, quod hoc in pullo lactis rationem habeat: inflans autem, quia ex parva mole in multam diffunditur. Caseus validus est, æstuosus, & alit, alvumque sistit: validus quidem, quod generationi sit proximus: alit vero, quia lactis carnosa pars in eo remanet: æstuosus est, quia pinguis; alvum autem sistit, quia ex succo & coagulo constat.

C A P U T VI.

De poculentis , aqua , vino , aceto , sapa , lora.

AQUA frigida & humida est; vinum calidum & siccum; habet & purgans quiddam a materia. Vina nigra & austera, sicciora sunt, neque per alvum secedunt, neque urinam aut sputum movent; sed corporis humiditatem absumendo siccant & caliditatem inferunt. Mollia vero nigra, humidiora sunt, & inflant, alvumque magis dejiciunt. Dulcia nigra, humidiora sunt; calefaciunt autem, & inflant, quum humiditatem inducant. Alba vero & austera calefaciunt, magis autem urinam movent quam alvum dejiciant. Vina recentia alvum magis movent, quod musto sint propiora, & nutriunt; item odora magis quam inodora ejusdem ætatis, quia facilius concoquuntur, & crassa, quam tenuia. At tenuia dulcia urinam magis & alvum movent, corpusque humectant, & sanguinem imbecillum reddunt; quum infestum corpori sanguinem in corpore augeant. Mustum flatum movet, & subducit, conturbatque, alvumque dejicit. Flatum quidem movet, quod calefaciat; e corpore autem subducit, quia purgat; conturbat autem, quia in ventriculo fervet, & alvo secedit. Vina acida refrigerant, extenuant, & humectant. Refrigerant quidem & extenuant, quod humidi e corpore vacationem moliantur; humectant autem, ob aquam una cum vino ingredientem. Acetum refrigerat, quod corporis humidum colliquando absumat; magis autem alvum sistit, quam dejiciat, quia minime alit, & acre est. Sapa calefacit, humectat, & subducit. Calefacit quidem quia

vinosa : humectat vero, quod nutriat, subducit autem quia dulcis. Fæces vinaceæ humectant, subducunt, & flatum excitant; quod etiam multum idem efficiat. Mel calidum & siccum, quum est sincerum, ex aqua vero humectat, & biliosis alvum dejicit, pituitosis vero sistit. At vero vinum dulce, pituitosis magis per alvum secedit.

C A P U T VII.

De herbis & oleribus.

DE oleribus autem sic se res habet. Allium calidum est, & alvum movet, & urinam ciet, oculis minime bonum. Quum enim multam corporis purgationem faciat, visum hebetat; alvum autem & urinam ciet, propter vim purgantem; coctum crudo imbecillius; flatum autem parit, propter spiritus vehementiam. Cepa visui quidem commoda: corpori vero noxia; quoniam calida & æstuosa, & per alvum non secedit: nulum enim alimentum corpori, neque utilitatem præbet; calefaciendo autem exsiccat propter succum. Porrum minus quidem calefacit, urinam vero & alvum movet; etenim habet quid purgatorium; humectat autem, & ructum acidum sedat, ipsumque post reliquos cibos comedere præstat.

Raphanus humectat, pituitam sua acrimonia diffundendo: folia vero non tantum vim habent; sed radix infesta est arthritico morbo laborantibus: per summa autem fluitat, & ægre concoquitur. Nasturtium calidum est, & carnem liquefacit; pituitam albam sistit, proindeque stranguriam infert. Sinapi calidum est, & alvum de-

jicit; sed & hoc urinæ difficultatem parit. Quin & eadem eruca facit.

Coriandrum calidum, alvum sistit, & ructum acidum sedat, somnum conciliat, si postremo loco edatur. Lactuca frigidissima est priusquam succum habeat; imbecillitatem autem quandam corpori infert. Anethum calidum, & alvum sistit, olfactumque iter-nutamentum sedat. Apium urinam magis quam alvum movet; radices etiam magis, quam ipsum, alvum movent. Ocimum siccum est, calidum, & alvum sistit. Ruta urinam magis quam alvum movet; quandam etiam condensandi vim habet, & præpota adversus venena valet. Asparagus siccus est, & alvum sistit. Salvia sicca est, & alvum sistit. Solanum refrigerat, & in somnis semen effundere non permittit. Portulaca recens refrigerat, & sale condita calefacit, & purgat. Calamintha calefacit, & urinam movet. Mentha calefacit, & urinam ciet, vomitionemque sistit; ac si quis eam sæpe comedat, ejus genitale semen ita colliquefacit, ut effluat, & arrigere prohibet, corpusque imbecillum reddit. Rumex calefaciendo alvum movet. Atriplex humida est, belle tamen alvum dejicit. Blitum non calidum, alvum movet. Brassica calefacit, per alvum secedit, & biliosa educit. Betæ succus quidem alvum dejicit: olus autem ipsum cibo sumptum sistit; radices vero betæ alvum magis movent. Cucurbita refrigerat, & humectat, alvoque secedit. Rapum æstuosum est; humectat autem & corpus conturbat, non tamen per alvum secedit; verum urinæ difficultatem adfert.

Pulegium calefacit & alvum movet. Origanum calefacit, biliosa tamen subducit. Thymbra eadem, quæ origanum, efficit. Thymum calidum, alvum & urinam movet; & pituitosa educit. Hyssopum calidum, & pituitosa ducit.

Ex agrestibus autem oleribus, quæ os calefaciunt & odorata sunt, ea calefaciunt, & urinam potius quam alvum movent. Quæ vero humidam habent naturam & frigidam, ac insipidam, & odorem gravem, per alvum magis secedunt quam per urinam. Quæ acerba & austera, alvum sistunt. Quæ acria & odorata, urinam provocant. Quæ acria & sicca sunt in ore, ea omnia siccant: quæ acida, refrigerant. Hi succi urinam movent, crethmi, apii, allii cremor, cytisi, fœniculi, porri, adianti, solani, qui & refrigerat, scolopendrium, mentha, fœfeli, caucalides, hypericum, urticæ. Alvum vero movent & purgant, cicer, lens, hordeum, beta, brassica, mercurialis, sambucus, cnicus. Hæc omnia alvum potius quam urinam movent.

C A P U T VIII.

De fructibus diversis.

AT vero de fructibus autumnalibus, sic se res habet. Fructus feminibus referti alvum magis movent; virides magis quam sicci. Horum autem facultas explicabitur. Mora calefaciunt, & humectant, per alvumque secedunt. Pyra matura calefaciunt, & humectant, & alvum dejiciunt; dura vero sistunt. Pyra silvestria, hiberna, matura alvum movent, eamque purgant; cruda vero sistunt. Mala dulcia ægre concoquuntur; acida autem & matura minus. Cydonia adstringunt, neque alvum dejiciunt. Malorum autem succi vomitiones sistunt & urinam promonent, quod & odor ante vomitionem præstat. Mala silvestria alvum sistunt; cocta vero comesta magis

magis alvum dejiciunt : ad respirationem , quæ non nisi erecta cervice fit , tum eorum succi , tum ipsa quoque epota juvant. Sorba , mespila , corna , aliique id genus fructus , alvum sistunt , & acerbi sunt. Mali punici dulcis succus alvum dejicit ; verum æstuosum quiddam habet. Mala punica vinosa minus æstuosa sunt : acida vero magis refrigerant. At omnium nuclei tardæ coctionis. Cucumeres crudi , frigidi , ægreque concoquuntur : maturi vero , urinam & alvum dejiciunt ; verum flatus excitant. Uvarum racemi , calidi & humidi , alvum dejiciunt ; præcipue quidem albi. Dulces igitur potenter calefaciunt , quod multum jam calidi obtineant : immaturi vero minus calefaciunt ; potu autem magis purgant. Ficus & uvæ passæ æstuosæ sunt , alvum tamen dejiciunt. Ficus viridis humectat , alvum dejicit , & calefacit : humectat quidem , quod succo prægnans sit ; calefacit vero propter lac : sed alvum dejicit , propter ejusdem dulcedinem. Primæ ficus vitiosissimæ , quia lacte plenissimæ ; optimæ autem postremæ. Ficus aridæ æstuosæ , alvum tamen dejiciunt. Amygdalæ æstuosæ sunt , & nutriunt , his de causis : æstuosæ quidem , quia pingues ; nutriunt autem , quia carnosæ. Nuces rotundæ his similiter sunt. Latæ vero maturæ , nutriunt & alvum dejiciunt. Purgatæ autem , etiam flatus pariunt ; earum vero tunicæ alvum sistunt. Glandes ilignæ , quercinæ & fagineæ , crudæ & tostæ alvum sistunt ; coctæ vero , minus.

C A P U T IX.

De carnibus quibuscunque ; de conditura , natalibus , effectis , tempore , & coctura alimentorum.

Princ. Art. Med. Tom. IV.

D

CARNES pingues æstuosæ, sed alvum deji-
ciunt. Carnes conditæ ac adservatæ in vino,
siccant & nutriunt. Siccant quidem propter vi-
num; nutriunt vero propter carnem. Aceto au-
tem conditæ, calefaciunt certe, propter acetum
tamen minus; sed abunde nutriunt. At sale con-
ditæ, minus quidem nutriunt, humido a sale
spoliatæ; extenuant tamen & siccant, abundeque
alvum dejiciunt. Singulorum autem vires ad
hunc modum detrahere, & adjicere oportet.

Ex igne & aqua constant cuncta, tum animantia
tum plantæ, & ex his concreescunt, ac in hæc resol-
vuntur; firmorum ciborum vim sæpe elixando &
exsiccando auferre; & augere rursus ad hunc mo-
dum oportet. Humidorum quidem, torrendo &
assando, humiditatem detrahere; siccorum vero,
macerando & irrigando siccitatem: falsorum autem
macerando & coquendo falsuginem. Amara & acria
dulcibus, acerba vero pinguibus permiscendo: ac
de reliquis omnibus ex prædictis æstimare oportet.

Quæcunque tosta aut assata sunt, crudis ma-
gis alvum sistunt; quod humidum, & suc-
culentum, & pingue ab igne detractum sit.
Quum igitur in ventriculum inciderint, humi-
dum ad se e ventre trahunt, & venarum oscula
exsiccando & calefaciendo occludunt; proindeque
humoris transitus coarctant. Quæ vero e locis
minime aquosis, siccis & æstuosis proveniunt, ea
omnia ficciora & calidiora sunt, & robur plu-
rimum corpori exhibent; eo quod pari mole &
copia graviora sunt ac densiora, uberiolemque
fetum ferunt, quam quæ humidis, riguis, & fri-
gidis locis nascuntur. Ea autem humidiora, le-
viora & frigidiora sunt. Neque igitur solum ip-
sius cibi & potus, atque animantium, sed & pa-
triæ, ex qua oriuntur, vim nosse oportet. Quum

ergo ex iisdem etiam cibis validum alimentum corpori offerre volent, his, quæ ex locis minime aquis prodeunt, utendum, tum cibis, tum potionibus, tum animantibus. Quum vero levius atque humidius, his, quæ ex riguis locis nascuntur, utendum.

Dulcia, acria, falsa, amara, austera, & carnosa calefacere solent, tum quæ sicca sunt, tum quæ humida. Quæ igitur plus siccæ partis in se habent, ea siccant quidem & calefaciunt. Quæ vero plus humidæ partis, hæc omnia calefaciendo humectant, & magis quam sicca per alvum secedunt. Nam quum alimentum amplius corpori præbeant, in ventriculum repugnantiam faciunt, & humectando alvum dejiiciunt. Quæ vero calefacientia siccant, tum cibi, tum potus, neque sputum, neque urinam, neque dejectionem cientia, corpus siccant has ob causas. Incalescens corpus humido vacuatur: partimque ab ipsis cibis, partim etiam a calore animæ in alimentum absumitur; partim vero calefactum & adtenuatum, per cutim foras propellitur. Dulcia vero, pingua, & oleosa idcirco implent, quia ex parva mole multum se diffundunt: calefacta vero & diffusa, calore corpus replent, & tranquillum reddunt. Acida autem, acria, austera, acerba, & ex toto collata, & sicca, non implent; ideo quod venarum ora tum aperiunt, tum expurgant: & partim quidem siccantia, partim vero mordentia & adstringentia horrorem inferunt, & carnis humidum in parvam molem contrahunt: atque ita vacuum multum in corpore oritur. Quum igitur paucis implere, vel multis vacuare voles, hisce utitor.

Recentia omnia plus roboris quam cætera exhibent; propterea quod vivo sunt propinquiora. At vetusta autem ac marcida, quod ad putredinem magis accedant, recentibus alvum

magis dejiciunt. Cruda vero alunt, & ructus excitant, quod quæ igne coqui oporteat, ea ventriculus, his quæ ingeruntur, quum debilior sit, conficere cogatur. At vero opsonia ex intritis præparata, ideo sunt æstuosa & humida, quod pingua; & ignea, & calida, & inæquales inter se vires fortita, in eodem resident: quæ vero muria condiuntur, meliora, & minime æstuosa.

C A P U T X.

De balneis, unctiōe, aëre, sudore, venere, vomitu, somno, labore, quiete, & cibatione; de iis denique universim, quæ corpus quomodolibet ingrediuntur.

DE balneis autem ita se res habet. Aqua potabilis humectat & refrigerat; nam corpori humiditatem impertit. Salsum vero balneum calefacit & siccatur; quum enim natura calidum sit, humiditatem e corpore trahit. At balnea calida jejunum quidem hominem extenuant, & refrigerant; caliditate enim humidum e corpore tollunt, eoque e carne vacuato, corpus refrigeratur: post cibum autem calefaciunt & humectant, quum ea, quæ in corpore sunt, in majorem molem diffundant. Frigida vero balnea, contra. Vacuo quidem corpori frigidum (balneum) calorem quandam impertit; at post cibum humiditatem præsentem tollit, & sua frigiditate, siccum quod adest, auget. Balnei abstinentia, consumpta humiditate, siccatur: eodem sane modo neglecta unctio. At vero unctio calefacit, humectat, & emollit. Sol autem & ignis has ob causas siccant: quod calida quum sint & sicca, e corpore humiditatem trahunt;

umbra vero, & frigus, moderate humectant; plus enim dant, quam accipiunt.

Sudores omnes exeuntes, & siccant & adtenuant, humido e corpore evanescente. Veneris usus extenuat, humectat, & calefacit. Calefacit quidem ob laborem, & humiditatis excretionem; adtenuat autem ob vacuationem: humectat vero propter id, quod ex colliquatione a labore in corpore relictum est.

Vomitiones (vero) extenuant, propter alimenti evacuationem; neque tamen siccant, si quis postridie recte medeatur: sed propter repletionem, & carnis ex labore colliquationem humectant. At si quis hæc postridie in alimentum a calore consumi sinat, sensimque diætæ adjiciat, siccant. Alvum autem coactam vomitio solvit, & plus æquo fluidam sistit: illam quidem humectando; hanc vero siccando. Quum igitur quis alvum celerrime sistere velit, devoratum cibum priusquam humescat, & deorsum detrahatur, evomere eum oportet, & acerbis ac austeris cibariis potius uti. Ubi autem alvum solvere velit, quamplurimo tempore immorari cibus confert, & acribus ac falsis, & pinguibus, dulcibusque, tum cibariis, tum potionibus uti.

Somni jejunum quidem extenuant & refrigerant, si non longi fuerint, eam, quæ adeit, humiditatem vacuantes. Si vero longi excalefacientes carnem colliquant, corpusque resolvunt, & imbecillum reddunt. Post cibum autem calefacientes humectant, alimentum in corpus diffundendo. A matutinis deambulationibus somnus maxime siccet. Vigilia vero post cibos noxia, quum cibum colliquefcere non sinat: jejunos autem extenuat quidem; at minus lædit.

Ignavia humectat, & corpus imbecillum reddit. Anima enim quiescens non abducit humorem e

corpore. Labor vero siccatur, corpusque validum efficit. Semel die sumptus cibus extenuat & siccatur, alvumque sistit: quoniam animæ calore ventris & carnis humidum absumitur. Prandium vero uni cibatu contraria efficit. Aquæ potus calidus extenuat: eodemque modo etiam frigidus. At vero plus æquo frigidus tum spiritus, tum cibus, & potus, humidum in corpore cogunt, & concretione ac frigore alvos sistunt; nam animæ humiditatem superant. Contraque etiam caloris excessus in tantum cogit, ut diffundi nequeat. Quæ vero corpus calefaciunt, neque alimentum exhibent, carnem humore vacuant, & quum nihil excedant, frigiditatem homini conciliant: humiditate enim, quæ adest, evacuata, spiritu adventitio repletus, refrigeratur.

C A P U T X I.

De exercitiis, tum in genere, tum in specie.

AT vero de laboribus, quam habeant facultatem, ita dignoscendum. Sunt enim quidam naturales, quidam violenti: naturales igitur sunt, visus labor, auditus, vocis, curæ. Ac visus quidem hæc est facultas. Anima in id quod videtur intenta, movetur & incalescit; calefacta vero, humido vacuato, exsiccatur. Per auditum autem irrumpente sono, anima concutitur, & laborat; laborans vero calefit & siccatur. Quæcunque in cura hominibus contingunt, ex his anima calefit & siccatur; humidoque absumpto laborat, & carnes adtenuat, hominemque vacuat. Quicunque sunt vocis labores, velut sermo, aut lectio, aut cantus, ii omnes animam movent; mota vero siccatur & calefit, humidumque cor-

poris absument. At deambulationes, etiam si maxime præ reliquis naturales sint, habent tamen quid violentum; earum autem hæc est facultas. A cœna deambulatio alvum, corpus, & ventrem exsiccatur, ipsumque hanc ob causam pinguem fieri non sinit. Quum homo movetur, tum corpus, tum cibi incalescunt. Humiditatem igitur caro attrahit, neque circa ventrem congregari sinit. Impletur igitur corpus, venter vero extenuatur; has autem ob causas exsiccatur. Quum movetur corpus & calefit, quod alimenti tenuissimum est, consumitur partim ab insito calore; partim vero una cum spiritu foras excernitur: partim etiam per urinam emittitur. Quod vero in cibis est siccissimum, remanet; ita ut cum ventre simul etiam caro siccetur.

Deambulationes matutinæ extenuant, & quæ circa caput sunt partes, leves & agiles, & promptas efficiunt, alvumque solvunt. Extenuant quidem, quia quum agitetur corpus, incalescit, & humidum partim quidem a spiritu adtenuatur, & purgatur; partim vero emungitur, & exscreatur; partim etiam ab animæ calore in alimentum absumentur. Alvum autem solvunt, quod quum calida sit, spiritu frigido ex superioribus partibus irruente, frigido calidum cedit. Leves autem circa caput partes hæc ob causas efficiunt. Ubi evacuata est alvus, calida quum sit, e reliquo corpore & capite humidum ad se adtrahit. Vacuato autem capite, repurgatur visio, & auditio, & agiles homines redduntur. At deambulationes post exercitia, corpora pura reddunt & emaciant; neque carnis colliquationem, ex labore provenientem, consistere sinunt; sed eam repurgant.

Cæterum ex cursibus hæc contingunt. Longi quidem & non flexi, sensim adaucti carnem calefacientes concoquere ac diffundere queunt,

& ciborum facultatem in carne concoquunt ; tardiora tamen & crassiora corpora efficiunt , quam qui in orbem fiunt. His autem , qui multum comedunt , commodiores sunt , & hieme magis quam æstate. Qui vero in veste ob-euntur cursus , eandem facultatem habent ; sed magis calefaciunt , humidioraque corpora & decoloratione reddunt : quia purus extrinsecus irruens spiritus ea non repurgat ; sed in eodem spiritu exercentur. Siccis igitur & multum carnosus conferunt , quum quis carnem detrahare volet , & senioribus propter corporis frigiditatem. Cursus autem reciproci , & indefiniti equestres , carnem quidem minus diffundunt : sed magis extenuant , quia quum externis animæ partibus hi labores obeantur , humidum ex carne revellunt , corpusque adtenuant & exsiccant. Circulares vero cursus , carnem quidem minime pervadunt ; sed extenuant ; carnemque & ventrem maxime aperiant ; quod cum citissimo spiritu utantur , humidum ad se promptissime attrahunt. Cursus vero dimissis manibus derepente quidem siccant ; neque tamen idonei , neque utiles sunt. Convulsiones enim inducunt , propterea quod calefactum corpus cutem vehementer tenuat ; carnem vero minus cogunt quam cursus circulares , eandemque humore evacuant.

Commotiones , & in sublime saltationes carnem quidem minime excalefaciunt ; sed corpus & animam commovent , & spiritu vacuant. Lucta vero & frictio exterioribus corporis partibus laborem magis præbent ; carnem autem calefaciunt , firmant , ac augeri faciunt , ob hanc causam. Quæ natura solida sunt , dum fricantur , in se coeunt ; cava vero augescunt , & quæcunque venas habent. Calefactæ enim & exsiccatae carnes alimentum ad se per

venas trahunt ; deinde increfcunt. Volutatio in pulvere eadem , quæ lucta facit ; fed propter pulverem magis exficcat , carnemque minus gignit. Lucta, quæ fummis manibus fit, extenuat, carnesque furfum trahit. Cum folle decertatio , & manuum gesticulatio , confimilia efficiunt. Spiritus retentio meatus per vim cogere , cutem tenuare , & humiditatem ad cutem propellere valet.

Quæ in pulvere & oleo exercitationes obeuntur, hoc differunt : pulvis quidem frigidus ; oleum vero eft calidum. Oleum quidem hieme corpus magis auget ; quoniam quid auferre e corpore frigus prohibet. Æftate vero oleum, calorem vehementer adangens, carnem colliquat ; quum & a tempore , & oleo , & labore incalefcant. Pulvis autem æftate incrementum magis juvat. Quum enim corpus refrigeret, ultra modum incalefcere non finit ; hieme vero frigus & algorem adfert. Morari autem poft exercitationes in pulvere per æftatem modico tempore , refrigerando quidem juvat ; diu vero, fupra modum exficcat, & corpora dura ac arida reddit. Frictio ex oleo & aqua emollit, neque vehementer incalefcere finit.

C A P U T XII.

De exercitiorum accidentibus, veluti laffitudinibus.

AT de laffitudinibus, quæ in corporibus nafcuntur , ad hunc fe res habet modum. Homines quidem inexercitati ab omni labore laffantur. Nulla enim corporis pars ad ullum aliquem laborem exercitata eft. Exercitata autem corpora ab infuetis laboribus laffantur. Quædam vero etiam a confuetis exercitiis laffantur, fi his

supra modum utantur. Et ea quidem sunt lassitudinum genera. Earum vero facultas talis est. Nam non exercitati, humidam carnem habentes; quum laboraverint, calefacto corpore, multam colliquationem dimittunt. Quidquid igitur exsudaverit, aut cum spiritu repurgatum fuerit, non aliam molestiam affert, nisi corporis parti præter consuetudinem vacuatæ: sed quidquid colliquationis intus remanserit, non modo parti corporis præter morem vacuatæ molestiam exhibet, imò & ei parti, quæ humiditatem suscepit: neque enim corpori commodum est, sed infestum. In non carnosas quidem corporum partes haud æqualiter coit, sed in carnosas, ita ut his quidem, donec exeat, molestiam exhibeat. Nempe quum circuitum non habeat & quiescat, tum ipsum, tum ea, quæ irrumpunt, incalescunt. Si igitur copiosum fuerit, quod secretum est, id quidem, quod sanum est, superat, ita ut totum corpus concalescat, & vehementem febrem inferat. Sanguine enim calefacto & adtracto, ea, quæ in corpore insunt, celerem circuitum faciunt, & tum reliquum corpus a spiritu purgatur, tum quod coaluit, incalescens adtenuatur, simulque ex carne in cutem foras propellitur, idque sudor calidus vocatur. Hoc autem excreto, tum sanguis ad naturalem statum restituitur, tum febris remittit, & lassitudo sedatur, tertio præsertim die.

Hanc autem lassitudinem hunc in modum curare oportet: fomentis & balneis calidis id, quod concrevit, dissolvendo, & non violentis deambulationibus, ut expurgentur, ciborumque paucitate & extenuatione carnis vacationem cogendo, ac oleo leniter, & diu, ne violenter recalescat, confricando: unguentis etiam tum sudorem elicientibus, tum emollientibus inungere, ac emollire confert.

His vero, qui exercentur, ab infuetis laboribus idcirco lassitudo contingit; quod si corpus laboribus se non exercuerit, ea parte qua laborare non consuevit, carnem humidam esse necesse est, velut inexercitatis ad singula genera. Carnem igitur colliquefieri, & fecerni, ac in sese cogi velut in priore necesse est. Sic autem curari confert. Exercitationibus quidem adsuetis utendum, ut quod compactum est, incallescens tenuetur, ac depurgetur, neque reliquum corpus humectetur, neque inexercitatum maneat. Utile est autem & hunc balneis calidis, ac frictione similiter ac priorem, uti: fomentis autem nihil opus est; labores enim calefaciendo, ad id, quod coactum est, tenuandum, & depurgandum sufficiunt.

A consuetis autem exercitiis lassitudo hoc modo contingit; a commodato quidem labore nulla oritur lassitudo. Quum vero major, quam par sit, labor fuerit, carnem supra modum exsiccat, eaque humore vacuata, incalescit, & dolet, & horret, & in longiorem febrem incidit; nisi quis recte curet. Oportet autem imprimis quidem balneo neque admodum multo, neque nimis calido lavari; deinde ipsum a balneo, epoto molli vino, in cœna quam plurimis & cujusque generis eduliis vesci, & potu aquoso; vino autem molli ac copioso uti. Postea diutius immorari, dum venæ oppletæ turgescant. Mox vomat, & post modicam stationem, molliter dormiat. Postea per dies sex sensim ad cibos & labores consuetos ipsi redeundum, & in his ad consuetum tum cibum, tum potum deveniendum. Quæ curatio hanc habet vim, ut supra modum resiccatum corpus, citra excessum humectare queat. Si quidem igitur concederetur, laboris exsuperantiam noscendo quantacunque ea sit, cibi com-

moderatione mederi, id bene haberet. Nunc vero illud quidem fieri non potest, hoc vero facile. Resiccatum namque corpus, a cujusvis generis ingestis, sibi quod confert, adsumit, & unaquæque corporis pars de singulis cibis; repletum vero & humectatum, vacuato per vomitionem ventriculo, rursus id, quod exsuperat, dimittit. Ventriculus autem vacuus factus revellit. Exsuperantem igitur humiditatem caro eructat; commoderatam vero non nisi per vim, aut labores, aut medicamenta, aut aliud quoddam revulsionis genus dimittit. Subinde cibi accretione sensim usus corpori diætam restituit.

HIPPOCRATIS

DE

SANORUM VICTUS RATIONE

LIBER TERTIUS.

P R Æ F A T I O.

N I H I L commune habet cum duobus prioribus, sed neque est HIPPOCRATIS. HERODICI gymnastæ opus esse CLERICUS suspicatur. Agit de initiis morborum ex corporis exercitatione nimia aut nimis remissa nascentium, & de eorum morborum remediis. Hæc fere ad victus rationem pertinent, ad abstinentiam a cibis, vomitum, & proprias aliquas, neque alias exercitationes. Debilem

ventriculum vomitu levat catulorumque carnibus, & in universum rationem medendi tradit a nostra diversissimam. Porro victus rationem secundum anni tempora docet mutare. Mireris, hieme non minus quam æstate, Græcos corpora exercuisse, neque ignis ullam fieri mentionem: ipsaque balnea frigida imperari.

ARGUMENTUM LIBRI TERTII.

Diætæ applicandæ methodum instituit: quod perarduum sit diætam præscribere laboribus analogam; quæ diætâ singulis anni tempestatibus, tum divitibus, tum plebi sit idonea: de repletionibus, lassitudine, earumque signis, & curatione: de diarrhœis, cruditatibus, faciei decoloratione, ructibus, stercoreis vomitione, & cæteris similibus.

C A P U T I.

Diætæ humanæ considerationem proponit.

DE diætâ vero humana, quemadmodum etiam antea a me dictum est, accurate scribere quidem nemo potest; ita ut ad ciborum copiam laborum commoderatio adhibeatur. Multa enim sunt, quæ prohibent. Primum quidem differentes inter se hominum naturæ. Nam & quæ siccæ sunt, ipsæ inter se invicem, & cum cæteris collatæ, magis & minus siccæ sunt, & humidæ, ad eundem modum, &

cæteræ omnes. Deinde etiam ætates, quæ iisdem minime indigent. Ad hæc vero & regionum positiones, ventorumque mutationes; & tempestatum transmutationes, & anni conditiones. Quin & inter cibos ipsos magna est differentia. Triticum enim a tritico, & vinum a vino differt, reliquaque omnia, ex quibus victum trahimus, quum diversa sint, impediunt, quo minus quis ea de re exacte scribere possit. Sed enim inventæ a me sunt eorum, quæ in corpore superant, prænotiones, sive labores cibos, sive cibi labores superent, & ut singulis mederi oporteat: tum etiam sanis naturis prospicere, uti ne in morbos incidant: nisi quis valde multum ac sæpe delinquat. Hæc autem medicamentis jam indigent; sunt autem quædam, quæ neque medicamentis sanari possunt. Quæ igitur quam proxime ad finem inveniri potuerunt, a me inventa sunt: exacte vero a nemine.

C A P U T II.

Sanorum dietam quatuor anni tempestatibus accommodatam, in genere describit.

PRIMUM quidem igitur plerisque hominibus præscribam, ex quibus maxime utilitatem capiant, qui cibis quibuslibet & laboribus necessariis, coactisque profectionibus utuntur, tum qui maritimis negotiationibus ad victum parandum repertis occupantur; si plus iusto incallescant, & magis, quam expediat, refrigerentur, reliquaque victus ratione instabili utantur. His sane ex præsentibus ita victum instituere conducit. Annum quidem in quatuor partes omnibus

fere notas divido , hiemem , ver , æstatem , & autumnum. Ac hiemem quidem a Vergiliarum occasu ad Æquinoctium vernum. Ver autem ab Æquinoctio ad Vergiliarum exortum. Æstatem a Vergiliarum ortu ad Arcturi exortum. Autumnum vero ab Arcturo ad Vergiliarum occasum.

Per hiemem igitur , ut anni tempori frigido & constricto te opponas, hac victus ratione uti convenit. Primum quidem semel tantum cibus sumendus; nisi quis alvum valde siccam habeat: si id fieri nequeat, parum prandendum. Cibus autem utendum siccis, austeris, calefacientibus, ex toto collatis, ac meracis. Pane quoque magis, & opsoniis assis potius quam elixis utendum. Potionibus item nigris, meracioribus, ac paucioribus. Oleribus autem quam minimum, præterquam calefacientibus & siccis: succis etiam, ac forbitionibus quam minimum. Laboribus autem plurimis omnibus, cursibusque flexis, sensim accessione facta, & lucta cum oleo longa, a levioribus adurgendo. Et deambulationibus quidem post exercitationes celeribus; a cœna vero tardis, in loco tepido. Matutinis etiam multis, ex levi initio vehementer in omnibus progrediendo, & leniter desinendo. Duro etiam cubili, tum nocturnis deambulationibus uti, tum etiam in pulvere, ac canibus venari confert. Hæc enim omnia extenuant & calefaciunt: iisque plurimis utendum. Quum vero quis lavari velit, si quidem in palæstra laboraverit, frigida lavetur: quod si alio quopiam labore usus fuerit, calida magis confert. Uti autem ad hoc tempus re venerea frequentius oportet; at grandiores natu magis, quam juniores. Vomitionibus autem post cibos cujusvis generis humidiores ter in mense utantur; sicciores vero bis. A vomitionibus sensim per tres dies ad con-

fuetum cibum perveniendum : & sub id tempus levioribus & paucioribus laboribus utendum. A bubula & porcina carne , aut a quibusvis aliis , qui supra modum repletus est , vomat. Quin etiam a caseorum , & dulcium , & pinguium minime consuetorum repletionem , vomere confert. Post ebrietatem quoque , & ciborum mutationem , locorumque transmutationem , vomendum. Purum autem se frigori exponere oportet , præterquam a cibis , & exercitiis. Sed & in matutinis deambulationibus , quum corpus incallescere cœperit , & in cursibus , reliquoque quovis tempore , exsuperantia vitanda est. Hac enim tempestate corpori frigus sentire , quam exerceri magis confert. Neque enim arbores , quæ hoc tempore frigora non senserunt , fructum ferre , aut satis valere possunt. Hac quoque tempestate laboribus etiam multis ad exsuperantiam utendum ; nisi lassitudines contingant. Istud docebo plebeios argumentum : curque hæc ita se habeant , aperiam. Quum hoc anni tempus frigidum & constrictum sit , consimilia etiam animalia patiuntur. Corpora igitur lente ex labore incallescere , & humidi , quod inest , parvam quandam portionem excerni necesse est. Deinde labori quidem temporis parum conceditur , quieti vero multum : quum dies quidem brevis sit , nox autem longa. Ideoque neque tempus , neque labor modum excedunt. Eam igitur ob causam hoc anni tempore , ista victus ratio instituenda est , a Vergiliarum occasu ad Solstitium usque , diebus quadraginta quatuor. At circa Solstitium , in custodia quam maxime esse oportet ; & a solstitio aliis totidem diebus eadem victus ratione uti.

Ubi autem tempestas favonium adduxerit , & mollior evaserit , victus quoque rationem cum tempesta-

te sequi oportet, diebus quindecim, quum Arcturi exortus est, & hirundo advenit. Sequens vero tempus, varie magis jam transigere oportet, ad Æquinoctium usque, diebus duobus & triginta. Victus igitur ratione ad anni temporis varietatem accommodata, molliore ac leviori utendum, & cibus, & potibus, & laboribus, sensim ad ver adducendo. Cum autem Æquinoctium jam mollius evaserit, diesque longiores, & noctes breviores, annique adveniens tempestas calida & sicca constiterit, præfens etiam victus nutriendus ac meracius esto. Quemadmodum igitur arbores, quum ratione carcant, hac tempestate sibi comparant adjumentum ad æstatem (ferendam,) & incrementum, & umbram; ita & homo, quum mente sit præditus, carnis incrementum salubre sibi comparare debet. Ne igitur victus ratio derepente immutetur, tempus in sex partes, per octo dies dividendum. In prima itaque parte de laboribus detrahendum, reliquisque lenioribus utendum, cibi quoque molliores exhibendi, & potiones aquosiores ac albidiores, & lucta cum oleo in sole utendum. In singulis autem anni temporibus una quæque victus ratio paulatim transmutanda, & deambulationes a cœna plures detrahendæ, matutinæ vero pauciores. Maza quoque pro pane adponenda, & olera cocta exhibenda, opsoniaque elixa assis adæquanda. Balneis etiam utendum, & parvo prandio, & rebus venereis paucis; vomitiones quoque primum quidem duobus interpositis diebus; deinde longiore interjecto tempore, faciendæ, quo & corpus ad puram carnem reducas, & victus rationem hoc tempore mollem instituas, ad Vergiliarum exortum. Tunc jam adest ætas, ad quam victus rationem instituere oportet.

Quum itaque Plejas jam exorta est, ci-

bis mollioribus & paucioribus utendum; deinde plus maza quam pane, eaque prius subacta, & vino dulci non emollita. Potibus autem molli-
bus, albis, aquosis, prandio modico, & somnis a prandio brevibus, & ciborum ac potionum re-
pletionibus quam minimis. In cibo potu quan-
tum fatis est utendum. Interdiu vero quam mi-
nimum bibendum, nisi necessaria aliqua siccitate corpus detineatur. Oleribus autem coctis uten-
dum, æstuosis & siccantibus exceptis. Crudis quo-
que utendum, calefacientibus & siccantibus ex-
ceptis. Ac vomitionibus, nisi qua repletio insit,
minime utendum, rebusque venereis omnium
minime. Balneis vero tepidis uti licet. Poma
vero, quum pro natura humana valentiora sint,
ab his fructibus abstinere præstat. Quod si quis
cum cibus utatur, minime deliquerit. Laboribus
etiam, & cursibus circularibus exerceri oportet,
& reciprocis cursibus modicis multo tempore, &
deambulationibus in umbra. Lucta vero in pul-
vere, quo minimum incalescat. Nam volutatio
in pulvere cursibus circularibus præstat. Refri-
gerant enim corpus, humidum vacuando. A cœna
minime deambulandum, sed tantum surgendum.
Mane vero deambulationibus utendum. Soles
vitandi & frigora tum matutina, tum vespertina,
quæcunque a fluminibus, aut stagnis, aut nivibus
spirant. In hac autem victus ratione ad solstitium æ-
stivum usque perseverandum, uti hoc tempore sicca
omnia & calida, ac nigra, & meraca, ac panes detra-
has; nisi paulum quid voluptatis gratia exhibeas.

Tempore vero sequenti, utatur mollibus,
& humidis, & refrigerantibus & albis, ad Ar-
cturi exortum, & Æquinoctium, diebus tri-
bus & nonaginta. Post Æquinoctium autem
hoc modo victus rationem instituere oportet,

per autumnum ad hiemem accedendo, ita ut frigorum ac teporis mutationes vestitu crasso devites. Hoc vero tempore prius in veste motu utendum, frictioneque, & lucta cum oleo, sensim adjiciendo, & loco tepido deambulandum, calidaque lavandum, & somni diurni detrahendi; cibi etiam assumendi calidiores, minus humidi, & puri; potus vero nigriores, molles tamen & non aquosi, olera autem minus. Reliquaque omni victus ratione ita progrediendum, ut ab æstivis demas, hibernis utaris, non ad summum, quo quam proxime ad hibernam victus rationem devenias, per dies duodequingenta, ad Vergiliarum occasum ab Æquinoctio.

Atque ista quidem plerisque hominibus suadeo, quibus temere vitam degere necesse est, neque licet reliquis post habitis suæ ipsorum sanitatis curam habere. Qui vero ita sunt comparati, sibi in animum induxerunt, neque pecuniarum, neque ullius rei utilitatem, citra sanitatem æstimandam esse, iis a me inventa est victus ratio, quæ quoad ejus fieri potest, maxime ad veritatem accedit. Hanc itaque procedente oratione demonstrabo.

C A P U T III.

Dieta sanorum errores cognoscere variis repletionum generibus docet. De repletionis primæ signis atque cura.

ATQUE ista inventio mihi quidem inventori decora est; utilis vero discipulis: a nullo adhuc antea tentata, & quam ad alia omnia plurimi æstimo. Est autem prænotio antequam ægrotent: & adfectionis corporum cognitio, utrum

cibi labores, an labores cibos superent; an moderate inter se habeant. Quodcunque enim superetur, ex eo morbi contingunt; ex mutua vero inter se æquabilitate, sanitas adest. Ad has sane species adgrediar & aperiam, quænam iis contingant, qui sibi sani esse videntur, & jucunde comedunt, ac laborare queunt, ac tum corporis tum coloris habent abunde.

Nares a cœna citra causam manifestam implentur; etsi plenæ esse videntur, nihil tamen emungunt. Quum vero mane deambulare & exerceri cœperint, tunc emungunt & spuunt; procedenteque tempore palpebras etiam graves habent: frontem pruritus occupat; cibis abstinent, ac bibere minus possunt, & color his fit decolor; & aut distillationes, aut febres cum horrore excitantur, quocumque tempore repletionem commoveri contigerit. Eo autem tempore quidquid forte fecerit, æger in id culpam rejicit, quum minime in causa sit. In hoc enim superiores cibi laboribus, & sensim collecta repletio, morbum prius invexerunt. Verum non oportet eo usque differre; sed quum prima signa noverit, scire, quod quum cibi labores superant, paulatim collecta repletio est. Mucus enim & saliva repletionis sunt indices: quæ quiescente quidem corpore, spiritus meatus opplent, quum multa insit repletio; quod vero labore incalescit, extenuatum excernitur. Hunc autem ita curare oportet: exercitatum consuetis exercitiis citra lassitudinem, calidaque lotum, cibis omnis generis explere, ac vomitionem ciere. A vomitu vero os & fauces vino austero colluat, quo venarum oscula constringantur, nihilque amplius divellatur, velut ex vomitionibus contingere solet. Deinde ubi surrexerit, loco tepido modice deambulet. Postridie vero deambulatio.

nibus quidem utendum ; exercitationibus tamen paucioribus & levioribus quam antea ; & si ætas fuerit, minime prandeat ; si vero ætas non sit, parum comedat, & de cœna, quam sumere solebat, dimidium detrahat. Tertio autem die labores quidem consuetos omnes & deambulationes obeat ; sed ad cibos sensim adducatur, uti quinto die post vomitionem consuetus cibus adsumatur. Quod si inde satis bene habuerit, de cætero paucioribus quidem cibus, laboribus vero pluribus curetur. Si vero plenitudinis signa minime quieverint, duabus ab ea, qua cibos (consuetos) assumpsit, intermissis diebus, rursus vomat. & ad eosdem sensim deducatur. Sin minus, etiam tertio idem (repete), quoad plenitudine liberetur.

C A P U T I V.

De repletionis secunda, tertia, & quarta dignotione & curatione.

AT quidam sunt homines, qui, ubi labores & cibus superantur, talia patiantur. Incipiente quidem repletione, somni longi & placidi ipsis contingunt ; & interdiu etiam dormiunt. Contingit autem somnus humectata carne, & funditur sanguis, & quiescit (eo) fuso spiritus. Quum vero corpus plenitudinem amplius capere non potest, circuitus violentia secretionem intro jam remittit ; quæ alimento a cibus proveniente occurrens, animam perturbat. Quo sane tempore non amplius suaves ipsis sunt somni, sed hominem perturbari necesse est, ac pugnas movere videtur. Qualiacunque enim patitur corpus, talia videt anima, abdita visione. Quum igitur eo deven-

rit homo, prope jam est, ut ægrotet. Quod autem morbum habiturus sit, admodum est manifestum. Qualiscunque enim secretio venerit, & in quacunque parte invaluerit, eam morbosam facit. Sed prudentem hominem non decet differre: aut quum primum cognoverit, curationem aggredi; & hunc sane veluti priorem curare: longiori autem tempore, & exquisita inedia opus habet. Sunt præterea etiam talia plenitudinis indicia. Quibusdam totum quidem corpus dolet; quibusdam vero corporis pars quædam, quæcunque ea fuerit. Dolor vero est velut lassitudo, & delassati esse sibi videntur; segnitiaque, & repletionem remedium quærunt, quoad in febrem incidunt. Ac nondum id vero cognoscunt; sed balneis, ac cibis utentes, morbum ad peripneumoniam deducunt: & in extremum periculum deveniunt. Verum antequam in hos morbos incidunt, consilio prospiciendum, & ad hunc modum curandum: præcipue quidem mollibus fomentis hominem fovendo; sin minus, (aqua) multa & calida lavando, & corpus quam maxime diluendo, & post exhibitos cibos, primum quidem acres ac plurimos, deinde falsos, probe vomitum ciendo: postea exsurgat æger, modicoque tempore in loco tepido deambulet: deinde dormiat. Mane vero deambulationibus paulatim, adjectione facta utendum, exercitationibusque levibus, atque ciborum oblationibus, velut antea. Exenuatione autem plurima & deambulationibus indiget. Si vero non adhibita providentia, in febrem inciderit, per dies tres, præter aquam, nil offerendum. Interea igitur si sedetur, bene se habet: sin minus, ptisanæ succo curandus est: & vel quarto, vel septimo die decedet febris, si exsudaverit. Bonum vero est sub crises illitioni-

bus sudorem moventibus uti ; (ad sudorem) enim provocant.

At quidam etiam ex plenitudine hæc perpetiuntur. Caput iis dolet & gravatur, palpebræque ipsis a cœna concidunt, & inter dormiendum turbantur, calorque inesse videtur, & alvus interdum sistitur. Quum autem venerit usus est, homo levior statim sibi videtur; at postea magis gravatur. In his caput, plenitudinem ad se attrahens, tum alvum supprimit, tum ipsum gravatur; & gravia impendent pericula, & quo plenitudo eruperit, id ipsum corrumpit: sed hac ratione providendum. Si celerem curationem facere velis, veratro purgandus est; deinde cibi leves & molles, ad dies decem offerendi, iique alvum dejicientes, quo alvus inferior, deorsum revellendo, caput superet. Cursibus tardis & matutinis, ac deambulationibus convenientibus, utendum; luctaque ex oleo, & prandio, somnoque a prandio non longo; a cœna vero tantum exsurgere satis est. Et partim quidem balneis, partim vero unctionibus (utendum) balneis autem tepidis; a coïtu autem abstinendum. Hæc quidem expeditior est curatio. Quod si medicamentorum potiones sumere nolit, multa calida lotus, a cibis dulcibus & falsis vomat; a vomitu vero, ut exsurgat, satis est. Matutinæ autem deambulationes, & exercitationes præscriptæ, ad dies sex sensim augendæ. Die vero septimo addita repletionem, ex similibus cibis vomitus movendus est: & ad eundem modum sensim adjectio facienda. His autem ad quatuor hebdomadas utendum. Tanto enim maxime tempore restituitur. Deinde cibi exhibendi, quo corpus reficiatur: & diæta ad consuetum morem paulatim reducenda.

C A P U T V.

*Repletionis quintæ, sextæ, atque septimæ dignotio
& curatio.*

HÆC quoque ex plenitudine contingunt. Quibus ventriculus cibum quidem concoquit, carnes vero minime recipiunt, alimentum intus manens flatum infert; ubi autem pransi fuerint, subsidet. Levius enim a valentiore expellitur, & sibi liberari videntur; sed postridie multo copiosius adest. Quum autem in dies singulos increfcens, valentius fiat, id, quod adest, quæ superingeruntur, superat, corpusque calefacit & perturbat, & diarrhœam infert. Hoc enim ita nominatur, quoad alimentum solum computrefcens per alvum secedit. At ubi calefacto corpore acris purgatio fit, tunc & intestinum raditur ac exulceratur, cruentaque per alvum demittuntur: hoc dysenteria vocatur, tum gravis, tum periculosus morbus. Verum providere oportet, prandiumque detrahare, & cœnæ tertiam partem; cursibus autem pluribus & luctis uti, & deambulationibus tum ab exercitationibus, tum mane. Quum vero dies decem præterierint, cibi detracti dimidium adponere, & vomitum ciere, atque ad dies quatuor cibum sensim offerre. Ubi vero alii decem dies advenerint, tum reliquum cibum adjicere, tum vomitum facere. Et sensim ad cibum adducendo, intra hoc tempus sanitati restitues. Laboribus autem hic audacter urgendus est. Accidit vero quoque ejusmodi plenitudo. Postridie cibum crudum citra ructum acidum eructat. Quod si venter dejicit, pauciora quidem quam pro ciborum ratione, satis multa

tamen; dolor vero nullus adest. His quum ventriculus frigidus sit, cibos per noctem concoquere nequit. Motione igitur accedente, cibum crudum eructat. Huic itaque, tum victus ratione, tum laboribus ventriculo calorem conciliare oportet. Ac primum quidem pane confusaneo fermentato, in vino nigro, aut suillæ carnis jusculo intrito utendum; piscibus vero in acri muria decoctis. Carnosis etiam utendum, velut trunculis suillis percoctis pluribus; & carnibus ovillis coctis; porcinis vero non multis, neque catulorum, neque hædorum carnibus. Oleribus autem, porro, & allio coctis, & crudis, blitoque cocto, & cucurbita; tum potionibus meracioribus; tum somnis longis, citra prandium primis diebus, tum etiam somnis post exercitationes; cursibus etiam flexis paulatim incrementibus; lucta item mollis ex oleo sensim adjicienda. Balneis quoque paucis, inunctionibus pluribus, deambulationibus etiam matutinis pluribus; a cœna vero modicis utendum. Bona est etiam ficus cum cibus (sumpta,) & post merum. Ex hac quidem curatione, his quidem citius, illis vero tardius plenitudo curatur.

Aliis autem quibusdam ista contingunt. Faciem decolorem habent, & ubi comederint, paulo post acida eructant, & acor sursum nares petit. His corpora impura sunt; quum plus ex carne a labore colliquetur, quam ex circuitu repurgetur. Quod sane intus remanens, alimento contrarium est, eique vim infert, & acidum reddit. Alimentum igitur eructatur; ipsum vero sub cutem propellitur, hominique decolorationem procreat, morbosque hydropi similes. Verum ita providere oportet. Celerior igitur curatio est, epoto veratro cibos exhibere, quemadmodum a me scriptum est. Tardior vero

per victus rationem hoc modo. Primum quidem lotum calida, vomitum ciere; deinde septem a vomitu diebus ad consuetum cibum adducere oportet. Decimo vero post vomitum die, rursus vomat, & eodem modo cibos adsumat; idque tertium similiter faciat. Et cursibus utatur circularibus paucis ac concitatis, & in motionibus, & frictione ac in exercitatione mora longa ungatur, & volutatione in pulvere. Utatur vero & deambulationibus multis post exercitationes, quin etiam post cœnam; matutinis autem utatur plurimis in pulvere. Quum autem lavari volet, calida lavetur; & impransus totum hoc tempus tranfigat. Et si quidem uno mense restituitur, de cætero convenientibus curetur. Quod si quid reliquum fuerit, priore curatione utatur.

CAPUT VI.

Repletio octava, nona, decima.

SUNT autem nonnulli quibus postridie ructus acidi contingunt; his in nocte secretio fit ex plenitudine. Quum igitur ex somno corpus motum fuerit, crebriore spiritu usum, una cum spiritu calidum & acidum foras propellit; indeque, nisi quis providentia utatur, morbi oboriuntur. His autem confert, velut superiori, curationem adhibere; sed hi pluribus laboribus uti debent.

Nonnullis etiam ista contingunt. In corporibus densa carne præditis, quum cibi concalescunt, & diffunduntur, tum a primo somno, tum a cibis carne incalescente, per somnum a carne multæ humiditatis secretio fit; deinde caro, quum densa evaserit, alimentum non su-

scipit. Quod vero a carne secretum est, alimento contrarium, ac foras vi propulsum, hominem suffocat & calefacit, quoad evomuerit. Postea vero levior factus est: ac dolor nullus manifestus in corpore; sed pallidus redditur. Procedente vero tempore, & dolores, & morbi oboriuntur. His autem consimilia patiuntur & ii, qui exercitationibus non adfueti, derepente laboraverunt; & violentam multamque carnis colliquationem fecerunt. His hæc adhibenda curatio est. Cibi pars tertia detrahenda. Utendum autem cibis acribus, siccis, austeris, odoratis, & urinam ducentibus. Cursibus vero, flexis quidem plurimis in veste; exsutis autem vestibus, ad metam recurrentibus ac circularibus: frictione item & lucta modica; sed lucta, quæ fit tantum palmis inter se confertis: hæc enim lucta, quam follis pugilatorii certamen utilior est. Deambulationibus quoque multis post exercitationes utendum, iisque matutinis, & a cœna. Vocis autem exercitatio utilis est; quum enim humidi vacuationem faciat, carnem rarefacit. Confert quoque sine prandio degere. Hisce autem utendum per dies decem; deinde dimidium subtracti cibi adjiciendum per dies sex, & vomitus procurandus: & post vomitionem usque ad quatuor dies cibus paulatim adjiciendus. Diebus vero decem a vomitu præteritis, totum subtractum cibum recipiat, & ad labores ac deambulationes animum convertat, & sanus evadet. Ejusmodi autem natura copiosiore labore quam cibo indiget.

Altera plenitudo. Quidam etiam talia perpetiuntur; cibus per alvum ipsis secedit liquidus, incoctus: qualis in lienteria, nullumque dolorem affert. Hoc autem præcipue patiuntur alvi humidæ & frigidæ: quæ propter frigiditatem quidem minime

concoquunt; propter vero humiditatem dejiciunt. Corpus proinde contabescit, quum alimentum conveniens non adsumat, alvique corrumpuntur, & in morbos incidunt: verum prospiciendum est. Huic quidem confert ciborum tertiam partem subtrahere. Sint autem cibi, panes non fermentati, confusanei, clibano cocti, aut subcinericii, calidi, vino austero intincti; & piscium partes ex dorso & cauda; partes vero capitis & ventris inferioris, tanquam humidiores (sinendæ.) Et cocti quidem pisces cum muria edendi; assati vero cum aceto. Carnibus etiam sale & aceto conditis utendum, & catulinis assatis, e palumbe autem, ac reliquis hujusmodi volucris, assatis & elixis: oleribus autem quam minimum. Vino quoque nigro, & deambulationibus; sed a cœna, ac matutinis, & a deambulatione dormiendum. Cursibus autem inflexis utatur, sensim accessione facta. Sit & frictio multa, & lucta tarda, tum in oleo, tum in pulvere, uti concalescens caro resiccet, & ex ventriculo humiditatem retrahat. Inungi autem magis quam lavari conducit; impransus vero degat. Ubi autem dies septem præterierint, dimidium cibi adjiciatur: & ad dies quatuor cibus sensim exhibeatur, & vomat; præteritis vero aliis septem diebus, totum cibum recipiat, & vomitione rursus facta, ad eadem sensim reducatur.

C A P U T VII.

*De repletione undecima, duodecima, & decima
tertia.*

ALIIIS autem quibusdam hæc contingunt; alvi recrementum incoctum per alvum se-

cedit, corpusque contabescit, quum cibus minime fruatur. Hi vero procedente tempore in morbos delabuntur. His ventres sunt frigidi & sicci. Proinde quum neque convenientibus cibus, neque exercitationibus utantur, talia perpitiuntur. Sic autem adfecto panibus puris, furnaceis uti conducit, & piscibus coctis cum intritis, carnibusque suillis coctis, & animalium extremitatibus percoctis, plurimisque assis, & ex acribus ac dulcibus, his, quæ humectant, & fassuginosis. Vinis quoque nigris & mollibus; & uvis ac ficibus inter reliquos cibos abunde uti confert. Modicum vero prandere oportet: & pluribus exercitationibus uti, cursibusque inflexis, sensim accessione facta; circularibus autem postremis, & post cursum lucta ex oleo: deambulationibus vero post exercitationes non multis; a cœna vero satis est exsurgere. Matutinis autem deambulationibus plurimis utendum. Calida vero lavetur, & inunctionibus utatur; somno longiori indulgeat, & molliter cubet. At venere aliquantulum utendum, & cibi pars quarta subtrahenda, diebusque decem ad cibos paulatim reducendus.

Sunt vero nonnulli, quibus alvi recrementum liquidum & concoctum per alvum secedit; & qui alias sani sunt, & exercentur, res nullam molestiam exhibet.

Quibus vero convenientia exercitia desunt, procedente tempore venter ob caliditatem carnes attrahit, saneque dolorem exhibet; & cibos fastidiunt, & venter exulceratur: ipsumque jam sistere difficile est. Prius autem providere oportet, ubi cognoveris ventrem plus quam expediat calidum, & humidum, laborumque minime convenientium exsuperantiam contigisse. Victus igitur ratione refrigerare & siccare oportet, & pri-

mum quidem exercitationes dimidia ex parte detrahere, ciborumque tertiam partem. Maza vero ante subacta, vino dulci intrita, piscibusque siccissimis, coctis, neque pinguibus, neque falsis. Carnibus vero volucrum utatur assis; palumbis quidem & columbæ elixis: perdicum vero & gallorum assatis, sine condimento. Leporinis autem in aqua coctis, & ferinis omnibus. Oleribus vero quæ refrigerant, velut beta cocta, aceto condita. Vino etiam nigro, austero. Exerceatur quoque cursibus circularibus, celeribus. Sed neque multa frictio adhibeatur, sed modica, neque etiam lucta. Lucta summis manibus, & manuum ad rythmum agitatio, & follis pugillatorii certamen, ac volutatio in pulvere commoda; sed non multa. Deambulationibus post exercitationes utatur, pro laborum ratione accommodatis; & a cœna, ad ciborum rationem, pluribus, & matutinis, pro habitus ratione, moderatis. Lavet autem tepida, & quietem agat. Hac victus ratione per decem dies usus, cibi dimidium, & laboris tertiam partem adjiciat; & post cibos siccos & acerbos assumptos, vomitus cieat; nec cibo immoretur, sed quam citissime vomat. Post vomitum vero ad quatuor dies cibus & labor partitus sensim exhibeatur. Quum autem dies decem præterierint, reliquus cibus adjiciatur, & vini potio consueta; sed labores parciore. Ac vomitione facta, paulatim ad priorem victum, velut scriptum est, deducatur. Semel vero tantum cibum capere per hoc tempus confert, quoad malum conquieverit.

Aliis autem quibusdam siccum quodammodo & exustum est alvi recrementum; osque siccum, & progressu temporis amarum evadit, & alvus sistitur, & urina. Quum enim intestinum hu-

miditatem non habeat circa excrementum, intumescens vias obstruit, & dolorem parit; calorprehendit, & quidquid biberit, aut comederit, evomit; tandem etiam stercus vomit. Quo quum hic pervenerit, non vivet. Verum ante providere oportet eum, qui hominem siccitate evinci agnoverit. Hunc igitur victum instituere oportet, ex maza prius subacta, resperfa, & pane ex tritico trimestri, furfurum succo fermentato; oleribus quoque coctis uti, præterquam acribus & siccis; piscibus etiam levissimis coctis, pisciumque & locustarum capitibus, mytulis, erinaceis, & cancris, & conchyliorum succis, iisque liquidissimis. Carnibus vero suillis, & trunculis anterioribus coctis, hædorum etiam & agnorum, atque catulorum elixis. Piscibus sane fluvialibus, & in stagnis degentibus coctis. Vino molli, aquoso. Laboribus autem non multis, neque celeribus, sed omnino quietis. Deambulationibus autem matutinis utatur, quæ pro corporis habitu satis sint, & post exercitii labores moderatis; a cœna vero minime deambulet. Balneis quoque utatur, & somnis mollibus, & prandio: somnoque a prandio non longo. Fructibus etiam humectantibus cum cibus utatur, & cicere viridi, siccoque in aqua macerato. De prioribus autem laboribus dimidium etiam hic a principio detrahat, & post dulces, pingues, salios, multosque cibos vomitum faciat, plurimoque tempore in cibus immoretur, adusque vomitum. Deinde per tres dies sensim ad cibum redeat, neque impransus maneat. Quum vero dies decem præterierint, labores plures sensim adiciat; & si quidem plenitudo ac ventriculi a cibo offensio adsit, vomat; sin minus, sic reliquo tempore in ista curatione perseveret.

C A P U T V I I I .

Duas inanitionum species cognoscere, & curare docet.

CONTINGUNT autem etiam ista. Horrores a matutinis deambulationibus proveniunt, & caput gravatur. Huic deambulationes modum excedunt. Corpus enim & caput humore vacuatum horret, & gravatur; procedente vero tempore in febrem horrificam incidit. Verum ad hoc deveniendum non est, sed prius ita curandum. Quum statim signa aliqua adfuerint, unctus, & frictus modice, plus solito prandeat: & vinum molle, quod satis sit, bibat, deinde a prandio abunde dormiat. Sub vesperam vero, levibus exercitiis usus, & calida lotus, more solito cœnet. A cœna deambulationibus non utatur; sed aliquanto tempore immoretur. Postridie vero in aqua lavetur, & in mollibus somnis vitam traducat. Et per dies quinque sensim is ad consueta deducatur.

Sunt autem nonnulli, qui post exercitationes horrent; ac ubi quis exsuitur, donec certamen conferat; quum vero refrigeratur, rursus horret: & dentium fremitus corpus occupat, somnoque gravatur; quumque expergiscitur, sæpius oscitat. A somno vero ei palpebræ ingravescunt: progressuque temporis malignæ febres succedunt. Cavere igitur oportet, ne huc usque res progrediatur, sed prius ita curare. Imprimis quidem exercitationes omnes, aut dimidium, detrahantur. Cibis vero omnibus humidioribus & frigidioribus utatur, potibusque mollioribus ac dilutioribus. Ubi autem dies quinque præterierint, detracto-

detractorum laborum tertia pars adjiciatur; cibis vero iisdem utatur. Post alios autem quinque dies, reliquorum laborum dimidium adjiciatur. Rursusque alio quinto post die, labores omnes, sed leviores paucioresque restituito, ne iterum exsuperantia contingat. Iis enim, qui signis hujusmodi conflictantur, labores cibos excedunt. Æquales igitur reddere oportet.

Ac quibusdam hæc non contingunt; sed partim quædam, partim vero minime. In omnibus autem istis signis, labores cibos superant, curatioque eadem est. His autem calida lavare, & molliter cubare conducit: semelque atque iterum merum bibere, sed non supra modum. Quod si rerum venerearum usus accesserit, a laboribus quiescendum. A deambulationibus vero prorsus abstinendum.

HIPPOCRATIS

DE

VICTUS RATIONE SALUBRI.

PRÆFATIO.

VETERES addebant ad Librum de natura hominis: mihi videtur plurima similia habere cum libro III de Dieta, ex quo alia quidem, & multa sane, exscripta sunt, alia hic fusius tractantur, ut ratio vomitus dietetici.

ARGUMENTUM LIBRI.

Rationem victus iis , qui sibi vivunt , instituit , pro temporis , habitus , ætatis , affectuum , sexus , & consuetudinis ratione.

CAPUT I.

Victus ratio qualis instituenda sit pro corporum , anni temporum , ac ætatum varietate : quando deambulandum.

PRIVATOS homines hac vivendi ratione uti oportet ; hieme quidem edere quam plurimum , quam minimum vero bibere : sed potum esse quidem decet vinum quam meracissimum : cibos vero , panem , & obsonia , cocta omnia. Oleribus autem quam paucissimis hac tempestate utendum : sic enim maxime corpus tum calidum , tum siccum fuerit. At quum ver accesserit , tunc copiosius , & dilutius , paulatimque vinum bibendum est , cibisque mollioribus & paucioribus utendum ; panis subtrahendus , & maza offerenda : eademque ratione obsonia detrahenda , & pro assis elixa omnia paranda. Oleribus etiam paucis vere utendum , donec ad æstatem homo deveniat ; tum molliores omnes cibos , tum obsonia cocta sumendo , & olera cocta & cruda ; similiterque potus plurimos , & uti dixi , quam dilutissimos , idque sensim , ne magna mutatio derepente utenti contingat. Æstate autem tum molli maza , tum potu copioso & diluto , obsoniisque omnibus elixis nutriri oportet , iisque ita utendum dum æstas fuerit , quo

corpus molle sit & frigidum : siquidem hæc tempestas calida est & sicca , & corpora æstuosa & squalida facit. Hac igitur instituta victus ratione iis succurrendum est. Eadem vero ratione, quemadmodum ex hieme ad ver , sic etiam ex vere ad æstatem deveniet , cibos quidem demendo , potum vero augendo ; ad eumque modum anniversaria ratione peracta , ex æstate ad hiemem perveniendum. In autumno contra , cibi quidem majore copia , & sicciores exhibendi , & obsonia ad eundem modum ; potus vero pauciores & meraciores , ut homo commodam degat hiemem , si potibus utatur meracioribus , & paucis , cibisque quamplurimis & siccissimis. Ita enim quum maxime valebit , tum minime frigus sentiet ; quum hæc anni tempestas admodum frigida sit , & humida.

Corporibus vero carnosiss , & mollibus , ac rubris confert sane majorem anni partem siccioris victus ratione uti : humida namque eorum corporum natura est. Duros vero , densos , fulvos , & nigros humidioris victu majorem temporis partem uti oportet ; nam hujusmodi corpora sicca sunt.

Junioribus quoque corporibus confert , tum molliori , tum humidiori victu uti ; hæc enim ætas sicca est , & eorum adhuc corpora compacta sunt. Senes vero siccioris victus modo plurimam temporis partem degere oportet : nam ea ætate humida , mollia , & frigida sunt corpora.

Quare pro ætate , anni tempore , consuetudine , regione , corporum habitu , victus ratio instituenda est , reluctandumque instantibus & caloribus , & brumis ; ita namque optima valetudo consequetur. Ac hieme quidem celeriter ire oportet ; æstate vero sedatius se habere , nisi per

(folis) ardorem iter sit faciendum. Corpulentos autem celerius, graciles vero tardius iter facere convenit. Balneis etiam multis per æstatem, at per hiemem paucioribus utendum: gracilibus vero magis, quam carnosiss, expedit lavari, hieme autem vestes puras induere convenit; æstate vero oleo imbutas: siccos autem contrario modo.

C A P U T II.

De modo gracilescendi, & pinguescendi; vomitus quando & quo modo instituendus.

CRASSOS autem oportet, quique tenues fieri volunt, labores omnes jejunos subire, & adhuc ex labore anhelantes, necdum refrigeratos cibum adsumere, vinumque prius bibere dilutum, ac non perfrigidum. Obsonia quoque ex sesamis, aut condimentis, aliisque hujusmodi apparatus adsumere. Atque sint pingua obsonia, quæ offeruntur: sic enim a paucissimis cibariis impleantur. Quin & semel tantum in die cibum adsumere, superfedere balneis, duriter cubare, nudumque obambulare, quoad ejus fieri queat, oportet. Qui vero tenues quum sint, crassiores effici volunt, tum alia his, quæ dixi, contraria facere, tum jejunos nullam exercitationem ipsos subire oportet.

Vomitibus autem, & infusis alvum eluentibus sic utendum. Sex hibernis mensibus vomitus ciendus; id enim tempus æstivo pituitosius est, & morbi circa caput, & regionem eam, quæ supra septum transversum est, obsident. At quum æstatis fervor adfuerit, infusis utendum: hæc enim anni tempestas æstuosa est, & corpus bilio-

sum magis redditur, gravitates etiam lumbos & genua infestant, calores oboriuntur, & ventris tormina concitantur. Corpus igitur refrigerandum: & quæ sursum adtolluntur, deorsum ex istis locis deducenda. Sint autem infusa, crassioribus quidem & humidioribus magis falsa & tenuiora; siccioribus vero & gracilioribus, & imbecillioribus pinguiora & crassiora. At infusa sunt pingua & crassa, quæ ex lacte parantur, & ciceris decoctum, cæteraque id genus: tenuia vero & falsa, muria, aqua marina, & quæ sunt ejusmodi.

Vomitibus autem hoc modo provocandi sunt: qui homines obesi sunt, ac minime tenues, jejuni vomant a cursu, aut celeri deambulatione circa meridiem. Hyssopi esto hemina dimidia in aquæ congio contriti, atque hoc ebibat, adfuso aceto, & addito sale, quo fiat jucundissimum: ac primum quidem sensim; deinde vero celerius ebibatur. Graciliores autem & imbecilliores a cibis vomitum ciant hoc modo: loti calida meri heminam præbiant; mox cibos cujusvis generis comedant, neque inter cibos, neque a cibis bibant, sed se contineant quanto tempore quis quatuor stadia percurrat. Deinde triplex illis vinum in potum permiscebis, austerum, dulce, & acidum; primum quidem meracius, sensim & ex magno intervallo: deinde vero dilutius, celerius, & affatim.

At vero qui bis in mense vomere consuevit, hunc præstat duobus ex ordine diebus vomitum ciere, quam decimo quinto die: sed alii contrarium plane faciunt. Quibus vero cibos evomere incommodum est, vel quibuscunque alvi non facilem exitum habent, iis omnibus crebro de die cibum sumere, & omnis generis cibariis uti con-

fert, ac obſoniis varie apparatis, vinumque duorum aut trium generum bibere: qui vero cibos revomunt, quique alvos habent humidas, iis omnibus contrariam huic vitæ rationem inire confert.

At pucros infantes per multum tempus aqua calida madefacere decet, vinumque aquoſiſſimum bibendum iis exhibere, neque prorſus frigidum; idque dandum, quod minime ventrem adtollat, & flatum creet: hæc autem facienda ſunt, quo minus convulſionibus tententur, magisque adoleſcant, & coloratiores evadant.

Mulieres autem ſiccioris victus ratione ſic uti oportet: ſicca namque cibaria ad muliebrium carniſium mollitiem magis ſunt idonea, & meraciores potus ad uteros, & fetus nutritionem, meliores ſunt.

C A P U T I I I .

De exercitiorum generibus, quæ, quando, & qua ratione conveniant.

QUI exercentur, per hiemem eos currere & luctari convenit: & æſtate parum quidem luctari, currere vero minime; ſed multum in frigore deambulare. Qui curſibus defatigantur, eos luctari oportet; qui vero lucta defatigantur, iis currendum eſt. Ita enim qui laborat, corporis parte defatigationi obnoxia caleſcat, componatur, & maxime quieſcat.

Quicumque, quum exercentur, alvi potiſſimum profluviis corripuntur, & alvi excrementa cibos referentia, ac incocta demittunt, iis tum exercitationum tertia pars minor non ſubtra-

henda, tum ciborum dimidia exhibenda est. Constat enim ventriculum ingestorum ciborum copiam, ut concoquat, concalefacere non posse. Cibus autem iis esto panis quam maxime bis coctus, in vino comminutus, potusque quam paucissimi, & temperatissimi, neque deambulationibus a cibo utantur: sub hoc vero tempus semel duntaxat cibum sumere eos convenit. Sic enim vel maxime concalefiet ventriculus, & ingestos cibos superaverit. Hoc autem alvi profluvii genus corporum habitus densiori carne præditos potissimum exercet, quando ita natura comparatus est homo, ut ad carniū esum compellatur: venæ siquidem condensatæ cibos ingestos non recipiunt. Hæc autem natura quidem præceps est, & ad utramque partem vertitur, & hujusmodi corporum bonus habitus exiguo tempore viget.

At qui rariores habitus ac hirsuti, magis carniū esum admittunt, laboresque magis sustinent, diutiusque in bona corporis habitudine perseverant. Qui postridie cibos eructant, & quibus præcordia cibis non coctis adtolluntur, iis longior somnus confert: quin etiam ad alios corporis labores cogi debent, vinumque meracius & copiosius bibere, & sub id tempus paucioribus uti cibariis. Constat enim sane ventriculus, præ imbecillitate & frigiditate, ciborum multitudinem concoquere non posse.

Quos autem sitis obsidet, iis cibi & labores subtrahendi, & vinum aquosum, & quam frigidissimum propinandum. Quibus vero viscerum dolores, aut ab exercitatione, aut ex alio aliquo labore suboriuntur, his quiescere, & cibis abstinere confert. Potu autem utantur, qui quam paucissima copia (in corpus assumpta) plurimam

urinam ducat, ne venæ; visceribus insitæ, copia distendantur: ex his enim causis, tubercula & febres oriuntur.

Quibus vero morbi ex cerebro oriuntur, torpor primum caput obsidet, & urinam crebro mingit (æger), eademque, quæ in urinæ stillicidio, perpetitur; istaque ad dies novem patitur. Et si quidem per nares, aut aures, aqua vel mucus erumpat, morbo liberatur, & sedatur urinæ stillicidium. Mingit autem multum, & citra dolorem, idque album, quoad viginti præterierint dies, & capitis dolor hominem relinquit; sed huic intuenti splendor obscuratur. Porro virum prudentem ratiocinari oportet, sanitatem plurimi ab hominibus æstimandam esse, ac scire suo ipsius consilio in morbis opitulari.

HIPPOCRATIS DE INSOMNIIS LIBER.

P R Æ F A T I O.

*E*UMDEM putes (*) auctorem habere, quem liber tertius de dieta. Simillima enim præcepta tradit de cibis addendis & detrahendis, de exercitatione, deque medicina quæ ea ratione fit. Elegans cæterum & comtus libellus, quo insomnia ad suas causas physicas referuntur, calidum, frigidum, se-

(*) Sensit etiam Foësius.

cretiones, repletiones. Indicationes etiam ab insomniis desumit, eorum, quibus iis malis medearis, ex quibus insomnia nata sunt. Propitiationibus parum tribuisse satis percipias, etsi eas passim commendat. Hic manifesto dicitur sanguinis circuitus auctus & diminutus.

ARGUMENTUM LIBRI.

Explicat insomnia, ex quibus certa tum prosperæ, tum adverſæ valetudinis signa colliguntur: & cujusmodi res anima in somnis imaginatur.

C A P U T I.

Indiciorum ex insomniis præstantiam ac utilitatem præfatur; de anima in vigilia, ac somno; somnia alia præternaturalia, alia naturalia.

DE indiciis eorum, quæ in somnis (videntur) quisquis recte cognovit, is ea ad omnia magnam habere vim compertiet. Anima enim vigilat; & quum quidem corpori inservit, in multas partes dispertita, sui juris non est; sed singulis corporis partibus partem quandam communicat, sensibus nimirum, auditui, visui, tactui, ambulationi, totius corporis actionibus: ipsa autem anima sui ipsius non est. Quum vero corpus quiescit, anima in motu est, & corporis partes perreptans, domicilio suo continetur, omnesque corporis actiones ipsa obit. Neque enim corpus dormiens sentit; at ipsa vigilans cognoscit; videnda videt, &

audienda audit; vadit, tangit, moeret, temporis momento ratiocinatur, ac (ut paucis dicam) quæcunque corporis, aut animæ officia sunt, ea omnia in somnis anima peragit. Quisquis igitur recte ista judicare novit, is magnam sapientiæ partem novit.

Porro quæcunque somnia divina sunt, & quædam eventura significant, aut urbibus, aut privato populo, vel mala vel bona, non ob ipsorum culpam, sunt qui ipsa judicant, de his accuratam artem habentes. Quas vero corporis affectiones anima prænunciat, repletionis, vel inanitionis, rerum a natura insitarum exsuperantiam, vel consuetarum mutationem, & hæc quidem judicant: & partim adsequuntur, partim aberrant, neutrumque eorum intelligunt, curnam fiant, neque id, quod adsecuti fuerint, neque a quo aberrarint. Præcavere ne quid mali accidat, adhortantes, ut cautio adhibenda sit, non docent; sed Diis supplicare jubent. At precari quidem decorum est & optimum; sed oportet & manus admoventem Deorum opem advocare. De his itaque ita se res habet.

C A P U T II.

De insomniis diurnas actiones objicientibus salubribus, insalubribus, & perturbationis curatione.

QUÆCUNQUE insomnia diurnas hominis actiones aut cogitationes sub noctem exhibent, quales fuerunt, & eodem modo reddunt, quo per diem in re iusta, gesta aut consulta sunt, hæc homini bona sunt; sanitatem enim portendunt; propterea quod anima, neque pleni-

tudine ulla, neque evacuatione, neque alio extrinsecus accidente superata, in diurnis consiliis perseverat.

Quum autem insomnia diurnis actionibus adversantur, & de ipsis pugna oboritur, quum id contigerit, perturbationem in corpore derunciat. Et si vehemens quidem sit, malum est vehemens; si vero levis, debilius. De actione igitur, utrum averruncanda sit, necne, nihil statuo; corpus vero hominis curari suadeo. Repletionem enim aliqua intus facta, secretio quædam contigit, quæ animæ negotium faceffit. Ac si quidem, quod adversum est, vehemens fuerit, vomitum ciere conducit, & cibos leves exhibere sensim adiciendo aliquid ad dies quinque. Deambulationibus quoque multis ac concitatis, sensim adjectione facta (uti), & exercitationes pro ciborum adjectione moderatas adhibere. Si igitur quod adversum est debilius fuerit, dempta vomitione, cibi tertiam partem demitto, eamque sensim in dies item quinque promoveto, & deambulationibus urgeto. Vocis etiam utitor contentione: & Diis supplicet æger, & conquiescet ipsi perturbatio.

C A P U T III.

De insomniis astra objicientibus, sanitatem aut morbum ac curationem significantibus.

AT vero sol, luna, cælum & sidera, pura, & suo motu agitata, solito more visa, singula bona sunt. Sanitatem enim corpori significant ab omnibus præsentibus. Atque hunc habitum præsentis victus ratione conservare oportet.

Si vero horum aliquod contrarium fiat, aliquem corpori morbum portendit; a vehementioribus quidem vehementiorem; a debilioribus vero leviolem. Ac sideribus quidem exterior ambitus, soli medius; lunæ vero, qui ad cavitates, (respondet.) Si quid igitur istorum siderum extinguï, aut lædi, aut evanescere, aut cursum sustinere videatur; in illa ipsa parte morbum eveniturum (indicat;) ac debiliorem quidem, si ab aëre aut nube ex ipsis sideribus aliquod pati videatur; si vero ab aqua, aut grandine, graviolem. Secretionem enim humidam & pituitosam in corpore factam, & in externum ambitum incidisse indicat. Huic conducit, ut vestibis indutus cursibus utatur multis sensim incrementibus, ut quam maxime sudet; & deambulationibus post exercitationem multis, etiam absque prandio, subtractaque tertia ciborum parte, paulatim ad dies quinque adjicere. Si vero vehemens (morbus) videatur, etiam vaporariis uti. Nam quum in externo corporis ambitu nocumentum sit, purgationem per cutim facere confert. Cibis vero utendum siccis, acris, austeris, meracis, & laboribus maxime exsiccantibus.

At si quid horum luna patiatur, ad interna revulsionem facere conducit, ab acris quoque, falsuginosis, & mollibus cibis, vomitione uti; cursibus vero circularibus citatis, ac deambulationibus celeribus. Vocis etiam exercitiis (utendum), & prandii abstinentia, cibique detractio, & adpositione eodem modo. Ob id autem intro revellendum, quoniam ad corporis cavitates offensio conspicitur.

Si autem tale sol patiatur, vehementius jam malum est, & difficilius expellitur. Utramque vero in partem revulsiones faciendæ, & cursibus,

tum flexis, tum circularibus utendum, & deambulationibus, aliisque omnis generis laboribus; ciborum etiam subtractione, & adjectione eodem modo. Deinde vomitu facto, rursus ad dies quinque paulatim cibos adhibere.

C A P U T IV.

Cælum ac sidera varie adfecta in somnis varios affectus somniantibus portendere, variaque præsidia indicare.

QUOD si sereno cælo sidera premantur, & imbecilla esse videantur, præ siccitate, & a suo circuitu inhiberi, imminentis morbi periculum denunciat. Sed labores subtrahendi, & victus ratione humidior & molli utendum, & balneis, animique tranquillitate longiore, & somno multo, quoad (malum) conquiescat.

Si vero igneum & calidum esse videatur, quod eis adversatur, bilis secretionem arguit. Quod si etiam evicta dispareant, imminens ex morbo mortis periculum est. Si vero terga vertisse, quod præsens est, ac celeriter fugere: hi vero persequi videantur; insanix periculum homini, nisi curetur, imminet. His vero omnibus post veratri purgationem, optime instituta victus ratio conducit. Alioqui, ut victus ratione ad aquam tendente utantur, expedit, neque vinum bibant, nisi album, tenue, molle, & dilutum. Ab acris autem, siccantibus, calefacientibus, falsuginosis abstineant; laboribus secundum naturam plurimis utantur, & cursibus in veste plurimis. Frictio vero ne adsit, neque lucta, neque volutatio in pulvere. Multo somno & molliter recu-

bet, & in desidia degat, laboribus secundum naturam exceptis, & a cœna obambulet. Prodest etiam vaporariis uti, & ex vaporatione vomere. Per triginta dies minime repleatur. Quum vero repletus fuerit, cibariis sumptis dulcibus, aquosis & lenibus, bis in mense vomat.

Quæcunque autem ex his nulla necessitate coacta huc vel illuc oberrant, animi perturbationem quamdam ex sollicitudine indicant. Huic autem homini confert, ut cum animi relaxationem adhibeat, tum animum ad spectacula, quæ maxime risum movent, convertat. Sin minus, per biduum aut triduum ea spectet, quibus maxime gaudeat, & malum conquiescet; alioqui periculum est, ne in morbum incidat.

Quæ autem sidera pura & splendida e sua orbita excidere videntur, & auroram versus feruntur, sanitatem denunciant. Quidquid enim in corpore purum secundum naturam ex suo circuitu excernitur, a vespera ad auroram, bene habet. Quæ enim in ventrem demittuntur, & in carnem rejectantur, ea omnia ex circuitu suo excidunt.

Quod vero horum nigrum & obscurum, ad vesperam ferri videtur, sive in mare, sive in terram, aut sursum, hæc efficacius morbos portant. Et quæ quidem sursum feruntur, capitis distillationes; quæ vero in mare, ventris morbos, quæ autem in terram, tubercula potissimum in carnem eruptura significant. His utile est tertiam cibi partem detrahere, & post vomitum, sensim ad dies quinque adjicere; in aliis autem quinque diebus totum cibum reponere, & vomitu facto, rursus eodem modo sensim reducere.

Ex cælestibus vero quodcunque purum & humidum insidere tibi videbitur, sanitatem denun-

ciat; quoniam ex æthere in hominem descendit; tale vero, quale ingressum est, animus etiam cernit.

Quod autem nigrum, impurum, minime perspicuum fuerit, morbum portendit, non ob plenitudinem aut evacuationem, sed ob id, quod extrinsecus inductum est. Huic confert cursibus circularibus concitatis uti, quo quam minima corporis colliquatio contingat; & ubi spiritu quam creberrimo usus fuerit, id, quod advenit, excernat. Post cursus autem deambulationibus concitatis (utatur.) Victus autem ratio ad dies quatuor mollis, & levis adhibeatur.

Quidquid vero purum a Deo sumere sibi quis videtur, id bonum est sanitatis (augurium.) Ea enim, quæ in corpus ingesta sunt, pura esse indicat. At vero quidquid huic contrarium videre quis putat, bonum non est. Morbum enim corpori advenisse significat. Huic igitur, velut priori, eadem curatio adhibenda est.

Si quis clementi cælo, molli pluvia complui, & minuta roratione, neque cum gravi tempestate madefieri videatur, bonum est. Commoderatum enim & purum spiritum ex aere ingressum esse significat. Quod si his contraria contingant, ut quis vehementer complui aqua impura, & cum tempestate ac procella videatur; morbum a spiritu inducto significat. Verum huic quoque eadem victus ratio observanda est, iisque omnibus modicus cibus exhibendus.

Ac de signis quidem cælestibus sic statuere & consilio providere, ad idque victus rationem dirigere oportet, & diis supplicare. Ad res quidem prosperas, Soli, Jovi cælesti, Jovi opulento, Minervæ, Junoni, Mercurio, Apollini; ad adver-

fas vero , Diis averruncatoribus , & Terræ , & Heroibus , ut gravia omnia averruncent.

C A P U T V.

De corporeis , ac civilibus functionibus in insomniis ; de terræ arborum , fluviorum , fontium ac maris somniorum judicationibus.

AT vero hæc quoque sanitatem præfagiunt , ea quæ in terra fiunt , acute cernere , & audire firmiter , item secure iter facere , ac sine metu currere ; terram planam ac bene cultam videre ; arbores item germinantes , fructuosas & sativas ; flumina etiam cursu solito labentia , & aqua limpida , neque copiosiore , neque pauciore quam conveniat , fontesque & puteos eodem modo. Hæc omnia (sic visa) sanitatem homini denunciant , corpusque & circuitus omnes , ciborumque exhibitiones , & excretiones recte habere. Quod si quid his quodammodo adversum videatur , noxam aliquam in corpore significat. Visu quidem & auditu læso , capitis morbus indicatur. Matutinis igitur deambulationibus , & post cœnam pluribus utendum , adjecta prioris victus ratione. Cruribus vero læsis , vomitibus revellendum est , & frequentiore lucta utendum , servata etiam prioris victus ratione.

Terræ vero squallidæ visio , carnem minime puram indicat. Plurimæ igitur deambulationes post exercitationes obeundæ.

Arborum autem sterilitas feminis humani corruptelam significat. Si igitur ab arboribus folia decidant , ab humidis & frigidis offensionem denotant : si vero frondosæ fuerint , at fructu careant,

reant, a calidis & siccis. Hæc igitur per victus rationem refrigerare atque humectare oportet; illa vero siccare, & calefacere.

Flumina non pro more fluentia, sanguinis circuitum denotant, & plus justo quidem fluentia, exsuperantiam; minus vero, defectum. Hunc quidem diæta augere; illum vero imminuere oportet. Quum vero impura defluunt, turbationem indicant; quæ a cursibus circularibus ac deambulationibus, denso spiritu agitata expurgantur. Fontes & putei aliquid circa vesicam significant; quamobrem urinam cientibus (medicamentis) purganda est (vesica.) Mare (vero) perturbatum, ventris morbum significat; sed alvum deficientibus, levibusque, & mollibus expurgare oportet.

C A P U T VI.

De terræ motæ, inundatæ, atræ, combustæ, & nationis somniorum judicationibus.

TERRA aut domus si moveri videatur, sano quidem homini imbellicitatem, ægrotanti vero sanitatem, præsentisque status immutationem portendit. Sano igitur victus rationem transmutare convenit. Imprimis vomat, ac rursum paulatim cibum adsumat; nam corpus ex præsentis victus ratione totum movetur. At ægro eadem victus ratione uti confert, quum nimirum corpus ex præsentis statu transmutetur.

Terra ab aquæ aut maris diluvio inundari si videatur, morbum ob multam humiditatem, quæ in corpore inest, denunciat. Sed vomitibus, prandii abstinence, & laboribus, & victus ra-

tionem sicca utendum: deinde ex parvis interval-
lis modicus cibus adjiciendus. Sed neque nigram,
neque exultam terram videre bonum censetur,
contra vero, ne vehemens ac lethalis morbus con-
sequatur, periculum est; siccitatis enim in carne
exsuperantiam significat. Sed labores & cibos
tum siccos, tum calidos & acres, urinamque
cientes detrahere, oportet; & in victus ratione
ptisanæ succum decoctum, omniaque mollia &
levia, sed pauca exhibere. Potu utendum diluto,
albo, copioso; balneis calidis, multis; verum ne
jejunus lavet; molliter cubet, in desidia con-
quiescat, frigus, solemque vitet. Terræ autem,
Mercurio & Heroibus vota faciat.

Quod si in stagno, aut mari, aut fluminibus
quis sibi natare videatur, bonum non est: nam
humiditatis exsuperantiam indicat. Huic autem
victus ratione sicca & pluribus laboribus uti con-
fert. At febricitanti bonum est, quoniam calor
ab humoribus extinguitur.

C A P U T VII.

*De variae corporum, partium, mortuorum, indu-
mentorum formæ, somniorum judicationibus.*

QUOD autem quis modo consueto & ad na-
turam suam accommodato circum se fieri
videt, neque majus, neque minus, bonæ valetu-
dinis indicium est. Veste etiam alba, & calcea-
mento pulcherrimo indutum esse, bonum. Quid-
quid vero in membris majus fuerit, minime bo-
num; sed neque quodcunque tandem minus fue-
rit. Et hoc quidem per victus rationem augere;
illud vero imminuere oportet. Nigra autem mor-

bosiora sunt, & periculosiora; verum emollire & humectare oportet. Nova quoque transmutationem significant.

Vita functos nitidos, & in albis vestibus videre, bonum est; bonum quoque quid purum ab ipsis fumere. Corporum enim, & eorum, quæ ingeruntur, salubritatem indicat; quum a mortuis alimenta & incrementa & semina ipsa prove-niant. Hæc autem pura in corpus ingredi, sanitatem denunciat. Quod si contra quis aut nudos, aut atratos, aut sordidatos, aut aliquid accipientes, aut ædibus exportantes videat, minime est accommodatum; morbum enim indicat, quod quæ in corpus ingerantur, noxia sint. Verum cursibus circularibus & deambulationibus repurgari oportet, & vomitu facto alimentum molle & lene sensim adhibere.

Quæcumque vero monstrosa corpora in somnis se ostendunt, & hominem territant, ciborum infuetorum repletionem, & secretionem, & chole-ram, ac periculosum morbum indicant. Verum vomitus procurandus, & ad dies quinque cibi quam levissimi, non multi, neque acres, neque sicci, neque calidi sensim adhibendi, & laboribus maxime ad naturam accomodatis (utendum;) præterquam deambulationibus a cœna. Balneis etiam & calidis lavacris utendum & animi æqualitate; sol & frigus vitanda.

C A P U T VIII.

Quæ ab adsuetorum esu, potu, visu; quæ a pugna, fluminum trajectionibus, hostibus & monstris somniorum interpretationes desumantur.

PER somnum vero si quis solitos cibos aut potus sibi edere ac bibere videatur, alimenti inopiam, animique mœrorem indicat. Carnes autem validissimæ, maximæ exsuperantiæ indices sunt, debiliores vero, minoris. Quemadmodum enim id, quod editur, bonum est, ita & quod cernitur. Cibos igitur subtrahere convenit, quum alimenti exundantis id sit indicium. Quin etiam panes ex caseo & melle confecti, per somnum comesti, eadem indicant. Aquam puram (per somnum) bibere, bonum; reliqua vero omnia nocent. Quæcunque ex consuetis per quietem quis sibi cernere videtur, ea animi desiderium significant. Quæ vero perterritus fugit, sanguinis repressiōem præ siccitate indicant. Corpus autem refrigerare & humectare conducit.

Quod si quis aut pugnare, aut pungi, aut ab aliis vinciri sibi videtur, secretionem circuitui contrariam in corpore factam significat. Vomere igitur confert & adtenuare, ac deambulare, cibisque levibus uti, & a vomitu per dies quinque eos sensim adhibere.

Quin & errores, & adscensus in somnis adparentes, gravia hæc denunciant. Fluviorum transitus, hostes armati, monstra difformia, morbum aut furorem prælagiunt. His igitur conducit, qui talibus insomniis detinentur, ut cibus paucis, levibus ac mollibus utantur, & vomitibus factis, ad dies quinque leniter cibos adhibeant. Laboribus quoque multis naturæ accommodatis utendum; præterquam a cœna. Balnea calida, desidia, frigus & sol, vitanda. Qui his, velut conscripta sunt, utetur, vitam sanus deget. Atque hæc victus ratio, quantum homini consequi licuit, Diis bene juvantibus, a me est inventa.

HIPPOCRATIS

DE ULCERIBUS

LIBER

P R Æ F A T I O.

NON videtur HIPPOCRATIS, qui nimis multa, nimisque varia medicamenta contineat: in eo a libris muliebrium diversus, quod doses medicamentorum non addat. Placent aliqua monita, contra abusum oleosorum & laxantium, de curandis partibus ulceri circumpositis. Medicamenta ipsa satis cum rerum natura conveniunt, est tamen quod arsenicum recipiat, & nigrum veratrum, & cantharides. Plantas aliquas breviter describit.

ULCERA universa, nisi vino, humectare non oportet, si non in articulo fuerit ulcus. Nam siccum sano proprius est, & humidum non sano. Est enim ulcus, humidum; quod vero sanum est, siccum. Præstat autem absque deligatione sinere, præterquam quod cataplasma imponitur, quamquam aliqua ulcera neque cataplasma ferre possint, magis autem recentia quam vetustiora, & quæ sunt in articulis. Modicus cibus, & aqua quammaxime omnibus ulceribus conducunt, & magis recen-

tioribus quam vetustioribus, & si quod aliud ulcus inflammatum est, aut inflammationem minatur, & si periculum est corruptionis, & ulceribus ac inflammationibus in articulis: & ubi convulsionem fieri periculum est: & vulneribus in ventre. Maxime vero omnium, fracturis in capite, ac femore, & si cui alii parti fractura contigerit.

Stare autem ulceri minime conducit, præsertim si quis in crure ulcus habeat, imo neque sedere, neque ambulare. Verum otium, & quies maxime conferunt. At vero recentia ulcera omnia, tum ipsa, tum circumsitæ partes, minime inflammationem incurrent, si quis quamcitissime suppuret, & pus ab osculo ulceris non interceptum supprimatur, aut si quis avertat, ut omnino non suppurentur, præterquam necessario, eoque paucissimo pure, & sicca sint, quammaxime ex medicamento non molesto. Igneum enim fervorem hoc inducit, ubi horror, & pulsatio accesserit. Inflammantur enim ulcera tunc, quum ad suppurationem tendunt. Suppurantur autem alterato sanguine ac calefacto, donec putrefactus talium ulcerum pus fiat. Quum vero cataplasmate opus esse visum fuerit, non ipsum ulcus cataplasmate integere oportet, sed circumsitæ partes, quo pus decedat, & quæ indurata sunt mollescant. Cæterum ex ulceribus, si quod acuto specillo incisum, aut dissectum fuerit, cruentis vulneribus aptum medicamentum suscipit, & resiccatorium quoddam, quod prohibet suppurationem.

Si qua caro ex telo contusa, & dissecta est, eam curare oportet, quo quam celerrime suppuretur. Nam & minus inflammatur, & necesse est carnes contusas ac dissectas putrescere, ac pus

fieri, & eliquari, ac confumi, & postea novas carnes nasci.

Omni recenti ulceri, præterquam in ventre, conducit frequenter sanguinem defluere facere, prout opportunum esse visum fuerit, & ab ipsis partibus ulcus complectentibus, tum alias, tum si in tibia ulcus fuerit, aut in digito pedis, aut manus, magis quam si alicubi in alia corporis parte. Sanguine enim defluente, gracilescentia, sicciora fiunt ac minora. Prohibet enim hoc maxime talia ulcera humectari. Deinde vero in omnibus putredo sanguinis ex sanguinis transmutatione fit. Confert autem post sanguinis defluxionem in talibus ulceribus etiam spongiam edigare densam, mollem, concisam, sicciores quam humidiores, aut super spongiam superne sola multa ponere.

At oleum, & quæcumque mollia, aut oleosa sunt medicamenta, talibus ulceribus non conducunt, si non valde jam ad sanitatem tendant. Neque ulceribus ex recenti vulnere oleum conducit, neque mollientia, neque adiposa medicamenta, tum alias, tum quod ulcus ampliore purgatione opus habet. Ut autem in summa dicam, oleo ilitio facienda est, & in æstate, & hyeme, in his ad quæ talibus medicamentis opus habemus.

Depurgatio ventris deorsum plurimis ulceribus confert, & in vulneribus, quæ sunt in capite, & in ventre, & in articulis, & in quibus corruptionis periculum est, & in his, quæ confuta sunt, & in exedentibus, ac serpentibus, & alias inveteratis ulceribus.

At ubi deigare voles, pharmaca non prius imponere oportet, quam ubi valde siccum feceris ulcus. Tunc vero adponere oportet, ulcus au-

tem sæpe spongia detegere, & rursus linteum ficcum, ac purum sæpe adhibere, atque sic imposito medicamento, quod conferre videtur, deligare, aut non deligare.

Plerisque ulceribus tempus calidius commodius est hyeme, exceptis his, quæ in capite sunt, ac ventre, magis vero æquinoctii tempus. Ulcera quæcumque probe, & prout oportet purgata sunt, semper ad sicciores modum germinationem faciunt. Hæc autem plerumque carne non superexcrescunt. Si undecumque tandem os discesserit, aut ulsum, aut sectum, aut alio modo, horum ulcerum cicatrices caviores fiunt. Ulcera non purgata, non committi solent, etiamsi adducantur, neque sua sponte coeunt. Ubi circumsitæ ulceris partes inflammatae sunt, quamdiu durat inflammatio, ulcera coire non solent. Sed & ubi circumsitæ partes denigratae fuerint, & sanguinis putredine, aut etiam varice, influxionem sanguinis exhibente, neque hæc coire solent, si non circumsitæ partes sanas feceris. Ex ulceribus rotunda si subcava fuerint, excidere oportet undiquaque in orbem ea, quæ discesserunt, aut omnia, aut ex dimidio circuli, secundum longitudinem naturæ hominis.

In omni ulcere igne sacro accedente, corpus purgationem facere oportet, in utram partem ulceri contulerit, sive sursum, sive deorsum. Cui tumor obortus fuerit circa ulcus, ulcere non inflammato, huic postea temporis progressu tumor puris subsidentiam habet.

Quodcumque ulcus ex inflammatiores tumidum non sedatur, dum alia, quæ simul inflammari, ac tumescere coeperunt, sedantur, etiam hoc non coalescere periculum est. Quæcumque vero ex casu, aut alio quopiam modo dissecatur, & con-

tenduntur, & intumescunt, ita ut vicinae circumcirca partes suppuratae pus de tumoribus per ulcus egerant; in talibus quidquid cataplasmate opus habere visum fuerit, non super ipsum ulcus cataplasma ponere oportet, sed super circumscritas partes, quo pus decedat, & indurata molliantur. Postquam autem mollita fuerint, & inflammatio sedata, spongiis super ea, quae abscesserunt, deligatis compescito, initio a sana parte facto, atque ita procedendo. Superne vero super spongiam folia sint multa. Quum vero compesci non poterit caro, quae humida existit, in causa est, ut hanc ejicias.

Si sub profunda carne ulcus fuerit, ex utrisque & ex deligatione, & ex eo quod insuper compressit, hoc sane incurvum subadtollitur, & si quis id fecet specillo, si fieri poterit, ad fluxionem accommodatum ab ore ulcus refecare oportet, ubi commodum tempus esse visum fuerit, atque ita curationem adhibere, qualicumque tandem indigere videbitur.

Plerumque vero in omni ulcere, quod ventrem habet, in directum ad visum conspicua sunt omnia, tumore non praesente. Et si quidem in ipso fuerit putredo, aut caro suberit humida, ac putrida, hoc ulcus & complectentes ulcus partes, adspectu nigra sublivida erunt. Et in exedentibus ulceribus, qua parte phagedaena adfuerit, vehementissimeque depascitur, ac edit, ea parte circumscrita ulceris pars colorem habebit nigrum, sublividum.

Cataplasmata tumorum, & inflammationis in circumscritis partibus sunt verbascum coctum, & trifolii folia cruda, & ligustri folia cocta, & posilium. Si vero etiam purgari opus habuerit ulcus, omnia quidem etiam haec purgant. Sed & fici,

& oleæ folia , & marrubium. Coquere autem oportet hæc omnia , & maxime viticem , & fici ac oleæ folia , & mali punicæ folia fimiliter coquere oportet. Crudis vero his utendum est. Malvæ folia terito cum vino , & rutæ folia , & origani viridis. Omnibus his lini semen torrefactum , ac tufum quamleviffime , admiscere oportet. Ubi vero periculum est , ignem facrum in ulceribus oboriturum effe , ifatidis folia trita cruda cum lini femine imposito , aut lini semen folani , aut ifatidis succo fubactum.

Quum autem ulcus purum quidem fuerit , verum inflammatum est , & ulcus , & circumfitæ itidem inflammatae partes , lentem vino coctam , ac leviter tritam , oleo modico fubactam imposito , ac deligato , & rubi canini folia in aqua cocta , leviter trita imposito , linteo tenui fubextento , puro , vinoque , ac oleo madefacto. Et ubi committere , ac coalescere ulcus voles , rubi canini folia velut lentem præparato. Nasturtium item fauridion a lacerti fimilitudine appellatum , vinum , & lini semen tenuiter tritum commiscen-
tur. Et hæc , lini semen , & vitex crudus , & alumen melium ; hæc aceto fubacta. Uvam albam immaturam per colum in vas æris rubri expref-
fam , per dies ad solem exponito , noctu autem tollito , ne irroretur. Per dies vero indefinenter terito , ut æqualiter ficcetur , & de æneo vafe quamplurimum adfumat. Tanto autem tempore ad solem exponere oportet , donec ad mellis craffitudinem devenerit. Postea & hunc succum , & mel quamoptimum , & vinum dulce in æneam ollam infundito , ita tamen , ut prius refinam terebinthinam in vino coquas , donec dura fiat inftar mellis cocti , & postea refinam eximas , & vinum adfundas. Sit autem plurimus uvæ imma-

turæ succus. Secundo loco vinum. Tertio mel. Myrrham etiam staten quamoptimam, leviter tritam, eodem vino paulatim adfuso diluito, & postea ipsam per seipsam cum vino sæpe agitando coquito, & ubi ad bonam crassitudinem devenisse videbitur, ad uvæ immaturæ succum adfundito, & nitrum optimum torrefactum sensim ad pharmacum admisceto, & floris æris minus, quam nitri. Hæc postquam miscueris, coquito non minus tribus diebus, lignis ficulneis non multis succensis, aut prunis, ne torreatur; & ubi hoc pharmacum illinitur, omnia, quæ imponuntur, sicca sint, & ulcera non humectentur. Utendum autem est hoc pharmaco ad ulcerata inveterata, ac recentia, & ad pudendi, & capitis, ac aurium ulcera.

Aliud ad eadem ulcera. Fel bubulum siccum, mel quamoptimum, vinum album, in quo cocta sint loti ramenta, thus, myrrha æqualis, crocus æqualis, flos æris similiter. Ex liquidis autem vinum sit plurimum, deinde mel, paucissimum vero fel.

Aliud. Vinum, mel, oleum cedrinum. Sicca vero sint flos æris, myrrha, malicorium siccum.

Aliud. Flos æris tostus dimidia parte, myrrhæ duæ partes dimidiæ, croci partes tres, mel modicum, cum vino hæc torrentur.

Aliud. Thuris pars, gallæ pars, croci tres. Hæc singula sicca quam levissime terito, deinde mixta ad solem calidissimum, adfuso uvæ immaturæ succo, donec viscosa fiant, per tres dies terito, postea vino austero, nigro, odorato paulatim adfuso, diluito.

Aliud. In vino dulci albo ilicis radices coquito, & ubi probe habere visum fuerit, de vino defuso duas partes sumito, & amurcæ olei quamficcif-

simæ partem unam. Postea agitando coquito, ne torrescant, lento igne, donec ad bonam crassitudinem deveniant.

Aliud. Reliqua quidem eadem sint. Verum pro vino, acetum sit album, acerrimum, in quo tinctæ sint succidæ lanæ. Postea admixta amurca coquito, & succum caprifici adfundito, & alumen melium, & nitrum, ac æris florem, utraque tosta admisceto. Hoc magis priore ulcera purgat. Verum prius non minus resiccat.

Aliud. Lanas succidas paucissima aqua tingito, deinde vini tertiam partem ad aquam misceto, ac coquito, donec bona provenerit crassitudo. Ex his recentia vulnera quamcitissime suppurari possunt.

Aliud. Aron siccum inspergito, ac adaptato.

Aliud. Fici, dum succulenta est, corticem viridem, in vino tritum immittito: & sine vino, ipsum etiam cum melle.

Aliud. Ad acetum, in quo cocta sunt loti ramenta: sit autem album: amurcam olivarum, & picis ferum crudum admisceto, & illinito, & instillato, & deligato sicca. Hoc recentia vulnera avertit, ne suppurentur: aut aceto abluito, & vino imbuta sponsia extergito.

Aliud. Plumbum tritum cum spodio cyprio levigatum inspergito. Et loti ramenta inspergito, & squamam æris, & chalcitidem cum ære, & foliam per se, & cum loti ramentis. Et alias, ubi siccis opus fuerit, talibus utendum est, & spodio Illyrico trito cum ramentis, & ipsis folis ramentis, & flore argenti solo, quamlevissime trito, & aristolochiam rasam, ac tritam leviter, inspergito.

Aliud ad cruenta vulnera. Myrrha, thus, galla, ærugo, flos æris tostus, alumen Ægyptium tostum, œnanthe, lanarum sordes, plumbago,

horum singulorum æquale pondus diluitur cum vino velut superius, & reliqua præparatio fit eodem modo.

Aliud. Acetum quamacerrimum album, mel, alumen Ægyptium, nitrum optimum leviter tostum, fellis parum, simul coquito. Hoc carnem superexcrefcentem consumit, & cavat, & non mordet.

Aliud. Herba est parvis foliis prædita, cui nomen est Parthenium microphyllum. Hæc verrucas de pudendo aufert: & chalcitis ex insula Melo cruda, & elaterium tenue siccum adstringit, & malicorium tenue siccum eodem modo. Maxime autem replet cava, pura, herba Lagopyrus nomine: est autem tritico similis ubi arsefit, folio parvo velut olea, sed longiore: & marubii folium cum oleæ foliis.

Aliud. Caricæ siccissimæ internam partem pinguem, mellis speciem referentem duabus portionibus, cum feminis lini tosti non admodum, ac triti quamtenuissime parte una.

Aliud. Caricæ partem internam, & florem æris tenuem modicum, & fici succum.

Aliud. Caricæ partem internam, chamæleonem nigrum, bubulum fel siccum.

Aliud. Reliqua quidem eadem sint. Verum sicca, nasturtium tenue crudum, irio, utrumque pari pondere; caricæ vero partes duæ sint, & feminis lini partes duæ, cum fici succo.

Quum autem aliquo horum pharmacorum uteris, splenia aceto imbuta superne imposito, & spongia super splenia imposita deligato, & paullo magis adprimito. Si vero circumsitæ partes inflammatae fuerint, quidquid conferre visum fuerit, circumponito. Si liquido uti voles, etiam caricum pharmacum illinito, & velut supra scri-

ptum est, deligato eodem modo. Est autem ex his pharmacum factum veratro nigro, sandaracha, squama æris, plumbo usto, cum multo sulphure, auripigmento, cantharide. Ex his, prout visum fuerit, composito, ac utitor. Diluuntur oleo cedrino. Postquam vero satis fuerit illitum, pharmacum ejicito, & aron coctum, tritum imponito; aut siccum, tritum, oleo subactum. Et si sicco carico uti voles, liquida remove oportet, & pharmacum inspergere. Facit autem siccum ex veratro solo constans, ac sandaracha.

Aliud liquidum. Herba est, cujus folium simile est aro natura, verum album, lanuginosum, ad hederæ folii magnitudinem. Hæc herba cum vino imponitur. Aut ilicis partem eam, quæ est circum truncum, cum vino tritam imponito.

Aliud. Uvæ immaturæ succus, acetum acerrimum, flos æris, nitrum, succus caprifici. Ad uvæ immaturæ succum alumen injicito tenuissime tritum, & in vas æris rubri immissum ad solem exponito, ac agitato, & ubi ad bonam spissitudinem devenerit, tollito.

Sicca ad cruenta vulnera hæc faciunt. Veratrum nigrum tenuissime tritum inspergitur, quamdiu aliquid humoris inerit, ac depascentis. Deligatio vero eadem est, quæ in emplastris.

Aliud. Salis grana siccissima in æneam ollam, aut fictilem novam immittito, magnitudine maxime æqualia, non magna; & mel optimum dupla salis mensura, pro conjectura facta, ad salem adfundito, deinde ollam prunis imponito, & dum totum combustum fuerit, finito. Postea exterfo, ac expurgato per spongiam ulcere, inspergito, & velut prius deligato, & paullo magis comprimito. Postridie vero qua parte non adhæserit pharmacum, inspergito, comprimito, ac deligato. Ubi

vero pharmacum discedere voles, acetum calidum adfundito, donec discedat, & rursus eadem facito, si opus fuerit extersione per spongiam facta.

Aliud siccum mordax. Misy quam levissime tritum inspergito in ea, quæ humida sunt, ac putrida; & florem æris tenuem non penitus leviter tritum.

Aliud siccum similiter mordax. Ubi spongia extersisti, lanas quammaxime succidas in testa exurito, face admota, donec totas combusseris: hoc pharmacum leviter tritum inspergito, & eandem deligationem adhibeto.

Aliud siccum ad eadem ulcera. Chamæleo niger, alumen fici succo subactum, subigito autem tostum, & anchusam misceto.

Aliud. Anagallis, & alumen Ægyptium tostum.

Aliud. Pulvillum inspersilem Orchomenium inspergito. Cæterum ad nomas proserpendo depascentes alumen Ægyptium tostum, itemque Melium facit. Verum nitro tosto insperfo prius præparare, ac spongia extergere oportet. Facit & chalcitis tosta. Torrere autem oportet, donec flammæ speciem induat.

Ad vetera ulcera in tibiis fientia, fiunt autem sanguinolenta, & nigra, meliloti florem tritum, melle subactum, cataplasmatibus modo utere.

At vero supra nervos dissectos, myrti sylvestris radices contusas, ac cribratas, & oleo subactas deligato. Et herbam quinquefolium: est autem alba, & lanuginosa, & altior a terra, quam nigrum quinquefolium: in oleo tritum deligato, & tertia die exsolvito. His autem medicamentis in hyeme potius, quam æstate utendum est.

Medicamenta mollientia, quæ etiam cicatrices pulchras faciunt. Scillæ internam partem mucosam terito, & resinam de picea, cum recenti

adipe fuillo, & oleo modico, resinaque, ac cerusa modica. Et adipem anserinum, ac fuillum recentem purum, & oleum modicum, & scillam, & ceram albissimam. Aut scillam, oleum album, resinæ parum, ceram, adipem fuillum veterem, ac recentem. Facit & oleum, & ærugo, & scilla, & resina. Sint autem duæ partes veteris adipis ad recentem. De reliquis autem quantum opportunum esse visum fuerit. Adipem recentem liquefactum in aliam ollam defundito, & plumbaginem levissime tritam, ac cribratam commisceto, adcoquito, & primum agitato. Coquito autem, donec destillatum in terram congeletur, deinde tollito, ac reliquum diffundito, præter lapidem subsidentem; & resinam injicito, ac agitato, & modicum oleum cedrinum, & quod prius diffusum, ac ablatum fuit, admisceto. Porro in omnibus mollibus, in quibus resinam admisces, ubi pharmacum ab igne abstuleris, in calidum adhuc resinam immittito, ac agitato.

Aliud. Adeps fuillus vetus, & novus, & cera, & oleum: Sicca vero loti ramenta, thus, plumbago, thuris videlicet pars una, plumbaginis una, & ramentorum loti una. Sint autem adipis veteris partes duæ, ceræ una, & novi adipis una. Aut adipem solum veterem fuillum, & cum ipso adipem caprinum recentem quamminime cum membrana, sed purgatum, parum terito, aut contundito, & oleum adfundito, & plumbum cum spodio inspergito, & ramentorum loti dimidium.

Aliud. Adeps caprinus, spodium, chalcitis cærulea, oleum.

De Ambustis. Illicis radices coquere oportet teneras. Quarum si cortex crassissimus est, ac viridissimus, confectum in tenues partes, vino albo adfuso, lento igne coquito, donec ad bonam crassi-

crassitudinem deveniat, ut illini possit. Potest & in aqua coqui eodem modo.

Aliud. non mordax. Suillum adipem solum veterem liquefactum illinito. Superne vero scillæ radicem dissectam imponito, ac deligato. Postridie vero foveto, ac perfundito, & adipem suillum veterem liquato, & ceram, ac oleum admisceto, thus item, & loti ramenta, ac minium: hoc ubi illeveris, ari folia in vino, ac oleo cocta adponito, ac deligato.

Aliud. Postquam suillo adipe illeveris vetusto, hastulæ regiæ radices in vino coctas, ac tritas superillinito.

Aliud. Adipem suillum veterem liquato, & resinam, ac bitumen admisceto, & hæc linteo illita, ad ignem calefacta, imponito, ac deligato. Quum in dorso ex plagis, aut alias ulcus factum fuerit, scilla cocta, trita, ac linteo illita deligato. Postea vero adipem caprinum, & recentem suillum, & spodium, & oleum, & thus illinito.

Tumores in pedibus fientes, & sponte, & non sua sponte, in quibus neque tumores, neque inflammatio a cataplasmatibus sedatur: & si quis spongas deliget, aut lanas, aut aliud quid super sanam partem, postea intumescunt sua sponte, ac inflammantur: influxio sanguinis per venas in causa est, si cui non contusio causa est. Et si alicubi alia in corporis parte tale quid fiat, eadem ratio est. Verum sanguinem detrahendum oportet de venis præsertim influentibus, si conspicuæ fuerint. Sin minus, pertundere tumores oportet, profundioribus, ac frequentioribus vulnusculis impactis. Sed & in aliis omnibus, quæ pertundis, sic facere oportet, atque hoc acutissimis, ac tenuissimis ferramentis. Quum vero sanguinem detrahis, specillo ne valde premas, ne contusio

accedat. Aceto autem perluito, & grumum sanguinis in hiatibus ne relinquito; & illito cruentis vulneribus destinato medicamento, lanas succidas, carminatas, molles deligato, vino & oleo resperfas. Et pertusam partem æger ita habeat, ut refluxus sit sanguinis, non defluxus; & omnino non humectet; & parum cibi capiat, & aquam bibat. Si vero ubi solveris, fissuras reperiis inflammatas, cataplasmata ex vitice, ac lini semine imposito. Si vero ulceratæ fuerint fissuræ, ac eruperint, ad rem respiciens, & quod opus fuerit adhibens, de cætero curato.

At ubi varix inest in tibia, aut conspicuus, aut in carne, & tibia est nigra, & videtur opus habere sanguine ab ipsa defluente; talia nequaquam pertundere oportet. Plerumque enim magna ulcera ex fissuris fiunt, propter varicis influxum. Verum varicem ipsum alias atque alias compungere oportet, ubi opportunum esse visum fuerit.

Cæterum quum venam secueris, postquam sanguinem dimiseris, & fasciam solveris, & non sistatur, in contrarium partem habeat, quo refluxus sanguinis fiat, siue manus fuerit, siue crus, utpote sanguine retro fluente, atque ita tempus longius, aut brevius decumbens expectet. Postea ipsum sic habentem deligato, nullo grumo existente in fissura. Deinde splenium duplum vino imbutum adponito, & super ipsum lanam puram oleo imbutam. Nam etiamsi influxus sanguinis fuerit violentus, suppressio fit influentis. Et si grumo in fissura manente sic inflammetur, suppuratur. Pransum autem, & potum plus, aut minus venam secare sinere oportet, & aliquantum calefactum, & die calidiore, quam frigidiore. Si vero influat sanguis, cucurbitam adfigere oportet, & si ablata cucurbita, multum sanguinis, aut

serofus sanguis fluat, cito priusquam repleatur rursus adfigere, & quod restat extrahere. Sin minus, grumi in fissuris inhærent, & deinde ex ipsis inflammata ulcera fiunt. Aceto autem omnia talia perluere oportet, & postea non humectare, neque in fissuras decumbere. Verum aliquo medicamento cruentis vulneribus destinato fissuras illinere. Et quum infra genu, aut ad genu adfigere cucurbitas oportuerit, stanti erecto, si stare potuerit, adfigantur.

HIPPOCRATIS LIBER DE FISTULIS.

P R Æ F A T I O.

DE fistula ani. Eam filo contorto jubet eradere, aut certe secare. Ad ani prolapsum adstringentia medicamenta laudat. Monet, minus prolapsuram, si inter egerendum pedes extenderis. Ad pituitam & bilem causas morborum refert, ut in libro de mulierum morbis. Medicamentorum etiam ubertatem habet, & cnidia grana. Cum libro de hæmorrhoidibus denique continuum librum efficit. Pro genuino habet FOESIUS.

FISTULÆ fiunt quidem ex contusionibus, & tuberculis, fiunt autem & ex remigatione, ac equitatione, quum in natibus congregatus fuerit sanguis prope sedem. Putrescens enim di-

tribuitur ad molles partes, nimirum quum & intestinum rectum sit humidum, & caro mollis, in quam distribuitur, donec tuberculum eruperit, & deorsum ad rectum intestinum computruerit. Postquam autem hoc factum fuerit, in fistulam abit, ac sanie manat, & sterqus per ipsam fluit, & flatus, & abominatio multa. Ex contusionibus itaque fit fistula, ubi aliquis circa rectum intestinum locus contusus fuerit ex plaga, aut ex casu, aut vulnere, aut equitatione, aut remigatione, aut quæcumque talia sunt. Congregatur enim sanguis. Putrescens autem suppuratur, a suppurato vero ea, quæ de tuberculis dicta sunt, patitur. Primum igitur, quum tale quoddam tuberculum nascens senserit, crudum quamcitissime secare oportet, priusquam suppuretur, ad rectum intestinum.

Si vero jam ægrotantem ex fistula adsumferis, allii caulem recentem accipe, & homine supino reclinato, diductis cruribus altero huc, altero illuc, caulem immitte, donec offendas ac impingas, & fistulæ profunditatem per caulem metire, & seselis radicem tenuissime tritam, aqua adfusa, ad dies quatuor macerato, eamque aquam trium cyathorum mensura, melle admixto, æger bibat jejunos. Cum hac etiam ascaridas purgato. Quicumque vero relictæ fuerint non curati, moriuntur. Postea linteum byssinum tithymalli magni succo imbutum, flore æris tosto trito insperso, in penicilli figuram intorque, longitudine fistulæ æqualem, filo per summum penicillum transmissio, & rursus per summum caulem; & homine supino reclinato, adhibito catoptere instrumento sedem expandente, corrosam recti intestini partem inspicito, & sic caulem immittito: & ubi in intestinum inciderit, adprehensum retrahito, do-

nec penicillus fuerit intrusus, & superiori, ac inferiori parti adæquatus. Postquam vero fuerit intrusus, glandem corneam in intestinum indito, & podice ex terra cimolia oblito finito. Ubi vero ventrem exonerat, eximito, ac rursus indito, donec ad quintum pervenerit diem. Sexta autem eximito, extrahens pernicillum ex carne, & alumen terito, eoque glandem expleto, & intestinum indito, ac finito, donec alumen liquidum fiat. Podicem vero myrrha illinito, donec coahuisse visus fuerit.

Alia curatio. Crudum linum tenuissimum accipito, & ad palmi longitudinem quincuplicato, & pilum equinum circumdato. Deinde facto specillo stanneo in summa parte perforato, & initio lini complicati in specillum immisso, specillum in fistulam demittito, & simul sinistrae manus digitum indicem in sedem indito. Ubi vero specillum contigerit digitum, inflexa summa specilli parte, initium lini, quod est in specillo, per digitum adducito: & specillum quidem rursus extrahito, lini vero initia bis aut ter connectito, & reliquam lini partem intortam ad nexum deligato. Postea vero dimissum negotia sua obire, jubeto. Cæterum quantum putrescente fistula de lino laxatur, tantum augere oportet, ac intorquere semper singulis diebus. Si vero linum crudum computrescat, priusquam fistula corrodat, aliud linum ad pilum innecte, immitte, ac connecte. Pilus enim ea de causa ad crudum linum additur, quod non putrescit. Postquam vero fistula computruerit, spongiam mollem in tenuissima frustra concisam adponere oportet, deinde in fistulam quidem florem æris tostum multum per specillum immittere. Spongiam vero melle illi-

nere, & subiecto digito indice sinistræ manus ultra protrudere, & adpositam alteram spongiam deligare, eodem modo velut in hæmorrhoidibus. Postridie vero exsolvere, & aqua calida abluere, & cum spongia per sinistræ manus digitum fistulam purgare conari: & rursus æris florem immittere, ac spongiam deligare. Atque hæc facere oportet per dies septenos. In his enim maxime tunica fistulæ computrescit, de cætero vero, donec sanata fuerit, spongiam deligare. Nam dum per hunc modum fistula a spongia cogitur, ac explicatur, neque rursus concidere poterit, neque alia ipsius pars sanabitur, alia vero rursus complebitur, sed in seipsa tota sana erit. Verum in hac curatione multa aqua calida proluere oportet, & fame macerare. Si vero non corrofa fuerit fistula, specillo immisso, secato, donec diduxeris, & æris florem inspergito, & ad dies quinque finito. Deinde aquam calidam adfundito, & polentam aqua subactam superimponito, & betarum folia deligato. Ubi vero exciderit æris flos, & fistulæ ulcus purum fuerit, velut priorem curato. Si vero in loco sit, ubi fieri id non possit, & profunda etiam sit fistula, flore æris, & myrrha, & nitro in urina dilutis colluito: & in fistulæ osculum plumbeam glandem indito, ne coalescat. Collutio vero facienda est, pennæ fistula ad vesicam adligata, & fistula intro immissa, atque sic collutione infusa. Verum sanus non fit, si non secetur.

Si intestinum rectum inflammatum fuerit, & dolor habeat, & febris, & frequenter ad exonerandam alvum desideat, & nihil egerat, & præ inflammatione sedes exiisse videatur, & aliquando urinæ stillicidium corripiat; hic morbus fit, quum pituita ex corpore ad intestinum rectum decubue-

rit. Conferunt autem calida. Quum enim hæc adhibentur, pituitam adtenuare, ac consumere possunt, & simul acrimonia sua falsam pituitam aquosam reddere, ut non sit ardor, neque morfus aliquis in intestino. Curare itaque oportet hoc modo. Ægrum in calidam aquam collocato, & trita grani cnidii grana sexaginta in vini hemina dimidia diluito, tepefacito, & infundito. Hæc & pituitam educunt, & stercus. Si vero in aqua non sedet, ova cocta in vino nigro odorato ad sedem adponito, calido quopiam inferne substrato, aut vesica aqua calida plena. Aut lini semen tostum, molitum, tritum, pari farina, in vino nigro odorato, & oleo admixta, cataplasmatibus modo calidissime imposito. Aut hordeum, & alumen Ægyptium tritum misceto, & glandem oblongam efformato, & ad ignem tepefaciens digitis effingito, deinde summe tepidam effectam in sedem indito. Forinsecus autem cerato oblinito, & allium in vino nigro diluto coctum pro cataplasmate imposito. Postquam vero exemeris, in aquam calidam collocato: & solani succum, & anserinum ac suillum adipem, & chrysocollam, & resinam, & ceram albam commisceto, simulque liquefacito, & cum his illinito, & quamdiu inflammatio duraverit, allium coctum ut cataplasma adhibeto. Et si quidem ad hæc a dolore liberetur, satis fit; sin minus, bibat peplum, meconium album appellatum, aut aliud quoddam, quod pituitam purgat. Et quamdiu durat inflammatio, eduliis levibus nutriatur.

Urinæ stillicidium ex his incidit. Vesica ex intestino recto calescens, caliditate pituitam adducit, a pituita vero urinæ stillicidium fit. Si quidem igitur una cum morbo sedetur, solet enim

plerumque ita fieri, satis est; sin minus, medicamenta ad urinæ stillicidium destinata exhibeto.

Si vero sedes elabatur, fomento per mollem spongiam adhibito, & cochleæ mucō illito, e manibus deligatum suspendito ad modicum tempus, & redibit. Si vero amplius excidat, & non maneat intus, laterum mollitudines præcingito, & retrorsum fasciam ex cingulo submittito, & ubi sedem intro protrusisti, spongiam mollem aqua calida, in qua loti ramenta cocta sunt, imbutam imponito. Sed & de aqua ipsa ad sedem adfundito, spongiam vero exprimito, deinde fasciam per media crura subextentam, circa umbilicum deligato. Ubi vero alvum exonerare volet, inter tabulas angustissimas insidens id faciat. Si vero puer fuerit, intra mulieris pedes ad genua adclinatus. Dum autem ventrem exonerat, crura extendat. Sic enim minime sedes exciderit.

At si intestinum rectum humidum fiat, & faecies defluat, fece vini usta, & aqua ex myrti decocto abluito, & adiantum siccum, tusum, cribratum inspergito. Si vero sanguis profluat, ablutione ex iisdem facta chalcitidem, & cupressi, aut cedri, aut pini, aut terebinthi ramenta inspergito, pari mensura de his ad chalcitidem admixta. Forinfecus autem ceratum crassum oblinito.

Quum sedes, sive rectum intestinum exciderit, & in loco suo manere noluerit, sulphur optimum, ac densissimum derafum tenue inspergito, sternutatorium medicamentum ad nares adponito, & hominem ad iram exacerbato. Aut ubi aqua calida abluisti, malicorium, & alumen, in vino albo trita, ad sedem adfundito, deinde panniculos adponito, & femora per dies tres colligato, & jejundet. Vinum autem bibat dulce. Si vero neque sic retro cedat, minium mixtum cum melle illinat.

Intestinum rectum si procidat, & sanguis profluat, de ari radice detractum corticem in aqua coquito, deinde tritum farina admixta calidum imponito.

Aliud. Vitis sylvestris, quam aliqui psilothrion vocant, radices tenerrimas derasas in vino nigro meraco aultero coquito, deinde tritas tepide imponito. Sed & farinam admisceto, & in vino albo, ac oleo subigito, & tepide imponito.

Aliud. Cicutæ semen vino albo odorato instillato terito, deinde tepide imponito. Si vero inflammatum fuerit, hederæ radicem in aqua coctam, leviter tritam, admixta farina optima, in vino albo subactam imponito, & oleum ad hæc admisceto.

Aliud. Mandragoræ radicem maxime viridem, sin minus, siccam: viridem itaque lotam, ac concisam, in vino diluto coquito, ac imponito: siccam vero tritam similiter imponito.

Aliud. Cucumeris peponis internam partem leviter tritam imponito. Si vero dolor fiat, & inflammatum non sit, nitrum rubrum assato, ac leviter terito, & alumen ac salem torreto, ac leviter terito, pari mensura singula misceto, deinde ad picem optimam admisceto, & linteo illita adponito, ac deligato.

Aliud. Capparis folia viridia trita, in marsupium coniecta, adalligato; & ubi urere tibi videbitur, auferto, ac rursus adponito. Si vero folia non adfuerint, corticem radice capparis contusum, vino nigro subactum, eodem modo adligato. Hoc etiam ad splenis dolorem bonum est. Ex his cataplasmatibus, quæ quidem frigefaciunt, fluere prohibent; quæ vero molliunt, ac calefaciunt, diffundunt; quæ in sese trahunt, siccant, & adte-

nuant. Porro hic morbus fit, quum bilis & pituita ad hos locos decubuerit. At recto intestino inflammato, medicamento, in quo resina, & oleum, & cera, & plumbago, & adeps calidissimus commiscentur, illinere oportet.

HIPPOCRATIS DE HÆMORRHOIDIBUS LIBER.

PRÆFATIO.

ETSI spurius, non ideo malus libellus. Non potest esse auctoris aphorismorum, hæmorrhoides enim, quarum iste unam apertam jubet servare, noster omnes curat. Theoria etiam est a bile & a pituita. Varias curationes adhibet, ipsam ustionem, tum acria medicamenta.

HÆMORRHOIDUM morbus hoc modo fit. Quum bilis, aut pituita ad venas recti intestini decubuerit, sanguinem, qui in venis est, calefacit. Calefcentes autem venæ ex vicinis venulis sanguinem attrahunt; & ubi replentur, interna sedis pars intumescit, & capita venarum supereminent, & partim dum a stercore exeunte comprimuntur, partim dum a coacervato sanguine coguntur, sanguinem eja-

culantur : atque hoc maxime quidem una cum stercore , aliquando vero etiam sine stercore.

Curare autem oportet hoc modo. Primum equidem nosse oportet in quo loco sint hæmorrhoides. Rectum enim intestinum & secans, & refecans, & consuens, & urens, & putrefaciens, etiamsi gravissima hæc esse videantur, nihil læseris. Jubeo autem præparari ferramenta septem, aut octo, magnitudine palmi, crassitudine specilli crassi, ex summa parte reflexa ac lata velut in obolo parvo. Et ubi priore die purgatorio medicamento purgasti, ea qua rem aggredieris urito, & homine supino reclinato, & pulvinari sub lumbos subjecto, sedem quammaxime per digitos foras extrahito, ferramentaue caudentia facito, ac urito, donec resiccaveris, & hoc ita ne contingas. Urere enim oportet, & nullam hæmorrhoidem sine ulatione sinere, sed omnes exurere.

Cognosces autem hæmorrhoidas non difficile. Supereminet enim in internam recti intestini partem, velut uvæ acini, lividæ, & simul ut sedes extrahitur, sanguinem ejaculantur. Detineant autem aliqui ipsius ægri caput & manus, dum uritur, ne moveantur : & dum uritur vocifere-
tur, sedes enim magis inde eminet. Postquam vero ufferis, lentes ac ervum coquito, & ex aqua trita imposito, ad quinque aut sex dies. Septima vero die spongiam mollem in tenuissima frusta concidito. Sit autem latitudo spongiæ undique sex digitorum, deinde super spongiam lintum tenue, ac leve, spongiæ æquale, melle illitum imposito, & postea subjecto digito indice sinistræ manus, mediam spongiam in sedem quampenitissime protrudito, deinde supra spongiam lanam adposito, quo in sede quieta permaneat. Et laterum mollitudines præcingito, & retrorsum

fasciam ex cingulo submittito, quam per media crura receptam, ad cingulum circa umbilicum deligato. At pharmacum de quo dixi, ad densam ac robustam carnem faciendam, ac producendam deligatur, & non minus, quam viginti diebus hæc deligare oportet. Sorbenda autem est semel in die farina, aut milium, aut furfurum decoctum, & aqua bibenda. Si vero ad alvum exonerandam desideat, aqua calida proluo, & tertio quoque die lavet.

Alia curatio. Extractam quammaxime sedem, aqua calida perfundito, deinde summas hæmorrhoidum partes præsecato. Pharmacum autem ad sectionem præparatum sit hoc. In æneum vas mingito, & in urinam, æris florem tostum, tritum, levem inspergito, deinde diluito, ac vas agitato, & in sole siccato. Ubi vero siccatum fuerit, eradito, terito, & levigatum ad anum adponito, & splenia oleo imbuta addito, ac spongiam supra deligato.

Alius modus. Adnascitur ad venam sanguis suam extuberantem, velut mori fructus, & si quidem valde extra fuerit extuberantia, carnis tectorium circum ipsam nascitur. Hominem igitur flexis genibus in duo mortaria sive excisos lapides locato, ac videto. Comperiens enim inflatas partes inter nates circa sedem, sanguinem vero intrinsecus procedere. Si itaque mollis sit, & sub tectorio cedat extuberantia, digito ipsam auferre oportet. Nihilo enim plus difficultatis hæc res habet, quam si quis dum ovicula exco-riatur, digitum inter cutem, ac carnem adigat. Atque hæc interim dum loqueris, ægro non animadvertente facito. Postquam autem extuberantiam abstuleris, necesse est sanguinis cursus ex tota detractione promanare. Itaque vino austero,

in quo gallæ maceratæ sunt, cito abluere oportet: & vena sanguiflua una cum extuberantia peribit, & tectorium sedabitur, & quanto vetustior affectio fuerit, tanto facilius sanatio erit.

Si vero penitus intus delituerit extuberantia, per catopterem inspicito, & ne a catoptere decipiaris videto. Dum enim aperitur, extuberantiam explanat; dum vero rursus contrahitur, recte ostendit. Auferre autem oportet, veratro nigro in anum sublito, deinde tertia die auferre, ac vino austero infuso colluere.

Cæterum quod sanguis non fluit, quum abstuleris extuberantiam, mirari non oportet. Neque enim si in articulis disseces manus aut crura, sanguis profluet. Si vero supra aut infra articulos secueris, cavas ac sanguifluas venas comperies: & difficile fuerit, ut expedite sistas. Sic etiam hæmorrhoidem in sede, si supra aut infra extuberantiæ detractionem feces, sanguis profluet. Si vero ipsam extuberantiam in connexu abstuleris, non profluet. Si quidem igitur ita sedatur, bene habet. Sin minus, urito, cavendo ne contingas ferro, sed prope admotis ferramentis resiccato, & florem æris ex urina adponito.

Alius modus curationis hæmorrhoidum. Clysterem facere oportet, velut arundinem sepiariam, phragmiten appellatam, & in ipsum ferramentum probe congruum adaptare. Deinde indita in sedem clysteris fistula, ferramentum candens immittere, ac frequenter eximere, quo magis calefieri sustineat, & neque ulcus ex calore habeat, & venæ resiccatae sanæ fiant. At vero si neque urere, neque resicare voles, ubi multa calida aqua proluiisti, & sedem everfam extraxisti, myrrham tritam, levigatam, & gallam, & alumen Ægyptium ustum, una & dimidia ad reliqua parte,

& melanteriæ tantundem accipe, atque siccis his utere. Hæmorrhoids enim ab his medicamentis decedet, velut corium combustum. Hæc facito, donec omnes extirpaveris. Et dimidia chalcitidis ustæ pars idem efficit.

Si vero glandulis sanare voles, sepia testam, plumbaginis tertiam partem, bitumen, alumen, florem æris modicum, gallam, æruginem modicam commisceto & mel coctum adfundito, & formatam ex his glandem oblongiorem adponito, donec extirpaveris.

Muliebrem hæmorrhoidem hoc modo curato. Multa calida aqua proluito. In aqua vero odorata, velut est myrica trita coquito. Deinde spumam argenti tostam, & gallam misceto, & vinum album, & oleum, & anseris adipem adfundito, omniaque simul trita, post factam prolutionem, illinenda dato. Proluere vero oportet, sede quam maxime extracta.



HIPPOCRATI

ADSCRIPTA

OPERA SPURIA.

DE VETERI MEDICINA

LIBER.

P R Æ F A T I O.

SPURIUM Mercurialis recte vocat, qui satis manifesto post ARISTOTELIS tempora prodierit: ipsius enim viri principia utique impugnantur. Deinde totus est in ratiociniis, acute utique & docte scriptus. Medicina originem satis probabiliter tradit: imperitos nempe mortales insalubribus cibus usos agrotasse, etiam periisse. Ad eos eventus animum adtendisse, vitasse noxios cibos, justam preparationem adhibuisse: sed ab experientia edoctos, non eosdem cibos sanis hominibus convenire & aëgris, edidicisse, aliis aëgris farina mistam aquam, aliis sorbitiones, aliis potum solum convenire. Sed etiam farinam aliis nocere, repletionem aliis, adeoque cuivis mortali propriam victus rationem consone. Ita veterem medicinam natam esse ab eorum adnotatione qua minus nocerent, imperfectam hactenus, neque tamen sua laude fraudandam.

Inde quatuor primas qualitates confutat, calidum, humidum, frigidum & siccum. Hypothesi artem non egere. Absque istis morbos nasci, neque redire, si eorum contrariis volueris morbos tollere. Multo plus valere ad morbos, eorumque sanationem, humorem acidum, salsum, acerbum, amarum, secretos, iterum commistos. Morbos fieri ex humo-

rum mutatione , declinatione dulcis in amarum , vel acidum , tum a figuris ; a figura conica convergenti uteri fieri , ut trahat ex ventre humores , ut flatibus repleatur ; a polita & molli hepatis superficie esse , quod a flatibus ledatur & inflammetur.

ARGUMENTUM LIBRI.

De artis Medicæ antiquitate , inventione , certitudine , ac præstantia ; de victus ratione quædam in genere , tum in specie de forbitione , potu , pane , ac vino , de qualitatibus primis , ac secundis , ac postremo , de fluxionibus , humoribus , flatibus nonnulla.

C A P U T I.

Medicinam exsistere , principiorum hypothesis , artis opifices , inventa , observationes , usus communis , & adfectiones comprobant.

QUICUNQUE de medicina dicere aut scribere adgressi , dicendi scopum sibi ipsis , ac fundamentum supposuerunt , calidum aut frigidum , aut humidum , aut siccum , aut aliquid quodcunque voluerint , rem in compendium contrahentes , principium causæ , tum morborum , tum mortis hominibus omnibus idem , unum aut duo proponentes : hi in multis quidem quæ dicunt , manifesto errasse deprehenduntur. Justior autem querela est de arte præsentis , quæ omnes in maximis utuntur , & bonos artifices

maxime colunt. Sunt autem opifices alii viles, alii longe præstantes: quod sane, si non esset omnino medicinæ ars, neque in ipsa observationes essent, neque quidquam inventorum, non utique exstaret: sed omnes æqualiter ejus ignari & inexperti essent, & per fortunam omnes ægrotorum res gubernarentur. Nunc vero res non sic se habet, sed quemadmodum aliarum omnium artium opifices multum inter se differunt, tum manu, tum mente, sic etiam in medicina. Quapropter non censeo ego ipsam inani fundamento indigere, velut obscura & dubia; de quibus si quis dicere conetur, eum necesse est fundamento uti. Velut si quis de sublimibus in aere rebus, aut de subterraneis dicat, & quomodo habeant, sciat; tamen neque dicenti, neque audientibus manifestum satis fuerit, verane sint, an secus. Neque enim est ad quod quis se conferat, cuique innitatur, ut veritatem cognoscat.

Medicina autem jam ab antiquo existit, & principium & via inventa, per quam inventa, & multa & probe habentia comperta sunt, per multum adeo tempus & reliqua deinceps invenientur, si quis idoneus sit, & jam inventorum gnarus, ex his ad perquirendum procedat. Quicunque vero his rejectis, ac omnibus reprobatis, alia via aliaque forma inquirere conatur, & quid invenisse gloriatur, fallus est & fallitur. Impossibile enim id est. Verum ob quas necessitates impossibile sit, ego demonstrare conabor, docens ac demonstrans artem existere, ex hoc autem palam fiet, impossibile esse aliquo alio modo inveniri.

Videtur autem mihi maxime, de hac arte dicturum oportere vulgo ac plebeis hominibus nota dicere. Neque enim de alio quopiam, neque

quærere, neque dicere convenit, quam de adfectionibus ex quibus illi ipsi ægrotant. Ipsos quidem igitur suas ipsorum adfectiones condiscere, quomodo fiunt ac desinunt, & quibus occasionibus augescunt, ac deficiunt, quum idiotæ sint, non est facile: verum ab alio inventas ac proditas, proclive. Nihil enim aliud quisque recordatur, quam quæ sibi ipsi accidisse audit. Si quis autem idiotarum sententia destitueretur, & audientes non adficiet, ille etiam veritatis compos non fiet, & propterea neque fundamento, neque scopo opus habet.

C A P U T II.

Inventa alimenta naturæ ac adfectui idonea, Medicinam exsistere ac necessariam esse declarant.

ET ENIM ars medica, neque inventa ab initio fuisset, neque quæsitæ. Nihil enim ea opus erat ægrotis hominibus, si eadem diætæ uterentur, & adsumerent, quæ sani edunt, ac bibunt, imo etiam alterius cujusdam diætæ usus eis profuisset, si non alia fuissent his meliora.

Nunc autem ipsa necessitas homines coegit Medicinam inquirere, ac invenire. Quoniam ægrotis eadem in cibo adsummentibus, quæ sani solent, non fuit utile, velut neque nunc utile exsistit. Ut autem ego opinor, neque ipsa sanorum diætæ, ac alimonia, qua nunc utuntur, inventa fuisset, si suffecisset homini idem cibus ac potus, qui bovi ac equo, & omnibus aliis præter hominem, veluti sunt ex terra nascentia, fructusque ac herbæ & fœnum. Ex his enim nutriuntur, & augescunt, & illæsi degunt, non

indigentes alia diæta. Quamquam ego sane ab initio etiam hominem tali victu usum esse putem.

Quæ vero nunc inventa sunt edulia, multa arte excogitata, & multo tempore producta esse mihi videntur, quum multa & gravia ex robusto ac ferino victu homines paterentur, qui intemperatus, & magnas vires habens ingerebatur, qualia sane etiam nunc ex ipso paterentur, doloribus vehementibus, & morbis obnoxii, & brevi etiam morti. Verisimile est autem hæc mala tunc minus perpeffos ipsos fuisse, propter consuetudinem: quamvis tunc quidem graviter laborarint, & plurimos quidem imbecilliore natura præditos interiisse: eos vero qui viribus præstarent, diutius exstitisse: non secus ac hoc tempore, quidam ex valentibus cibariis facile, alii non nisi cum multis doloribus & molestiis vindicantur. Ob hanc itaque necessitatem etiam illi mihi videntur quæsisisse victum naturæ convenientem, & invenisse hunc, quo nunc utimur. Ex tritico igitur macerato, & a cortice purgato, molitoque ac cribrato, & subacto ac affato, panem fecerunt. Ex hordeo vero mazam, aliaque multa ex hoc excogitantes, coxerunt, & assarunt, & miscuerunt, fortiaque & intemperata debilioribus temperarunt, effingentes omnia juxta hominis naturam ac vires, quæ quidem fortiora essent, ab ipsa natura non posse superari, si ingesta essent, existimantes: ab his ipsis quoque dolores, & morbos ac mortes oriri judicantes: contra ab his, quæ natura domare posset, alimentum & augmentum & sanitatem. Porro invento huic quodnam justius, aut magis conveniens nomen quis imposuerit quam Medicinæ? quandoquidem ad hominis sanitatem alimentumque ac salutem inventa

est permutatio illius victus, & quo dolores & morbi fiunt.

C A P U T III.

De victu sanorum, & ægrorum; robusti, ac imbecillis; de victu pleni, tenui, & exquisito; de aridi & liquidi ut sorbitionum & potionum inventione, & usu; unde Medica ars, ejusque artifex, & Medicus.

SI vero ars ipsa esse non putatur, nihil absurdi est. Nam cujus nemo ignarus est, sed scientes omnes, ob usum & necessitatem, ejus non convenit aliquem artificem appellari. Atqui inventum ipsum & magnum & multæ artis, ac considerationis existit. Quin etiam in hunc usque diem exercitiorum, & reparandarum virium curam gerentes, semper aliquid amplius adveniunt, juxta eandem viam investigantes, quod quis edens, ac bibens maxime superet ac seipso fortior evadat.

Consideremus itaque & confessam ab omnibus medicinam, eam videlicet, quæ propter ægros inventa est, num & nomen & artifices habeat, & ipsa dominari ipsis velit, & undenam initium traxerit. Mihi equidem, velut in principio dixi, nemo ne quæsisse quidem medicinam videtur, si idem victus, & ægrotis, & sanis convenisset. Itaque in hunc usque diem hi, qui medicina non utuntur, barbari, ac græcis confines, eodem modo quo sani victitant ad voluptatem, & a nulla re quam concupiscunt, abstinent, neque quidquam devitant.

Cæterum qui medicinam quæsilverunt, ac invenerunt, eandem cum illis, de quibus superiori

sermone dictum est, sententiam habuerunt, & primum quidem ex his ipsis cibis copiam detraxerunt, & pro multis paucos statuerunt. Quum vero ipsis aliquando hoc ad aliquos ægros sufficeret, palamque fieret, quod prodesset, non tamen omnibus, sed essent quidam ita habentes, ut neque modicos cibos superare possent, imbecilliore sane quopiam tales indigere illis visi sunt, sorbitionesque invenerunt, pauca ex fortibus multa aqua permiscentes, & robur ipsum temperatura, ac coctura detrahentes. Quod si qui neque sorbitiones superare possent, iis detraxerunt etiam ipsas, & ad potiones pervenerunt, observaruntque, ut & hæc tum usu, tum copia moderate haberent, & neque plures quam oportet, neque meraciores, & intemperatiores, neque defectuosiores offerentes.

Probe autem nosse oportet, quibus sorbitiones in morbis non conducunt. Nam statim ubi hoc fecerint, exacerbantur ipsis febres ac dolores, & manifestum fit, quod adsumptum morbo quidem alimentum ac incrementum præbet; corpori vero tabes & infirmitas existit. Quicumque vero homines in hac adfectione existentes siccum cibum adsumunt, aut mazam, aut panem, etiamsi valde modicum, decuplo magis & manifestius læduntur, quam si sorbitione usi essent, ob nullam aliam causam quam fortitudinem edulii ad adfectionem, in quo sorbere conducit, non autem edere. Sin plura comederit, plus utique lædetur: si vero pauca, dolebit tamen omnino. Omnes itaque doloris causæ ad idem reducuntur, nimirum fortissima edulia maxime & manifestissime hominem lædere, siue sanus sit, siue ægrotus.

Quid igitur aliud cogitasse videri queat hic appellatus medicus, & confessus artifex, qui ægro-

rum diætā ac victum adinvenit, quam ille, qui ab initio omnibus hominibus victum, quo nunc utimur, ex agresti illo ac ferino reperit ac subornavit: Mihi equidem videtur idem modus, & unum quoddam ac simile esse inventum. Hic enim ea, quæ natura humana sana superare non potuit incidentia, & ingesta, propter feritatem intemperantiamque: ille vero quorum adfectio, qua ubique quivis detinebatur, superare non poterat, ab illis eadem detrahere quæsiuit ac instituit. Quid hoc ab illo differt? præterquam quod multiplicior & variegatior, ac majoris negotii est hæc species. Verum principium fuit illa, quæ prius est producta.

C A P U T IV.

Ægros sanorum victu, quam ferarum sanos magis ledi; Medicinam in victu invento præcellere; famis vehementem esse vim; mala tum a vacuatione, tum a repletionem varia nasci; Medicos navium gubernatoribus similes esse; eorumque delicta prodi.

SI vero quis consideret, quæ sit ægrotorum diætā, comparatione ad sanorum diætā facta, is inveniet hanc ægris nocentiorē, quam eam, quæ ferarum est, & aliorum animalium sanis. Etenim vir laborans morbo neque difficili & intolerabili, neque rursus levi & despiciabili, si panem aut carnem, aut aliud quid ex his, quæ sani edentes juvantur, comedere volet, non multum, sed multo minus, quam sanus poterat, contingat autem, ut nec sit, qui eum delinquere admoneat. Alius contra sanus naturam ha-

bens non omnino debilem, neque rursus fortem, si comederit quid eorum, quæ bos aut equus comedens juvatur, & edat fane ervum aut hordeum, aut aliud quid hujusmodi, non multum, sed multo minus quam potest: Sanus utique qui hoc fecerit, non minus gravabitur, & periclitabitur quam ægrotus ille, qui panem, aut mazam intempestive ingessit. Hæc itaque omnia signa sunt, quod ipsa ars medica via, aut methodo quæsitâ inveniri possit. Si quidem igitur simpliciter, velut aliqui putant, quæ fortiora sunt, nocerent; quæ debiliora proderent, & nutrirent tum ægrum, tum sanum, facilis fane res erat. Longe enim tutius ageretur, si res ad imbecillimum deduceretur.

Nunc autem non minus delinquitur, nec minus lædit hominem, si pauciora, & defectuosiora quam satis est, adsumantur. Fames enim magnam potentiam in naturam hominis habet, & sanandi & debilitandi, & occidendi. Multa vero etiam alia mala, diversa quidem ab his, quæ ex repletionis fiunt, non minus autem gravia, vacuationis sunt. Quapropter ars multa varietate plena est, & majorem diligentiam requirit. Oportet enim modum aliquem conjectare. Modum autem neque pondus, neque numerum aliquem alium, ad quem referens exactum cognoscas, non reperies, quam corporis sensum. Quapropter operosum est ita exacte condiscere, ut parum in alterutram partem delinquas: quamquam ego etiam eum medicum vehementer laudarem, qui parum delinquat: certitudinem autem exactam raro videre contingit.

Quare plerique medici eadem, quæ mali gubernatores in se admittere mihi videntur. Etenim illi, quum in tranquillitate gubernantes de-

linquunt, non fiunt manifesti: quum vero deprehenderit ipfos ventus magnus, & tempestas, palam jam conspiciuntur omnibus hominibus, quod ignorantia & culpa erroris sui navem perdiderunt. Sic sane etiam mali & plurimi medici, quum curant homines nihil grave patientes, in quos si quis etiam maxime delinquat, nihil grave faciat. Sunt autem multi tales morbi, & multo sæpius, quam graves hominibus accidunt. In talibus sane delinquentes, non fiunt manifesti idiotis hominibus. Ubi vero obtigerit magnus & fortis, & periculosus morbus, tunc ipsorum delicta, & ars omnibus in conspectu sunt. Horum enim cujusque vindices pœnæ præsto sunt, neque in longum differuntur.

C A P U T V.

Adfectus ab intempestiva vacuatione ac repletione, ac a cibis præter consuetudinem adsumptis, aut non adsumptis oboriri; ac priscam Medicinam non abjici, sed admirationi esse.

QUOD autem non minores afflictiones ab intempestiva vacuatione, quam a repletione hominibus contingant, probe discemus, si in sanis rem expenderimus. Sunt itaque aliqui ipsorum, quibus semel in die cibum capere conducit, & hoc propter utilitatem sic observant. Alii etiam prandunt, propter eandem necessitatem: sic enim ipsis conducit, & non his, qui aut ob voluptatem, aut ob alium aliquem casum alterutrum faciunt. Plurimorum enim hominum nihil interest, utrum tandem faciant, sive semel tantum edant, sive etiam prandeant, hac consuetudine

uti. Sunt autem quidam, qui non possint extra utilitatem facientes facile degere: sed contingit utrisque ipsorum, per diem unum atque eum non otiose permutantibus, immensa afflictio. Alteri enim si pransi fuerint, idque eis non conducat, statim graves, & corpore segnes fiunt, itemque mente pigri, hiatuque ac oscitatione, & dormitatione, & siti pleni. Si vero etiam insuper cœnaverint, & flatus, & tormina, & alvus effringitur, & multis magni morbi principium hoc fuit, si eosdem cibos, quos semel insumere consueverunt, bis adsument, & nihil his amplius. Alii vero si prandere consueverunt, idque ipsis conducat, & non pransi fuerint, mox ubi tempus præterierit, statim impotentia vehemens, tremor, animi deliquium; postea oculi pallidi, urina crassa & calida, os amarum, & viscera pendere ipsis videntur, vertigo, iracundia, tristitia. Hæc autem omnia ubi cœnare tentaverint. Deinde autem pransuri consumere non possunt, quæ prius cœnarunt, atque hæc ipsa cum tormine ac strepitu descendunt alvum concludunt, ipsique ægre dormiunt, insomniæque conturbata, ac tumultuosa habent, plerisque vero etiam horum morbi hoc ipsum principium fuit.

Considerare porro oportet ob quas causas hæc ipsis acciderunt. Et sane puto his, qui cibum sumere consueverunt, quod non expectaverunt justum tempus, donec ipsorum venter pridie ingestos cibos perfecte consumpsisset, & exsuperasset, evacuatusque esset, ac quievisset, sed in fermentem adhuc & fermentatum novos ingesserunt. Ejusmodi autem ventres multo tardius concoquant, & majore opus habent cessatione ac quiete. His vero qui prandere adsuæti fuerunt, quod non ubi citissime alimento corpus indigebat, & jam

priora consumpta erant, nec corpus habebat aliquam amplius nutritionem, non statim ipsi novum alimentum suppeditatum est, ideoque deficit & consumitur præ fame. Nam omnia, quæ tales homines perpeti dixi, fami imputo. Dico autem etiam alios omnes homines, qui duos aut tres dies inediam pertulerint, eadem passuros esse, quæ de impransis dixi. Cæterum tales naturas, quæ cito & fortiter ejusmodi delictis offenduntur, imbecilliores aliis esse censeo. Proximus est autem imbecillis languenti: verum imbecillior est languens, & plus laborare contingit ipsum, ubi justum tempus non est adsequutus.

Quum itaque ejusmodi exacta certitudo circa artem existat, difficile est semper id quod exactissimum est, adsequi. Multæ autem species in Medicina ad tantam certitudinem perveniunt, de quibus dicetur. Non censeo itaque propter hoc artem veterem, velut non existentem, neque probe investigatam, oportere rejici, eo quod non habeat circa omnia certitudinem exactam. Verum multo magis propterea, quod propinqua est exactissimo, simulque ratione possit ad ipsum pervenire, admirari oportere censeo ea, quæ ex multa ignorantia sunt eruta & inventa, quod probe & recte adinventata sunt, & non a fortuna aut casu.

C A P U T VI.

Solas qualitates primas nec sanitatis, nec adfectuum causas esse, sed a diverso pane diversas oboriri hominum adfectiones.

PORRO ad eos, qui novo modo artem ex scopis, ac fundamentis suppositis quærunt, sermonem reducere volo. Si enim calidum est aut frigidum, aut siccum, aut humidum, quod hominem lædit, & oportet recte medentem auxiliari, calido quidem in frigidum permutato, frigido vero in calidum, sicco in humidum, humido in siccum: contingat mihi homo non fortis naturæ, sed ex debilioribus, hic autem triticum edat, quod ex area sustulit crudum, & non elaboratum, & carnes crudas, & bibat aquam; hoc victu utens satis scio, multa & gravia esse perpeffurum. Nam & doloribus vexabitur, & corpus debile evadet, & venter corrumpetur, & multo tempore vivere non poterit. Quodnam igitur auxilium præparare oportet sic habenti? calidum an frigidum, vel siccum, vel humidum? simplex enim est quodcunque ex istis. Si enim id quod ipsum lædit, aliquod ex his est, contrario solvere oportet ac liberare, quemadmodum ipsorum sermo testatur. Atqui certissimum & manifestissimum medicamentum est, victum, quo utebatur, auferre, & pro tritico panem dare, pro crudis vero carnibus coctas, insuperque vinum propinare. His permutatis impossibile est non fieri sanum, nisi diuturniore ista victus ratione prorsus fuerit corruptus.

Quid itaque dicemus? num quod ipsi a frigidis adlæcto calida hæc oblata auxilium tulerint, an contraria? Equidem opinor me multam hæsitacionem interrogato præbiturum esse. Nam qui panem ex tritico paravit, calidum aut frigidum, aut siccum, aut humidum abstulit. Panis enim & in ignem & in aquam datur, & multis aliis elaboratus est, quorum singula propriam vim & naturam habent, & aliqua quidem a natura in

ipſo exſiſtentia abjicit, aliis autem temperatur, ac permifcetur. Sed & hoc ſcio, quod in corpus hominis refert, panis purus, aut cui nihil furfurum deceſſit; & ex tritico cortice non repurgato, aut purgato; & multa aqua ſubactus, aut contra; & ſuperaffatus aut crudior; aliaque præterea infinita. Similiter etiam de maza. At & ſingulorum adeo vires magnæ ſunt, alteraque alteri nihil ſimile habet. Quicumque autem hæc non conſiderans, non novit, haud ſcio quomodo ille adfectiones in homine cognoscere poſſit? ab unoquoque enim horum adſcitur & alteratur homo, vel hoc, vel alio modo; & ex his omnis vita & ſano, & ex morbo convaleſcenti, & ægroto conſtat. Nihil igitur utilius, neque magis neceſſarium, quam hæc cognoviſſe.

C A P U T VII.

De primis ac ſecundis qualitatibus, ſeu facultatibus, & earum mixtione & ſecretione, quibus bene aut male adſcitur homo.

QUOD & probe & convenienti ratiocinatione inveſtigantes, juxta hominis naturam hæc primi inventores invenerunt, judicaveruntque artem dignam, quæ Deo adſcriberetur, quemadmodum etiam eſt receptum. Non enim ſiccum, neque humidum, neque calidum, neque frigidum, neque aliud quidquam ex his putaverunt hominem lædere, neque aliquo horum homini opus eſſe opinati ſunt. Sed quod in unoquoque forte & humana natura potentius eſt, quodque non poſſit ſuperare, hoc ipſum lædere dixerunt, & hoc auferre quæſierunt. Fortiſſi-

mum autem est inter dulcia, dulcissimum: inter amara, amarissimum: inter acida, acidissimum, & in omnibus adeo rebus vigor ipse, ac summum. Hæc enim & in homine inesse viderunt, & hominem lædere. Inest enim in homine & amarum, & falsum, & dulce, & acidum, & acerbum, & insipidum, & alia infinita, quæ pro copia & viribus, varias habent facultates. Atque hæc quidem mixta inter se temperata, neque conspicua sunt, neque hominem lædunt.

Ubi vero quid horum secretum fuerit, atque ipsum in se ipso fuerit, tunc & conspicuum est, & hominem lædit. Quin & ex cibis, quicunque nobis incommodi sunt, & ingesti hominem lædunt, horum unusquisque, aut amarus est, & minime temperatus, aut falsus, aut acidus, aut alio quodam modo intemperatus & fortis; & propterea turbamur ab ipsis, quemadmodum etiam ab his, quæ ex corpore excernuntur. Omnia autem, quæ edit, aut bibit homo, talia edulia palam est minime hoc intemperato, & dissidente ac excedente succo participare, velut sunt panis & maza, & his similia, quibus adsuetus est homo plurimis, & semper uti. Exceptis his, quæ ad voluptatem ac delicias condiuntur ac præparantur: & ab his plurimis in hominem ingestis turbatio, ac secretio corporis facultatum minime contingit. Verum robur & augmentum, ac alimentum præsertim, per nihil aliud contingit, quam quod & probe temperatum est, & nihil habet intemperatum, neque forte; sed totum unum factum est, & simplex, & non forte.

Et valde sane dubito ego, quonam modo hi, qui talem sermonem proferunt, & artem ex hac via ad scopum abducunt, curaturi sint homines, quemadmodum proponunt. Non enim est ipsis,

velut ego opinor, inventum quid ipsum in seipso calidum, aut frigidum, aut siccum, aut humidum, quod nulla alia specie communicaret. Verum ut sentio, iidem apud illos potus & cibi existunt, & ii quibus omnes utimur, sed huic calidi, illi frigidi, huic sicci, illi humidi nomen adponunt. Quoniam illud sane dubium est, imperare ægroto calidum quid adsumere: statim enim interrogabit, quid sit illud? ut nugas producere necesse sit, aut ad aliquid eorum, quæ fiunt, confugere.

Si autem est calidum quoddam idemque acerbum, aliud vero calidum insipidum, aliud calidum turbulentum motum habens (sunt enim & alia calida etiam alias vires subcontrarias sibi ipsis habentia) quodnam igitur ipsorum adsumere oportebit? calidumne & acerbum, an calidum & insipidum, an simul frigidum & acerbum? Nam & hoc est, uti etiam frigidum & insipidum. Etenim quod ego scio, totum contrarium ab utroque ipsorum evenit, idque non solum in homine, sed etiam in corio ac ligno, & in aliis multis rebus, quæ magis stupidum sensum habent, quam homo. Non enim calidum est, quod magnam vim habet, sed ipsum acerbum, & insipidum, & alia, quæ a me relata sunt, tum in homine, tum extra hominem, sive edantur, sive bibantur, sive forinsecus illinantur, aut quacunque forma corpori adhibeantur.

Frigiditatem autem & caliditatem ego omnium facultatum minime potentes esse in corpore existimo, ob has sane causas. Quo equidem tempore ipsa inter se permixta simul frigidum, ac calidum fuerint, non lædunt. Temperamentum enim & moderatio contingit frigido a calido, & vicissim calido a frigido. Ubi vero seorsim utrunque

que secretum fuerit, tunc adfligit. In hoc itaque tempore, quum frigidum intus generatur, & cito hominem adfligit, primum propter hoc ipsum adest calidum, inde adeo ex homine ipso, nullo alio auxilio, neque præparatione opus habens: atque hoc & in sanis hominibus, & in ægrotis operatur.

C A P U T V I I I.

Quo magis incaluerit corpus, eo magis refrigeratur; & quo frigidius redditum est, eo calidius redditur; nec a calido simplici, sed a calido & amaro, aut simili febres oboriri.

ITAQUE si quis sanus hyeme corpus perfrigerare velit, aut frigida lotionem, aut alio quopiam modo, quo id melius obtinetur, faciet, sique non omnino corpus geletur, ubi se vestierit, & texerit, magis corpore incalescet. Rursus, si quis valde calefieri velit, aut calido lavacro, aut igne, id faciet. Idem etiam eveniet, si eandem vestem habens in eodem loco permaneat. Quemadmodum prefrigeratus, frigidiorve, & horridior longe apparebit, si quis præ æstu ventilationem sibi faciens, frigusque in eum modum, sibi præparans recreetur. Nam qui hoc facit, decuplo maiorem æstum, ac ardorem percipiet, quam qui horum nihil fecerit.

Verum sunt adhuc testimonia multo maiora. Quicumque per nivem, aut aliud frigus iter facientes, supra modum pedibus, vel manibus vel capite, perfrigerati noctu patiuntur, quum cooperti, & in tepore fuerint, ab æstu, & pruritu divexantur: quibusdam etiam bullæ velut ambustis ab igne exsurgunt, neque prius hoc pa-

tiuntur, quam calefiant: adeo prompte utrumque ipsorum ad alterum accedit. Possem & alia innumera recensere.

Cæterum circa ægrotos, nonne quibus rigor contingit, iis acutissima febris emicat? neque adeo fortiter, verum pauco tempore quiescens, & alias fere innoxia, & quo tempore adfuerit, percalida, & per totum corpus penetrans, an non ea definit quam maxime in pedes, in quibus rigor & frigus validissimum diutissime perdurarunt? rursus cum sudor prodierit, & febris decesserit, nonne multo magis frigescit æger, quam si ne adprehendisset quidem ab initio? Cui igitur brevi adeo contrarium succedit, cuique vis adimitur sua sponte, quidnam ab hoc magnum aut grave fiat? aut quid opus est multo ad hoc auxilio?

Verum, dixerit aliquis: Qui ardenti febre febricitant, itemque peripneumoniis, & aliis fortibus morbis, non cito ex calore liberantur, neque adest hic frigidum adversus calidum. Atqui ego hoc maximum signum esse puto, quod non propter calidum simpliciter homines febricitent, neque hoc sit simpliciter adfectionis causa: sed est & amarum, ac calidum idem, & calidum ac acidum, & falsum ac calidum, & alia infinita, ac rursus frigidum cum aliis facultatibus conjunctum; hæc itaque sunt, quæ lædunt. Si simul adest autem & calidum robore participans, nimirum ducens, & exacerbans, & augens simul cum illis, verum nullam potentiam, majorem quam convenit videlicet, habens. Atque hæc quidem sic se habent. Signa porro primum quidem manifestissima producemus, quorum omnes jam sæpe experientiam sumpsimus.

C A P U T IX.

De fluxionibus in nares & oculos irrudentibus, coryzam, & palpebrarum aliarumque partium exulcerationes generantibus.

ITAQUE quibuscunque nostrum gravedo in nascitur, & fluxus per nares movetur, hic ut plurimum acrior est, eo, qui prius erat, & quotidie ex naribus prodibat, & tumescere facit nasum, & exurit calentem & extreme ignitum: quod si longiore tempore perseveraverit, & manum admoveas, etiam exulceratur locus minime carnosus, & durus. Sedatur autem aliquo modo ardor in naribus, non quum fluxus prodit, & inflammatio consistit: sed postquam fluxus crassior, & minus acris, concoctusque & magis permixtus priore fuerit, tunc sane jam etiam ardor cessat. Rursus autem aliis ex frigidityte ipsa sola manifeste gravedo fit, nullo alio accedente. Omnibus autem liberatio hæc est, ut ex frigidityte quidem adfecti percalefiant, ex ardore vero perfrigerentur, atque hæc brevi accedunt, & concoctione nulla opus habent. Reliquæ autem omnes fluxiones, quas propter humorum acrimonias, & intemperantias ego fieri sentio, restituntur & curantur, ubi temperatæ fuerint, & concoctæ.

Rursus quæcunque fluxiones ad oculos vertuntur, ut fortes & omnigenas acrimonias habentes, exulcerant quidem palpebras, erodunt autem aliquorum genas, & sub oculis partes, ad quas cunque tandem influxerint, erodunt, tunicam etiam pupillam ambientem rumpunt, & exedunt. Dolor autem & ardor, & inflammatio extrema

adsunt aliquandiu, donec fluxiones fuerint concoctæ, & crassiores redditæ, & lemæ ab ipsis exstiterint. Fit autem concoctio ex permixtione, temperaturaque mutua, & quasi coctura.

C A P U T X.

*Ex facultatibus humorum exsuperantibus morbos oriri; ac morbos alteratione, purgatione & con-
temperatone solvi, qualitatesque contrariis emen-
dari.*

QUIN etiam fluxiones in fauces delabentes, ex quibus raucedines fiunt, anginæ, erysipelata, peripneumonix: omnes hæ primum quidem falsæ, & humidæ, acresque descendunt, & in talibus morbi firmanentur. Ubi vero crassiores & maturiores factæ fuerint, & ab omni acrimonia liberatæ, tum jam & febres, & alia hominem lædencia solvuntur. Oportet autem utique causas uniuscujusque ea putare, quæ quum adsunt, talem modum fieri necesse est, quum permutantur in aliud temperamentum, cessare. Quando igitur ab ipsa caliditate sincera, aut frigiditate fluxiones contigerint, & nulla alia facultate participaverint, sic sane sedabuntur, ubi ex frigido in calidum permutatæ fuerint, & ex calido in frigidum. Permutantur autem eo, quem dixi, modo.

Amplius porro etiam alia quæcunque mala homo patitur, omnia a facultatum potentiis proficiscuntur. Itaque quum amaritudo quædam diffusa fuerit, quam bilem flavam appellare solemus, quales statim anxietates, & æstus, & impotentix occupant? Verum ubi liberati fuerimus ab illa, &

purgati, aut sponte, aut per medicamentum, si modo tempestive quid ipsorum fiat, manifeste & a doloribus & a calore liberamur. At quamdiu ista sublata, incocta & minime contemperata fuerint, nulla arte neque dolores, neque febres finientur. Ex quibus quidem acuti, acres & æruginosi humores instant, quinam furores, & viscerum ac thoracis lancinationes, animique abjectio inde oriuntur? Neque prius hæc quiescunt, quam emaciati ejecti, & alii permixti fuerint. Concoqui autem & permutari, adtenuarique ac crassescere in humorum speciem, per multas & omnigenas species contingit. Quapropter & judicationes, & numeri temporum, in talibus multum possunt. Hæc vero omnia minime contingit calidum aut frigidum perpeti. Neque enim hoc putrescere, neque crassescere poterit.

Quid autem hoc ipsum esse dicemus? & temperamentum ipsorum est, veruntamen inter ipsa mutuo vim habens, quoniam nulli alii permixtum calidum, definit esse calidum, quam frigido: sic rursus non permutatur alio frigidum, quam calido. Reliqua omnia in homine, quanto pluribus miscentur, tanto mitiora ac meliora fiunt. At vero homo omnium optime dispositus est, ubi concoquit & in quiete est, nullam peculiarem vim præ se ferens. De his igitur videor mihi abunde demonstrationem fecisse.

C A P U T X I.

Certam naturæ cognitionem artis esse Medicæ universæ: & Medico necessariam, eamque in cuiusque constitutione ac diætâ versari.

PORRO Medici quidam, itemque Sophistæ dicunt, quod impossibile est Medicinam cognoscere eum, qui non novit, quid sit homo, & quomodo primum factus, & compactus sit. Ego vero ea, quæ alicui Sophistæ, aut Medico, de natura dicta sunt aut scripta, minus cenfeo Medicæ arti convenire, quam pictoriæ. Judico autem de natura aliquid manifestum ac evidens cognoscere, ex nulla parte aliunde contingere, quam ex Medicina: atque hoc tunc condiscere possibile est, ubi quis ipsam Medicinam totam recte comprehenderit.

Verum quatenus illi prodiderunt, multi mihi cognovisse videntur, cognovisse autem dico, narrationem scilicet hanc. Quid est homo, & ob quas causas nascitur, & reliqua diligenter. Atqui mihi necessarium esse videtur, ut omnis Medicus de natura sciat, & omni studio adnitatur, ut cognoscat, si modo aliquid eorum, quæ fieri debent recte præstare velit. Quid est homo ad ea, quæ comeduntur, ac bibuntur comparatus, & quid cuique ab unoquoque continget ac accidet, & non simpliciter sic existimare, quod malum edulium est caseus. Dolorem enim affert repletio ex ipso. Sed quem dolorem, & propter quid, & cui parti intra hominem existenti incommodum existit. Nam & alia multa edulia ac pocula natura mala sunt, & afficiunt hominem non eodem modo. Proferatur autem mihi verbi causa aliquid, velut vinum meracum multum potum hominem aliquo modo debilem reddit, & omnes, qui viderint hoc fatentur, & cognoscunt, quod hæc est vis vini, & quod ipsum est causa, & in quas in homine partes maxime possit novimus.

Talem itaque veritatem etiam de aliis ostendere volo. Etenim caseus (quandoquidem hunc in

exemplum adsumpsi) non omnes homines lædit, sed sunt qui ex ipso repleti, ne tantillum quidem offenduntur, imo gracilibus mirabiliter etiam conferre proditur. Sunt autem qui ipso, utentes difficulter a noxa liberantur. Horum vero naturæ differunt; differuntque etiam juxta hoc, quod est in corpore caseo contrarium. Nam a caseo excitatur & commovetur, in his quibus ejusmodi humor multus in corpore existit, & quo magis hic potens est, eo magis verisimile est ipsos male adfligi. Si vero toti humanæ naturæ malus esset, omnes utique læderet. Hæc autem, si quis novisset, non incurreret ea, neque sane pateretur. In iis vero, qui ex morbis convalescunt, ac præterea longis morbis conflictantur, multi velut instructa acie conflictus fiunt, partim sua sponte, partim a quibuslibet temere admissis.

Novi autem Medicos multos velut idiotas, qui ubi ægroti die aliqua novi quidpiam fecissent, velut si lavissent, aut deambulassent, aut quid alienum comedissent, atque hæc adhibuisse, quam omisisse præstitisset: nihilominus tamen causam alicui ex his contributebant, veram quidem causam ignorantes, & fortassis id, quod commodissimum erat, damnantes. Quod ipsum certe facere non oportet, sed scire, quid balneum intempestive adhibitum operetur; quid item fatigatio & lassitudo. Nunquam enim eadem afflictio ab his provenit, neque ab alio, neque etiam ex repletionem, neque ex hoc vel illo cibo. Quisquis igitur hæc non cognoscet, quomodo hæc singula se habeant ad hominem comparata, is neque cognoscere, quæ ab ipsis fiunt, potest, neque recte iis uti.

C A P U T XII.

De multis ac variis figuris partium.

CÆTERUM & hæc cognoscere oportere mihi videtur, nimirum quæ adfectiones homini ex facultatibus ac potentiis, quæ item ex figuris adveniunt. Quod autem dico, tale est. Nempe facultatem quidem esse humorum summas vires cognoscere, ac robur. Figuras autem dico, quæ in ipso homine insunt. Aliæ enim cavæ sunt, & ex amplitudine in arctum coactæ; aliæ expansæ, aliæ solidæ & rotundæ, aliæ latæ & pensiles, aliæ extentæ, aliæ longæ, aliæ densæ, aliæ raræ & floridæ, aliæ spongiformes ac tenuës. Quæ igitur ex his trahere ad sese adlicereque humiditatem ex reliquo corpore maxime possunt? Num cavæ & expansæ, an solidæ & rotundæ, aut cavæ & in arctum ex amplitudine coactæ? Equidem puto tales esse, quæ ex cavitate & amplitudine in arctum sunt coactæ. Id quod ex manifestis forinfecus condiscere oportet. Veluti quidem si ore hianti fueris, nullum humorem adtraxeris, ubi vero protensis labris constrinxeris ac compresseris, insuperque fistulam admoveris, quidquid libuerit, adtrahes. Hoc vero quod cucurbitæ, quæ corpori adponi solent, ex amplitudine in angustiam arctatæ ad hoc factæ sunt, ad trahendum videlicet & adliciendum ex carne.

Sunt autem & alia multa ejuscemodi. Verum intra hominem natura, & figura talia sunt vesica, & caput, & uterus in mulieribus: atque hæc manifeste maxime trahunt, & semper plena sunt adtractæ humiditatis. At vero cavæ & expansæ figuræ, influentem quidem humorem maxime om-

nium susceperint, non autem similiter adtraxerint. Solidæ autem & rotundæ, neque adtraxerint, neque susceperint: dilabitur enim & non habet sedem in qua maneat. Spongiformes vero & tenues, velut lien, pulmo, & mammæ, ubi admotæ maxime fuerint & adhæserint, ebibunt, duraque fiunt, ac augefcunt, humore accedente. Non enim in ventriculo inest, in quo humorem extrinsecus contineat ipse ventriculus, in quo est humor, ut quotidie exhaustiatur: sed quum biberit, & susceperit ipse in seipsum humorem, & vacua & rara, ac parva penitus explentur, & pro raro ac molli, durus ac densus evadit, & neque concoquit, neque dimittit. Atque hæc patitur propter figuræ naturam.

Quæcumque autem flatum, eorumque convulsionem operantur in corpore, ea in cavis ac amplis, velut ventre ac pectore, strepitum & sonitum facere solent. Etenim quod non sic repleant, ut stent, sed habeant transmutationes & motus, necesse est, ut ab ipsis & strepitus, & manifestæ commotiones fiant. Quæcumque vero carnosæ sunt & mollia, in talibus stupores & repletiones, quales jugulatis fiunt. Cæterum quum inciderit flatus in latum ac renitens, & aliquid ipsi restiterit, idque natura fuerit neque forte, ut adversus violentiam durare possit, & nihil mali pati, neque molle & rarum, ut excipere ac cedere queat, verum tenerum, & floridum, & sanguineum ac densum velut hepar, quod propter densitatem quidem ac latitudinem resistit ac non cedit, flatus vero subiens augefcit ac fortior evadit, & adversum reluctans maxime impetum facit. Propter teneritudinem autem & sanguineitatem absque doloribus esse non potest. Et propter has causas dolores acutissimi ac frequentissimi circa eum locum contingunt, sup-

putationesque ac tubercula plurima. Fiunt etiam circa septum transversum vehementes dolores, sed multo minores. Distentio enim septi transversiflata est, & retinens, natura autem nervosior, & robustior, quapropter minus dolore affligitur; fiunt tamen & dolores, & tubercula circa ipsum.

Multæ vero etiam aliæ, & extra & intra corpus figurarum species sunt, quæ magnopere inter se differunt, tum ægroto tum sano: cujusmodi sunt capita parva aut magna, colla tenuia aut crassa, longa aut brevia, ventres longi aut rotundi, pectoris & costarum latitudines aut angustiae, & alia infinita: quæ omnia nosse oportet, quatenus differant, quo causas singulorum cognitas probe observes.

C A P U T XIII.

De humorum facultatibus.

DE potentiis autem humorum perspectum habere operet, quid singuli ipsorum in homine facere possint, quemadmodum etiam prius dictum est, quasque cognationes inter se habeant. Quod dico tale est: An videlicet dulcis humor in aliam speciem mutetur, non a contemperamento, sed ipse a natura propria exiens qualitatem aliquam trahat, nempe si sponte fiant, amarus, an falsus, an acerbus, an acidus? sique acidus, num acidus, præcellens, maxime incommodus sit, si quidem dulcis omnium commodissimus existit. Id quod si quis forinsecus quærens consequi possit, is semper quod melius est ex omnibus eligere queat. Optimum autem est, quod longissime ab incommodo abest.

DE ARTE LIBER.

P R Æ F A T I O.

Quarta classi accensetur a MERCURIALI, & pro spurio habetur, quem præter auctorem definitionum nemo veterum nominaverit. Totus utique in ratiocinio versatur. Medicos tuetur, neque eorum culpa putat fieri, si ægroti moriantur, quos probabile sit sua potius culpa interire, aut ex ipsa artis impotentia, cujus instrumenta non suffecerint, cum Medicum intelligentem, & ad omnia adtentum peccasse, nulla sit suspicio. Neque absque medicina sanari, qui absque medico sanantur; omnia enim ad medicinam pertinere, quæ aut nocent aut prosunt. Neque putat imputandum medicis, si ad desperatos casus accedere nolint. Inde aliqua de iis quæ in corpore humano obscura sunt, & per ratiocinium adtinguntur: id obtineri per excretorum manifestas qualitates &c. Hic habes hepar in thorace; & multiplices ventres & cellulosam telam, & subspumosum aliquid in articulis.

A R G U M E N T U M L I B R I.

Adversus artis calumniatores, tum Sophistas, tum Plebejos disputat, in genere pri-

mum , deinde in specie , ad medicinam sese convertens , quam certam esse artem demonstrat ; & plurima , tum ad medicum ipsum , tum ad ægrotantes morbosque spectantia , proponit.

C A P U T I.

*In artium & operum alienorum calumniatores ,
oratio vehemens , copiosa , potens.*

SUNT nonnulli , qui artes probris infectari , artem esse duxerunt. Hoc talem , ut autumant , non adsequuntur , quod ego assero , sed scientiæ propriæ ostentationem faciunt.

Mihi vero aliquid eorum , quæ nondum inventa sunt , invenire , quodque inventum , quam non inventum esse præstiterit , intelligentiæ votum , munusque esse videtur ; atque inchoata ad perfectionem adducere , consimile est. At eniti verborum inhonestorum arte , quæ ab aliis inventa sunt , contaminare , neque quidquam emendare , sed doctorum inventa apud indoctos calumniari sane intelligentiæ scopus munusque id esse non videtur , sed magis naturæ criminatio , quam imperitia ; solis enim artium ignaris hoc opus competit , qui ambitiose quidem contendunt (nequaquam tamen improbitate sua præstare possunt) ut , quæ recta aliorum sunt opera , calumnientur , vel non recta vituperent. Eos igitur , qui in alias artes hoc modo invadunt , quibus hæ curæ sunt , quorumque id interest , si possint , ipsi coerceant

At præsens oratio his qui hoc pacto Medicinam

adeunt, adversabitur; vehemens quidem, propter eos, in quos invehitur; copiosa vero propter eam, quam patrocinator, artem; potens autem ob eam, qua pollet, sapientiam.

C A P U T I I.

Artem omnem exsistere, & artibus nomina ex speciebus imponi.

V Idetur sane mihi in universum nulla ars esse, quæ non exsistat. Nam eorum, quæ sunt, quidpiam non esse putare, perabsurdum est. Nam eorum, quæ non sunt, quamnam quis substantiam intueri queat & affirmare quod illa sint? enim vero si quæ non sunt, videre non licet, uti ea quæ sunt; nescio quo pacto, quis ea quæ non sunt, uti ea, quæ sunt animo complecti possit (quæ quod sint, & oculis intueri, & mente comprehendere licet) neque vero id unquam ejusmodi contigerit. Sed ea, quæ sunt utique perpetuo cernuntur, & cognoscuntur, quæ vero non sunt, neque cernuntur neque cognoscuntur.

Cognoscuntur vero demonstratis jam artibus, & nulla est ars, quæ non ex quadam specie cernatur; arbitror sane etiam illas ex speciebus nomina accepisse. Nam præter rationem est existimare, ex nominibus formas enasci; neque id fieri potest. Nomina namque naturæ lege sancita sunt; formæ autem non naturæ lege sunt inductæ, sed naturæ sunt germina. Atque hæc quidem si si quis ex iis, quæ dicta sunt, non satis intelligat, in aliis commentariis apertius docebitur.

CAPUT III.

Quid sit Medicina? Et quod arti, non fortunæ curatio tribuatur.

AT de Medicina (ad eam enim hæc oratio)
claram itaque hujus demonstrationem institutam. Ac primum quidem, prout sentio, Medicinam definitam esse, quæ prorsus ab ægris morborumque vehementiam obtundit, neque a morbo victis manum admovet, quum hæc Medicinam non posse constet.

Quod igitur tum ista præstet, tum etiam semper præstare queat, de hoc mihi certe reliqua erit oratio. Verum dum artem esse demonstro, simul etiam, qui probris ipsam deprimere autumant, eorum rationes diluam; prout eorum quisque aliquid efficere se posse arbitratur. Itaque mihi orationis exordium est, quod & ab omnibus concedetur. Nonnullos quidem arte Medica curatos sanitati esse restitutos, consensu omnium patet; quod vero non omnes, hac in re jam ars reprehenditur.

At objiciunt, qui de ea deterius loquuntur, qui morbis corripuntur, ex iisque evadunt, ipsos fortuna, non arte sanos evadere. Ego vero fortunæ quidem quavis in re nihil quidquam detraho; sed censeo, morbis, qui male curantur, iis ut plurimum adversam fortunam; qui vero recte, iis prosperam fortunam obtingere. Deinde vero, qui sanati sunt, quomodo cuinam alteri, quam arti causam referre poterunt, siquidem ejus usu ac ministerio sanitatem adepti sunt? suppeditatione usi convaluerunt. Atque quod

ad inanem enim fortunæ speciem attendere noluerunt, cum seipfos arti commiserint; adeo ut a referenda fortunæ gratia liberi sint, ab ea autem, quam arti debent haud liberentur. Quod enim ipsi sese commiserint ac concrediderint (palam est) ipsos ea re ejus speciem fuisse contemplatos, & vires perfecto opere agnovisse.

C A P U T I V.

Qui agri, Medico non usi, convaluerunt, eos artis aut victus ope sanos evasisse; artemque ex recto & non recto dignosci.

OBjiciet sane hic adversarius, multos jam ægros, etiam Medico non usos, convaluisset. Atque hancce rationem non improbo. Ac fieri mihi posse videtur, ut qui medicum non adhibent, in medicinam incidant, neque tamen intelligant, quid in ipsa rectum, & quid non rectum insit; sed per se curatis eadem, quæ, si Medicis adhibitis curati fuissent, contigerunt.

Atque id tandem certum magnumque est existentis artis argumentum & quod ars sit, & magna sit, quando & hi, qui ipsam esse non existimant, per eam servati conspiciuntur. Summe enim necessarium est, etiam Medicis non usos tum ægrota-
tantes, tum convalescentes nosse, se, quod aliquid vel fecerint, vel non fecerint, sanitatem fuisse consequutos. Sive enim inedia, aut multo cibo, aut uberiore potu, aut siti, aut balneis, aut lotionum abstinencia, aut laboribus, aut quiete, aut somno, aut vigilia, aut horum omnium utilitatem senserint, quid fuerit, quod utilitatem tulerit, ipsos adgnovisse omnino necesse est, & si

quam læsionem acceperint, tum læsionem ipsam, tum quid fuerit, quod læserit. Neque enim, quæ utilitate & noxa distincta sunt, est cujusvis cognoscere.

Si igitur is, qui ægrotavit, aliquam victus rationem, per quam sanitatem adeptus est, aut laudare, aut improbare noverit, omnia hæc Medicinæ esse comperiet. Neque vero minus, quæ læserunt, quam quæ profuerunt, artem esse comprobant. Quæ enim profuerunt, quod recte adhibita fuerint, juverunt; quæ vero læserunt, quod nequaquam recte usurpata fuerint, læserunt. At vero ubi rectum & non rectum suum terminum habet utrumque, quomodo, id ars non erit? Id namque ego artis expertus esse dico, quum neque rectum quidquam fuerit, neque non rectum. At ubi eorum inest utrumque, quomodo id non artis, sed nullius artis opus fuerit?

C A P U T V.

Medicinam artem esse ex pharmaceuticis, diæticis, & therapeuticis operibus probat; ipsamque propter quid & ad aliquid fieri; spontaneum vero & fortuitum nihil esse.

AD hæc autem, si ex medicamentis purgantibus, & alvum sistentibus curatio in Medicina, & apud Medicos duntaxat perficeretur, imbecilla esset nostra oratio. Nunc vero qui inter Medicos maxime celebrari conspiciuntur, ii & victus ratione, & aliis remediorum generibus curant; quæ nemo Medicus, sed ne plebeius quidem indoctus, si audierit, artis esse non profiteatur.

Ubi igitur nihil neque in bonis Medicis, neque

in arte ipsa Medica est inutile, sed in eorum, quæ producuntur, aut efficiuntur, quamplurimis, insunt curationum & medicamentorum species; non est, quod etiamnum aliquis eorum, qui citra Medicum convaluerunt, ad fortuitum casum jure id referat. Spontaneum enim nihil esse, adparet ac deprehenditur. Quidquid enim fit, propter quid fieri comperitur, & ad aliquid refertur. Spontaneum vero essentiam nullam habere videtur, sed nudum tantum nomen. Medicina autem tum ex his, quæ propter quid de industria excogitata sunt, esse adparet, tum essentiam amplius habere, conspicietur. Quare his quidem, qui fortunæ sanitatem acceptam ferunt, artique derogant, hæc, quæ dixi, reponere aliquis possit.

C A P U T VI.

Controversia in artem medendi, quod morientium jacturam non prohibeat, respondet.

AT vero eos, qui ex morientium jacturam artem demoliuntur, miror, qua idonea impulsione ratione, morientium quidem intemperantiæ causam non adscribant; sed eorum, qui Medicinam exercent, scientiam accusent: ac si Medicis datum sit, quæ non deceant, imperare; ægris vero non liceat imperata infringere.

Atqui multo certe magis rationi consentaneum est, ægros non posse, quæ imperantur exsequi, quam Medicos, quæ non deceant, imperare. Hi namque sana mente & corpore, consideratis prius tum præsentibus, tum iis, quæ ex præteritis cum præsentibus peræque se habent, cura-

tionem adgrediuntur; adeo ut qui curatus est, aliquando fateatur, se illorum ope liberatum esse. Illis vero neque quo morbo laborent, neque quam ob causam ægrotent, neque quid ex præsentibus eventurum sit, neque quid ex horum similibus fiat, intelligentes, imperatur; præfenti quidem morbo afflicti, eventum vero metuentes, & morbo quidem gravati, cibis vero vacui, malunt ea, quæ morbo grata sunt, quam quæ ad sanitatem conferunt, admittere; non quod mori desiderent, sed quod incommoda patienter ferre nequeant.

At hos sic adfectos, an vero similis est, quæ a Medicis imperantur, facere; quam alia facere, quæ non imperantur? An Medicos eo modo, quo, præcedens oratio exposuit, constitutos, ea, quæ minime conveniunt, imperare? Nonne multo æquius est, eos quidem recte imperare: illos vero, ut par est, obsequi non posse, atque non obsequentes in mortem incidere? quarum rerum causas, qui non recte perpendunt, in eos qui culpa vacant, rejiciunt, ac reos a culpa eximunt.

C A P U T V I I.

Quod morbus Medicinæ instrumenta superet, ægrumque enecet, morbi vim, non artem causam esse.

AT quidam sunt, qui etiam propter eos, qui morbo superatis curatrices manus admoveere nolunt, artem medicam reprehendunt; & dicunt, eos ipsos, quos curandos adgrediuntur, per se sanari: qui vero auxilio indigent, eos medicum non adtingere; oportere autem, si quidem ars sit, om-

nibus peræque morbis mederi. Qui igitur hæc proponunt, si de Medicis conquerantur, quod eorum, talia proferentium tanquam delirantium, curam nullam suscipiant multo sane justius succensuerint, quam quod illa reprehendant. Si quis enim vim artis in iis, quæ non profitetur, aut naturæ in iis, ad quæ apta non est, exigat; is insana laborat ignorantia, quæ amentię potius, quam imperitię adfinis est. Quorum enim facultas tum naturæ, tum artium instrumentis nobis data est, eorum nos artifices esse licet, aliorum vero non licet.

Quum igitur quis aliquo adficitur morbo, qui Medicinæ instrumentis potentior sit, ne sperare quidem oportet, eum ab arte medica vinci posse. Exempli namque gratia, inter ea quæ in Medicina urendi vim habent, ignis summe urit; eo vero minus alia multa. An vero ex iis præstantiora leviores morbos curare non possint, nondum satis constat: valentissimos autem morbos etiam a potentissimis curari non posse manifestum est? In iis enim, quæ ignis non efficit, annon ea, quæ ab eo non vincuntur, satis ostendunt, alia sibi opus esse arte, & non ea, cujus ignis est instrumentum? eadem vero mihi oratio est, & de cæteris instrumentis, quæ Medicinæ subserviunt, quorum omnium quemque successum si non adsequatur Medicus, dico in morbi vehementiam, non in artem culpam rejicendam esse.

Qui igitur eos reprehendunt, qui victis a morbo manus non admovent, adhortantur etiam, non minus ea, quæ nefas; quam quæ fas est, attingere. Hæc autem suadentes nomine tenus Medicis duntaxat admirationi sunt; ab artis vero peritis deridentur. Neque vero hujus artificio periti tam imprudentes, nec reprehensores, nec

laudatores morantur ; sed eos, qui ratione perpendunt, quidnam sit illud, ad quod directæ actiones artificum perfectæ evadant, a quo deficientes sint, & imperfectæ ; ac præterea defectuum quosdam artificibus, & quosdam ipsis operibus imputandos. Quæ igitur alias artes spectant, aliud tempus alio sermone docebit ; quæ vero ad Medicinam, & qualia sint, & quomodo dijudicanda, partim quidem superior, partim vero præfens docebit oratio.

C A P U T VIII.

Quid morbi manifesti, quid obscuri, & multos in corpore esse ventres.

SUNT enim his, qui hanc artem probe norunt, morbi alii quidem non in obscuro positi, & non multi ; alii vero non in manifesto, iique multi sunt. Qui enim ad internas partes vertuntur, in obscuro : qui vero in superficiem erumpunt, aut tumorem faciunt in manifesto. Exhibent enim sese tum visu, tum tactu, ut ipsorum durities, ac mollities sentiat ; quinam quoque eorum calidi, quinam frigidi, & quorum in singulis aut præsentia, aut absentia, tales sunt.

Atque horum quidem omnium in omnibus medelas erroris expertes esse oportet, non quod faciles, sed quod inventæ sint. Inventæ autem sane sunt non ab iis, qui voluerunt, sed ab iis, quibus facultas fuit. At iis facultas est, tum quos liberales disciplinæ non procul deferunt, tum quibus naturæ dotes suppetunt. Itaque ad manifestos morbos artem hoc modo abundare oportet ; neque sane ad minus manifestos ipsam inopem

esse convenit. Sunt autem hi, qui ad ossa, & ventrem irruperunt.

Habet autem corpus non unum, sed plures ventres. Duo namque sunt, qui cibum excipiunt, ac demittunt, aliique his plures, quos ii norunt, quibus ista res curæ fuit. Quæcunque enim partes carnem orbicularem habent, quam musculum vocitant, omnes ventrem habent. Quidquid enim non coaluit, sive cute, sive carne tegatur, cavum est; quod quidem sanum, spiritu; ægrum vero sanie impletur. Habent itaque brachia hujusmodi carnem, habent & femora, habent & tibiæ. Quin & in carne carentibus talis inest, qualem in carnosissimis esse demonstratum est. Nam & quod abdomen vocatur, in quo hepar absconditur; & capitis orbis, in quo cerebrum; ipsumque dorsum, cui pulmo adnectitur; harum partium nulla est, quæ non & ipsa vacua sit, multisque spatiorum segmentis referta, quæ non multum abest, ut vasa sint, quorum tamen aliqua habentem lædunt, aliqua etiam juvant. Ad hæc etiam venæ multæ, ac nervi non in carne exstantes, sed ad ossa protensi, articulorum ligamenta sunt. Ipsi etiam articuli, in quibus eorum, quæ moventur, ossium commissuræ vertuntur, & horum nullum est; quod non aliquantulum spumofum sit, quodque circa se forulos non habeat, quos sanies prodit, quæ iis apertis copiosa, & multis molesta effluit.

C A P U T IX.

Morbos manifestos oculis & sensibus deprehendi; abditos mentis ratiocinio; & ægros pati non obmedentem, sed ob ægri vel morbi naturam.

NEQVE enim sane eorum, quæ dicta sunt, quidquam oculis intuenti cuiquam conspiciere licet: ideoque abditi morbi tum a me appellati sunt, tum ab arte esse judicantur; non tamen quod abditi (artem) superent, sed, si fieri possit, ab ea superentur. Fieri autem potest, & quantum ægrotantium naturæ ad speculandum suggerunt, & investigantium ingenia ad perscrutandum apta sunt. Cum majori siquidem labore, neque pauciori tempore oculis cernuntur, & cognoscuntur. Quæcunque enim oculorum adspectum effugiunt, ea mentis acie comprehenduntur.

Quæcunque vero ægri patiuntur, eo quod morbi non protinus innotuerint, eorum culpa non in Medicos, sed tum in ægrotantis, tum in morbi naturam rejicienda est. Ille namque quum neque pravum adfectum oculis cernere, neque auditione percipere queat, ratiocinatione persequitur. Enim vero qui abditis morbis laborant, si quid de morbo Medicis indicare conantur, id ex opinione magis, quam certa cognitione denunciant. Nam si scivissent, in ipsos sane non incidissent, cum ejusdem prudentiæ sit, morborum causas nosse, & morbos ipsos omnibus medicamentis, quæ augescere morbum prohibent, curare posse. Quum igitur eorum, quæ ab ægris enunciantur, certissima declaratio non excipiatur, aliud quiddam curanti spectandum est. Hujus itaque moræ, non ars, sed corporum natura, causa est. Illa enim adfectum sensu percipiens, mederi æquum censet, eo spectans, ne temeritate magis, quam consilio, & ut potius facilitate, quam violentia medeatur. Qui vero suffecerit ad cognoscendum, sufficiet etiam ad sanandum.

Sin vero interim, dum adfectus spectatur, æger succubuerit; vel quod serius ad Medicum

acceſſerit, vel ob morbi celeritatem, peribit. Qui namque morbus ex æquo cum curatione procedit, celerior non eſt, ſed qui prævertit, celerior eſt. Prævertit autem tum propter corporum denſitatem, in qua abdiſi inhabitant morbi, tum etiam propter ægrotantium negligentiam. Remorantur enim curationes, ſed tum demum morbis correpti curari deſiderant.

CAPUT X.

Medicinæ vires, facultates auxiliatrices, certa ſigna.

QUARE artis facultatem admirari longe æquius eſt, ſi quem ex obſcuro morbo laborantem reſtituerit, quam ſi, quæ fieri non poſſunt, adgreſſa fuerit. Nequaquam vero in ulla aliqua jam inventarum artium tale quiddam ineſt: verum ex his quæcunque igne opus ſuum perficiunt, ſi eis ignis deſit, ab omni opere feriantur. Ubi vero eum contrectarunt, in opere continentur. Quæ item tractabili rerum materia artem ſuam exercent, veluti aliæ quidem lignis, aliæ coriis, aliæ ſculpendo, tum ære, tum ferro, aliisque ſimilibus rebus earum quamplurimæ. Quæ autem ex his, & cum his fiunt, & ſi facile tractentur, non tamen celeritati adtendendum magis, quam ut quomodo oportet perficiantur, neque perfunctorie. Quod ſi inſtrumentum deſit, quieſcunt: & quamvis in illis tarditas utilitati incommodet, ea tamen pluris æſtimatur.

In Medicina autem licet in ſuppuratis, nec non iis, qui hepate, renibusque laborant, ac demum in quibusvis ventris affectionibus aperta

inspectione privata sit, (hæc omnia omnes norunt) alias tamen facultates coadjutrices adinvenit: vocis nimirum claritatem & tarditatem, itemque destillationes, quæ singulis qua exitus datur, defluere consueverunt; earumque partim odoribus, partim coloribus, partim tenuitate crassitieque expendens conjectura consequitur, ex eisque signa tum eorum, quæ ægri jam perpetiuntur, tum quæ perpeti possunt. Ubi vero hæc significationem de se præbuerint, neque ipsa natura sponte dimittit, necessarias vias quasdam invenit, per quas vi impulsa citra damnum ea emittat. Remissa vero, artis periti, quæ facienda sunt, indicat.

C A P U T X I.

Ab excrementis morborum signa & remedia inventa esse: & Medicum opere non verbo præstare.

COgit autem partim insitum nobis calorem, pituitam per ciborum ac potuum acrimoniam diffundere, ut aliquid visum indicet eorum, quæ ipsa conspici voluit: partim autem spiritum velut indicem adclivibus viis & cursibus (morbum) prodere compellit. Quin etiam sudores prius commemoratis excitans, calidorum humorum exhalationibus pervestigat.

Sunt præterea, quæ per vesicam egressa magis morbum ostendere possunt, quam quæ per carnem exhalantur. Invenit igitur ars & tales potiones, itemque cibos, qui calidiores alias calefacientibus quum sint, illaque & eliquant, & profluere faciunt, quæ sane non profluxissent, si non hoc modo tractata fuissent. Alia itaque ad alia, & alia

per alia sunt, tum quæ corpus pervadunt, tum quæ indicant. Ut nihil miri sit, ipsis ferius fidem haberi, & medendi conatus tardiores esse, quum sic per alienas expositiones ad medendi scientiam erudiantur.

Quod igitur & rationes in seipfa ad ferendum auxilium idoneas habeat medicina, & quod morbis, qui corrigi non possunt, jure merito manus non admoveat; aut si opem ferre molita est, inculpatam se præbeat: tum præfens oratio manifeste indicat, tum viri hujus artis periti, re ipsa lubentius, quam verbis demonstrationis dictionis student, utpote qui dicendi non studiosi, fidem multitudini sinceriorem ex his quæ videat, quam quæ audiat, facere malit.

DE MEDICO LIBER.

P R Æ F A T I O.

Melior inscriptio foret de officina medici, chirurgi nempe, quam auctore fuisse describit, ut ad minutias descendat, medicamentorum vero & herbarum nullam rationem habeat: ut putes, hunc libellum post divisionem artis prodiisse, quo tempore nullæ expeditiones bellicæ fiebant, jam destructis græcis regibus: ob eam enim causam jubet auctor curationem vulnerum in peregrinis castris discere.

A R G U M E N T U M L I B R I.

Medicum idoneo tum corporis, tum animi cultu illustrat; Medicam officinam Me-

dico, loco, luce, instrumentis, medicamentis, operationibus, cucurbitularum admotione, scarificatione, phlebotomia, telorum extractione, ulceribus, & tuberculis extruit.

C A P U T I.

Qui cultus tum animæ, tum corporis Medicum deceat.

Hic liber Medici institutio est, & præceptum, quomodo officinam Medicam instruere oportet. Medici equidem institutionem esse putamus, ut videat quo modo colore, & bona ac carnosâ corporis habitudine præditus sit, quatenus ipsius natura patitur. Vulgus enim existimat eos, qui non sic bene dispositum corpus habent, neque aliis bene prospicere posse. Deinde ut in extrinsecis pure se habeat, vestitu decoro, & unguentis odoratis, non suspectum odorem ad omnia habentibus. Inde enim ægrotos jucunde adfici contingit.

Postea animadvertere ipsum oportet, ut animum habeat modestum, non solum quod ad taciturnitatem adtinet, sed etiam circa reliquam vitam probe compositum. Maxime enim ad opinionem ac auctoritatem comparandam conducit, bonis ac honestis moribus præditum esse. Nam quum talis fuerit, gravis quoque simul, & humanus esse debet. Temeraria namque proclivitas, & promptitudo, quamvis valde sit utilis, despectui est. At considerandum quando his uti

liceat. Eadem enim apud eosdem, cum rara sunt, æstimantur.

Quod ad gestum adtinet. vultu sit ad prudentiam composito, non aspero tamen, ne superbus & inhumanus videatur. Qui vero in risum exsolutus est, ac nimium hilaris, molestus iudicatur. Hoc itaque vitandum est, vel maxime. Justum autem ad omnem conversationem esse convenit. Justitia enim multum auxiliatur. Non exigua autem commercia ægris cum medico sunt. Nam seipfos Medicis subditos faciunt, & omni hora mulieribus, virginibus, & opibus maximi pretii, illi occurrunt. Continenter igitur ad omnia hæc se habere oportet. Animo itaque ac corpore sic dispositum esse convenit.

C A P U T II.

In Medici officina, locus idoneus, lux commoda; ægri sella. Instrumenta chirurgica & medicamenta sint.

Porro præcepta ad artem medici, per quæ artificiosus esse videbitur, ab initio considerabimus, ex quo primum homo discere incipit. Quæ igitur in officina medica curantur, fere ad discentes pertinent. Primum quidem locum domus habere oportet, qui sane talis sit, ut neque ventus ad ægrum accedens molestus, sit, neque sol, neque splendor infestet. Lux enim splendida medentibus quidem non est molesta, non similiter autem ægrotantibus. Itaque talem splendorem penitus fugere oportet, per quem oculos ægrotare contingit. Tale igitur præceptum de luce observetur. Deinde, ut nequaquam

faciem adversam splendori habeat. Infestat enim visum debilem. Omnis autem occasio sufficiens est ad debiles oculos conturbandos. Luce itaque hoc modo utendum est.

Sellæ autem æquales altitudine sint, quantum ejus fieri potest, ut in ipsis ægri collocentur. Aeramento, exceptis instrumentis, medicus nullo utatur. Ornatus enim onerosus mihi esse videtur, talibus vasis uti. Aqua exhibenda est ægris potabilis & pura. Exterforiis utendum est puris ac mollibus: ad oculos quidem, lintheis; ad vulnera vero, spongiis; hæc enim sponte nascentia probe auxiliari videntur.

Omnia autem instrumenta rite fabrefacta ad usum esse oportet, magnitudine, gravitate, ac tenuitate. Quæ vero adhibentur omnia, considerare oportet, ut conferant, maxime si ægrotæ parti adhibebuntur. Talia autem sunt ligamenta, & medicamenta, & lintea circa vulnus; & cataplasmata. Hæc enim longissimo tempore circa ægrotantes locos sunt. At vero ablatio horum, refrigeratioque ac mundificatio, & aquarum adfusio, paucio tempore absolvuntur. Diligenter autem considerare, quid horum faciendum sit, oportet, & ubi magis, aut minus ea adhibere convenit. Utrorumque enim usus opportunus, est, itemque negligentia magnam differentiam habet.

C A P U T III.

De deligatione, & unctione, sectione celeri ac tarda, de sectionum gladiolis acutis, ac latis, ac de eorum usu.

Est autem Medicinæ adcommodata deligatio, ex qua, qui curatur, utilitatem percipit. Ma-

xime autem profunt duo hæc, quibus utendum est, comprimere videlicet ubi oportet, & remisse deligare. Quod ad anni tempora videndum, quando contegere oporteat, nec ne; simulque ne imbecillitatis ignarus, utro horum utendum sit hæreas. Concinnas autem deligationes ad spectaculum comparatas, & nihil juvantes, reprobare oportet. Sunt enim ejuscemodi molestæ & omnino ad ostentationem factæ, ac plerumque ei, qui curatur, noxiam adferunt. Quærit autem æger non ornatum, sed auxilium.

Cæterum in chirurgiis, quæ per sectionem, aut uisionem, fiunt, velocitas ac tarditas æqualem laudem merentur. Est enim utriusque usus. Nam in quibus per unicam sectionem chirurgia absolvitur, velocem dissectionem facere oportet. Quum enim contingat eos, qui secantur, dolere, id quod dolorem adfert, quam minimo tempore adesse convenit; quod ipsum continget veloci sectione facta. Ubi vero multas sectiones fieri necesse est, tarda chirurgia utendum est. Velox enim continuum & multum dolorem inducit. Tarda vero & intermittens, requiem aliquam his, qui curantur, exhibet.

Idem de instrumentis quoque dici potest. Gladiolis enim acutis, ac latis uti, non in omnibus similiter præcipimus. Nam partes quædam sunt corporis, quæ celerem sanguinis fluxum habent, & non facile est eum sistere: tales autem sunt varices, & quædam aliæ venæ. Itaque in talibus angustas sectiones facere oportet. Sic enim nunquam fiet immodica profusio, ab his tamen sanguinem interdum detrahare confert. At vero ad loca non periculosa, & circa quæ non tenuis est sanguis, latioribus gladiolis utendum est: sic enim

sanguis profluet, aliter nequaquam. Valde autem turpe est non contingere a chirurgia, quod velis.

C A P U T IV.

*De cucurbitulis, scarificatione, & vena sectione
& vossellis.*

CUcubitum porro duo modi commodi existunt. Quum enim fluxus procul ab apparente carne constiterit, ejus circulum brevem esse oportet, ipsamque non ventrosam, sed oblongam parte ad manum vergente, non gravem: quæ enim talis est, in directum trahet, atque remotos ichores probe ad carnem adtrahet. Majore autem dolore per carnem disperso, in reliquis quidem consimilem cucurbitam esse oportet, sed circulum magnum. Sic enim ex plurimis partibus id, quod dolorem facit, educi comperies ad locum convenientem. Neque enim magnum circulum esse putant, si non ex ampliori loco caro comprehendatur ac contrahatur. At si gravis sit, ad superiores partes propendet, inferne autem magis detractionem facit, ut sæpe morbi relinquantur. Lati itaque circuli, una cum incumbentibus fluxionibus. & longe distantibus a supernis locis, multa simul adtrahunt de alia carne. Contingit igitur humiditatem inde detractam adponi collecto inferne sub cucurbita ichori, & quæ quidem infestant, relinqui: quæ vero nihil molestant, detrahi. Magnitudinem porro cucurbitæ, quæ commoda sit juxta corporis partes, quibus admoveere oportuerit, conjectare oportet.

Cum vero pertundere voles, altius scalpellum adigere oportet. Sanguis enim ex locis manus

opera dissectis, conspicuus profluere debet. Alio-
qui ne circulum quidem adtractum pertundere
oportet. Laborantis namque loci caro contenta
magis est Gladiolis autem incurvis, in summo
non valde angustis utendum est. Aliquando enim
serosi ac saniosi humores viscosi, ac crassi veniunt:
periculum igitur est, ne in incisuris substant, ubi
arctæ fuerint incussæ.

Porro venas in brachiis funiculorum adprehen-
sionibus constringere oportet: caro enim conte-
gens, in multis non probe coaptata est venæ: ubi
enim lubrica fuerit caro, non contingit sectiones
utrorumque juxta seipsas fieri. Nam venam con-
tectam intumescere contingit, & sanguinis fluxum
impediri, multis vero etiam propter hoc pus con-
gregari. Quapropter duo nocumenta talis chirur-
gia inducit; secto quidem dolorem; secanti vero
multam ignominiam. Idem in omnibus venis fie-
ri præceptum est. Hæc quidem igitur necessaria
sunt in officina Medica instrumenta, & circa quo-
rum usum artificiosum esse oportet addiscentem.
Volsellis enim quibus tum dentes, tum columel-
læ comprehenduntur, quilibet uti potest: sim-
plex enim usus harum esse videtur.

C A P U T V.

*De tuberculis & ulceribus, ac de ulcerum viis qua-
tuor.*

CÆterum de tuberculis, & ulceribus, quæ
majorum morborum sunt, amplius viden-
dum est. Tubercula equidem deprehendere, &
dissolvere posse, maxime artificiosum habetur,
itemque collectiones ipsorum impedire. At conse-

quens est, ea in conspicuum & quam brevissimum locum contrahere, & compagem ipsam æqualem per totum tuberculum facere. Ubi enim inæqualiter se habuerit, periculum est, ne rumpatur, & ulcus ægre curabile reddatur; exæquare itaque oportet, similiterque totum maturum facere, & neque prius diducere, neque sinere, ut sponte rumpatur. Quæ vero maturum facere æqualiter possint, in aliis libris relata sunt.

At vero ulcera quatuor vias habere videntur: unam in profundum, hæc autem sunt fistulosa, & quæ sub cicatrice sanie plena sunt, ac intus excavata; alteram in altum, quæ videlicet carne superexcrescunt; tertia via est in latitudinem, hæc autem sunt, quæ serpentina dicuntur; quarta via est quæ sola secundum naturam motus videtur. Carnis itaque calamitates hæc sunt, omnes autem communem rationem habent ad hoc, quod ipsis conducit: & signa quidem horum in aliis relata sunt, itemque qua utendum sit cura. Per quæ autem id, quod coaluit, solvatur, vel quod carne excrecente repletum est, aut cavum evasit, aut quod in latitudinem iter fecit, de his signa in aliis dicta sunt.

C A P U T VI.

De facultate & usu cataplasmatum, militiam chirurgis utilem esse; ac de telorum extractione.

AMplius vero de cataplasmatibus sic res habet. Ubique linteorum, quæ imponuntur, usum in morbo exquisitum esse oportet, ipsi sane ulceri linteam, quod adponitur adcomodato Cataplasmate vero per ambitum ulceris utitor; nam

nam hic usus cataplasmatidis & artificiosus, & multum prodesse potest. Videtur enim ulceri opitulari vis eorum, quæ circumponuntur; linteum autem conservare: verum partibus extra vulnus circumfitis cataplasma prodest. Talem igitur ipsorum usum esse oportet.

Porro de temporum occasionibus, quando singulis horum utendum est, & quomodo præscriptorum vires condiscere oporteat, in præsens relictum est; talia enim longe præstantissima in studio Medicinæ sunt, & procul in arte jam progressi existunt. His consequens est chirurgia vulnorum in militia acceptorum, circa extractionem telorum. Nam in urbanis conversationibus modicus horum usus existit. Raro enim per omne tempus civiles, ac hostiles expeditiones fiunt; hujusmodi autem sæpe ac frequentissime circa externas militias fieri solent. Qui igitur hac chirurgia uti volet, eum militare oportet, & externos exercitus sequi. Sic enim exercitatus fieri poterit ad ejusmodi usum ac necessitatem.

Quod vero circa hæc artificiosissimum esse mihi videtur, referetur. Etiam signa exquirere ac invenire telorum in corpore existentium, maxima artis & chirurgiæ huc pertinentis pars existit. Ubi enim hoc cognitum fuerit, non relinqui potest vulneratus ex ignorantia neglectus, si quando non convenienter tractetur. Solus autem is, qui signorum peritus est, hanc chirurgiam rite adgreditur. Verum de his omnibus in aliis scriptum habetur.

DE DECENTI HABITU

LIBER.

PRÆFATIO.

Undique spurius liber. Neque veteribus dictus, Medicum eundem philosophum esse. Medicamentorum purgantium, incidentium, potionum, & instrumentorum adparatum præsentem requiri.

ARGUMENTUM LIBRI.

Medicus hic instruitur de iis omnibus, quæ illi apud ægrotum observanda sunt, ut doctus, prudens, sedulus, ac pervigil habeatur.

CAPUT I.

Sapientiæ utilitas; Medicorum verorum ac falsorum differentia, ac notæ.

NON sine ratione faciunt, qui sapientiam ad multa utilem esse prætendunt, eam videlicet, quæ in communi vita versatur. Multæ enim ad superfluam curiositatem factæ adparent, dico autem eas, quæ de nulla re utili differunt. Adsumi autem utique possunt etiam harum partes ad illas, vel propterea quod neque cessatio est,

neque malitia. Otium enim & ignavia tendunt ad malitiam, atque abducunt: vigilantia vero & mens ad aliquid intenta trahunt ad se quid eorum: quæ ad vitæ honestatem pertinent, etiam ex disputationibus nihil utile spectantibus. Gratiofior est enim sapientia, & ad quid aliud sane, ad artem constitutam, artem autem ad dignitatem & gloriam comparandam. Omnes enim non cum turpi lucro & turpitudine sunt, & illis methodus quædam est artificialis, quæ operatur; quod si non innocenter fiat, proferbitur. Adolescentes enim in ipsos incidunt, verum in vigore constituti, præ pudore, eorum conspectum sine sudore non sustinent, (pro idiotis habent.) At senes effecti, propter amarulentiam, eos publica legum sanctione urbibus expellunt. Ii enim conventu facto ambitiosi & quæstuosa sua professione decipientes, in urbium circulis versantur.

Cognoverit autem quis ex vestitu, & aliis lineamentis. Quamvis enim sint splendide ornati, multo magis fugiendi sunt, & a conspicientibus odio habendi. Qui vero contrario modo se gerunt, frugi homines judicandi sunt, quibus non est excogitatus adparatus, neque superflua curiosa. Ex vestitu enim cognosces, & decenti in ipso ornatu ac frugalitate, non ad superfluitatem parato, sed magis ad bonam opinionem, & meditationem, animumque intra se compositum, & ad profectum: imo quocunque vestitu ac ornatu, tales sunt minime diffuentes nec curiosi amarulenti ad occursum; adpositi ad responsiones; graves ad versus, resistentes; ad sui similes solertes, affabiles, temperati ad omnes; ad seditiones taciturni; ad respondendum arguti & tolerantes; in occasione captanda & noscenda prudentes, in viciu frugales & paucis contenti; patientes in occasione ex-

pectanda, ad sermones expediti; omne demonstratum proferentes; suaviloquentia utentes; gratiis affecti; & pro gloria, quæ inde provenit, decertare parati, doctrinam suam ad veritatis lucem repurgantes.

C A P U T II.

De Naturæ cum sapientia copulata præstantia, & Medicum esse non verbo, sed opere.

HOrum igitur, quæ ante diximus, præstantissima quidem dux est natura. Nam si his, qui artibus animum adplicant, hæc adfuerit per omnia prædicta penetrare poterunt. Incognita enim utilitas, tum in sapientia, tum in arte adhibita, ad principium capiendum edoceri potest. Natura autem defluit, & confunditur cum sapientia, ad cognoscendum ea, quæ ab ipsa natura facta sunt. Etenim in utrisque sermonibus multi convicti, nullatenus utrisque rebus usi sunt ad demonstrationem.

Postquam igitur quispiam ipsorum expenderit ad veritatem ea, quæ retulimus, nullatenus naturæ bona ipsis procedent. Comperiuntur itaque hi non consimili cum illis via progressi. Quapropter denudati, omnem induunt malitiam ac ignominiam. Honestus est enim ex opere, quod quis effectu edocuit sermo. Quidquid enim artificiose factum est, ex sermone productum est. Quidquid autem artificiose dictum est, non autem factum, methodi inartificialis demonstrativum est: Nam putare quidem, non autem facere, ignorantiae & inertiae signum est. Opinio enim maxime in medicina in crimen vertitur eam adhibentibus: his vero, qui ea in se usi sunt, perni-

ciem adfert. Etenim si sibi ipsis in sermonibus persuaserint, & opus ex disciplina se scire putaverint, quemadmodum aurum adulterinum in igne probatum, tales seipfos esse demonstrant. Quamquam talis prædictio iis, qui cognatam habent naturam, ad intelligentiam nullius est solatii, quod finis quam rectus sit, cognitio indicet. At horum arti tempus expeditam viam constituit, aut his, qui in consimilem viam incidunt, occasiones manifesto suppeditat.

CAPUT III.

Quæ sapientiæ & Medicinæ communia, societatis utriusque causa.

QUAPROPTER oportet eum, qui singula prædicta collegerit, sapientiam transferre ad Medicinam, & Medicinam ad sapientiam. Medicus enim Philosophus est Deo similis. Neque enim multum in cæteris rebus differunt. Nam omnia, quæ ad sapientiam requiruntur; insunt in medicina: argenti contemptus; verecundia; erubescencia; modestia in vestitu; auctoritas; iudicium; affabilis occurfus; mundities; sermo sententiosus; cognitio in vita utilium, ac necessariorum purgationum; aversio a nundinatione, & a superstitione; dignitas divina. Habent enim, quæ faciunt ad perspiciendam incontinentiam, illiberalem professionem, avaritiam, concupiscentiam, rapinasque ac impudentiam. Hæc enim est cognitio accedentium, & usus eorum, quæ ad amicitiam pertinent, & quomodo ad liberos, ac quascunque res se gerere oporteat. Quatenus igitur cum hac societatem habet, sapientia quæ-

dam est; nam & plurima ex his etiam Medicus habet. Etenim scientia de diis vel maxime animo ipsius implexa est.

Tum vero in aliis adfectionibus & in symptomatibus medicina erga Deos valde reverenter se habere comperitur; medici vero Diis cedunt. Non enim est potentia in ipsa redundans, nam & hi multa quidem adgrediuntur, in multis vero ab iis superantur. In quibus vero nunc rebus superior sit Medicina, hinc exhibebit. Quæ enim via ipsius sit in sapientia, hætenus dictum est. Nam & illis ipsis hoc modo se res habet. Verum hoc alii non credunt cum in confesso sint, ea quæ circa corpora fiunt, & adveniunt, quæ sane per omnem ipsam artem procedunt, dum illa transformantur, aut permutantur; quæ partim chirurgia sanat, partim auxiliis & medelis aut victu curantur. Summa vero horum omnium tendat ad horum cognitionem.

Quum igitur relata omnia tali modo se habeant, convenit, ut Medicus urbanitatem quandam sibi adjunctam habeat. Austeritas enim & sanis, & ægris difficilem accessum præbet. Maxime autem observare se ipsum convenit, ne multas corporis partes ostendat, neque cum imperitis multa confabuletur, sed necessaria. Hoc enim vis quædam ad eliciendam curationem esse solet. Horum vero nihil neque nimis curiose, neque pro lubitu agat.

C A P U T I V.

Medicum omnis generis instrumenta parata habere oportet, & quæ sufficiant in peregrinatione.

HÆC vero omnia confiderato , quo tibi præparata fint ad abundantiam , prout opus erit. Sin minus, instante neceffitate femper penuria fuerit. Meditari autem oportet hæc in medicina, cum omni adparatu , de contrectatione, illitione, & perfufione , ad manuum concinnitatem : de linamentis vulfis , de fpleniis , de ligamentis , de his , quæ pro re nata opus erunt de medicamentis tum ad vulnera, tum ad oculos & ex his ea , quæ ad fingula genera , referuntur : quo tibi præparata fint, & inftrumenta , & machinæ , & ferramenta denique : nam in his penuria detrimentofa eft, & artem mancam facit.

Sit autem tibi alter adparatus fimplicior ad peregrinationes inſtructus , ad manus promptus. Expeditiffimus autem per methodi rationem, neque enim fieri poteſt , ut Medicus omnia percurrat. Firma item memoria teneto medicamenta, & fimplices facultates , & deſcriptas, ſi modo tales exſtant : Sint & in memoria tibi morborum curationes, & horum modi , quot , & quo modo in ſingulis ſe habeant. Hoc enim principium eſt in medicina, & medium , & finis. Præparata quoque tibi ſint malagmatum genera ad ſingulos uſus. Potiones quæ incidere poſſunt, ex deſcriptione præparatæ juxta genera. In promptu ſint, & quæ ad medicationem pertinent , ad purgationes , ſumpta de locis congruis, & parata eo , quo convenit modo , juxta genera, & magnitudines, ad vetuſtatem ferendam curata. Recentia vero juxta temporis occaſionem , & alia juxta rationem.

His autem tibi præparatis hoc commodi erit, ut ubi ad ægrotum introieris , animo incertus non ſis , quum adpoſite habeas ſingula ad id, quod faciendum eſt. Antea vero hoc cognitum habeas, quod facere oportet, quam ad ægrum in-

grediaris. Pleraque enim non ratiocinatione, sed auxilio opus habent. Itaque eventum experientia prædicere oportet. Est enim hoc gloriosum, & facile cognosci potest. In ingressu vero meminisse convenit & fessionis, & habitus submissi, amictus compositi, auctoritatis, breviloquentiæ, ut nihil cum perturbatione facias, adfessus, diligentiae, responsionis ad ea, quæ occurrunt, & ad tumultus oborientes compescendos, constantiæ apud teipsum, increpationis ad turbas castigandas, promptitudinis ad ministeria. Et ad hæc memor sis primi apparatus. Sin minus, reliqua citra errorem fiant, quæ ad promptitudinem parandam præcipiuntur.

C A P U T V.

Quæ medico apud ægrotum advertenda; ubi prudentia advertitur, sedulitas, vigilantia.

INGRESSU utere frequenter, visita diligentius, his, quæ a deceptis per errorem fiunt occurrens, ut mutantur. Facilius enim cognosces, simulque expeditior eris: instabilia enim sunt, quæ in humidis consistunt. Quapropter etiam facile & a natura & a fortuna transmutantur; neglecta enim ea, quæ in ipsa occasione administrare oportebat, impetu suo progressa occupant, ac perimunt; non enim est quod opem ferat. Multa enim sunt, quæ simul mali aliquid faciunt; nam quod singulatim consequenter (fit) oportunius & experientiæ accommodatius est.

Observare autem oportet ægrotorum errores, ex quibus multi frustrati sunt in oblatis adsumendis, quandoquidem exosis sumptis potionibus,

aut medicationibus, aut curationibus, perempti sunt. Et factum quidem hoc non ad ipsorum confessionem vertitur, verum Medico culpa imputatur.

Considerare vero oportet etiam decubitus, quosdam ex ipsis juxta anni tempus, quosdam juxta genera; quidam enim in sublimibus, alii in subterraneis, ac tenebrosis locis decumbunt.

C A P U T VI.

Strepitus & odores vitandos esse, prudentiam Medicum decere, indoctis agrum non commitendum.

STREPITUS quoque, & odores maxime vini, deterior enim hic est, fugere ac permutare oportet. Et omnia hæc facere placide, expedite cum ministerio, ita ut pleraque ægroto occultes, & hilari ac sereno vultu ipsum consoleris, quo a suis illum cupiditatibus avertas, simul cum amarulentia, & contraria instantia increpando, simulque cum exhortatione, ac dexteritate suscipiendo, ac consolando; non tamen, ut quidquam futurorum, aut præsentium ipsi indices. Plerique enim ob hanc causam in utramlibet partem compulsi sunt, propter relatum videlicet prædictionem præsentium, aut futurorum.

Sit autem ex discipulis aliquis præsens, quo præceptis non amarulente utatur, & quod mandatum est, faciat. Deligito autem ex ipsis eos, qui jam in artē progressum fecerunt, quo ea, quæ utilia sunt exhibeant, aut secure offerant, ut & in intervallis nihil te lateat.

At vero imperitis nunquam quidquam committas; sin minus ejus, quod male factum est, re-

prehensio in te recidet. Si non ambigue res habeat, ex quibus id, quod recta methodo tractatum est procedat, & vituperationem tibi non adferet, sed & quod factum fuerit, ad genus referetur. Proinde omnia hæc prædicito in his, quæ fiunt, his quibus ea cognovisse propositum est. His igitur ita habentibus, ad bonam existimationem ac decentem ornatum, & in sapientia, & in medicina, & in aliis artibus oportet medicum distinctis partibus, de quibus diximus, semper utraque amictum, conservare, ac custodire, & opere ipso cum cæteris communicare. Quum enim apud omnes homines inclyta sint, conservantur. Et qui per ipsa procedunt, celebres sunt apud parentes & liberos. Et si quidam ipsorum non multa cognitione præditi sint, ab ipsis tamen rebus ad intelligentiam deveniunt.

H I P P O C R A T I S P R Æ C E P T I O N E S.

P R Æ F A T I O.

SPURIUS liber, non ineptus tamen, cujus principium & finis ex HIPPOCRATE sumtus esse videatur, cujus etiam brevitatem referat & gravitatem. Præcepta dat, quomodo medicus se gerere debeat ratione mercedis, medicamentorum & victus: quomodo etiam cum aliis medicis debeat agere. Adparet eo jam tempore medicastrosum fuisse vilitatem.

ARGUMENTUM LIBRI.

Breves quædam præceptiones hic continentur, quibus ad artem medendi tum adimplendam, tum exercendam, Medicum instruit.

C A P U T I.

De tempore, occasione, curatione, exercitatione, ratiocinatione, experientia, recordatione, naturam moveri, ac doceri; ac rationem solam in curationibus non satis esse.

TEMPUS est, in quo occasio: occasio vero in qua tempus non multum. Medicatio tempore, aliquando etiam occasione contingit. Hæc sane nosse oportet, & non ratiocinationi prius probabili intentum medelam adgredi, sed exercitationi cum ratiocinatione. Ratiocinatio enim memoria quædam est, componens ea, quæ sensu percepta sunt; evidenti namque imaginatione concepta est; sensus enim prius adficitur, & res sibi subjectas ad cogitationem remittit. Hæc vero sæpe illas excipiens, quæ, quando, qualiter sint, ista observans, & in se ipsam recondens, memoria retinet. Igitur collo laudo quidem etiam ratiocinationem, si quidem ex fortuita occasione initium faciat, & deductionem ex adparentibus methodo persequatur. Si enim ex his, quæ manifesto perficiuntur, ratiocinatio initium duxerit, in mentis potentia inesse deprehendetur, cum ipsa ab aliis singula accipiat.

Proinde statuendum est, naturam a multis ac omnigenis rebus, necessitate quadam subeunte, moveri ac doceri. Mens autem ubi ab ea accipit, ut ante dixi, postea ad veritatem perducit. Si vero non ex evidenti impressione, verum ex probabili rationis figmento procedat, sæpe gravem & molestam infert adfectionem. Tales autem inviam arripiunt viam. Quid enim unquam esset damni, si mercedem auferrent illi, qui publice medicinæ opera perperam exercent? Nunc vero immerentibus ægrotis, quasi non sufficere videretur morbi vis, nisi accederet Medici imperitia. Itaque de his quidem hæc dicta sint satis.

Verum non ex iis, quæ sola ratione concluduntur, fructum adsequi est; sed ex iis, quæ opere demonstrantur. Fallax enim est, & ad errorem proclivis asseveratio, quæ est cum garrulitate conjuncta. Quapropter, ut in universum dicam, iis, quæ fiunt, inhærere oportet, & circa hæc vel maxime versari, si quis facilem ac minime inculpatum habitum (quem sane Medicinam appellamus) sibi comparare velit: valde namque magnam adferet utilitatem tum ægrotis, tum his, qui ipsos curant. Non tamen cunctandum est ab idiotis sciscitari, si quid ad curationis opportunitatem conferre videatur. Sic enim censeo universam artem commonstratam esse, quod singula ex suo fine observata, & consonantia idem aggregata fuerint.

C A P U T II.

*Præcepta de occasione fortuita, mercede paciscenda,
& ægri curatione suscipienda.*

AD TENDERE igitur oportet fortuitæ occasioni, quæ plerumque se offert, & ei, quæ

cum utilitate ac lenitudine potius fit, quam cum pollicitatione & facti excusatione. Utilis quin etiam est eorum, quæ ægroto offeruntur, varietas, & præfinitio. Non enim adseverare oportet, quod unum aliquod exhibitum (remedium) profuturum sit. Omnes enim adfectiones ob multas circumstantias & mutationes diuturniore quadam mora adsident.

- Præterea suadendum, hoc quoque diligenti consideratione opus habere: si nempe a mercede initium duxeris. Id enim toti negotio aliquid confert; ægroto quidem cogitationem immittes, te non, ipso relicto, abiturum. Si vero non pacisceris (cogitationem immittes) & quod ipsum negliges, & quod, quæ præsentem ad rem faciant, non sis subministraturus. Studium itaque adesse debet de constituenda mercede. Incommodam putamus esse hanc cogitationem dum æger affligitur, maxime in morbo acuto. Morbi enim celeritas cum nullam ad regressum opportunitatem præbeat, probum medicum impellit, non ad suam utilitatem quærendam, sed ut potius suæ existimationis rationem habeat. Itaque fatius est morbo liberatis exprobrare, quam lethaliter adfectos emungere. Et sane ægroti quidam hospitii jus, & notitiam anteferri postulant; digni quidem sunt, qui negligantur, non tamen poena, qui ita judicant. Proinde his, uti decet, occurre in falso inconstantiae fluctuantibus. Qui enim verus est Medicus, is hercle fide magis, quam duritate in medendo utetur. Adeo ut & per initia toto adfectu cognito, quædam ad curationem conferentia subministrare oporteat, ægrumque ad finem usque curare, & non negligere.

At vero remunerationem ne exigo, absque cupiditate ad discendum spectante; hortor autem,

ne nimiam inhumanitatem adhibeas, sed ad opum abundantiam, facultatesque respicias: interdum autem gratis cures, imprimis grati animi memoriam habens, aut præsentis bonæ existimationis. Si vero occasio ferendæ opis se obtulerit, & peregrino & egeno, maxime opituleris. Si enim adfuerit benignitas, erga artem amor parabitur. Quidam enim ægroti licet sentiant se periculoso implicari morbo, tamen propter Medici benignitatem sibi persuadent se sanitati restitui posse.

Convenit autem ægrorum curam suscipere sanitatis gratia; at sanorum, ut sine morbis vivant. Quin & sanorum cura gerenda est decori causa.

C A P U T. III.

Qui Medici Præceptionibus percipiendis apti, qui inepti; duplex ægrorum error; Medicorum consilia probanda, contentiones vitandæ.

CÆterum qui in profundo ignorantiae artis versantur, prædicta non capiunt. Hi enim imperiti Medicinæ, artis dedecora in summum e vestigio elati a fortuna quidem pendentes; fortunæ tamen egentes a divitibus quibusdam & ægrotis exordium sumunt. Utrique ob felicem successum nominis celebritatem adepti, & in pejus delabentes, luxu diffuunt, ea, quæ artem inculpabilem reddunt, negligentes, ex quibus tamen bonus Medicus excellit, & focius artis appellatur. Hic autem medicationes facile sine ullo errore perficiens, in nullo horum peccarit, ne in summa quidem facultatis inopia. Neque enim fraudulentus est, velut qui injuste se gerunt. Enimvero ad medicationem non accedunt, pericu-

lofam adfectionem captando, aliorum medicorum introductionem cavendo; laudantes se cum improba detestatione aliorum auxilii.

At ægri morbo conflictati, natant in utraque improbitate, quod se ipsos potiori in arte medendi non dederint ad morbi usque finem: morbi enim remissio magnum ægro effugium præbet, adeo ut quamvis sanitatem expetant, usum tamen eorundem remediorum inire nolint, Medici varietatem imitantes. Sumptuum enim facilitate ægroti carent, nefariis moribus primum venerantes (medicum), mox ingrati evadunt. Cum vero contingere possit, ut facultaribus abundant, circa mercedem difficiles sese præbent, cum revera sani evadere cupiant, sumpta occasione ex fœnoris & agriculturæ quæstu, ac deinde de ipsis quæstum facere negligentes. Ac de tali admonitione hæc satis sunt. Ægroti enim remissio & intentio, Medici administrationi moderantur.

Nec vero indecore se ille geret Medicus, qui in rei præsentis angustia circa ægrum aliquem, & imperitia tenebras offundente, alios quoque arcessi jusserit, quo ex communi consideratione res ad ægrum pertinentes cognoscantur, & simul conferant ad auxilii facultatem. Nam in afflictionis assiduitate augescente morbo ob consilii inopiam plurima ab adsidente Medico prætermittuntur. In ejusmodi igitur temporis occasione non nimium sibi fidendum est. Nunquam enim ego quid tale definiam, quod ars ipsa decrevit.

Verumtamen neque de hoc cum conviciis decertandum, ne seipsum ludibrio præbeant. Hoc enim sancte adfirmare ausim, Medici ratiocinationem alteri nullam invidiam adlaturam: imbecillis enim hoc pacto videretur. Sed facilius hæc faciunt hi, qui negotiis forensibus dediti sunt,

Neque enim hoc perperam animadversum est, cum in omni copia, inopia insit.

C A P U T IV.

Quod Medicus ægrum spe erigere, naturam seu bonum habitum servare, sudaria, ac odores, comptam ac poeticam orationem vitare debeat.

CÆterum præter jam dicta omnia, magnum indicium solidæ artis fuerit, si quis recte medicinam faciens, ægros hortari non desinat, ne nimium angantur animis, dum ad salutis tempus pervenire festinant. Hoc enim incommodum putamus, & qui ita præceperit, non aberrabit. Ipsi enim ægroti propter dolorificam adfectionem desperantes se ipsos vita exsuunt; qui vero ægrum sibi commissum habet, si artis inventa demonstraverit, conservans, non mutam naturam, præsentem fructum feret, aut statim diffidentiam. Probus enim hominis habitus natura quædam est, quæ motum non alienum ex natura acquisivit, sed valde congrua est, & spiritu, & calore & humorum concoctione undiquaque & universa victus ratione, aliisque omnibus composita & constructa: nisi quispiam ex ortu, aut ab initio defectus fuerit. Si vero etiam quis fuerit, is si exilis est, conandum est, ut subjectæ naturæ adsimiletur. Præternaturam est, quod diminutum est, etiam per tempus.

Fugienda & porro est frictio per lintea sudatoria ad parandam medendi auctoritatem; itemque odor curiose adscitus. Propter multam enim peregrinitatem in calumniam incidet: propter modicam vero decorem tibi conciliabis. In parte enim dolore exiguus est, in toto multus.

Com-

Comitatem autem non tollo : digna enim est auctoritate medica. Applicationis etiam instrumentorum , & demonstrationis eorum , quæ significant , reliquorumque ejusmodi memoriam adesse oportet.

Si vero etiam vulgi causa dissertationem facere velis , ne valde gloriose id captes , neque tamen cum ostentatione poetica fiat ; impotentiam enim ostendit industrii laboris. Averfor enim ad alium usum transferri industriam cum labore paratam , quæ per se sola , ut eligatur , grata sit. Habebis enim fuci in morem cum deducentium turba paratam molestiam.

C A P U T V.

Præcipit Medico decorum , continuam exercitationem , & præscriptionem dietæ idoneæ.

Optanda etiam est ejusmodi dispositio , ut non fero didiceris. Quod quidem præsentium nihil perficit ; absentium vero memoria tolerabilis est. Contingit itaque omnia tentans infelicitas cum juvenili peste , quæ decoram negligit tum in definitionibus , & denunciatione , tum perisagis juramentis Deorum causâ factis , dum Medicus morbo præest assidua recognitione , & eruditione imperitorum , qui animo fluctuant , ac figuratos sermones imitantur , & antequam morbi compos factus sit , congregantur. Talibus igitur ubi præessem , non certe de curandi ratione cum illis conferrem : verum auxilium audacter implorarem. Honestæ enim cognitionis intelligentia apud hosce dispersa reperitur. Cum igitur hi necessario indocti sint , moneo ipsis utilem esse

Princ. Art. Med. Tom. IV.

N

exercitationem, cum scientiæ præceptis destituantur. Quis enim præceptionum varietatem se vere cognoscere posse speret, citra exercitationis constantiam? Quapropter ipsos moneo, ut dicentibus quidem aurem præbeant; facientibus autem incumbant.

Contractæ victus rationi ne diu insistas. Diuturnam enim ægri cupiditatem suscitatur, & indulgentia quoque morbum prorogat. Si quis coeco adsentiat, ultra quam oportet, is velut res horrenda caveri debet. Gratiam quoque (præcipio) perquam concordia.

C A P U T III.

Præcepta concisa de aere, ætate, linguæ obscuritate, de morbi imperturbatione, de crisi, de causa levi, de morbo, de exercitatione, de loco amæno.

A Eris repentina turbatio vitanda. Ætatis vigor omnia habet jucunda, decrescens vero contra.

At obscuritas linguæ oboritur aut propter adfectum, aut propter aures: ut si priusquam priora enunciarit, alia inceptet: aut si quid prius, quam id, quod mente concepit, eloquatur, alia insuper cogitet.

Quæ citra affectionem visibilem appellatam contingit, ea illis maxime evenit, qui artium studio tenentur. Ætati etiam, cum parva sit res, valde magna vis inest.

Morbi idem status diuturnitatem portendit. Crisis autem morbi solutio est. Exilis causa curationibus solvitur, nisi quis præcipuus locus adfectus sit. Quandoquidem ex dolore per con-

ſenſum exortus adfectus adfligit, quidam per alterius ſocietatem vexantur. Vociferatio dolore adſcit. Præ laboris vehementia indulgens conceſſio. Locus amœnus utilitatem adfert.

D E L E G E L I B E R.

P R Æ F A T I O.

Ab antiquis paſſim receptus, à MERCURIALI rejeſtus; aliqua habet de Medici inſtitutione, ex quibus colligas, medicos eo ævo vicos obire ſolitos.

A R G U M E N T U M L I B R I.

Medicinam per ſe clariffimam, quid viſſimam reddiderit; quæ item ad ipſius perceptionem requirantur, ſigillatim proponuntur.

MEDICINA omnium equidem artium præclariffima eſt; verum propter eorum, qui eam exercent, ignorantiam, & eorum, qui temere eos tales eſſe judicant, omnibus jam artibus multo inferior eſt. At is error hanc potiffimum cauſam habere mihi videtur, quod ſoli Medicinæ nulla in urbibus pœna præſinita ſit, præterquam ignominix; ſed hæc non lædit eos, qui

cam sibi familiarem habent. Simillimi namque huius modi sunt personis, quæ in tragœdiis introducuntur. Quemadmodum enim illi formam quidem vestem ac faciem histrionis induunt, neque tamen histriones sunt: sic & Medici fama quidem multi, re autem ac opere perpauca.

Oportet enim, quicumque Medicinæ scientiam sibi vere & apte comparare volet, horum eum compotem fieri: naturæ, doctrinæ, loci studiis apti, institutionis a puero, industriæ, ac temporis.

Enimvero primum omnium natura opus est. Natura namque repugnante irrita sunt omnia. Natura vero ad optimum quodque deducente, artis doctrina paratur, quam sane cum prudentia adsequi oportet, ita ut a puero institutio accedat, atque in loco a natura ad disciplinam apto. Ad hæc industriam per multum tempus adferre, quo disciplina veluti ingenerata prospere, cumque bono incremento fructus afferat. Qualis enim eorum, quæ in terra producuntur, consideratio: talis & Medicinæ disciplina est. Natura namque nostra velut ager; doctorum præcepta velut semina sunt. Institutio a puero ceu satio, qua per opportunum tempus ipsa semina terræ mandantur. Locus autem, in quo ars traditur, ambienti aeri respondet, qui vegetis stirpibus alimentum suppeditat. Industria vero agricultura est. Tempus denique hæc omnia, quoad plane adoleverint, confirmat.

Hæc ad medicinam necessaria adsecutos & veram illius cognitionem adeptos, cum hoc modo urbes obierint, non verbo solum, sed etiam opere Medicos haberi decet.

At imperitia malus thesaurus, malæque opes reconditæ ipsam possidentibus, & insomnium, & somnium verum, & securitatis animi & lætitiæ

expers, ac timiditatis & audaciæ nutritrix. Ac timiditas quidem impotentiam: audacia vero artis ignorantiam præ se fert. Duo sunt enim scientia & opinio; quarum illa quidem scientiam, hæc vero ignorationem facit. Cæterum res sacræ sacris hominibus communicantur: profanis vero nefas, priusquam sacris scientiæ orgyis initiati fuerint.

D E J U R E J U R A N D O

L I B E R.

P R Æ F A T I O.

STATUTA sunt artis medicæ, quæ discipulus recipere debebat, & jurejurando confirmare. Continet præcepta de gratitudine adversus Præceptorem, de innocentia medentis, de administrationibus chirurgicis gravioribus non curandis, qualis est calculi vesicæ sectione, ut putes post divisionem medicinæ in tres artes scriptum fuisse. Veteres receperunt, MERCURIALIS rejicit.

ARGUMENTUM LIBRI.

Quæ Medici esse debeat erga suum Præceptorem observantia, & cultus; quæ vitæ integritas; quæ apud ægros præstare, quæ vitare ipsum oporteat.

S E C T I O.

JURO Apollinem Medicum, & Æsculapium, Hygeiamque, ac Panaceam, & Deos omnes, itemque Deas testes adhibens, me ratum pro viribus, judicioque meo jusjurandum hoc, hancque contestationem effecturum. Præceptori quidem ei, qui me hanc artem docuit, peræque ac meis progenitoribus honorem præstiturum, eique victum communicaturum, resque meas egenti impertiturum: ortos ex eo liberos germanis fratribus æquales æstimaturum, eosque hanc artem, si addiscere velint, absque mercede & pacto edocturum. Præceptionum ac narrationum, cæterorumque ad universam disciplinam spectantium, tum meos, & ejus, qui me docuerit, filios, tum discipulos stipulatione conscriptos, & lege medica sacramento addictos participes facturum; alium præterea neminem.

Victus quoque rationem ad ægrotantium salutem pro facultate, judicioque meo adhibebo, noxam vero & maleficium propulsabo. Neque vero cuiquam venenum mortiferum etiam rogatus dabo, neque hujusce consilii auctor ero. Simili autem modo neque mulieri pessum abortivum concedam. Verum caste, sancteque vitam meam, meamque artem tuebor. Calculo vero laborantes

haud quaquam fecabo ; sed viris operatoribus hanc operationem obeuntibus relinquam. In quas-
cunque autem ædes introiero , eas ad ægrotan-
tium opem ingrediar : ab omni scelere voluntario
& corruptela , tum alia , tum operum venereorum
in corporibus mulierum , ac virorum , liberorum
ac fervorum procul remotus. At quæ inter cu-
randum , aut etiam citra curationem in hominum
vita vel videro , vel audiero , quæ foras nequa-
quam efferri oporteat , ea arcana esse ratus , silen-
tio prætermittam. Hoc igitur jusjurandum mihi
haud irritum facienti , neque violanti , tum vita
& arte frui , tum meam gloriam apud omnes ho-
mines æterno tempore celebrari contingat. Trans-
gredienti vero , ac pejeranti , his contraria eve-
niant.

L I B E R
DE HOMINIS STRUCTURA,
AD PERDICCAM REGEM.

P R Æ F A T I O.

*L*ATINE tantum exstat : continet quatuor hu-
mores principes. Arteriæ spiritum accipiunt , cum
sanguine mistum. Spinae dorsi 24 adsignat verte-
bras , intestina metitur. Ab anatome ad quatuor
anni tempora transit , & aliqua suadet ad cujusque
vitæ rationem.

MUNDUS quatuor ex elementis consistit, igne, aere, terra, & aqua, calido videlicet, humido, frigido, & sicco. Iisdem ex elementis quatuor totidemque humoribus & homo consistit, sanguine scilicet, pituita, flava, & atra bili. Et sanguis quidem aeri, pituita aquæ, flava autem bilis igni, atra vero terræ similatur. Sanguis enim gustu dulcis est: pituita, falsa: flava bilis amara: atra vero, acetosa, & flavescentes.

Sanguinis autem locus, & spiritus in corde est: a dextris quidem ejus sanguis, a sinistris vero spiritus consistit. Flavæ bilis in jecinore, atræ in liene, pituitæ quidem in cerebro locus. Sanguis autem calidus, & humidus, pituita frigida & humida, flava bilis calida & sicca, atra vero sicca & frigida.

Arteriæ quidem a corde purum sanguinem, & spiritum recipiunt. Venæ autem & ipsæ a corde sanguinem sumunt, per quas corpori distribuitur. Sed jecur cordi sanguinem non præter veri fidem affatim suppeditat. Nam ignis absque materia permanere neutiquam potest.

Quo fit, ut nonnulli hominum semper quasi rideant, quidam vero tristentur: hujus rei ex elementis causam esse dicimus. Qui enim puri sanguinis non inexpertes sunt, hi usquequaque ridet, & adspectu ac corpore floridi, necnon perspicui coloris existunt. Qui vero flavæ bilis participes sunt, desides, pusillanimes, pavidus, imbecillesque esse solent. Pituitosi vero inertes, & frigidi sunt.

Reminisci autem, & esse prudentia præditum, ex cerebro inter calidum, frigidumque admodum temperato provenit. Oblivio vero, ex cerebri frigiditate procedit. Passio autem, quæ phrenesis

nuncupatur, ex perurentibus febribus fit. Vaporibus enim, ex visceribus per dorsum ad cerebrum emissis, ejus humidum arefcit, & homo mente captus efficitur: & cerebrum oleo quocumque frigidaë qualitatis per aures, vomitusque humectare oportet. Lethargus vero & ipse cerebri passio est: cum enim cerebrum frigidis humoribus repletum fuerit, hinc passio, quæ lethargus appellatur, hominem occupat: & calefacientibus cerebro opitulari expedit. Paralysis vero fit a frigido, crudoque humore, qui a cerebro demissus in oculum, sive in aliquam labiorum partem, seu in totam dimidiamve faciem descendit. Per nares cerebrum purgantia adhibere oportet, & extrinsecus isobrium contusum (*isopyrum*) (herba est quæ & Maros, & Origanis dicitur) ignis suffitu seu cauteriis per aures applices.

Quæcumque autem passionēs in capite fiunt, ex stomacho oriuntur, exempli causa: vomica, strumæ, dentium dolores, tonsillæ, angina, suffocationes, anhelitus difficultas, & reliqua.

Caput autem futuras habet tres: invenitur & solidum absque futuris caput, & hoc quidem humidum est. Crispos vero capillos habere, calidioris capitis signum est. At recti crines ex supervacuo qui in capite est humore fiunt. Flavedo capillorum ex flava bile, calvities vero ex caliditate provenit. Articulatæ vocis species tres habentur, gravis, acuta, & media: hæc a spiritu procedunt.

Jecur autem ipsum alimentum triplici digestionē in succum redigit. Ex prima digestionē cor alimenti qualitatem, saporem videlicet, suscipit, & puri sanguinis procreatio fit. Secundam digestionem jecur desumit, & corporis partibus alimentum largitur, unde flavæ bilis constitutio fit.

Lien vero ex sanguinis fece alitur, unde & melancholicum humorem constitui certum est. Cerebrum autem a stomacho humectatur, & pituitæ exuberantiam peragit. Tertia digestionem alimentum superne in stomacho in succum vertitur, & tunc referatur janitor qui ventriculus nuncupatur, quoniam transitus tantum facultatem subministrat. Inde alimentum in inferiorem ventrem demittitur. Alvus vero a pituita ciborum acerbitalis gratia oblectamentum sentit. Humidum autem excrementum per renes, ac se junctos ipsius excrementi meatus in vesicam, id est in phuscam descendit; in vesicam enim aqua ingreditur.

Sensus in homine quinque habentur, visus, olfactus, auditus, gustus, & tactus. Nam visus ex æthere, olfactus ex aere, auditus ex igne, gustus ex humido, tactus vero ex terra fit.

Homo autem ex quatuordecim quibusdam consistit, nervis, venis, arteriis, sanguine, spiritu, carne, adipe, cartilagine, unguibus, ossibus, medullis, capillis, membranis, humoribus. Horum autem, excretionem, maribus quidem sicco & humido excremento, vomitibus, oculis, naribus, sputis, sudoribus, venereis, incertis meatibus, capillis & unguibus fiunt.

Feminis vero ad hæc duo adduntur, purgationes, lactis videlicet, & menstruorum. Lac autem & eodem modo genitale semen hominis ex sanguine gignuntur, & hoc certum est: si enim homo genitali plus nimio utetur, sanguinem pro semine emittet. Similiter autem & feminæ, si plus nimio lactare cogentur, sanguis elicitur.

Spina autem hominis habet vertebrae XXIV, costas totidem. Dentes cum maxillaribus duo supra XXX sunt, anteriores autem dividentes, qui & secantes appellantur.

Stomachus palmos habet quinque , intestina cubitos tresdecim.

Nomina digitorum , Pollex , Index , Medius , Annularis , Auricularis. Ungues frigidi sicci que temperamenti sunt.

Anni vero tempora quatuor habentur , ver , æstas , autumnus , & hyems. Ver calidum & humidum est ; ideo sanguinis in corpore incrementum fit. Æstas calida & sicca ; ideo flavam auget bilem. Autumnus ficcus & frigidus ; ideo atram bilem , & saniem auget , sanies quidem sanguinea & aquosa est. Hyems vero pituitam in corpore adauget. Nam quatuor hominis elementa , id est , humores , ad tempora quatuor dividuntur. Ideo solarem conversionem speculari , & adfecti temperamentum , & ad hæc curationibus uti opus est. Si enim verno tempore juvenis adversa premetur valetudine , sanguinis exsuperantiæ causa patitur , quem per venæ sectionem emittere opus est. Et si pleuresi unius diei spatio , vel duorum , seu trium laboraverit , venæ sectione adfecto opitulandum , priusquam ipsum opprimat passio , & adfecti vires deficient. Homini vero venæ sectio perutilis est : & tempus quidem quo ipsa utendum , a Februario incipit : & rursus a Septembri principium sumendo , ad septimam ejusdem perduret. Æstate aliquo ægro tante , ad passionis purgamina adhibenda.

Si considerantes (o Rex) & aliorum curam agentes , quid ad vitæ rationem corporibus præstet , & quod congrue alimenta suggerat , ac debito adponat ordini , non satis pro diligentia nostra , & qui humana adgrediuntur corpora , morbos deprehenderimus , nunc accuratius perspicientes , summamque describentes , medicinalem sphæram ad te mittimus , per quam ægritu-

dines, quæ humana corpora occupare solent, per-
noscere, & ad præsentem horam, ac decurrentis
anni tempora, hujusmodi calamitatibus opitulari
queas. Si autem hæc accuratius egeris, diu ci-
tra omnem adversam valetudinem per omne tem-
pus vita frueris. Et si hæc quæ potissimum op-
timæ valetudini tuæ vim præbeant, quæque ho-
minum generi conducant, peregeris; ita in om-
nibus te incolumem vitamprehendes elegisse.
Et quamvis ardua admodum sphaeræ ratio ha-
beatur, eam tamen perscriptam tibi præbemus.

A Vergiliarum occasu ad hyemale solstitium,
dies 49 hoc est a XII Novembris, ad Decembris
finem sunt. Hi quidem dies pituitam augment:
balneis autem jejunos, sudores excitando, deter-
gendoque, & venereis ac laboribus uteris.

Ab hyemali solstitio, ad vernale æquinoctium,
dies LXXXIV, a prima videlicet Januarii ad quin-
tum supra XX Martii. Hi dies humiditatum, &
sanguinis exuberantiam peragunt: deambulatio-
nibus, & siccis quæ ad victum pertinent, deli-
ciisque ac venereis, beneque alentibus utendum.

A vernali æquinoctio, ad Vergiliarum ortum,
dies 49 a XXV Martii ad XIII. Maii. Hi dies san-
guinem augment: redolenti vino, & venereis, ac
laboribus uteris.

A Vergiliarum autem exortu ad æstivum solsti-
tium, dies 42 a tertiadecima Maii, ad XXIV
Junii, hi enim dies flavæ bilis augendæ faculta-
tem obtinent: dulcibus & aquosis utendum, du-
cendæ alvi cura agenda, & a venereis, ac labo-
ribus abstinendum est.

Ab æstivo vero solstitio, ad æquinoctium au-
tumnale, dies XCIII ab XXIV Junii, ad XXV.
Septembris. Hi dies atram bilem augment: frigidis

& aquosis, redolenti vino, ac salutis uti opus est; a venereis vero abstinendum censemus.

Ab autumnali aquinoctio, ad Vergiliarum octosum, dies 49 a xxv Septembris ad xii Novembris, hi enim dies saniem augment, acetosis, acerbisque, & venereis, ac laboribus uti expediet.

Si ad hæc observanda curam, o Rex, impenderis, citra omnem tristitiam, doloremque in reliquum vita frueris. Hac se divisione sic habente, annus in dies quinque ac sexaginta supra trecentos colligitur.

DE NATURA HOMINIS.

P R Æ F A T I O.

Rhetorica descriptio partium humani corporis, in qua multa posteriorem ætatem sapiunt.

OMNES homines artem medicam nosse oportet, o Hippocrates. (Est enim res honesta simul ac utilis ad vitam) & ex his maxime eos, qui eruditionis ac eloquentiæ cognitionem habent. Nam sapientiæ cognitionem medicinæ sororem ac contubernalem esse puto. Sapientia enim animam ab adfectibus liberat. Medicina vero morbos a corporibus aufert.

Augescit autem intelligentia, præsentē sanitatem: cujus providentiam habere honestum est eos qui recte sentiunt. At ubi corporis habitus ægrotat: neque mens ipsa alacritatem habet ad virtutis meditationem. Morbus enim præsens animam

vehementer obscurat, intelligentiam ad adfectionem per consensum ducens.

Cæterum naturæ humanæ descriptio, ejusmodi speculationem habet. Cerebrum quidem supremam corporis partem custodit, & securitatis tutelam sibi commissam habet, intra membranas nervosas cohabitans. Super quod duplicatorum ossium naturæ necessariæ firmatæ, dominum mentis custodem, ipsum cerebrum tegunt.

Pilorum decorem est, cutem ornare. Oculorum vero vis visiva in multiplici tunica latitans, ob humoris instantias, sub frontem in medelam collocata est, & est vivendi causa. Pupilla vero sincera, palpebræ marginem opportunitatis custodem sustinet. Duplices autem nares olfactum dignoscetes, oculorum vicinitatem dirimunt. Mollis vero labiorum contactus os circumplicans, verborum sensum, exactamque articulationem gubernans exhibet. Mentum autem in extremitatem desinens, ac lyræ simile, dentium clavis coaptatum est. At sermonum receptacula aures, opifex aperuit: in quibusdam est sermo, non certus temeritatis minister existit. Loquelæ mater lingua, animæ nuncius, gustum custodiens, munitis dentium septis custodita est. Guttur autem & gula inter se conjuncta, vicina sunt. Illud enim in viam spiritus: hæc in profundum ventris alimentum demittit, large id propellens. Regium vero cor, cono ac pineæ nuci simile, iram nutriens, adversus omnes insidias thoracem induit. Frequenter autem flatuum cavernæ aere per ipsas erumpente, vocis causam flatum pariunt.

Quod vero sanguinem suppeditat, alimentum transmutat, cum apicibus, sæpe vena cava circumfluum, hepar est, concupiscentiæ causa. Viridis autem bilis juxta hepar manens ubi superebullit

humani corporis corruptio est, & nocivus ac inutilis corporis humani inquilius. Veruntamen vice versa dormit, nullum negotium exhibens.

Inter hæc autem medius omnia suscipiens venter chorum ducit, & accumbit, concoctionem gubernans. Obnoxia vero ventris compositioni, per opificium convoluta, circum ventrem evolvuntur intestina, adsumptionis & excretionis causæ. Gemini autem renes in coxis firmati, pinguetudine intecti, ab urinarum excretionem non sunt alieni. At dominus totius ventris, qui omentum vocatur, totum ventrem complectitur, solo splene excepto. Consequenter, nervosa vesica in coxa osculum firmatum habens venis complicatis, urinarum excretionis causa est. Huic autem vicina mater puerorum vehemens illud malum infinitarum ærumnarum in muliere causa, uterus ipse latitat. Pylorus aurem sive Janitor, ex coarum recessu emergens caro, nervis adstringitur. Verum de plenitudine naturæ ventris effundit, ex opificii providentia.

Porro extra corpus pensiles domum incolunt, ad generationem destinati, conditores testiculi, multis tunicis præditi. Jucundum ex venis ac nervis plicamentum est pubes, quæ urinarum effusionem facit. & ad coitus ministerium a natura creata est, & pubertatatis appetentiam tegit. Crura vero & brachia, & extremæ partes his adnexæ, totum ministerii principium coacervatum habentes, tutum nervorum ministerium perficiunt. At vero incorporea in recessibus natura, omnisfaria viscerum genera fabricavit: Quæ sane mors instans, celeriter a ministerio quieta reddit.

LIBER DE ÆTATE.

P R Æ F A T I O.

FRAGMENTUM quo de signis fetus octimestris certa nece & septimestris meliori nota eorum similia traduntur, quæ dicta fuerant in libris legitimis ejusdem tituli. Ova humana auctor contemplatus est, quæ a meretricibus, post sumta abortiva decesserant.

Aliud fragmentum, in quo pariter per septenarios vita humana distribuitur, ex PHILONE adjicitur.

PORRO vita hominis septem dierum est. Primum etenim postquam genitura in uteros pervenit, in septem diebus habet, quæcunque corpus habere debet. Mirari autem quis possit, quomodo id sciam. Verum multa ego vidi hoc modo. Meretrices publicæ, quæ sæpius de seipsis periculum fecerunt, ubi cum viris rem habuerint, sciunt quando in ventre concipiant, & postea conceptum intra se perdunt. Postquam autem jam perditus est, elabitur velut caruncula. Hanc carunculam in aquam coniectam si conspicias consideraveris, omnia membra habere reperiēs, & oculorum regiones, & aures, & manus, & manuum digitos, & crura, & pedes, & pedum digitos, & pudendum, & reliquum totum corpus manifestum.

XXI. Satis etiam manifestum est harum rerum peritis, quod mulier, quum in ventre concepit,
statim

Statim horret, & calor, & dentium stridor consequitur, & convulsio occupat tum articulos, tum totum corpus, & uterum segnities ac torpor. Et quæ puræ sunt, hoc perpetiuntur. Quæ vero crassæ & mucosæ hoc perpetiuntur, pleræque ex his mulieribus non percipiunt, nec cognoscunt. Certe quatenus mihi ostenderunt, hoc ipsum se cognovisse, eatenus scio ac prodo. Quod vero vita hominis septem dierum sit, etiam ex hoc manifestum redditur. Si quis in septem diebus nihil edere aut bibere velit, plerique quidem in ipsis moriuntur. Sunt autem qui ipsos transmittunt, & tamen moriuntur. Sunt etiam quidam qui persuasi sunt ut desperarent seipsos fame conficientes, sed comederent ac biberent: verum venter non amplius suscipit. Jejunum enim intestinum in his diebus concrevit, moriunturque etiam illi.

XXII. Sed & ex hoc conjectare licet, hominis vitam septem dierum esse. Puer septimestri partu natus, pro ratione natus est, & vivit, & rationem talis habet, ac numerum ad hebdomadas septenarium exactum. Octimestris autem natus nullus unquam vixit. Novem vero mensium & decem dierum partus fit, & vivit, & habet ad hebdomadas, numerum exactum. Quatuor enim denarii hebdomadum, dies sunt ducenti & octoginta. In denarium autem hebdomadum septuaginta dies incurrunt. Habet autem & septimestris partus tres denarios sive decadas hebdomadum, & in unaquaque decade septuaginta dies. Tres vero hebdomadum decades, ex toto sunt dies ducenti ac decem.

XXIII. Quin & morbi acutissimi sic hominibus fiunt, præteritis diebus, in quibus judicantur, & moriuntur aut sani evadunt: & tertii ge-

neris in undecim diebus, hoc est una & dimidia hebdomade: & quarti in duabus hebdomadibus, & quinti in duo deviginti diebus, hoc est duabus & dimidia hebdomadibus. At vero alii morbi non habent ut certa sententia pronunciari possit, quanto tempore homines ab ipsis sani evadant. Ad eundem modum etiam ulcera magna in capite ac reliquo corpore, quarto die inflammari incipiunt, in septem autem inflammatio sedatur, aut etiam quatuor & decem, aut duodeviginti. Si quis autem diligenter medeatur, & vulnera in capite magna in hoc tempore non sedentur, homines moriuntur.

XXIV. Ceterum inexpertus quispiam mirari queat, quod septimestris puer nascatur. Ego quidem igitur hoc ipsum vidi, & quidem frequenter. Si quis autem hoc deprehendere vult, facile est obstetrices adire, quæ parientibus adsunt, & ex ipsis percunctari. Est autem & aliud signum. Pueri septem annis præteritis dentes explent. Et in septem annis sunt & ratione & numero exacte hebdomades trecentæ ac sexaginta. Necessitatem autem naturæ, quapropter in septem hæc singulæ dispensentur, ego aliis locis declarabo.

DE ÆTATE FRAGMENTUM, EX PHILONIS JUDÆI,

de Opif. mundi. p. 24.

PRÆFATIO.

*FRAGMENTUM est ex PHILONE
sumtum.*

HIPPOCRATES medicus ait septem esse ætates; infantis, pueri, adolescentis, juvenis, viri, senioris, senis. Has autem mensurari hebdomadis, quamquam non ultimis.

Ait autem. II. In hominis natura sunt septem tempora, quas ætates vocant. Infans, puer, adolescens, juvenis, vir, senior, senex. Infans est usque ad septem annos, dentium amissionem. Puer vero usque ad genituræ ortum, ad bis septem. Adolescens usque ad barbæ lanuginem ad ter septem. Juvenis usque ad auctionem totus corporis, ad quater septem. Vir usque ad undequingagesimum, ad septies septem. Senior usque ad quinquaginta sex, septies octo. Deinceps vero, senex est.

DE SEPTIMESTRI PARTU LIBER SPURIUS.

P R Æ F A T I O.

Spurius & brevis, recenseri non meretur.

DE septimestribus quidam sic dicit, quod negotium oculis nondum vidi, sed tantum audi. Quo autem modo mihi fieri posse videatur, declarabo.

Multæ naturæ mutationes, conversiones, & excessus in animalibus, & arbutis, cæterisque factis sponteve nascentibus ævo perpetuo longoque fiunt. Nam alicubi jam femina, & mas multis manibus, oculis, auribusque conformati nati sunt, variisque aliis formis, concreta ora & os-

sa alii habentes, mirandam naturæ prævaricationem mutationem & excessum. Cuncta enim temporibus labentibus & discreta & confusa & peculiariter perficiuntur. Nam secundum priscam generationem, cum omnia animantia condita & creata sunt, sic conformata fuerunt, scioque etiam nunc eodem modo, & per eadem secundum leges cuncta conformari nascique posse.

Mihi vero (quemadmodum homini circa septimestria definienti datur) hæc statuta specie, pro caeli, terræque benignitate, quemadmodum fructus, oriri videntur. Quod videre est in Ægypto, ubi omnia perfecta nascuntur, & perficiuntur multa etiam & per annum totum, omnique tempore terræ benignitate, calorisque circum aggeratione. Nilive inundatione scaturiunt.

Simili modo & circa animantia, septimestriaque, perfecta, vitaliaque illic omnia nascuntur. Quamobrem si quæ conceptura est, uti sibi successionem pariat, bene habeat, virque ad eam rem demittendam promptus, præstoque sit, corpus sive corporis alveus creatur, & perficitur. Collatio enim & concordia validaque necessitas, & vis cogit, uti perficiatur, & adolescat suo satori non dissimile. Nam si major, minorve, & dissimilis forma & figura sit illi unde orta est, perfecta non haberetur. Quare dicito, statuitove, medium quid esse in magno negotio, conformationem rhysmumve. Si ergo conformatio aliqua ad homines perventura est, leni & miti modo perveniat necesse est, perque hominum commoda, si minus, quidam præpubescunt, & præsenescunt, quemadmodum, qui præsanescunt, & si rite, & secundum legem fiat. Conformatioque contabescit, & ad omnium commoda, fibrarum, vena-

rum, nervorum, viscerum, intestinorum, uteri, cæterorumque perfectionem convertitur.

Sed forsitan aliqui petent, cur octimestria, & trimestria non vivant? quoniam fluxi parvulique sunt. Quæ enim sic ævum, & ætatem nacta sunt, & per similia conformari, & discerni consueverunt, quemadmodum, quæ in terra feruntur, & plantantur. Quædam enim pluribus, quædam paucioribus diebus nascuntur, secundum tempus. Tempus autem solis, & lunæ circuitu perficitur, & sequitur: nec etiam undecimestres, nec duodecimestres, secundum eandem rationem horum vivent, donec pueruli sunt. Nihil enim præter sua vestigia, & naturam fit, aut adolescit, nec etiamsi quid fabulentur. Sed cujusque conformatio, forma, figuræ, & similitudo, sive rhythmos secundum naturalem legem perficitur, & rite finitur. Nam naturalis machinatio cuncta in oculos, vel aures, vel nares, vel os transfert, quæ conformationibus his continetur, vel per alias concrectiones, syncrisesve absumit. Quare nunc periti cum sint, conceptus omnes noscent, quæ prius excogitavi.



DE SIGNIFICATIONE VITÆ ET MORTIS

SECUNDUM MOTUM LUNÆ ET ADSPECTUS
PLANETARUM.

P R Æ F A T I O
GULIDEOLI MORDICI
INTERPRETIS PRISCI.

P R Æ F A T I O.

*MERA est astrologia, ab HIPPOCRATIS
sapientia remotissima, neque græce exstat, nuperi
scriptoris opus.*

HIPPOCRATES optimus medentium dixit,
cujusmodi Medicus est, qui ignorat astro-
nomiam? nemo debet se committere manibus
ejus, quia non est perfectus medicus. Novi
ergo, quod opus erat scire astronomiam. Ideo
inspexi libros Hippocratis, & inveni libellum
hunc parvulum, sed optimum, quem qui bene
noverit, efficietur magnus Medicus. Est enim
valde necessarius Medicis omnibus.

II. Hippocrates: adspice lunam, quando est
plena lumine, quia tum crescit sanguis, & me-
dulla in omni homine, & bestiis omnibus. Idem
fit in mari, & cunctis in rebus mundanis.

Cum ergo quis inciderit in morbum, tum
necessarium est videre, an Luna è combustione
exeat. Tum namque crescit infirmitas, donec

venerit ad oppositionis gradum. Et cum erit in oppositione, videndum erit, an sit cum malo aliquo planetarum, vel in malo adspectu, aut adspexerit dominum domus mortis. Nam ex iis poteris scire, utrum æger morietur vel vivet, vel diuturnus erit morbus ejus, vel non.

Nunc autem videamus naturam omnium signorum; vires etiam sive posse lunæ in eisdem.

III. Cum quis in morbum inciderit Luna existente in Ariete cum Marte aut Sole, tum morbus erit in capite propter Solis calorem, utique & gravis, & dolebunt ei pulsus capitis: febres etiam patitur æstuosas, non intermittentes: in præcordiis quoque torquetur, vix loquitur: quia thoracem occupavit vehemens calor, & pulmonem, quod & pulsus vehemens ostendit. Necessarium est ergo, ut huic fecetur vena cordis, utque vescatur frigido alimento & potu, & compescentibus calorem, ut morbus is non vertatur in phrenesim.

At si cum Luna fuerit Mars, sive Saturnus, ex hoc morbo morietur æger infra diem septimum, à die, quo Luna fuerit cum Sole per quartum adspectum, & hoc intelligitur Luna crescente.

Si vero Luna erit in Ariete infortunata, adspexeritque eam ex quarto, vel ex oppositione Saturnus, morbus is erit in capite, & perducet eum ad alienationem mentis, & faciet insanire, variando incrementum & decrementum, eritque morbidus persimilis illi, qui videre non potest. Si vero astronomiam ignoras, hæc non poteris scire, neque cognoscere ejus morbum.

Quod si fuerit Luna in diminutione graduum vel luminis, cum revertetur ad primum adspectum Saturni, videlicet, cum dimiserit eum, & per alium adspectum illum adspexerit; morbus

mutabit in bonum vel in malum: nam si adspexerit: aliud infortunium, morietur ille: si autem non adspexerit, evadet. Sed cum Luna dimiserit adspectus hos, de quibus diximus, morbum scias recessurum.

Tamen, dum Luna non invenerit Jovem aut Venerem per aliquem adspectum, priusquam venerit Luna ad conjunctionem Solis, morbus non recedet, sed stabit, donec Luna venerit in adspectum vel ad oppositionem Solis. Quod si dictos etiam non invenerit Luna, sed Mercurius occurrerit illi, morietur æger. At si Mars invenerit eam, sanabitur, dum morbum produxerit pituita.

Et quando languidus primo sentit morbum, dum Luna addit suo lumini & gradibus, & Mars aut Sol fuerit in Ariete, morbus erit in capite, & infania, & abscessus ex pituita orietur in capite, profluenteque illi sanguis è naribus. Oportet itaque illum uti frigidis temperatis, indigetque medicina, qua destruitur abscessus.

Cum vero Luna fuerit cum Mercurio in loco Solis, evadet infirmus: prius autem erit in magno discrimine; quoniam Mercurius concors fit cum Marte, in eodem negotio. Mars autem non facit sic cum Saturno, & morietur æger, cum Saturnus fuerit in loco Solis. Quod si fuerit cum Luna Jupiter ibidem, vel Mercurius, aut Venus, varius ejus erit morbus.

Quando autem Lunam adspexerit Mars vel Saturnus aliquo adspectu, opus est ægro leni medicina, & mediocri diæta, demum sedeat quandoque, & jaceat quandoque ille in luminoso loco, ut a longe clarum aërem possit videre, utatur & balneo, bibatque aquam frigidam, cum necessarium fuerit, & regas illum, ut tibi videtur salubrius esse.

IV. Quando autem quispiam incidit in morbum Luna existente in Tauro, atque eam adspexerit Mars ex opposito vel adspectu quarto, morbus ejus productus erit ex sanguine, is tandem sentit immensum calorem, & siti torquetur, & queritur per noctem, nec potest dormire, & potum vini appetit. Est ergo necessarium illi secare venam, & exhibere pharmacum, quod refrigeret eum, & humectet.

Sin fuerit in signo Saturnus cum Luna, aut Venus addens, & non invenerit fortunam, morietur infra novem dies à die, quo incidit in languorem.

Quod si Luna addet suo lumini & gradibus, tum demum atque eam Mars adspexerit ex opposito vel quarto adspectu, & Luna venerit ad Saturnum, & erit Mercurius cum ea; morbus ex frigidis succis erit, vel æger totus frigidus & disruptus erit. Ideo vix loquitur, & pauca profert: habet & ventriculum durum, seu crudum adeo, ut excoquere non valeat alimentum, sed interius ardeat. Propterea is eget solventi medicamine, quoniam morbus is magis particeps est bilis, quam pituitæ. Adspicies etiam Lunam, quando venerit ad locum oppositum illius, in quo fuerat à primordio morbi: quoniam, cum fuerit ibi, magnum periculum & labor magnus erit ægro. Is ergo morietur, si Luna non invenerit aliquam fortunam, in eodem signo: quod si invenerit fortunam, evadet usque ad dies octo.

Quum vero quispiam inciderit in morbum Luna peragrante Taurum, & Mars & Sol erunt in eodem signo, noctu languor erit in thorace; ardebit & lingua, ut combusta, flagrabit ore atque oculis, & egerens raro per alvum balbutiet, & febris ejus causa erit sanguis, sitietque vehe-

menter. Indiget tandem venæ sectione, & medicina solventi. Potus ergo sit frigidus, caveatque à calentibus.

Advertes autem, quando Luna fuerit in trino adspectu cum Sole, si morbus decreverit, vivet ille: sin creverit, occumbet, quando Luna erit in oppositione Solis: quod si invenerit Venerem, vel Jovem, non morietur.

V. Si quis inciderit in ægritudinem, Luna existente in Geminis, & adspexerit eam Mars, aut Saturnus ex quadrato vel oppositione, ægritudo ex amissione somni erit, vel ex aliquo mœrore, vel ex plurimis cogitationibus super aliquo negotio. Ideo universo dolebit corpore, & hæc durabit ægritudo ad minus tribus septenis diebus. Postmodum incidet in calorem. Is etiam, dum recubat noctu, extensiones patitur, & dolorem dextri hypocondrii, vel regionis jecioris. Et si Luna non fuerit cum aliqua ex fortunis, morietur ille spatio dierum triginta.

Cum vero Luna erit in Geminis addens suo lumini & gradibus, & Mars adspexerit eam ex quarto adspectu vel oppositione, ægritudo hæc proveniet ex bile rubra, febrietque cum vehementia pulsus. Itaque sanguis est minuendus illi, & frigidis alendus eduliis.

Quod si fuerit Saturnus in hoc adspectu, & cum Luna nulla fuerit fortuna, vitam perdet ille, quando Luna veniet ad oppositum illius loci, in quo erat, cum incidit in ægritudinem: sin aliqua fortuna adspexerit eum, recipiet valetudinem, etsi magno in periculo occubitus erit. Si Luna tantum fuerit in Geminis, morbus erit in capite. Tum cavendum est a sectione venarum, neque ei offerenda sunt frigida vel humida, sed offerantur temperata.

Advertes etiam, cum Luna fuerit in oppositione Solis, si qua ex fortunis bono adspectu aderit, vivet ille, alioquin morietur.

Si vero Luna erit in Geminis, & adspexerit eam fortuna bono adspectu, vivet ille, vel ægritudo mutabitur in alium morbum. Sin autem fortuna dimiserit eam, neque invenerit aliam, donec Luna venerit ad oppositum loci, in quo fuerat à principio, Medicus non potest cognoscere quisnam languidi morbus sit, sed tum evadet, cum Luna erit in prædicta oppositione.

Si vero Luna fuerit in Geminis una cum Sole & Marte, hæc erit acutissima ægritudo: lacrymabit ei oculus, pervenietque in phrenesim, & æger ipse de se ipso tum maxime veretur. Nam apparent ante oculos illi diversa phantasmata & imagines horribiles, ejusque pulsus erit valde profundus, adeo ut fere non inveniatur, & capite dolebit. Tum ergo vena non est secanda illi, & alendus erit levi cibo & potu, & stratus jaceat in loco temperato.

Respicias etiam, cum Luna fuerit in quarto adspectu illius loci, in quo fuerat à primordio morbi, quia tunc morietur. Sed quando Luna fuerit cum Sole & Marte, & adspexerit eam fortuna bono adspectu, & Luna erit addens Lumini & gradibus, evadet, cum Luna venerit ad quartum adspectum, in quo ab exordio morbi fuerat. Nec offeres medicam potionem illi, sed præcipies uti leni cibo, & balneo, & in loco altiori sedere.

VI. Luna si fuerit in Cancro, cum aliquis inciderit in morbum & eam Saturnus adspexerit quarto adspectu vel oppositione, morbus is ex frigidis succis erit ei productus, vel ex balneo, vel de loco humido exeunti. Is nullum odorem sentit, laborat pectore & tussit, difficilem habens

anhelitum & pulsum admodum compressum, queritur de adfectibus ventriculi, ilium & renum. Eget ergo medicina lenienti pectus, & tussim expugnanti.

Si vero Saturnus non fuerit cum Luna, vel eam non adspexerit aliqua fortuna, donec venerit ad quartum adspectum illius loci, in quo fuerat, quando incidit in morbum, is mori debet circa diem decimum. Quod si Lunam adspexerit fortuna, vivet ille cum difficultate & labore.

Similiter Luna si fuerit in Cancro, & eam Mars adspexerit adspectu quarto vel opposito, vomitum patietur æger, vel dolorem ventriculi. Is tandem indiget frigefacienti medicamine, & ventriculum reficienti. Quod si Lunam non adspexerit aliqua fortuna conveniens & bona in eodem loco, occumbet, priusquam veniet Luna ad quartum vel ad alium adspectum.

Sin autem Luna existens in Cancro cursu esset vacua, morbus is productus est ex potu nimio, ejusque turgent venæ, & distenduntur, noctu valde tristatur, cupitque erectus federe in altiori loco, dejicit operimenta, non desiderat sermones quosdam, sed frigida tangere. Cum autem Luna venerit ad oppositum Cancri, evadet ille, si bona fortuna eam adspexerit.

At si invenerit Martem vel Solem, morbus vertetur ad majorem caliditatem, pulsus ejus non mutatur, quin imo excrescentias ostendit, perseverat tandem morbus, dum Luna fuerit, ut diximus, in loco quarti adspectus, vel ad oppositum venerit adspectum. Is tandem noctu timet, ut quid horrendum videret, propterea & vociferatur multum laboriose. Et quando venerit ad trinum adspectum, sanatur. At si non invenerit ibi fortunam bonam, mutatur morbus in aliam ægri-

tudinem. Sed convalescit, quando Luna revertetur, ad locum, in quo erat, cum infirmus cœpit ægrotare, sed si ibi non invenerit fortunam, morietur ille. Quod si fortuna adspexerit eam bono adspectu, vertetur ad pristinam salutem.

Cum Luna fuerit in Cancro, & Saturnus & Jupiter cum ea, morbus triginta dierum erit ex frigido succo, sed. vivet ille.

Si vero Luna erit in Cancro cum Saturno, Marte & Venere, morbus ex lassitudine itineris proveniet, vel ex coitu plurimo, is tandem in strato circumvertitur, & debilis efficitur. Ideo non mittendus sanguis, neque venter ejus est solvendus, sed studendum est eduliis revocantibus virtutem, ut carnibus pullorum & vitulorum, testibusque gallorum & ovium sorbilibus, a frigidis vero fugiendum est. Et cum Luna egressa fuerit ex signo illo, veneritque ad oppositionem, & non invenerit aliquem Planetarum, verendum est: quod si invenerit fortunam, cito restituetur sanitati: quam si non invenerit, morbus crescet, & morietur.

Cum Luna fuerit in Cancro cum Saturno, Marte & Mercurio, tum morbus productus erit ex nimio studio legendi vel scribendi, estque in causa melancholia. Itaque utendum est medicina bilem atram educenti.

Quando autem Luna egressa erit de loco illo, & invenerit fortunam, restituetur saluti, cum Luna venerit ad quartum adspectum illius fortunæ. Quod si invenerit aliquod infortunium, mori debet, quando Luna erit in quarto adspectu illius infortunii. Si vero invenerit bonum aliquem Planetam, evadet, cum Luna venerit ad oppositum loci, in quo fuerat: sed si infortu-

nium invenerit ; morbus fiet magis diuturnus, vel extendetur ad tempus, donec redierit ad locum in quo fuerat à principio morbi, & restituetur saluti : at si Luna invenerit infortunium per malum adspæctum, dum tendit ad oppositionem, demens efficitur languidus. Si vero fortunam invenerit, mutabit morbum in aliam ægritudinem, tamen restituetur saluti.

VII. Cum Luna erit in Leone, & Saturnus adspexerit eam ex quadrato vel oppositione, morbus erit propter lienem ; dolebit capite, & vomitum patietur, is tandem descendet prope occasum, & febris ejus intensissima : languor vero erit magis internus, quam externus, cum defectu lubricitatis ventris. Quod si Luna nullam adspexerit fortunam, occidet ille, cum pervenerit Luna ad quartum adspæctum Leonis. At si forte fortuna adspexerit eam, salutem recipiet, cum venerit ad quartum adspæctum.

Si vero Luna fuerit in Leone, & Mars eam adspexerit ex adspæctu quarto vel oppositione, morbus erit ex ubertate sanguinis, is vehementer calefiet, & corripietur duabus febribus. Utatur ergo frigidis & siccis, tum poculentis, tum esculentis. Si Luna fortunam adspexerit bono adspæctu, post magnam defatigationem melius : quod si non adspexerit fortunam, deterius erit. Quare si fortunam bono adspæctu non adspexerit, certo morietur, quando venerit ad oppositionem loci, in quo fuerat morbus in principio. Si vero prius adspexerit infortunium, quum venerit Luna ad quartum adspæctum, morietur.

Si vero, Luna existente in Leone, Mars eam prospexerit, vel Sol quarto adspæctu, ardentem visceribus ardebit, pectore & capite dolebit, & pedes manusque habebit frigidas. Huic tandem ne-

cessario vena secanda erit, dum non fuerit Luna in signo, quod impedit sectionem: sin autem fuerit, morandum erit, donec Luna venerit ad medietatem sui luminis, & illines pedes languentis linimento, quod tollit frigiditatem.

Si Mars vel Sol fuerit cum Luna in eodem signo, morbus procedet ex dolore cordis. Quando vero Luna venerit ad quartum adspectum illius loci, in quo fuerat a primordio, valde timendum erit ægro.

Cum autem Luna caruerit dictis adspectibus, & invenerit Jovem in itinere, aut Venerem, prius quam venerit ad quartum adspectum, tum balneandum suadeo, vel in frigido loco standum.

Si vero Luna Saturnum invenerit, morbus is vertetur ad vesicam, sed sanabitur, cum pervenerit Luna ad locum, in quo fuerat.

Quando Luna invenerit Solem aut Martem, & fuerit cum ea Saturnus vel Mercurius, veniet ad extrema, ut diximus, ex dolore cordis, & erit longus morbus, & timendum erit, ne in phthisin vertatur. Utendum erit rebus temperatis in frigiditate, neque debet jacere in loco lucido. Et erit respiciendum, quando Luna venerit ad quartum adspectum loci illius, in quo erat, cum incidit in morbum. Nam si morbus creverit, erit diuturnus, & morietur: sin minuitur, evadet, cum Luna venerit ad oppositionem. Quod si Luna invenerit infortunium, vivet ille, donec Luna peregerit cursum ad locum usque, in quo fuerat cum æger incidit in morbum.

VIII. Cum fuerit Luna in Virgine, & Saturnus invenerit eam ex quarto adpectu, vel eam prospexerit ex oppositione, tum inciderit in languorem, ventriculi dolorem patietur, & ventris & intestinorum, vel ei congestum erit apostema ex pituita alba. Is quandoque patietur calorem, &

erit illi pulsus debilis. Ejus vero morbum nemo potest cognoscere, nisi fuerit astronomus. Utatur is, rebus frigidis & temperatis. Indiget curatione abscessus sine apertione. Morbus is tandem longus futurus est. Sin autem Luna adspexerit fortunam, evadet, sed post multos dies: Quod si infortunium adspexerit, occumbet die quadragesimo.

Cum Luna fuerit in Virgine, eamque Mars respexerit, vel sol ex quarto vel oppositione, morbus productus erit ex magno interno calore. Huic succedit frequens assellatio, projicit & sanguinem, & venenum, vel humores præferentes aconitum. Pulsus ejus est validus; tamen quandoque non invenitur. Patitur & cordis languorem, & ventriculo laborat. Medicina illi tandem potens negatur, sed stypticum medicamen, & ventriculum roborans detur. Utatur ergo alimento & medicamento leni. Quod si infortunium aliquod adspexerit eam, morietur ille, & brevi tempore, ad dies triginta: sin vero adspexerit eam aliqua fortuna, vivet ille.

Cum fuerit in Virgine cursus vacua, ægro stomachus erit debilis & fluxum quandoque ventris patietur, & lotium, dum mingit, vesicam afficit vexatque bilis prasina hominem, & cum difficultate mingit.

Si fuerit cum ea Mars, vel Mercurius, vel Sol, morbus ejus erit gravis, & vix loquitur, & fluxum ventris patitur. Indiget ergo ventrem stipantibus. Verendum autem est illi, ne occumbat, cum Luna venerit ad oppositionem loci, in quo fuerat ab initio morbi: quam si fortuna adspexerit, vivet ille. sin autem, morietur.

Quod si inveneris Saturnum cum Luna, vel Mercurium aut Venerem seu Jovem, hic morbus erit nimium diuturnus, capitis languorem patietur

tur etiam, neque liber erit morbo, donec venerit Luna ad locum, in quo fuerat ab initio morbi.

IX. Luna cum fuerit in Libra, & Saturnus eam adspexerit ex quarto adspectu vel oppositione, morbus productus erit ex nimio potu vini, majorque erit morbus is, cum Luna fuerit in diminutione luminis & graduum. Is tandem afficitur oculis, dolet temporibus, queritur pectore, tussis ex pituita in pulmone concitatur, illi moventur & sternutamenta, afficitur & febre quadam levi. Is demum eget medicina temperata, & regimine vita utatur temperato. Sin autem Lunam inspexerit Mars adspectu quarto vel opposito, morietur ille. Quod si eam non adspexerit, vivet & liber erit, quando Luna venerit ad oppositionem loci, in quo fuerat a principio languoris.

Quum autem Luna fuerit in Libra, eamque adspexerit Mars quarto adspectu, vel Saturnus oppositione, morbus erit ex sanguine, & febris erit vehemens & nocturna, prava occurrent somnia, etsi vix poterit dormire, plerumque & apostema congeritur illi ex pituita alba. Is tandem necessario medendus est temperato medicamine. Cumque Lunam non inspexerit aliquod infortunium, evadet ille. Sin autem fuerit oppositum, cum venerit ad oppositionem, morietur spatio viginti trium dierum, vel triginta trium. Cumque Luna adspexerit aliquam fortunarum, sanabitur ille, cum Luna venerit ad oppositionem loci, in quo erat ab initio morbi.

Sed cum Luna in Libra fuerit peregrina, æger pedibus, vel manibus laborat & febris, graves oculos, & somnolentos habens, balbutit loquendo. Eget pharmaco, & frigido vitæ regimine, atque humido. Secunda erit vena illi. Cum Luna

egressa fuerit è loco in quo erat à principio morbi, & invenerit fortunam, vel secum erit, recipiet sanitatem, cum Luna venerit ad oppositionem: sin oppositum acciderit, morietur.

Quumque Luna erit in Libra, Solque vel Mars erit in oppositione ejus, gravis erit morbus in capite. Quod si fuerit Mercurius cum Luna idem erit: tamen oculi ejus opplentur lachrymis. Indiget tandem minutione sanguinis, & solventi medicamine. Tamen si Luna invenerit Jovem ante Venerem, quando egreditur de loco, in quo erat ab initio languoris, sanabilis erit; sin vero esset oppositum, morietur ille.

X. Cum Luna fuerit in Scorpione, eamque Saturnus adspexerit adspectu quarto, vel erit in oppositione signi illius, in quo quis incidit in morbum, morbus ejus erit ex peccato sanguinis corrupti, vel ex veneno.

Quod si Luna erit in diminutione luminis, & non adspexerit eam fortuna, morietur ille. Cum autem erit addens lumini & gradibus, & fortuna adspexerit eam, vivet ille.

Tamen dum Luna erit in Scorpione, Marsque eam & Jupiter inspexerint quarto adspectu: vel oppositione, intensus febrientis erit calor. Is eget temperato pharmaco solventi. Sed cum Luna inde recesserit, post modum jungitur Jovi, valetudinem recipiet ille. Luna etiam existens peregrina in Scorpione, languoris pedum est causa, morbusque ab initio levis est, neque æstimatur. Ideo fovetur, plerumque & abscessum producit, ejusque & vesica afficitur, inque ejus naturalibus apparent pustulæ. Sed Luna cum venerit ad trinum adspectum loci, in quo fuerat ab exordio, calidis afficitur febribus.

At si Luna venerit ad solem per quartum adspe-

etum, & fortunam non invenerit, occumbet ille: si vero invenerit eam, apparebit apostema in aliquo ex dictis locis, tamen vivet ille. Eget autem is medicamento, ut tumor ille aperiatur in balneo tantum, quia alius locus nec calidus, neque frigidus convenit.

Cumque etiam Luna fuerit in Scorpione, eritque cum ea Mars atque Saturnus, febrilis febricitans febris. Propterea sumat medicamenta, quæ minuunt pituitam: sed vena non est secanda illi. Cum Luna egreditur de loco illo, & eam adspexerit fortuna, ad decimum quartum diem morbus protrahetur. Sin autem non adspexerit, durabit morbus usque ad vigesimum diem.

XI. Cum Luna fuerit in Sagittario, & eam adspexerit Saturnus quarto adspectu vel oppositione, morbus erit ex phlegmate. Universum enim cor afficietur calore: extrema vero frigida erunt, morbusque durabit, donec Luna Saturno jungatur. Quod si invenerit fortunam, non procedet ulterius, quatenus Luna venerit ad oppositionem illius loci in quo fuerat ab initio morbi.

Cum vero existente Luna in Sagittario adspexerit eam Mars quarto adspectu vel oppositione, & addiderit suo lumini & gradibus, morbum languentis Medicus nequit discernere absque astronomia: quoniam modo de capite, modo de universo corpore, modo quoque & aliter queritur; quibus ideo afficitur, quia nimium stetit in balneo, & calefactus statim concepit frigus pectore & capite: evomit quoque multum, atque dejicit. Eget ergo stipanti medicamine, sed levi: utatur diæta levi etiam & syrupo sine aceto. Cum vero Luna exierit de Scorpione, & Saturnum in-

venerit, morietur: at si invenerit fortunam, vivet; sed immensam patietur fatigationem.

Cum Luna est in Sagittario cum Jove, aut Venere, languor erit propter tussim, cum dolore pectoris: sed quum Luna ex hoc signo egressa erit, & adspexerit eam Saturnus, ad vigesimum quartum, extendetur morbus, & evadet. Is indiget mollienti medicamine, caveat a balneo, quoniam obest.

XII. Luna cum fuerit in Capricorno, eamque Saturnus adspexerit ex quarto adspectu, vel ex oppositione, & fuerit in diminutione luminis & graduum, ex nimio labore sudore perfunditur, & frigore corripitur æger, conclusi sunt humores, & cerebrum concutiunt sternutamenta fortia, laborat ventriculo & thorace: febrit etiam propter nimium exercitium, vel sanguinem. Curetur is rebus temperatis, ut syrupo temperato. Tum si Luna adspexerit fortunam, evadet magno tandem cum labore. Si vero fortuna non adspexerit eam, morietur infra triginta dies.

Cum Luna erit in Capricorno, eamque adspexerit Mars quarto adspectu vel oppositione, morbus erit ex vomitu, atque intenso calore, patietur ventris solutionem, & ventriculus ejus ardebit, & tumefcet ardenter & febriet, plurimo & sudore perfundetur, ejus pulsus non semper erit æqualis. Is ergo eget refrigeranti medicina. Si Lunam adspexerit fortuna, sanabitur ille; sin minus, occumbet ad quinquagesimum vel sexagesimum diem.

Cum Luna erit in Capricorno cum Marte & Sole, morbus erit ex labore facto juxta ignem, & propter nimiam caliditatem. Ideo febrit propter motum bilis citrinæ. Caveat ergo a balneo, & non perfundat corpus aqua frigida. Sed quan-

do Luna exierit inde, & venerit ad oppositum adspectum, evadet; & erit dies quarta decima.

XIII. In Aquario, cum Luna erit addens lumini & gradibus, eamque adspexerit Saturnus adspectu quarto, vel oppositione, languentis morbus erit ex nimio labore, fluit sanguis illi, morbusque aliquando hujus crescit & decrescit. Ideo verendum, ne occumbat in oppositione Lunæ. Quod si mutatur in melius, vivet ille, fortasse ad diem quartum decimum: sed morietur die quadragesimo primo.

Cum vero Luna in Aquario erit peregrina, morbus erit in visceribus, patitur & febres ardentes diuturnas cum defectu animi: sed quando Luna erit cum Sole, is erit validior. Adspice ergo Lunam, quando egreditur e Sole, si invenerit fortunam, prius quam venerit ad locum, in quo erat, cum incidit in morbum, quia evadet: sin autem fortunam non invenerit, morietur.

Cum vero Luna fuerit in Aquario, & Saturnus secum erit, morbus ex melancholia procedet, & est cholera nigra. Quod si Luna erit addens lumini & gradibus eaque fortunam invenerit priusquam erit in oppositione loci, in quo ab exordio erat, recipiet valetudinem: at si fortunam non inveniet, occumbet ille.

XIV. Quando Luna erit in Piscibus addens lumini & gradibus, & Saturnus eam adspexerit ex quadrato vel oppositione, morbus erit ex frigidityte, cum dolore capitis & ventris. Huic ergo danda est medicina calida, quæ frigus expellat. Si Luna adspexerit Solem, vivet: tamen postquam sanitatem recuperaverit, venarum & articularum patietur adfectus.

Cum vero Luna fuerit ibidem addens lumini & gradibus, & eam adspexerit Mars adspectu

quarto, vel oppositione, morbi causa erit nimius potus & cibus: aucta est ergo bilis cum sanguine. Huic secunda est vena. Is vero magis dolebit in die, quam noctu. Cum autem fortuna non adspexerit Lunam in loco, in quo coepit ægrotare, morietur: sin vero adspexerit eam, sanus erit, cum Luna venerit ad locum, in quo erat ab initio morbi.

Cum Luna stante in Piscibus, Venus & Jupiter erunt in eodem signo, cum incidit in morbum, morbus productus erit ex sudore vel ex nimio potu aquæ. Is tandem laborat oculis, & febrit cum frigore. Ab initio demum sequitur calor. Is eget medicina solventi, & calorem pellen- ti. Cum Luna venerit ad oppositum loci, in quo fuerat ab initio morbi, recipiet salutem.

Cum Luna erit in Piscibus cum Marte, nimius calor internus concitavit febrem. Indiget sectione venæ. Cum vero fortuna Lunam adspexerit, vivet ille: Si vero oppositum erit, occumbet.

DE LIQUIDORUM USU LIBER.

P R Æ F A T I O.

Continet decem aphorismos sectionis V Hippocratis a 16 ad 26: et aliqua adjecta de vino & aceto. Veteres legerunt, & passim aliqua ex hoc libro habent, etsi titulum non citant. Est ex brevioribus, multo vero dignior priori, & genuino propior.

A R G U M E N T U M L I B R I.

Aquarum calidarum frigidarumque, nec non magis aquæ, vini, acetique effectus & facultates, & quæ partes, & qui effectus calidis magis quam frigidis delectentur, afficianturque.

C A P U T I.

Aque potulente calide & frigida facultas & usus.

Aqua potabilis, falsa, mare. Potabilis quidem ad officinam medicam optima: etenim ferramentis & æramenis optima, & medicamentis plurimis inveteratis convenientissima. Verum corpori adhibita, sciendum est, quod hæc aut humectat, aut refrigerat, aut calefacit. Alio præterea nullo usu potabilis aut utilis est, aut noxia. Ubi potabili modica cum spongia uteris ad oculos est optima.

Calidæ adspersione ipsa summa cutis exulceratur. Fetus corporis totius, aut partis; cutis duræ emollitio, intensæ laxatio, nervorum, carnium, humorum effusio, sudoris exitus: pro lutione humectare, velut nares, vesicam, ventrem. Carne implere, tenerum reddere, liquefacere, imminuere, colorem revocare, colorem dissipare. Somnum conciliat capiti adfusa & aliis partibus. Convulsiones, tensionesque lenit; auris, oculorum dolores obtundit, & quæ sunt hujusce modi.

Frigida calefacere, velut ventrem. Ulceribus, præterquam ex quibus sanguis effluit, aut efflu-

xurus est, fractis, luxatis, reliquis, quibus per lintea Medicus medetur, capitis gravitati. In unoquoque quod moderatum, ne ultra, novimus explorare, velut calidum corpori adhibitum, excessu in utramque partem vitato, ut utraque ex parte minime aberret, qui conjecturam ex eo quod nocet, aut non juvat, sumpserit, velut in tepida. Iis enim, quæ lædunt aut juvant, & si sunt ejusmodi, eousque uti convenit, quoad juvant, vel quoad lædunt. Madefactio itaque debile quid est; refrigeratio vero & calefactio validum quid, velut ex Sole.

At frigida videtur, quæ calida est, velut potabilis aqua ægrotanti. Verum calida eousque, ne urat. De his autem judicat ipse ægrotus, exceptis mutis, aut leviter sideratis aut stupore adfectis, aut velut in vulneribus perfrigeratis, aut nimio dolore vexatis. Iis vero hæc non sentiuntur. Neque enim hi perusti sentiunt, ut nec profundas ac magnas luxationes. Jam vero etiam pedes perfrigerati deciderunt ex calidæ adfusione. Verum in his ejus, qui adfundit, cutis judex est; ac similiter in frigida. Harum autem ipsarum paucitas utriusque, debile quid est; copia vero, validum. Verumtamen sinere oportet, donec id contingat, cujus gratia fiunt, prius vero quam extremum eveniat, cessandum est.

C A P U T I I.

De aque calidæ & frigidæ usu; ac quas utraque juvet, ledatque partes; & quos adfectus inferat, curetve.

HArum autem utraque lædit. Has vero læsiones calida copiosior adfert utentibus, carniū

mollitiem, nervorum debilitatem, animi torporem, sanguinis profusiones, animi deliquia: & hæc ad mortem. Frigida vero convulsiones, tensiones, nigrores, & rigores febriles; ac mediocritates quidem ex his (cætera autem prædicta lædunt ac juvant voluptate & toleranti facultate, ex dolore etiam & ferendi molestia) in singulis eorum convenientes, salubres videntur.

Corpus quidem tegi solitum, quicquid insuetum est, & longissime a familiari calore abest; alieno vero frigori est proximum (aversatur,) ideoque calida delectatur & ferre potest cerebrum, quæque ex eo oriuntur, frigida quidem offenduntur, calida vero delectantur, etiam si natura sit frigidius & solidius. Eam ob causam ossibus, dentibus, nervis, frigida inimica est; calida vero amica; quoniam convulsiones, distensiones, rigores febriles, quos frigida creat, calida sedat: propterea etiam a calida voluptates & illecebræ: a frigida vero dolores & aversiones; ob id lumbi, pectus, dorsum, hypochondria, magis offenduntur frigida calida vero gaudent, eamque ferre possunt. Eam sane ob causam lumbi, dorsum, pectus, hypochondria contraria perpetiuntur, quod sint contraria. Idcirco sane anxietatem hac in parte calidæ usu obortam frigida sedat. Ideoque etiam frigidæ potu gaudet, & cibariis calidis delectatur. Ideoque sane in animi defectionibus frigida summis partibus adfusa prodest.

Quod autem partes posteriores calidam magis ferant, quam anteriores, prædictæ causæ sunt: quodque etiam frigida recte ferant. Extremæ etiam partes anteriores sunt, & frigori externo adsuetæ, neque tegi solitæ, ut internæ. Cogitandum autem, quod utrumque in utraque corporis parte cutem internam superat; quæ, quum sibi ipsi &

nervo exsanguis sit continua, eo quod extra proprium calorem in frigore externo versetur, ab utrisque frequenter superatur, & utrorumque frequenter indiget; frequentius tamen calido ad voluptatem. Tale quiddam etiam partibus extremis contingit, ideoque cito multa sentiunt, tarde autem primum, adtolluntur.

Ex venis etiam alias prius, alias posterius adfici ad constat. Sic conspiciuntur omnia, ubi tum refrigerantur extremæ partes, tum calefiunt, in vasorum evacuationibus, in animi defectionibus. Neque citra rationem sane venas sequuntur, quæ ex illis dependent, eaque primum calida calefacit, velut internas manus. At ulcera calida plane delectantur, quod tegi sint solita. Merito ab altera læduntur. Jure sane ipsæ etiam venæ, quod sint in calido. Jure sane ipse etiam thorax, ipseque ventriculus a frigida superatus potissimum moleste fert, & lethaliter adficitur, quod maxime non adsueta sint. At plurimum abest ab eo, ut patiat, quum ipsa indigentia huic sit maxime propinqua. Jure itaque frigida potu gaudet; sicque omnia ista inter se consentiunt. Jam vero valde consentaneum est, omnia in superficie desquamata & ambusta, non admodum tegi solita, frigidam ægerrime ferre, quum citissime superentur. Et profundissima, si superentur, maxime utique lædi: deinde etiam naturam nervosam participant. Quod autem imus venter calida delectari videatur, considerandus locus est.

Quin etiam partes extremæ, & vesica, & uterus, & aliæ partes genitales denudatæ; suapte natura frigidiores sunt, quam quis putat. Sursum enim, non deorsum caliditas prorumpit. Idcirco calida delectatur, quod post calidam corpus perfriegeratum magis frigescat; post frigidam vero con-

tractum magis recalescat; velut aquam refrigerandam calefacere oportet, ob tenuitatem, quod post calidam corpus magis indurescat, ac resiccetur, ut oculi post frigidam; illa enim aëri ambienti est similis, hæc vero minime.

C A P U T I I I.

De aquæ marinæ, vini, & aceti facultatibus; & quibus partibus & morbis curandis prosint, obijungue.

Maris aqua pruritu & mordaci sensu adfectis tum lotione, tum tota calida prodest; non adsuētis quidem carnes adtenuat. Ulceribus autem & ambustis & desquamatis & reliquis huiusmodi adversatur. Puris vero apta, bona est ad probe extenuandum, uti piscatorum ulcera: hæc enim neque suppurant, nisi attigeris, & ad fracturarum fascias. Quin etiam depascentia ulcera sedat ac sistit, ut sal, falsugo, & nitrum. Hæc autem omnia si quis parcius quidem utatur, irritant; si vero liberalius bona sunt. Calor vero ad plurima melior est.

Acetum cuti & articulis admotum aquæ marinæ simile est, potentius tamen in perfusione & fotu; valet etiam ad ulcera recens vulneratis, & ad sanguinis grumos, ubi nigror est in pudendis, & aurium ac dentium ardor adest. Calido autem hæc & alia fiunt, sed & ex anni tempore conjectura facienda est. Ex eliquatione sal, etiam ad alia quæcunque impetiginibus, lepris, & vitiliginibus conducit, in sole calido inspissatum; præcipue vero unguibus scabris confert, quos temporis progressu superat, verrucas formicarias attenuat, aurium sordibus medetur, cutem etiam emollit. Multis quoque aliis modis valeret, nisi odore, præcipueque mulieribus noceret. Valeret & ad podagram, nisi cutem vulneraret: eadem aceti sæx præstat.

Vinum dulce diuturnis vulneribus assidue utenti idoneum, etiam ad medicamentorum portiones; at austerum vinum, & album, & nigrum, frigidum ad ulcera adhibetur, frigidum propter caliditatem. Quæ refrigerationis quidem gratia, aut perfunduntur, aut induntur, aut imbuuntur, velut aqua frigidissima adhibendæ. Quæ vero adstrictione indigent, ea vino nigro cum lana irrigato; velut etiam betarum folia, aut linteola in plurimis, quæ adstrictione valent, intincta adhibentur, qualia sunt hederæ albæ folia, aut si quæ sunt magis acerba ac friabilia; velut hederæ & rubus, rhus coriarius, salvia, & quæ mollire oportet, quale quid farina cocta facit.

C A P U T I V.

De diversis aquæ calidæ & frigidæ facultatibus & effectibus; quas utraque ledat, juvetque partes, & quos morbos inferat, curetque.

FRIGIDA pustulis rubicundis prodest, quales latiusculæ alia atque alia parte erumpunt, quales in iis, qui lienes tumidos habent; in carnosus autem & molli carne præditis admodum rubicundæ sunt; in nigris vero, & veluti rotundæ (ætholicas vocant) & quales in calidis lavacris excitatæ oboriuntur, ac mulieribus ex menstruorum sub cutem recursum fiunt, & ex cutis irritatione, aut insolita asperorum vestimentorum gestatione, & ob sudoris exitum, aut quum quis ex frigore derepente ad ignem, aut calida lavacra accesserit; nam si posterius hæc fecerit, neutiquam amplius erumpunt. Alioqui, quæ ex frigore oriuntur, aut quæ ad instar milii exasperantur, dein exulcerantur, iis quidem no-

cet frigida ; calida vero prodest. Quibusdam autem utraque prodest, velut articulorum tumoribus, & (doloribus) sine ulcere (&) podagris, & convulsis plerisque.

Hoc constat, frigidam copiosam sudoribus adfusam, extenuare, & dolorem stupefacere. Moderatus autem stupor, dolorem tollit ; calida autem adtenuat & emollit. Podagricis, resolutis, tensionibus, convulsionibus hæc conferunt. Distentiones, tremores, leves siderationes, ac ejusmodi adfectiones remittunt ; aut claudicationes, torpores, vocis defectiones, atque alia hujusmodi, & inferiores suppressiones.

In frigida tamen usu potius, quam calida, quatenus ea utaris adtendendum : at articulis induratis, aut ab inflammatione quandoque oborta, aut a distortionem, ante omnia mederi convenit, calida in utriculum infusa, & manui immissa adligatum. Oculorum lacrymas lenit, si quis acrimoniam leni aliquo unguento illinat, ne eas falsus humor attingat. Fossulis quoque ablutio confert, & repletio ad naturam adducens. Calida oculis prodest, doloribus, suppurationibus ex lacrymis mordacibus, siccis omnibus.

Frigida hominibus dolore carentibus, valde rubicundis, humorum collectiones in venis facere solent : qualia sunt strumosa circa thoracem, & alia dura. Recto vero intestino & uteris non admodum confert, neque sanguinem in frigore mingentibus. Ulceribus frigida quidem mordax est, cutem obdurat, tumorum dolentium suppurationem impedit, livorem & nigredinem inducit, rigores febriles, convulsiones, tensiones : interdum quoque in tensione absque ulcere, juveni corpulento, æstate media ; frigida multæ perfusio cum contigerit, caloris revocationem facit ; calor autem hæc solvit.

Calida suppuratoria est, non in omni ulcere, maximum ad securitatem signum, cutem emollit, adtenuat, dolorem tollit, rigores, convulsiones, tensiones mitigat: ipsam quoque capitis gravitatem solvit. Plurimum autem fracturis ossium confert; præcipue vero denudatis. Ex his autem maxime, qui in capite ulcera habent, & iis, quæ præ frigore aut moriuntur, aut ulcerantur. Ulcerationibus itidem tum voluntariis, tum involuntariis, & quibus cutis abrafa est, herpetibus exedentibus, denigratis, sive in gingivis, sive in aure, sive in ano, sive in utero. His enim omnibus calida amica est, & judicatoria: frigida vero adversa est, & interimit, præterquam in quibus sanguinis profluvium metuimus. Atque ad hunc modum adhibendæ sunt liquidorum perfusiones, unguentorum illitus, foliorum aut linctorum impositiones, & quæcunque in cataplasmate adhibita refrigeratione & caliditate profunt, aut nocent.

LIBER DE MEDICAMENTIS PURGANTIBUS.

P R Æ F A T I O.

QUÆDAM habet ex aphorismis desumpta, & theoriam electivæ purgationis secundum quatuor humorum differentiam audacter defendit.

MEDICAMENTORUM purgantium res non ita se habet, quemadmodum vulgo pu-

tatur. Eodem enim medicamento purgantur, & non purgantur. Quandoque vero alia purgat, quam quæ purgare solet. Aliquando nimium purgat. Aliquando ea, quæ debet, facit. Quare fieri non potest, ut quis medicamentis confusus, ea temere exhibeat. Nam & cibos nos alentes medicamenta esse, putandum est; verum minus, quam illa. Homines enim, qui his recte in cibo utuntur, sani sunt: qui non recte, ægrotant: qui vero modum excedunt, purgantur quidem velut a sinceris medicamentis: verum minus & tardius, quam a sinceris medicamentis. Clarum igitur est, quod & hi medicamenta existunt. At vero hi tardiores, qui & familiares nobis sunt, & quotidie in corpus ingrediuntur, si temere, & negligenter exhibeantur, temere homines turbant, & quodam modo morbos inducunt. Quin & sinceros, & acidos cibos si quis citra delectum, ac inconsiderate exhibeat, nihil commodi perficient.

Oportet igitur primum biliosis dare, quod bilem purgat; pituitosis, quod pituitam; hydropicis, quod aquam; atrabiliaris, quod bilem atram. Si vero extra hæc purgaveris, quæ quidem purgari debent, non purgabis: quæ vero non debent, ea evacuabis. Quare in utramque partem peccabis.

Quum itaque pharmacum alicui dare voles, sive deorsum, sive sursum purgans, interrogare ipsum oportet, an prius biberit medicamentum, & an alvus ex deorsum purgantibus cita sit, & celeriter obediat, aut dura. Et si citam, ac facilem solutus esse dixerit, mollioribus, & paucioribus medicamentis opus habet; si vero dura fuerit, fortioribus indiget. Idem modus in sursum purgantibus requiritur. At si nunquam neque sursum, neque deorsum se purgatum esse dixerit, neque medicamentum bibisse; cognoscere oportet,

an ad ea, quæ sanus in corpus ingessit, alvus deorsum solutu facilis fuerit, aut sursum versus adposita ad vomitionem, & an ad repletionem aliquam alvi profluvium ipsi successerit. Hæc omnia interrogare oportet, quo recte consulere possis. Turpis enim est calamitas, medicamento purgante dato hominem occidere.

Quicumque igitur a febribus fortibus corripiuntur, his medicamenta purgatoria dare non oportet, donec remiserit febris. Sin minus, saltem non intra quatuordecim dies. Carnes enim ipsorum, & ventres, quum calidi sint, medicamentum adsumunt, & nihil depurgantur, & febris major fit, & color evertitur, & morbi regii speciem præ se ferunt. Commota enim bile, & non purgata, non sordere vult æger, neque bibere, sed omnia abominatur, & plerumque perit.

Si vero detinet medicamentum, ante meridiem nihil purgatur: a meridie vero nimium purgatur, & perit. At si hac die superstes maneat, & una cum purgatione remittat febris, sanus fit. Quapropter in febribus vehementibus medicamenta purgatoria exhibere non oportet.

Verum si alicui opus fuerit, infusum per clysterem adhibere potes, quotiescumque volueris. Hoc enim minoris periculi est. Juxta eandem rationem etiam tempore æstatis, a canis ortu, per dies quinquaginta vitare oportet, & non dare medicamentum, sed infusis per clysterem uti. Idem enim periculum imminet.

DE VERATRI USU.

P R Æ F A T I O.

PLERAQUE excerpta sunt ex Aphorismis, prognostico & prænotionibus ptisana, & muliebribus, quos libros auctor citat, tamquam suum. Sub finem aliqua pleniora habet de purgatione per sesamoïdes.

HIS qui non facile sursum purgantur, ante potionem corpora præhumeſcere oportet uberiore alimento & quiete. Ubi vero quis bibit veratrum, ad motus corporum magis ducere, quam ad somnos. Declarat autem navigatio, quod motus corpora turbat. Cum veratrum magis ducere voles, corpora moveto.

Veratrum periculofum est ſanas carnes habentibus. Quicumque in pharmacorum potionibus non ſitiunt, dum purgantur, non ceſſant purgari, priuſquam ſitierint.

Convulſio ex veratro, lethale. In nimia purgatione, convulſio aut ſingultus ſuccedens, malum. In turbationibus ventris, & vomitibus ſpontaneis, ſi quidem qualia purgari oportet, purgentur, conducit, & leviter ferunt: ſin minus, vice verſa.

Quemadmodum autem in Prænotionibus dixi, purgatio ſurſum verſus commodat ei, in quo ſine febre eſt cibi ſaſtidium, aut ſtomachi punctura, aut vertigo, aut os amarum, & in ſumma doloribus ſupra ſeptum tranſverſum: at deorſum verſus, ubi ſine febre eſt tormen, lumborum

dolor, genuum gravitas, menses ægre prodeuntes, dolores in partibus sub septo transverso.

Vitare vero oportet pharmacorum potionibus eos, qui bona habent corpora, maxime autem nigros, & humida carne præditos, sed & subricos & balbos, ac blæfos.

Quicumque vero inflammata in principio morbi, velut in libello de Ptisana dixi, statim medicamento solvere adgrediuntur, hi de eo quidem, quod distentum est ac inflammatum, nihil auferunt (neque enim remittit qui crudus est adfectus) ea vero quæ morbo resistunt, & sana sunt, consumunt. Corpore vero debili fiente, morbus superat, & immedicabile malum habent.

Cæterum veratrum his dare oportet, quibus de capite fluxus fertur. Non autem dandum est pectore suppuratis. Neque medicamenta danda sunt decoloratis, raucosis, lienosis, exsanguibus, spirituosus & siccum tussientibus, siticulosus, flatuosus, & his qui præcordia, & latera, ac dorsum distenta habent, & torpentibus, & obscure videntibus, & quibus aurium sonitus sunt, & urinæ meatus impotentibus: neque item morbo regio laborantibus, aut ventre debilibus, aut his qui sanguinis eruptiones, aut tubercula habent. Si vero medicandum esse videbitur, veratro securus sursum purga, deorsum vero non. Optimum autem his est victus rationem constituere.

Quemadmodum autem in Prædictionibus dixi, non sunt medicamenta danda his qui nigra evomunt, neque cibum averfantibus, neque deliris & parum dormientibus, neque dolore vexatis, neque visum temerarium inclinatum habentibus, neque tumefactis, neque vertiginosis, neque decoloratis, neque his qui in febre æstusosi sunt ac confracti.

Sicut autem de ptisana dixi, sesamoides sursum purgat: potio ejus est drachma dimidia in aceto mulso trita. Commiscetur etiam veratris tertia potionis pars, & minus suffocat. Purgat item quartanas diuturnas, & diuturna feбри lipyria vexatos: & eos, in quibus non est sitis, neque excretio (hos vero non ante tres hebdomadas) aliquando etiam pleuriticos ac volvulosos. Et sicut in Mulieribus morbis dixi, purgandum est etiam, si uteri purgatione opus habuerint.

DE ANTIDOTO

EX ACTUARIJ METHODI MEDENDI V. 6

CORN. HENR. MATHISIO

INTERPRETE.

P R Æ F A T I O.

*P*RIOR ex Myrepso, farrago aromatum; altera diversa, ex NICOLAO.

ANTIDOTUM Hippocratis, quo usus corona Athenis est donatus. Fronti ex vino illitum capitis dolorem mitigat, & aurium dolori prodest: ex oleo vestium flocco injectum, nec secus ore detentum, ejus dolorem sedat.

Dandum est autem ex hydromelite, nucis avellanæ magnitudine; tussientibus lienosis, jecinorosis, sanguinem exspuentibus, calculosis laterum

inflammationibus, ægyptiæ fabæ magnitudine, ex oxymelite mero, cyathis tribus, ischiadicis, intestinorum dolore vexatis, lupini magnitudine in decocto pæoniæ, a prima luna usque ad extremam. A larvis dæmoniisque occupatis, nucis ponticæ magnitudine, in lacte asinino: quartana laborantibus ex aceto mulso: desinente luna.

III. Calami aromatici, junci odorati, fabi-
næ, singulorum triens: feminis viticis, carda-
momi, cyperi, crocomagmatis, singulorum quin-
cunx, nardi celticæ felibra, aspalathi septunx,
ammoniacy uncia, pilularum cupressi quadrans,
(rosarum quadrans,) ladani, myrrhæ, thuris, sin-
gularum libra, baccæ juniperi minoris quadraginta;
hæc simul privatim, funditor: spicæ nardi felibra,
costis triens, folii bes, casia felibra, amomi quadrani
hæc quoque privatim tundito: mastiches triens, &
hoc seorsum in mortario teritur: styracis dextans:
styrax paulatim, bellariis in mortario adjicitur,
terebinthinæ libræ tres, mellis attici libræ quin-
que, vini veteris quod ad bellaria maceranda satis
est, munde & sedulo melle excipiens confice.

ANTIDOTUM EX NICOLAI ALEXANDRINI

DE COMP. MEDIC. I. 365.

LEONH. FUCHSIO INTERPRETE.

ANTIDOTUM Hippocratis faciens ad omnia
mala, præcipue verò ad tabidos, sanguinem

ſuentes , & pleuríticos. Habet cumini græci veteris drachmam unam ſemis , petroſelini macedo nici, opii , caſtorii , ſingulorum drachmam unam, aſari , croci , ſtyracis calamitis , ſingulorum drachmam unam ſemis , ſpicæ nardi , caſiæ , ſingulorum drachmam unam , mellis aut ſacchari quod ſatis. Datur carentibus febre cum vino veteri : febricitantibus autem cum aqua temperata.

LIBER DE EXSECTIONE F E T U S .

P R Æ F A T I O .

BREVIS libellus docet ut fetus frustillatim concisus ducatur, & caput confringatur. Mirificam etiam docet concussionem femine in caput data, ut fetus in spatium amplius relabatur. Uterum elapsum repositum incidere jubet, & fricare, quoad inflammetur.

DE his, qui non juxta naturalem modum pariuntur, sed exſcinduntur, hoc modo ſe res habet. Primum quidem ſindone ſupra mulierem injecta, eam ſupra mammas circumdato, & caput obvelato, ne videns, quod facturus es, timeat, ac exhorreſcat. Si itaque fetus oblique prolapſus manum protenſam habuerit, manu adprehenſa foras producere, quam maxime conare, & brachium ipſum excoriato, atque ubi os brachii denudaveris, ſquatinæ pellem circum duos manus digitos obligato, ne caro lubricitate ſua elabatur. Dein-

de vero carnem circa humerum rescinde, ipsumque juxta juncturam exime, postea caput juxta naturam protrusum foras producere tenta: fetus vero ipsum intro protrudito ferramento per latus, & costas, sive claviculam adacto, quo flatum emittat fetus, & confidat, ac contrahatur; atque ipsi facilior exitus pateat.

Cæterum caput, si fieri potest, juxta naturam extrahe, sin minus, confringe: atque sic fetus una subextrahe. Postea calida large perfusam, & oleo illitam decumbere jubero, pedum situ alternatim variato. Bibat autem vinum dulce, album, meracius temperatum, sed & resina melle trita, ac vino admixta, in potu præbeatur. De cætero vero curanda est, velut dixi, juxta ea, quæ relata sunt.

Quum vero parienti mulieri fetus oblique prolapsus fuerit; id, quod contingit, dum vertitur puer, & umbilicus circum collum obvolvitur, & exitum fetus impedit, & caput in coxendicem incumbit, & manus ut plurimum foras prominet, quod ipsum mortui fetus signum est. Quibus autem manus non exserta est, ut plurimum vivunt fetus, periculum autem etiam hoc modo est. Aliquæ enim purgamenta ante partum mittunt, & necesse est cognoscere ex eo partum siccum & cum dolore laboriosum esse. Quibus autem purgamenta ante partum non prodeunt, hæ in pariendo facilius liberantur.

Concutere porro oportet hoc modo. Sindone substrata mulierem reclinabis, & aliam superinjicies, quo pudendum ipsius sit obvolutum, obvolvesque sindonem circum utrumque crus, & circum utramque manum. Mulieres autem duæ utrumque crus adprehendant, & aliæ duæ utramque manum, deinde concutiant valide ipsam tenentes, non minus, quam decies. Postea in lectum

reclinetur mulier in caput, ita ut crura sursum vergant, & mulieres omnes ipsam pedibus corripiant, manibus dimissis, sæpeque concutiant, ac rejectionem in humeros faciant in lecto, quo fetus in spatiosiore locum retrusus vertatur, & naturaliter prodire possit. Et si dictamnium creticum habueris, ipsum bibendum dabis: sin minus, fibri testem in vinum chium derades.

Si vero uteri foras prodierint sive ex dolore, sive ex partu, si quidem juveniculæ fuerint, adgressionem facito: sin minus, finito. Adgressio autem hoc modo fiat. Pelliculam uteri juxta naturalem modum, & oblique incisam linteo confricatæ, donec inflammetur, & illinito phocæ oleo, sive adipe, aut pice, aut mali punici flore integito, & molles spongas vino resperfas adponito, & ex humeris ipsas adligato. Mulier vero decumbat cruribus quam maxime sursum versus porrectis, moderatis autem eduliis vescatur.

V E T E R I N A R A I

P R Æ F A T I O.

*N*uperioris alicujus sunt HIPPOCRATIS, ejus forte, qui inter veterinarios est: farrago medicamentorum, quorum multa undique superstitiosa. Morbum a soricis morfu natum hic reperias.

PASTILLI AD MALIDEM BACCARUM lauri sextantem, spumæ nitri quincuncem, sulphuris ignem non experti tan-

tundem, myrrhæ quadrantem, crocomagmatiss semissem, iridis Illyriacæ quadrantem: feminis apii, aristolochiæ, singulorum pares modos. Ea simul pilæ injecta, & tantisper detrita, dum fatiscant in polentam, adjuncto vino, in pastillos digeruntur. Cum postulabit usus, ex albo vino faucibus infunduntur.

De pulmone.

Equo, cui pulmo negotium exhibet, humida naribus profuunt, & gravem ore spiritum efflat, ilia habet convulsa.

Ratio infundendi talis. Fructus arborum adstringentissimi quique in una vini hemina & olei mensura pari decoquuntur, & per os faucibus induntur. Levi cibatu contentus esse debet. Ervum hordeo permisce, aut suillum cerebrum in vini hemina coque, olei tres cyathos misce: quod satis videbitur infunde. Odorata potione similiter (utendum), vel gallo tantisper incocto, dum prorsus intabuerit, sextarius unus vini commixtus ingeritur. Sanguis, si (tantum) robur adest, ut mitti possit, detrahendus. Gramine aut medica pascendus. Adspargendus farina potus, ut eo (fultæ) animalis vires vegetæ ferventur.

De sanguinis missione & cibatu.

Nosse videtur optimum, unde, quibus horis, quonam pacto & quibus modis sanguis sit equo dimittendus. Et naturas habitusque explorare.

Si quidem nonnulli secunda constitutione præditi sunt, alii graciles, alii morbis patent. Et idem sanguis non inest, sed ne similis quidem omnibus vitiis invenitur, verum colore sanguis in

unoquoque vitio diffidet. Eorum enim qui inoffensa valetudine degunt, sanguis bene temperatus est, copiosus, flavus: quibus, ne vitium insideat, sanguis detrahatur. Blanguescentium sanguis varius est, & fumosus: sed eorum, qui hordeationis vitium sentiunt, est viscer & glutinosus.

Primum itaque diebus suis equus viridi pabulo recreandus, necesse est, quamdiu (læta) farrago & suavis esca, utæ novum in venis sanguinem creet, & (sic) robustior equus reddatur. Sanguis hora secunda diei detrahatur.

Sed postquam formosum hac de re fecimus, super est, ut quoniam dicitur pacto sanguinem qui gravat, evocare, proponamus. Cervicem primum erectam oportet loco circumplecti, & tantisper contendere, dum tori venarum protuberent neque scalpellum tamen penitus adigere, quando quidem si ferramento transigatur vena, non temere coibit, erumpensque sanguis ægre suppressi poterit. Si de temporum venis sanguis sit emittendus, laqueus capiti circumponendus, vinculoque juxta aures distringendum, donec adpressu venæ tumescant: postea, uti diximus, vena non alte subcidenda.

Ut armentitie concipiant.

Si gregalem equam concipere velis, urticam in os equi pellito. Si vero quæ semel aut iterum ventrem pertulit equa, partum edere desierit, hoc auxilio restibilis fecunditas redditur. Anisi acetabulum, myrrhæ fescuncia, croci semuncia diligenter & munde simul contrita digeruntur in adultarum glandium formas, quæ sigillatim in equæ naturalia, dum uterum subeant, impelluntur. Ge-

nitales loci antea subluantur, & fervefactæ marinæ fotu madescant, oleoque instar unius heminæ cum strigmentis balnearum lumbi et genitales sedes feminum tenus, bis die defricentur, usque dum eam concepisse constiterit. Quinto septimoque quoque die ternæ lactis heminæ cum rosacei parte quarta & hiporrhisi drachma, adjectis quinque piperum granis & mirrhæ sicilico, cum efferbuerint, tepesactum jus fistula longa, quæ ad vulvam perferat, infunditur. Hordeaceam farinam in aqua coctam, dum partum enitatur, dabis potandam.

Strumosis.

Strumas maxima ex parte parit aquarum mutatio: exitque tuberculum juglandis magnitudine: cui candens ferramentum admoveatur.

Si tamen tussis premit, & contentius infestante vitio, grave olens spiritus redditur: ea quæ leniunt infundenda, ne laceffita tussis acerbius infestet. Irritata siquidem arteria noxam trahere consuevit. Ergo cedrinus liquor decoctus, & linteolo collatus, tam illitu quam infusione prodest. Postremo odorata potio quam aromaticam vocant, ex vino, oleo, melle, ovis, instilletur. Sed inter initia sanguis a cervice demittatur.

Compositio ad strumas. Ficuum libram, nitri, galbani, propolis singulorum selibram, picis sextantem.

Aliud. Si sub maxillis strumæ vel tubercula prodierunt, primum fomentis utere, quibus tentatis, fici & tufum nitrum miscentur cum axungia vel hordeaceo farre & decoquuntur in hydromelit & oleo, dum cataplasmatibus lentorem referente & illinuntur. Quod si non sanetur, excindi debet & vulnus aduri.

Strumas, furunculos & articulorum nodos medicamentum emollit, quod habet iridis illyricæ, irini, singulorum felibram, ceræ unciam ammoniaci quadrantem : quæ cum cera in irino oleo liquefacta miscentur, & cum usus requirit admoventur.

Si fuerit in animo malagma componere, quod lassitudinem reficiat, acopum vocant: galbani, opopanacis ceræ, laseris, ammoniaci, singulorum dextantem, aridæ resinæ pinus singulorum unciam, resinæ colophonix dextantem, commiscebis. Eo lassitudine discutuntur.

Sequens medicamentum dissipandi naturam habet. Buccina marina ignibus adoletur. Eorum cinis cum melle coctus illinitur.

Tussi.

Tragacantham quam minutissime dissectam, hordeo crvoque quod edendum objeceris, permisceto. Aut per triduum eandem tragacantham in una vini hemina maceratam, cui oleum sit adjectum, infundito. Aut radicem rutæ in aquæ hemina decoctam, clystere subdito, & paræm modum in fauces dato. Hordeum quoque succo myricæ tunsæ conspergatur.

Sed si purulentum quid ore aut naribus rejiciat, adeps suillus qui puerili urina triduo maduerit, & in singulis vini & olei heminis incoctus sit, infunditur. Aut lauri baccæ decoctæ tunduntur, polentaque & vetus axungia vino dulci resperguntur : quæ coacta in offas, quotidie inferuntur faucibus. Vel artemissia herba, quæ in aqua & olei hemina decocta sit, inditur. Malva in vino dulci et oleo cocta idem præstat.

Aliud. Marrubii manulem fasciculum addito, vini candidi sextario, item foenum græcum ma-

ceratum, ficorum pinguium sextarium, aut pal-
mulas eadem proportionem ubi decoxeris ad tertias,
per triduum propinabis. Quinetiam ad ungulas uf-
que delibuto tergo corpus imbues. Item fursu-
ris decocti & quam optime pressi, (tortivus) cre-
mor linteo percolatus, addito oleo quod acerbæ
olivæ remiserunt, exhibendus est. Sed hanc ani-
madversionem desiderat, ne evolutus fursure cor-
tex huic immanferit. Suilli adipis coactas offas bu-
tyro & melle exterius oblitas per os inferes.

Aliud. Brassicæ succus, cui satis aminei vini ad-
jectum, infunditur.

Luxatis armis.

Si in armorum crurumque compaginibus clau-
dicatio concitetur. Hæc sunt indicia. Nec ante-
rius crus potest extendere nec replicare, sed ad se
contrahit. In descensu quoque præcipitanter fer-
tur. Huic olei & vini sublitu succurritur. Sanguis
prioribus cruribus detrahendus. Septem dierum
spatio perluitur, dein uno die puerili strigmen-
to cum vino & aceto linitur.

Aliud. Si equus aut aliud veterini genus armum
e suo situ promovit, hunc humi prosterne, ita
ut armus sua sede deturbatus in superiorem partem
veniat: & ubi pedem adligaveris, & arbori nixus
extenderis, pectori vellusculum imponito, in per-
foratam armi cutem ficulneos clavos spatio
quatruidui pangito, & circumdatis vellere clavis
oleo liberaliore proluito. Post quatrimum resolu-
to, dumque similiter clavos refixeris rursus eis-
dem eluito.

Dolorem armorum lenit hoc medicamentum.
Autolycium vel veratrum candidum, & putamina
quatuor ovorum cremata, cucurbita, cerasia,

tria, & silvester cuminis, una tunduntur, ut cataplasmatitis lentorem, referant, & ita imponuntur.

De Jecinoris dolore.

Si jecinoris dolore conficietur equus, a cursu illa ducit. Non nihil in pulmonibus rumpitur, conciliet corpus, pabulum fastidit, venas recurrens sanguis explet. Hunc sanguine a cervice misso curabis; myrrha & thure instar denarii cum vini hemina infusis. Sed & vino misto oleo obline. Sed (pecudis fastidio succurratur) dato potui similaginis cremorem: & cibum, siquidem cupit. Si vitium permanet, ab utroque alarum sinu sanguinem detrahare conveniet.

Quosdam hoc vitium cepit, cum per lapidosum solum, aut per aspera loca vel lapidibus constrata vehementius procurfarint: quibus acetabulum cumini cum vino & oleo immitte.

Aliud. Mellis nitri, singulorum acetabulum, cumini acetabula duo, vino immittuntur, & olei aquæ singuli sextarii super hæc conjiciuntur, & per nares inferuntur.

Si iis bona valetudo reddita non est, sanguis a prioribus cruribus sub genua detrahatur. Si ne sic quidem dolor finitus est, sub alia tertia costa candenti virgula vel bacillo per medium aduratur, interjecto quatuor digitorum spatio. Lacustres ranas cum vino tepesfactas, triduo per osingere.

Hæc potio jecinorosis præsidio est. Pineæ nux quam tenuissima, croci unica, cumini æthiopici tantundem, ea diligentissime creta, in vino præbentur. Item polemonium auxilio est, quod in palustribus nascitur calaminthæ similitudine, amaro gultu: silvestre origanum, cum farina piperis

& vino, aut butyrum & mēl, panacem & myrrham, æquis ponderibus trita, & cum vino mīsta, per nares utile est infundere.

De rigore nervorum & Opisthotono.

Cassæ drachmas tres, myrrhæ troglodytidis sciliquum, tragacanthæ drachmam unam, ea levissime contrita in singulas portiones demittito drachmas tres, & ovorum candidum liquorem, & olei heminam unam, vini veteris tantundem, mellis sextarium, per triduum infundito. Sed antequam pabulum sumat, dato ervi parum torrefacti, aut item fressæ fabæ, heminam.

Aliud. Si opisthotono infestetur equus ritu canis humi confidet, & posteriora priores partes sequuntur. Huic sanguis ex inguinibus mittendus, & calida fovendus aqua. Mox oleo laurique baccis vino commistis illinendus. Caput caprina pellis induat. Lumbi eodem liquore perfundantur. Porro myrrhæ quadrans croci pondo denarii, olei quatuor heminæ & vini sextarius unus infunditur.

Aliud. Gummi ammoniacum, resinam colophoniam, galbanum, bdellium, opopanax, axungiam, sulphur ignem non expertum (medullæ cervinæ quantum satis addito) infunde.

Si nervorum distentione laboret equus, toto contremiscit corpore, simul & horrore concutitur. Exurgens retrocedit, iterumque rectus adsurgit, & sudat. Cui sic subveniendum. Venæ pectoris solvendæ, dein sedis. Mox calida largiore proluendus. Dein cerato corpus ungendum. In tenebris ei substernendum. Conquiescat in equili. Cum huc ventum est, ut paucos gemitus exprimat, fœnum nitro adpersum detur edendum. Hordeo, donec periculis defunctus sit abstinence.

Rigoris præfagium, & remedia.

Si equus rigore nervorum tentetur, caput immobile cervici innectit, nec nisi magna difficultate se revolutat. Venæ dorsi distentæ velut in podagra rigent. Aures in obliquum jactæ subriguntur. Os siccum est & labia. Tum cyathum meri calefacti, & tantundem medicamenti quod podagricum appellant, qua spiritus nare prorumpens, magis cohibetur, hæc infundes. Quod ubi infuderis, cursu confestim agitetur, sitque reliqua dies abstemia: in qua nihil prorsus præter farinam in cœna prandioque detur hauriendum.

Ejusdem Tetani præfagia & curatio.

Primum aures equi surrectæ contenduntur. Oculos monstrat inversos, non nisi tarde admodum verti potest, sed corpus totum in orbem fere contorquet, nec in rectum pedes explicat. Cervix rigida sentitur. Ergo si os concludatur, vitam fame finiet, nisi confestim unctione subverneris. Hanc igitur ab oculis auspicatus, eorum ambitum ferramentis candentibus exulcerabis. In cervice lineas tres protrahes. In ilibus ductos totidem versus fulcabis: sed in spina longiores: in lumbis juxta sedem tres utrinque duces. Vulnera igne concepta dulcibus unguentur, & aceto foveantur. Diebus septem salivandum ægrotum pecus: octavo calida aqua vulnera laventur, & lycio sanentur. Turundæ e succidis lanis factæ & melle imbutæ ulceribus indantur.

Ad citatum ventrem.

Alvus plerunque corpus & vires carpit, operique veterinum reddit inutile. Acuti rhamni cor-

tex ex austero vino infundatur. Aut rhamni folia cum vino austero potata ventrem constringant. Et ut summam dicam, omne medicinae genus adstringens dari potest. Tritici farina & polenta cum vino data opitulantur.

Præfagium & auxilia. Equi profluvio laborantis alvus, sæpius quam ex consuetudine, fertur, sudor prorumpit, spirandi difficultas exercet. Cui sic subvenitur. Baccarum nigræ myrti sextarius operose teritur, & additis lactivæ portulacæ duabus heminis, & passi sextario, baccæ dimittuntur & per os infunduntur.

Si potionem hanc fastidit, ex amylo dari convenit. Hordeo torrefacto sustineatur. Si non restiterit citata ventris proluvies, danda erit hæc infusio, quæ jure valentissimis adnumeratur.

Proluviei infusiones.

Rosarum quas pinus edidit, rhus quæ coriarii utuntur, singulorum libra, gallicorum alexandrinarum tantundem, absinthii, abrotani, hyssopi, rutæ, singulorum semilibra, miscentur, ut in unum coëant: quæ vino mysiato excepta faucibus infundentur. Laferis semuncia cum diluti vini sextario itidem ingeritur.

De torminibus præfagium & remedia.

Torminosus equus sic deprehenditur. Modo huc, modo illuc, frequenter in solum, se jactat. Iterum exsurgit, soloque tractim ventrem adprimit. Distorquet sese, & gemitus edit. Sudore testes perfunduntur, & collachrymantis imaginem ostendit. Atqui caudam protendit, & (inconstans) quoque versus se confert. Naribus spiritus

ritus cum fervore prorumpit. Os concluditur. Siccam linguam asperamque recondit. Flaccescunt aures, pendulæque demittuntur. Subinde nutat.

Calidis lotionibus curatur, operimentisque calefactus. Mox myrrhæ drachmæ quinque in vini veteris sex heminis, per os aut nares infundantur. Post hoc infusum ad cursum procedat, non intercedente longo tempore; neque tamen vehementi cursu concitetur. Pabulo largum apium, si suppetit, interponatur. Aqua calida detur potanda. Postquam alvum dejectione sollicitaveris, rursus cursitare coges, quo sudorem possis elicere. Ceterum nasturtii semen tritum ex aqua per sinistram narem dimittatur: vestimentis contegatur. Herba quæ dicitur medica, pro pabulo cedat. Ramenta priorum unguium intrita in aquæ quatuor heminis ingerantur: aut terra scrobiculi, quem mus araneus defoderit, trita fundatur.

Adversus testium inflammationes.

Testium inflammationes sublinantur figulari creta aceto subacta, aut solano in aceto cocto. Ab inguinibus sanguis mittatur. Frigidam aquam potet.

Si iis non discutiatur morbus, puerili lotio foveatur, subditis lapidibus molaribus candentibus, quorum halitu profusoque vapore sudor evocetur a femoribus. Calida profundatur aqua, oleo perlinatur. Detur opera, ut adambulet.

Ad tumorem testium. Cretam cum bubulo fimo, cumino & posca tritam, illine, donec conquiescat.

Ad destillationem.

Sal cum melle tritus destillationem sistit.

Ad inflammationem recentem.

Si inflammatio recens infestat, rescindi debet, & candente ferro aqua frigida prius edomito vulnus emundari, dein sponsia aceto madefacta per quatrimum imponi, quinto die hordeacea farina, aqua subacta, indi, donec vulnus cicatricem duxerit. Tum punici cortex contusus cum lycio sinui patefacto superponitur.

Ad inflammationem & tubercula humorem aqueum eructantia, hydatidas vocant, calidi cineris unciam, calcis vivæ tantundem, cum vino & melle subacta, priusquam inarescant, ulceri superlines. Eo remedio pugnabis si recentia fuerint tubercula. Quod si vetustatem senserunt, more reliquorum, ubi egregie adusseris ferro, medicamentum postulabunt.

Labor huius morbi causam adfert, præsertim cum equus aspero loco vel lapidoso vehementer agitatus fuerit, aut ingenti pondere degravatus iter fecerit, aut dorfuarius sarcinam comportaverit.

Aliud. Rhododaphnæ, bituminis, nitri, axungię, singulorum quadrantale pondus colatum mistumque in medicamentum coge, & postmodum illine.

Ad dolorem nervorum & hydatidas.

Qui quodam humorum coitu abscessus exsiliunt, ferro sunt aperiendi, deinde tentanda hæc curatio. Adipis taurini, galbani, bdellii, piperis candidi, ammoniaci, singulorum pondo quadrans;

pollinis thuris pondo triens, baccarum lauri pondo uncia, miscentur ut in medicamentum concre-
scant, quo vulnus omne sanari consuevit. Nec
ab hac curandi ratione tum abhorrebit, cycla-
mini radicis, crematæ cinerem cum ervi farina
melle acetoque subactum superponere vulneri.

Si vero vulnera penetrent altius, quam ut ho-
rum vim possint sentire, linamentis rubrica melli
mixta madentibus oppleantur, mox pannus aut
spongia posca imbuta admoveatur. Multis tritas
gallas aut marrubii succum cum fuligine satis est
imposuisse.

Ut inflammatio ferrum non experiatur. Sina-
pis, salis alexandrini, singulorum sextula, na-
sturtii, aceti scrupuli duo, axungiae veteris sesqui-
libra, omnia simul terantur, illitaque linteo per
triduum imponantur: dein soluto medicamine,
deletili spongia cyrenaici laseris imbre rorata de-
fricentur.

Sic ulcerum crustæ fatiscunt. Poeni florem
ustum cum frigida posca tantisper admove, dum
inflammatio prorsus confederit, & evanida abie-
rit: deinde tritas alliorum spicas talis impone.
Est autem hoc inter probatissima remedia.

Cum artus luxati dehiscunt, aut aquosa scatent
uligine, aloën, mannam thuris, picem brutiam
una conteres, triticeam farinam adjicies, & can-
didum ovi liquorem, quo excipiantur reliqua.
Dein articulis adglutinabis, diligenter charta de-
ligabis. Post aliquot dies resolves. Rursus idem
remedium dum confanescet adhibebis.

Si poplites inflammationem sentiant, ceræ,
bituminis, sulfuris ignem non experti, paria pon-
dera resolvuntur, quibus calidis poplites subli-
nuntur, suffures imponuntur ex aceto.

R 2

Aliud. Si in equorum armis nervi crassiores protuberent, aut nodi, quos condylomata vocant, occalluerint, eos adurere necessum est. Si vero ex articulorum sede profilierunt, sanguinem opus erit emittere, molliterque membra fricare. Conducit & tali uti remedio. Oleum cum aceto lana exceptum, per quatrimum articulis imponendum, sic ut quotidie id genus medicamento admoveatur. Post hæc calido auxilio firmandi sunt articuli. Cujus remedii compositio hæc capit, sinapis purgatæ libram, galbani quadrantem, medullæ cervi tantundem, aceti quod satis esse videbitur.

Si defluxio pedes equorum occupet, genua tumescunt & claudicat. Si vero posterioribus infideat, teretibus ferramentis uratur, interiore suffraginum flexu, quinque locis, exterius utrinque latis. Si vero in priora decumbat, a genu plagæ cancellatim imprimantur. Ulcera igne facta ut cætera sanentur.

Si nervi plus æquo incrassescant, fœnum græcum cum ficibus Afris tufis & vino mistum imponitur. Id post triduum solvitur.

Aliud. Si circa crura aut genua longo itinere aut multo cursu nascantur inflammationes, proderit frigida aqua partes inflammatas perfundere, aut in flumen agere, aut alveum adverso flumine ingredi, deinde spongiam, lasere, aceto, visco, defruto, axungiaque intinctam admove.

De pilorum marcore.

Si voles id præstare, ut jubæ, caudæque pili capeffant incrementum, puerili urina subluces. Postea calcis lixivium, cerusam, & spumam argenti teres. Postquam aqua subegeris, & igni coxeris, uteris.

De fractura.

Si os in capite fractum est, aut cerebrum membranave ejus vulnus accepit, oculi cruore suffunduntur, & sanguis oculos implet, & tussit, crura tumescunt. Talis servari non potest.

De carcinomate.

Carcinomatis optimum & præsentissimum remedium est malagma quod cicuta, resina, visco galbanoque constat, quæ simul coquuntur. Sed hoc auxilio calido utendum, modo locus non refragetur. Sin reclamet, siccis iis cataplasmatibus & liquidis est pugnandum. Cancros fluviales ustos tritosque cum acida fece superpones. Item pineum corticem tustum, pumicem crematum, & cicutæ semen, silvestris etiam cucumeris radicem ex frigida aqua & aceto tritam illines, rursumque vino fovebis.

Hoc autem uteris medicamento. Candidam fecem cum plumbagine atramentoque sutorio tustam, addito calcis cinere per quam sicco, admovebis, circumdantes partes oleo perunges. Si medicamentum obduruit, ervum & mel illines.

Si carcinomata oculos occupant, ervum pinsitum ex rosaceo & ovo instillatur. Postquam vulnus purgatum fuerit, Attico melle nutriendum, ut inducta cicatrice confanescat.

De meliceridibus.

Si meliceridas equus aut aliud jumentum contraxit, genibus sanguis detrahatur. Spongia cum posca cui mel sit adjectum, superponatur. Si permaneant, illini debent. Si adhuc perdurent, utrumque genu ferramento adure: nec alte ta-

men imprime, sed quasi transcurrere, ne compages resolvatur. Sed non plus quam opus est. Neque coagmentum etiam contingatur. Tum ulcera ut reliqua igne facta curari, & fasciari debent.

Aliud. Olei libras duas, salis ammoniaci sextantem, plumbaginis besssem, æris combusti, squamæ æris, singulorum sextantem, spumæ nitri quod sit satis, mannæ thuris, cerusæ, singulorum quadrantem. Omnia miscentur ut in usum veniant.

Aliud. Nitri quadrantem, foliorum rhododendri siccorum, axungiae veteris, bituminis, singulorum quadrantem: aut salis ammoniaci, plumbaginis, spumæ argenti, cerusæ, singulorum unciam, æris usti, æruginis, singulorum sextantem, olei felibram. Cum omnia miscueris, utitor.

Aliud. Si melicerides equum infestent, medicamentis quæ agglutinando reprimunt, subvenies. Primo quoque die locum sale & oleo defricabis. Secutis diebus calida aqua perfundes. Unges anserino adipe, & butyro nutries.

Varicosis.

Si varices noxii sunt, hac ratione tolluntur. Scalpello cutem aperies, & candente ferramento adures. Tum sale & oleo decem diebus defricabis. Quod si adhuc fatigent, sanguinem ab variculis evocabis, & sanitati reddentur.

Interdum varices pecus male habent, ut cum somno excitum surgit, trahit pedem, ut quasi quondam luxatus videatur. Sed pressa manu terga subige, daque operam ut inambulet: & (quod luxum videtur) statim ad pristinum ordinem redibit.

Ad vermes.

Solent etiam vermes nocere: quod vitium non facile medicamentis expugnatur: sed potius invictum, non cedit. Quorum signa sunt. Se in solum equus abjicit volutaturque, atque solito frequentius hinnit.

Succus igitur brassicæ, cum oleo nitroque per os & nares infunduntur: aut squamæ æris, caricarum, & atramenti futorii, singuli trientes levissime teruntur, & in collyria formantur magnitudine, qua nares sunt capaces, per quas injiciantur.

Ad morsum muris aranei.

Accidit equum in stabulo sæpius impeti morfu. Cum enim decubuit ipse, sensim ad ilia mus araneus irrepit, qui equi motu laceffitus, subjectæ parti vulnus imprimit: tumorque oritur. Cui ita subvenies. Triti gith acetabulum ex vino infundes: tritas allii spicas, salem, & cuminum, paribus singulorum mensuris vino mistis, illines aut terram orbitæ urina subactam aut intritum murem araneum cum sextario vini faucibus infundes.

Si murem araneum non inveneris, creta figulari perlines. Apii etiam semen coctum in vino & oleo demittes, ac tumentem locum recto scalpello punctim vellica.

Si per hæc inflammatio magis excandescat, in orbem teretibus ferramentis candentibus exulcerabit, sanæ partis aliquid deprehendens. Rectis quoque ferramentis, quo sanies emanet, redulcerabis. Quod si pars ea per ulcerationem intumescat, hordeum crematum tritumque consperges. Sed antea vetustam adipem inungere

convenit. Ulcus non excitabitur, nisi prægnaus mus araneus morfum adtulerit.

De fractis.

Si intenti pars pedis fuerit contusa, curandi ratio hæc est. Ungulam scarificando circumcisam cocto in aqua hordeo linito, aut calidos furfures subactos misto pauco vetere fimo inducito.

Si in cavo pedis, quam hirundinem veterinarii nominant, officulum adparuerit, oleo & aceto imbutum linamentum triduo inculcato, deinde quod adstringat impone: cypressi folia ex aceto trita, aut myricæ folia similiter imposito. Aut malicorium in aceto decoctum tritumque, aut aridum in farinam redactum inspergito. Item atramenti futorii & gallæ pares portiones tunfæ eundem exhibent effectum: sed prius aceto locus eluatur.

De rabie.

Rabiosum equum hæc signa portendunt, oculi cruore suffusi procidunt. Venæ solito sublimiores micant. Hunc inedia conficit, angor sollicitat.

Ratio curandi hæc est. Ubi vestimento faciem obduxeris, quo minus accedentes intueatur, & mediam cervicem obligaveris, latas venas solvito, & sanguinem profluere finito, donec animus eum deficiat. Deinde resolutis colli vinculis, ruentem sanguinem sistes, & obscuro caligantique stabulo continebis, quod nullo constrepat murmure, nulumque cieat tumultum, quo possit conquiescere. Appetente vero vespera unum aquæ congium præbebis potandum. Postridie similiter, subtrahens cibos & potus ad tres usque dies, dein ad consultam vivendi rationem reduces.

Luxatis.

Luxationis eæ sunt indices notæ. Pes in ossium coitu (ubi pyxidatim cohærent) qui modiolus appellatur , non persistit , sed subterfugiens labitur, Partes unguibus vicinæ sublimes prominent.

Quod ad curandi rationem pertinet , circum scarificata prius ungula , picem & spongiam ex aceto septem diebus obligabis.

Si non in sedem restituatur , fœni græci quod buceron nominant sextarios quatuor , effuso vino in quo maduit , tundes inditumque fictili cum melle coques. Sic diebus senis illines. Veteres luxatus cancellatim sunt adurendi.

Luxatis pedibus.

Si quæ pedibus luxata dehiscant , sic nosse licebit. Manibus ungulam distringes. Sic excitatus adpressu dolor ostendet injuriam , coque argumento pecus luxatum cornu fatebitur. Hoc vitium equi continenter currubus juncti cum certamen initur , contrahunt.

Cui sic succurritur. Sanguis e parte coronam cingens , quam ideo peristephanida vocant , elicitur , & sale & aceto perfusa defricatur , dein oleum vino dilutum , & exceptum vellere , superponitur compagini unguis. Identidem calida fovetur. Hæc curandi ratio ad duodecim usque dies adhibetur.

Si nihil iis proficitur , tum unguis , ubi necessitas urget, scalpello, deorsum succinditur, dupla fester-tii nummi magnitudine. Quod si quid eminentius propendeat , vivo tenus resecatur. Sed ossi parcendum. Si copiosus profluat sanguis , oleum ex aceto & sale tenui ac stercore hujus equi indu-

eitur linteo, quo cum ungula pes totus induitur, & post triduum calda perfunditur.

Quod si luxurians caro super excreverit, adstringentibus & vulnerariis auxiliis cohibebitur. Crebrius cornu repurgatum, scalpro circumcidatur, ut hoc æquabiliter undique succrescat. Malagma quod ignem non fuerit expertum, anephton vocant, sensim adplica. Si iis remediis equus non est adjutus, adurere necessum erit.

Luxati pedis præsagium, & medela.

Primum ungue furamo graditur articulusque micans insilit, & pedem ad se trahit. Tum sanguis e luxata parte instar duarum heminarum extrahitur, vinum & oleum inspiratur. Reliqua quæ conveniunt, adhibentur. Lana fovetur. Offenditur calda. Cum melius habuerit, luxatum confricari debet, & succida lana fordidaque vino & oleo cum tenui sale rigata circum volvi, loroque vinciri. Cæterum pes obductis fasciis calceatur, leniterque substringitur, ne vehementior perstrictio moveat inflammationem, aut subditas abscindat venulas. Ea quotidie debent admoveri, nisi die quo detrahitur sanguis, quoad reddatur sanitati. Si medicamentis non finitur noxa, urens medicamentum postulabit. Ulcus igne factum ut reliqua sanabitur.

Fistula.

Si in equo fistula hiet, atramentum futorium aceto quam acerrimo mistum, resiccatumque sinui respergitur: aut sylvestris cucumis vehementer detritus, & cum lacte marinæ lactucæ, quam vocant tithymalon, subactus inditur.

Medicamen ad jumentorum pedes.

Fermentum, falem, minium, ovum in aceto terito & linito.

Aliud, resinæ quadrans, ceræ tantundem, terebinthinæ uncia, axungiae duo pondo, ervi sextarii quatuor, aceti diluti, & lixivii sextans, picis heminae dimidium, fassamenti veteris libræ duæ, mellis hemina, fassamentum cum omnibus teritur, & in mortarium mittitur.

Aliud. Amurcæ & veteris cedriæ quod satis est, antiquæ axungiae par modus cum vino & viva calce, terantur singula seorsim, & quod satis est coquantur, utere, addita amurca.

Aliud. Alliorum selibra, sulfuris triens, acris quadrans, axungiae suillæ bilibres offæ, in aceto coctis utere. Euphorbii fescuncia, castorii uncia, bdellii sextans, galbani, opopanacis, spumæ argenti, singulorum sextans, bituminis selibra, mannae triens, aridæ resinæ selibra, ammoniaci sufficienti sextans.

Intercise linguae.

Si linguam contingat interscindi, gallam vino nigro incoctam adhibebis, aut centauryum tunsum illines.

Agglutinatum.

Sæpæ, tragacanthæ, croci, nucis pineæ, chalcitis, ovorum sufficientes partes miscebis ad usum,



HIPPOCRATIS EPISTOLÆ.

PRÆFATIO.

PERANTIQUÆ sunt, cum ad eam CATO adludat, quæ HIPPOCRATES ARTAXERXÆ auxilium suum negat. Sed multe sunt suppositionis notæ, Abderitas decem talentis HIPPOCRATEM remunerasse supra vires est ejus civitatis. Somnium indignum videtur gravitate HIPPOCRATICA, totaque epistola sophistæ potius alicujus, quam clari SENIS. CRATEUAS manifestato non est ejusdem ævi. Pestem ab HIPPOCRATE sanatam fuisse cum THUCYDIDIS narratione vix concilies. Nusquam denique a GALENO citantur.

EPISTOLA I.

Rex Regum Magnus Artaxerxes, Pato gaudium.

MORBUS pestilens appellatus, invasit exercitus nostros: & quum nos sæpe multa fecerimus, nihil adhuc remisit. Quare magnopere, & per omnia tibi a me data dona, te rogo, ut aut aliquid ex natura tua excogitatum, aut aliquam ex arte actionem, aut aliquod alterius viri mederi potentis consilium, celerime ad nos mittas. Propulsa, oro, hoc malum. Multa enim anxietas populum corripuit, quæ spiritum magnum, ac densum habet. Non belligeran-

tes debellamur, quum hostem habeamus bestiam illam ovilia devastantem. Sauciavit multos: ægre curabiles fecit amara spicula immittit. Consilii inops sum. Non amplius habeo quod cum viris natura prudentibus consultem. Solve hæc omnia, neque nos bono tuo consilio destituas. Vale.

E P I S T O L A I I.

Petus, Regi Regum Magno Artaxerxæ gaudium.

Naturalia auxilia pestilentis morbi popularem grassationem non solvunt. Qui enim ex natura fiunt morbi, eos ipsa natura judicans sanat. Qui vero ex populari grassatione, eos ars curat, artificiose judicans corporum mutationem.

Hippocrates autem medicus curat hoc malum. Et genere quidem est Dorienfis, ex civitate vero Co, parte Heraclida, qui filius fuit Hippocratis, qui Gnosidici, qui Nebri, qui Sostrati, qui Theodori, qui Cleomittadæ, qui Chrisamidis. Hic divina natura præditus est, & ex parvis, ac vulgaribus, ad magna ac artificiosa, medicinam evexit. Est igitur divinus Hippocrates nonus quidem a Chrisamide rege, decimus autem & octavus ab Æsculapio, vigesimus vero a Jove; ex matre vero Praxithea Phænaretæ filia, ex familia Heraclidarum, Quare ex utroque semine a diis ortum habet divinus Hippocrates, ut qui a patre quidem Asclepiades est, a matre vero Heraclides.

Didicit autem artem tum a patre Heraclida, tum ab avo Hippocrate. Verum ab his quidem primum, velut verisimile est, in re medicina initiatus est, quantum sane credibile est hos novisse. Universam vero artem ipse seipsum docuit, divina natura usus, & in tantum animi industria progenitores transgressus, quantum etiam artis præstantia eosdem su-

peravit. Tollit autem non bestiarum genus, sed ferorum, ac agrestium morborum, per magnam terræ, ac maris partem Æsculapii auxilia, quemadmodum Triptolemus Cereris, femina, dispergens. Proinde iustissime in multis terræ locis divinos honores etiam ipse consequutus est, & iisdem donariis cum Hercule, & Æsculapio ab Atheniensibus dignus factus est. Hunc ipsum ipse accersere, & auri atque argenti quantum voluerit, ipsi dare jube. Hic enim non unum modum curationis huius morbi novit. Hic est sanitatis pater, hic servator, hic dolorum curator. In summa, hic divinæ scientiæ princeps est. Vale.

E P I S T O L A III.

Rex Regum Magnus Artaxerxes, Hystanidi Hellesponti Præfecto.

Hippocratis medici Coi ab Æsculapio originem ducentis, gloria artis etiam ad me pervenit. Dato igitur ipsi auri quantum voluerit, & reliqua abunde, quibus opus habet, & ipsum ad nos mittito. Nam optimatibus Persarum æqualis erit. Et si quis alius bonus vir est in Europa, eum domus regię amicum facito, nihil divitiis parcens. Viros enim invenire, qui consilio præstent, non est facile. Vale.

E P I S T O L A IV.

Hystanis Hellesponti Præfectus, Hippocrati ex Asclepiadis prognato gaudium.

Magnus rex Artaxerxes te opus habet, & misit ad nos præfectos, jubens tibi argentum & aurum, & reliqua quibus opus habes, & quæcumque voles, dare, & brevi ad se mittere. Fore enim

enim te optimatibus Persarum æqualem. Tu itaque cito adsis. Vale.

E P I S T O L A V.

Hippocrates Medicus Hystanidi Helleponti Præfecto gaudium.

AD epistolam quam misisti, a Rege venisse adserens, remitte Regi quæ dico, quam celerissime scribens: Quod & victu, & vestitu, & domo, & omni ad vitam sufficienti opulentia fruimur; Persarum autem divitiis uti, fas mihi non est, neque barbaros homines a morbis liberare, qui hostes sunt Græcorum. Vale.

E P I S T O L A VI.

Hippocrates Demetrio sanitatem.

Persarum Rex nos accersivit, ignarus quod apud me major est sapientiæ ratio quam auri. Vale.

E P I S T O L A VII.

Regi Regum meo magno domino Artaxerxæ, Hystanis Helleponti Præfectus gaudium

Quam misisti epistolam, jubens demittere ad Hippocratem Coum ab Æsculapio originem ducentem, demisi. Sed & ab ipso responsum tuli, quod scriptum tradidit, & ad domum tuam transmittere iussit. Itaque ejus latorem ac nuntium Gymnasben Dieutychem ad te misi. Vale.

E P I S T O L A VIII.

Rex Regum Magnus Artaxerxes Cois hæc dicit.

Date meis nuntiis Hippocratem medicum malignis moribus præditum, & in me, & in

Perfas petulanter se gerentem. Sin minus, cognoscetis, etiam primi peccati poenam vos daturus esse. Urbem enim vestram devastatam, & insulam distractam, in pelagus convertam, ut in posterum tempus nemo sciat, an in hoc loco fuerit insula, aut urbs Cos.

E P I S T O L A IX.

Coorum responsum.

Visum est populo, respondere nuntiis ab At-taxerxe missis. Coi nihil indignum facient, neque Merope, neque Hercule, neque Æsculapio. Quapropter omnes cives non dabunt Hippocratem, etiam si pessima morte sint interituri. Nam quum Darius & Xerxes epistolas scripserint, & terram ac aquam a patribus nostris petiverint, populus non dedit: quum eos ipsos se impetentes, similiter velut alios homines, mortales esse videret. Et nunc idem responsum dat. A Cois discedite quoniam Hippocratem in manus vestras non dant. Renunciate igitur ipsi vos nuncii, quod neque Dei ipsi, nostri negligentes erunt.

E P I S T O L A X.

Senatus populusque Abderitarum Hippocrati gaudium.

Nunc maxime urbi nostræ in periculo versatur vir noster, o Hippocrates, qui & præsentis tempore & futuro semper gloria urbi sperabatur. Neque nunc, o vos Dei omnes, nobis invideatur. Hic præ multa, qua detinet ipsum, sapientia ægrotat, ut timor non vulgaris sit, si Democritus mente motus fuerit revera urbem nostram Abderitarum pessum ituram esse.

Etenim

Etenim oblitus omnium, & primum sui ipsius, vigilans & noctu & interdiu, & singula parva, ac magna deridens, & totam vitam nihil esse putans vitam tranfigit. Ducit aliquis uxorem, alius mercaturam exercet, alius concionatur, alius imperat, alius legatum agit; eligitur, abrogatur, ægrotat, vulneratur, moritur. At hic ridet omnia, dum alios mœstos ac tristes, alios gaudentes videt. Quin & de his, quæ apud inferos sunt, hic vir perferutatur, & hæc scribit. Et idolis ærem plenum esse dicit. Et volucrum voces intentis auribus explorat. Et sæpe noctu exsurgens, solus cantilenas sensim canenti similis est. Et se aliquando in rerum immensitatem proficisci dicit, & Democritos esse similes sibi ipsi innumerabiles. Et corpus una cum mente corrumpens vivit.

Hæc timemus, o Hippocrates, ob hæc perturbati sumus. Quapropter nos serva, & patriæ nostræ consulturus cito adsis, neque nos contempseris. Nam neque ita viles sumus: & in nobis testimonium situm est. Ob ipsum enim conservatum, & gloriam, & pecunias, & doctrinæ famam consequeris, quamquam doctrinæ ratio multo potior apud te est, quam fortunæ. Attamen & hujus bona multa ac luculenta tibi a nobis obvenient. Etenim animæ Democriti gratia, etiamsi urbs aurum esset, non nostræ voluntati responderet, aut quacumque tandem re illi carendum esset. Leges nostras putamus ægrotare, o Hippocrates, leges prævaricari. Adsis, optime vir, curaturus virum insignem. Non medicus, sed conditor, sacratio-rem tota Jonia murum nobis circumdabis. Civitatem, non virum curabis, & Senatum ægrotantem, & ne claudatur periclitantem, aperies. Ipse legislator, ipse judex, ipse princeps, ipse servator, & horum artifex advenies. Ob hæc te exspectamus, o

Hippocrates, atque hæc etiam fient, ubi veneris. Una civitas non ignobilis, imo tota Græcia rogat te, serva corpus sapientiæ. Quin potius ipsam apud te legationem agere puta doctrinam, ab hac prævaricatione liberari supplicentem.

Cognata equidem res est omnibus, velut apparet, sapientia. Verum his qui propius ipsam complexi sunt, velut nobis, etiam longe amplius. Et, sicut probe nosti, gratificaberis etiam futuro seculo, si non destitueris Democritum propter veritatem, cujus primas se laturum esse sperat. Tu enim & genere, & arte conjunctus es Æsculapio. Hic vero Herculis est ex fratre nepos. A quo est & Abderus, quemadmodum omnino audivisti, cujus cognomen urbs nostra refert. Quare etiam illi grata fuerit Democriti sanatio. Quum igitur videas, o Hippocrates, & populum, & virum insignem, ad stupiditatem diffluentem, festina, rogamus, ad nos. Heu ut etiam bona redundantia morbi existunt. Quantum enim Democritus ad summam sapientiam generose pervenit, tantum nunc pariter periclitatur, ne mentis stupore & stoliditate adfligatur. At reliquum vulgus Abderitarum, quod mansit absque eruditione, communem sane sensum habet. Immo nunc prudentiores sunt ad sapientis morbum judicandum, qui prius desipuerunt. Adsis igitur cum Æsculapio patre. Adsis cum Herculis filia Epione. Adsis cum Æsculapii filiis, qui ad Ilium militarunt. Adsis nunc Pæonias adferens morbi medelas. Nunc terra radicibus, & herbis, & auxiliaribus floribus, insanixque medicamentis fecunda est. Ferme igitur nunquam fertilius producent neque terra, neque montium cacumina, quam nunc proferunt ea, quæ pertinent ad Democriti sanitatem. Vale.

E P I S T O L A. XI.

*Hippocrates Senatui populoque Abderitarum
gaudium.*

CIVIS vester Ameleſſagoras venit in Co, & erat tunc in illa die Virgæ adſumptio, & annua feſtivitas, ac publicus, velut noſtis, conventus, & pompa ſumptuoſa fiebat, quam mos eſt eos, qui deo dicati ſunt, ad Cypariſſum deducere. Quandoquidem autem & ex verbis, & ex adſpectu, Ameleſſagoras feſtinare videbatur, credens, velut erat, rem ipſam urgere; epiſtolam veſtram legi, & admiratus ſum quod ob unum hominem, velut ſi unus homo eſſet ipſa civitas, turbati eſtis.

Et beati proſecto ſunt populi, qui ſciunt bonos viros ſua eſſe munimenta, & non turreſ, neque muros, ſed ſapientium virorum ſapientia conſilia. Ego vero, qui credo artes quidem eſſe Deorum dona, homines autem naturæ opera, (& ne ægre feratis viri Abderitæ), non vos puto, ſed ipſam naturam me vocare, ad conſervandum ipſius opus, quod periclitatur, ne præ morbo collabatur. Quare præ vobis ego nunc, naturæ ac Diis obediens, feſtino ægrotantem Democritum ſanare: ſi quidem fane & hoc morbus eſt, & non potius error vobis tenebras offundit: id quod opto, atque utinam ſit hoc uberius veſtræ benevolentix ſignum, quod etiam ad ſuſpicionem turbamini.

Argentum autem mihi venienti, neque natura, neque Deus promittere poterit. Quare neque vos viri Abderitæ cogatis, ſed liberæ artis etiam opera libera eſſe ſinatis. Qui vero mercedem capiunt, hi ſcientias ſervire cogunt, velut captivas facientes ipſas ex priore libertate. Deinde, velut

verisimile est, mentiri etiam poterint, velut de magno morbo; & negarint, velut de parvo; & polliciti non venerint, & rursus venerint non vocati.

Misera est profecto humana vita, quoniam per totam ipsam intolerabilis avaritia, velut hibernus ventus, distributa est ac penetravit. Ad quam utinam potius omnes medici convenissent, quo graviores infania morbum curarent: quoniam quum morbus sit, & affligat, etiam laudatur. Ego vero arbitror etiam animæ morbos omnes vehementes esse infanias, quæ opiniones quasdam ac imaginationes rationi inducunt. A quibus, qui per virtutem depurgatus est, sanus evadit.

Quod si ego omnino ditescere voluissem, viri Abderitæ, non utique decem talentorum gratia ad vos proficiscerer, sed ad Magnum accessissem Persarum Regem, ubi totæ civitates humanis opibus refertæ mihi obtigissent, sanassem autem illic ipsorum pestem. Verum denegavi, inimicam Græciæ regionem a malo morbo me velle liberare. Et ego, quantum in me fuisset, Barbaros expugnassem. Habuissem autem ignominiam ipsas a rege divitias, & opulentiam patriæ inimicam. Hæc vero mihi adfuissent, velut ei qui urbium Græciæ devastator esset. Non sunt divitiæ, undiquaque lucrari. Magna enim sunt sacra virtutis, quæ a iustitia non occultantur, sed manifesta existunt. Aut non æquale peccatum esse putatis, hostes fervare, & amicos mercede sanare? At non hoc modo se res nostræ habent, o Abderitæ. Non capio fructum ex morbis, neque libenter audiivi Democritum mente motum esse. Qui sive sanus est, amicus est: sive ægrotat, curatus magis amicus erit. Audio autem ipsum gravibus ac solidis moribus præditum esse, & urbis vestræ ornamentum. Valete.

E P I S T O L A XII.

Hippocrates Philopœmeni gaudium.

LEGATI, qui urbis epistolam mihi reddiderunt, etiam tuam tradiderunt. Et valde gavissus sum, & hospitium, & reliquum victum te promittente. Veniemus autem bona fortuna, & meliore spe, velut arbitramur, accedemus, prout in litteris est declaratum: quum non insaniam, sed quamdam excellentem mentis sanitatem vir ille declaret, dum neque liberorum, neque uxoris, neque cognatorum, neque rei familiaris, neque omnino alicujus curam gerit, sed & diu & noctu apud seipsum consistit, & privatim vitam degit, plerumque in antris & solitudinibus, aut sub arborum umbris, aut in mollibus herbis, aut apud frequentia aquarum fluenta.

Contingunt igitur talia plerumque atra bile percitis. Taciturni enim aliquando sunt, & solitarii, ac deserti amantes, & rerum familiarium conspectum averfantur, alienum putantes. Nec vero dissimile vero est, etiam his qui circa disciplinas versantur, ab una erga sapientiam adfectione, alias curas exclusas esse. Quemadmodum enim famuli ac ancillæ in domibus tumultuantes, & seditionem agentes, ubi derepente ipsis hera comparuit, consternati conquiescunt; sic etiam reliquæ in anima cupiditates malorum sunt hominibus ministræ. Postquam autem sapientiæ conspectus seipsum ingesserit, reliquæ adfectiones velut famulæ discedunt.

Non autem omnino insani antra & quietem expetunt, sed etiam hi qui humana negotia contemnunt, ob tranquillitatis cupiditatem. Cum enim mens ab externis curis vexata, corpus reficere voluerit, tunc cito ipsum quieti tradit

Deinde recta exurgens, circumcirca veritatis regionem collustrat, in qua non est pater, non mater, non uxor, non liberi, non frater, non cognati, non famuli, non fortuna, non omnino quidquam ex his, quæ tumultum inducunt. Omnia autem perturbantia, exclusa stant præ timore: & neque appropinquare audent præ reverentia eorum, quæ isthic habitant.

Habitant autem illam regionem, & artes, & virtutes omnis generis, & Dei, & dæmones, & senatus, & consilia. Et magnus polus in illa regione stellis multum mobilibus coronatus est: in quam fortassis etiam Democritus præ sapientia transmigravit. Deinde quum non videat amplius eos, qui sunt in urbe, utpote procul profectus; insanix morbo laborare putatur, propter solitudinis amorem. Student autem Abderitæ argenti amorem & studium detegere, & in se manifestum facere, eo quod Democritum non intelligunt. At tu hospitium nobis, o amice Philopoemen, præpara. Non enim volo perturbatæ urbi molestiam exhibere, quum veterem te proprium hospitem, veluti nosti, habeam. Vale.

E P I S T O L A XIII.

Hippocrates Dionysio gaudium.

AUT in Halicarnasso me exspecta, aut ipse ad me venire, o amice, festina. Per summam enim necessitatem abeundum est mihi in Abderam, Democriti causa, ad quem ægrotantem urbs me accersivit. Cæterum admiranda est hominum, o Dionysi, per consensum adfectio: velut una anima cum cive coægrotant. Quare mihi videntur etiam ipsi curatione opus habere.

Ego vero neque morbum ipsum esse puto, sed immodicam doctrinam: quæ revera non est immodica, sed ab idiotis putatur. Nam nunquam nociva est virtus immodica. Excellentia vero morbi opinionem de se præbet, propter judicantium imperitiam. Unusquisque enim ex his, quæ ipse non habet, judicat id, quod in alio abundat, superfluum esse. Sic sane etiam timidus fortitudinem immodestiam putat, & avarus magnanimitatem. Et omnis defectus, virtutis moderationem excedere putatur. Illum igitur ubi viderimus, cum prænotione hinc contingente, & ubi sermones ejus audiverimus, melius cognoscemus.

Tu vero, o Dionysi, studio habe ut ipse accedas. Volo enim te in patria mea commorari donec rediero: quo & rerum nostrarum, & imprimis urbis nostræ curam geras. Nam haud scio quomodo ex casu contigit, ut saluber sit annus, & pristinam naturam habeat. Quare neque multi infestabunt morbi: attamen venito. Inhabitabis autem meam domum nimis quam opportunam, nimirum quum & uxor apud parentes maneat, propter meam protectionem.

Attamen & illius res inspecta, quo pudice degat, & non ob viri absentiam, alios viros approbet. Honestæ equidem ab initio fuit, & parentes bonos habuit. Patrem autem mirifice virilem, & malos valde odio habentem, egregie senem. Attamen semper opus habet mulier moderatore. Habet enim a natura in se lasciviam, quæ, nisi quotidie refecetur, velut arbores in materiæ multæ effusionem exuberat. Ego vero amicum parentibus diligentiores puto ad uxorem custodiendam. Non enim, velut illis, etiam huic cohabitât benevolentiae adfectio, per quam sæpe umbra admonitioni obtenditur. In omnibus au-

tem rebus prudentior est alienitas ab adfectione, ut quæ minime a benevolentia infringatur. Vale.

E P I S T O L A . XIV.

Hippocrates Damageto gaudium.

CUM apud te Rhodi essem, Damagete, vidi navem illam, cui Solis inscriptio erat, penitus pulchram, & in puppi probe instructam, & sufficientem carinam habentem. Habebat & transtra multa. Et tu laudabas etiam in ipsa navigandi præstantiam, quod velox esset, & tuta, & ad inserviendum artificiosa. Et insuper prædicabas probum in ipsa navigationis cursum. Hanc mitte nobis, verum, si fieri potest, non remis, sed alis ad remigium instructam. Urget enim res ipsa, o amice, ut valde cito in Abderam navigem. Volo enim ægrotantem curare urbem, propter unum ægrotantem Democritum, si unquam viri fama ad aures tuas pervenit. De hoc patria dicit, insania adfligi. Ego autem cupio, immo magis opto, non revera ipsum insanire, sed illos ita putare.

Ridet, inquiunt, semper, & ridere non cessat in omnibus negotiis. Et hoc ipsis insanix signum esse videtur. Quare tuis in Rhodo amicis dicito, ut semper moderate se gerant, & non multum rideant, neque multum tristes sint, sed inter ambo hæc modum teneant, ut aliis comis esse videaris, aliis sollicitus, de virtute cogitans. Est profecto mali quiddam, dum ad singula ille ridet. Si enim immodestia malum est, ea sane perpetua longe peior est. Et dicam sane ad ipsum: Democrite, & si quis ægrotat, & occiditur, & mortuus est, & obsidetur, & quodvis malum ingruit: singula quæ fiunt, materiam risus tibi præbent.

Non autem repugnas Deo, si, quum duo sint in mundo, Gaudium & Tristitia, tu alterum ipforum ejecisti? Beatus profecto fueris, (verum impossibile est), si neque mater tibi ægrotat, neque pater, neque postea liberi, aut uxor, aut amicus, sed propter tuum risum conservantur, penitus felix es. At si, dum ægrotant, rides; dum moriuntur, gaudes; & si quid mali audieris, exhilararis; pessimus es, o Democrite, & procul sane a sapientia. Si vero putas hæc ipsa neque mala esse, certe atra bile percitus es Democrite, periclitans ne & ipse Abderita sis: prudentior autem sit ipsa civitas. Cæterum de his exactius illic dicemus, Damagete. At vero navis etiam hoc tempus, quo hæc tibi scribo, remoratur. Vale.

E P I S T O L A XV.

Hippocrates Philopæmeni gaudium.

COGITANS ac sollicitus de Democrito, illa ipsa nocte dormiens, sub ipsius auroræ initium, somnium mihi oblatum habui, ex quo puto nihil valde periculosi fore. Mirabiliter enim expergefactus sum. Videbar mihi videre Æsculapium ipsum coram, & jam ad ipsas Abderitarum portas aderamus. Æsculapius autem non ut imagines eum alias ostendunt, mitis ac blandus apparebat, sed habitu concitato, & adspectu horrendo. Sequebantur autem ipsum dracones reptilium generis immanes, longum tractum ducentes, & horribile quiddam velut in desertis ac saltibus subsibilantes. Sequebantur & focii, pyxides medicamentarias probe obsignatas gestantes. Deinde porrexit mihi manum Deus: quam ubi libentissime apprehendissem, rogabam ut simul

necum pergeret, & ne me in medendo destitueret. Verum is: Nihil, inquit, in præsens me opus habes; sed hæc immortalium ac mortalium communis Dea te peregrinum deducet.

Et ego conversus video mulierem pulchram ac magnam, simpliciter ornatam, splendidam, cujus oculorum circuli puro lumine micabant, ut stellarum fulgorem putares. Et Deus quidem disparuit. Mulier vero illa adprehensum me manu, lento gradu benigniter per urbem ducebat. Et ubi prope domum essemus, in qua hospitium mihi paratum esse putabam, velut spectrum disparuit, hoc saltem dicens: Cras te apud Democritum deprehendam. Cum vero jam se illa converteret: Rogo, inquam, optima femina, quænam es, & quo nomine vocari debes? Veritas, inquit illa. Cæterum quam accedentem vides (& derepente altera quædam mihi apparuit) neque ipsa mala videtur, audacior autem adspectu & concitior: Opinio, inquit, appellatur, & habitat apud Abderitas. Ego igitur ubi de somno surrexissem, mihi ipsi somnium interpretatus sum, quod non indigeret medico Democritus, quando sane ipse medendi Deus discessisset, velut qui medendi occasionem & materiam non haberet. Sed ipsa quidem veritas, quod Democritus sanus sit, apud Democritum manet. Opinio vero, quod Democritus ægrotet, revera apud Abderitas habitat. Atque hæc vera esse, mi Philopœmen, credo, & sunt sane. Et non contemno somnia, maxime ubi etiam ordinem conservant.

Medicina autem & vaticinatio valde cognatæ sunt, quandoquidem & pater ambarum artium unus est Apollo progenitor noster, & præsentes & futuros morbos prædicens, & ægrotos & ægrotauros sanans. Vale.

E P I T O L A XVI.

Hippe rates Cratevæ gaudium.

SCio te, o anice, optimum rhizotomorum esse, & propter tuam ipsius exercitationem, & propter progenitorum gloriam, adeo ut in hac facultate, Cratevæ proavo minime cedas. Proinde nunc si unquam alias, herbas collige, quot & quales poteris: urget enim necessitas: atque has mihi trans mitte, ad virum toti civitati comparandum. Abderitam quidem, verum Democritum. Accipere enim ipsum dicunt, & purgatione videri opus habere, ut qui insania sit correptus. Non utemur fortassis medicamentis, quemadmodum etiam credo. Attamen undiquaque instructum esse oportet. At vero rem herbariam apud te ipse admiratus sum, quemadmodum etiam universorum naturam ac constitutionem & faciem unam terræ fundamentum, ex qua animalia, & plantæ, & alimenta, & medicamenta, & fortuna, & ipsæ divitiæ exoriuntur. Neque enim alias haberet ubi consisteret Avaritia, neque sane Abderitæ nunc decem talentis inescassent me, pro medico mercenarium declarantes.

Si vero possis Crateva amaram avaritiæ radicem exscindere, ut nullæ ipsius reliquiæ restent; probe scito, quod hominum viâ cum corporibus etiam animas ægrotantes purgassemus. At hæc quidem vota sunt.

Tu vero, quod fieri potest, nobis montanas maxime & in altis collibus nascentis herbas radicimis refeca. Sunt enim aquosioribus solidiores & acriores, propter terræ densitatem, & aeris tenuitatem. Nam quod attrahunt, frigidius est. Conare tamen, ut etiam de his quæ circa stagnascuntur, & de palustribus, & fluviatilibus,

aut fontanis flores colligas : quas sane debiles , & exfolutas , ac dulcis succi esse scio. Omnia autem medicamenta , quæ succi & liquores fluidi sunt , in vitreis vasis ferantur ; quæ vero folia , aut flores aut radices sunt , in fictilibus novis probe obturatis , ne ventis perflata , medicamenti vigorem , velut in animi deliquium collapsa , amittant. Cæterum statim nobis hæc mittito. Nam & tempus anni congruum est , & necessitas dictæ infantiæ urget. Ab omni equidem arte aliena res est dilatio , verum maxime a Medicina , in qua dilatio est animæ periculum.

Curationum vero animæ sunt temporum opportunitates , quarum observatio finis est. Spero quidem sanum esse Democritum , etiam citra medelam. Si vero aliquis error naturæ , aut temporis , aut alterius alicujus causæ contingat : multa enim nos , qui mortales sumus , latent , utpote non omnino per veritatem corroboratos : ad id quod obscurum est , omnem vim congregatam esse oportet. Non enim contentus est is , qui in periculo versatur , his quæ possumus , sed concupiscit etiam ea , quæ non possumus.

Et ferme semper ad duos fines militamus , alterum hominis , alterum artis. Quorum alter obscurus est , alter scientiæ determinatus. Opus est autem in utrisque his etiam fortuna. Incerta enim est conjectura eorum , qui in purgationibus caute procedunt. Nam & stomachi adflictionem veremur , & medicationis congruentiam ad naturam ignotam conjectamus. Non enim una & eadem est omnium natura , & aliud semper sibi ipsi decernens adsimilat ac familiare facit. Aliquando vero totum perdit. Sed & herbis multa reptilia venenum immittunt , & hiatu suo internæ ipsarum teneritudini adflictionem pro auxilio inspirant. Et

huius rei ignorantia erit, nisi sane nota aliqua, aut macula, aut odor ferus & gravis, rei factæ indicationem fecerit. Deinde ipsa ars, propter fortunæ casum, a recte faciendi proposito aberrat.

Stabiliiores autem semper sunt purgationes per veratrum, quibus etiam Melampus in Proeti filiabus, & Anticyreus in Hercule usi esse narrantur. Minime vero utemur nos ullo aliquo ex his in Democrito: sed contigerit, opto, illi sapientia, efficacissimorum ac medicatissimorum pharmacorum finis. Vale.

E P I S T O L A XVII.

Hippocrates Damageto gaudium.

Hoc erat illud, Damagete, quod conjectabamus: non insanit Democritus, sed super omnia sapit, & nos sapientiores effecit, & per nos omnes homines. Remisi autem tibi, amice, revera Æsculapeam navem: cui cum solis signo etiam sanitatis insigne adponito. Nam revera secundo numine vela fecit: & illa die in Abderam navigavit, qua scripseram ipsis, me perventurum esse. Omnes igitur ante portas congregatos invenimus, nos, velut verisimile est, expectantes, non viros solum, sed etiam mulieres, insuperque senes & pueros, per deos, tristes; itemque infantes. Atque hi quidem sic habebant, velut ob Democritum insanientem. Ille vero sincere tunc in philosophando excelebat. Postquam autem me vidissent, visi sunt mihi paullulum ad seipso rediisse & bonas spes ostentabant. At Philopœmen me ad hospitium ducere gestiebat, & hoc ab illis comprobabatur. Ego vero: O viri Abderitæ, inquam nullum mihi majus operæ pretium est, quam Democritum videre, Illi vero hoc audito, collauda-

runt, & gavisi sunt, & compendio duxerunt me per forum, partim sequentes, partim præcurrentes, alii ab utraque parte: Serva, clamantes, auxiliares, medicare. Et ego adhortabar ipsos ut confiderent, tanquam fortassis nihil esset mali; aut, si quid esset, modicum id esset, & correctu facile confusus horis anni Etesii. Et simul hæc dicens ibam. Neque enim procul erant ædes: immo neque tota civitas. Aderamus igitur: propinquæ enim muro erant, & me placide eo deducunt. At retro turrin collis erat altus, longis ac densis populis nigris umbrosus, unde Democriti habitacula conspiciebantur.

Et ipse Democritus sub ampla, ac humillima platano sedebat, in veste crassa citra humeros desuente, solus, discalceatus, super lapidea sede, valde pallidus ac macilentus, promissa barba. Juxta ipsum vero a dextra tenuis aqua per declivem collem decurrens leniter resonabat. Erat autem delubrum quoddam super illum collem, quantum equidem conjectura adsequor, Nymphis dicatum, sponte citatis vitibus circumdatum. Ipse vero cum multo ornatu super genibus librum habebat. Sed & alii quidam ex utraque parte adjacebant. Accumulata erant etiam animalia multa per totum resecta. Et ipse aliquando concitate incumbens scribebat, aliquando quiescebat, diu multumque se continens, & in seipso meditans. Deinde non longe post, his peractis, exurgens deambulabat, & viscera animalium inspiciebat, & depositis ipsis digressus, rursus desidebat.

At Abderitæ circumstantes me tristes, & non procul a lachrymantibus oculos habentes. Vides, inquiunt, Hippocrates, Democriti vitam, quam insanit, & neque quod vult novit, neque quod facit. Et quidam ex ipsis adhuc am-

plius ostendere volens ipsius insaniam, alta voce ploravit instat mulieris ob filii mortem lamentantis. Deinde rursus cum gemitu ejulavit, personam agens viatoris, qui aliquid ex his, quæ portabat, amisit. Verum Democritus cum hæc audisset, partim ridebat, partim cachinnis explebat, & nihil amplius scribebat. Caput autem frequenter concutiebat. Ego vero: Vos, inquam, o Abderitæ, hic manete; ipse vero ubi & verbis, & corporis viri propior factus fuero, Aideroque ac audiero, cognoscam adfectionis veritatem.

Et hæc loquutus, placide descendebam. Erat autem locus ille asper ac declivis. Itaque vix me suffulciens penetravi. Cum autem appropinquassem incidi in ipsum nescio quid, quasi ex numinis adflatu & cum concitatione scribentem. Stabam igitur isthic expectans tempus quietis ipsius. Ipse vero paullo post, intermisso scribendi impetu, & stilo scriptorio deposito, respexit ad me accedentem, & salve, inquit, hospes. Et ego: Plurimum & tu, inquam, Democrite vir sapientissime. At ille, verecundans arbitror quod non nomine me compellasset: Te autem, inquit, quo nomine vocabimus? Ignorantia enim tui nominis, causa erat cur te hospitem appellarem. Hippocrates, inquam, medicus est mihi nomen. Is vero: Asclepiadarum, inquit, nobilitas & magna sapientiæ tuæ in re medica gloria multum celebris etiam ad nos pervenit. Quid autem negotii, o amice, te huc perduxit? Immo potius præ omnibus confide. Vides autem quod hæc sedes foliis instrata non est injucunda, viridis adhuc ac mollis, & ad insidendum lenior invidiosis fortunæ fellis.

Cum autem confedissem, rursus inquit, Privatumne, aut publicum negotium agens huc pervenisti? Dic aperte; nam nos, quantum poteri-

mus, adjuvabimus. Et ego: Quæ vera causa est, inquam, tui gratia huc venio, ut sapientem virum conveniam. Habet autem causam patria, cujus legatum ago. Ille vero: Hospitio itaque, inquit, primum utere nostro. Ego vero per omnia virum pertentans, etiamsi jam mihi manifestum esset, ipsum non insanire; Philopœmenem, inquam, nosti civem vestrum? Etiam inquit, valde: Damonis filium dicis, qui habitat apud Hermaidem fontem? Hunc ipsum, inquam, cujus ego sum ex patribus peculiaris amicus. At tu, Democrite, potiore me hospitio excipe, & primum sane quid sit hoc, quod hic scribis, dicito. Ille vero ubi paululum se continuisset: De insania, inquit. Et ego: O rex Jupiter, inquam opportune profecto scribis contra civitatem. At ille: Qualem, inquit, civitatem, Hippocrates? Ego vero: Nihil, inquam o Democrite, sed haud scio quomodo hoc verbum mihi excidit. Verum quid de insania scribis? Quid enim, inquit, aliud quam quid sit, & quomodo in hominibus generetur & quomodo adlevetur. Nam animalia hæc, quæ vides, inquit, hujus gratia refeco, non quod odio habeam opera Dei, sed bilis naturam, ac sedem quærens.

Nosti enim, quod hæc furoris hominum causa est, ubi nimium redundarit. In omnibus equidem a natura inest, sed in quibusdam minus, in quibusdam amplius. At immodestia ipsius morbi sunt, ipsa velut materia aliquando bona, aliquando mala subjacente. Et ego, per Jovem, inquam, o Democrite, vere hæc & sapienter dicis.

Quare beatum te judico, qui tanta quiete frueris. Nobis autem hujus participes esse non permissum est. Interrogante vero illo: Cur, o Hippocrates, permissum non est? Quoniam, inquam,
aut

aut agri, aut res domesticæ, aut liberi, aut usuræ, aut morbi, aut mortes, aut famuli, aut nuptiæ, aut ejusmodi quædam, opportunitatem nobis commodam eripiunt. Hic fane vir ille ad solitam adfectionem delatus est, & valde effuse risit, ac cachinnatus est. Et de cætero quiescebat. Et ego: Quid vero, inquam, Democrite rides? utrum bona quæ dixi, aut mala? Ille vero adhuc magis ridebat. Et Abderitæ de colle id videntes, partim capita sua cædebant, partim frontem. Alii vero capillos evellebant. Nam, velut postea dixerunt, ampliorem, quam alias solitus esset, risum effunderat.

At vero, inquam, sapientum optime Democrite cupio causam hujus tuæ adfectionis cognoscere: quo risu ego tibi dignus visus sum, aut ea, quæ dixi: quo cognito, a causa desistam, aut tu reprehensus, intempestivos risus coerceas. Ille vero: O Hercules, inquit, si me reprehendere potes, curationem perficies, qualem nullam unquam, o Hippocrates. Et quomodo non reprehendaris, o optime? Aut non absurdum te esse putas, dum rides hominis mortem, aut morbum aut mentis emotionem, aut insaniam, aut atram bilem, aut cædem, aut aliud quid pejus? Aut vice versa nuptias, aut festivitates, aut liberorum procreationem, aut mysteria, aut magistratus, aut honores, aut aliud quid omnino boni? Nam quorum misereri oportet, ea tu derides, & ob quæ lætari conveniebat, ea itidem derides, adeo ut neque bonum, neque malum apud te sit discretum. At ille: Hæc quidem, inquit, recte dicis, o Hippocrates; sed non novisti risus nostri causam. Ubi vero cognoveris, satis scio, quod meum risum, meliorem legatione medelam ac curationem, tuæ patriæ & tibi ipsi auferes, & alios pru-

dentes facere poteris. Et pro hoc fortassis me vicissim medicinam docebis, ubi cognoveris quanto studio circa res nullo studio dignas versantes, & ea quæ nullius pretii sunt facere conantes, omnes homines vitam consumunt, risu digna tractantes. Ego vero, dic, inquam, per deos, numquid universus mundus ægrotare se non animadvertit? & non habet quo legationem demittat ad sui curationem? Quid enim extra ipsum esse poterit? Ille vero excipiens: Multæ, inquit, sunt mundorum infinitates, & nequaquam, o amice, divitem naturam maligne extenues. At hæc quidem, inquam, Democrite, suo tempore docebis. Vereor enim ne forte, dum infinitatem recensens, ridere incipias. Scias autem nunc de tuo risu rationem vitæ te reddere debere.

Ille autem torve me intuitus: Duas, inquit, risus mei causas esse putas, bona & mala. Ego autem unum hominem rideo, dementia quidem plenum, rectis autem actionibus vacuum, in omnibus consiliis pueriliter, ac stulte se gerentem, & nullius utilitatis gratia labores nunquam absolvendos tolerantem, fines terræ & infinitos recessus ex immodicis cupiditatibus penetrantem, argentum & aurum quærentem, & nunquam ab his acquirendis interquiescentem, sed semper circa plura adipiscenda tumultuantem, quo ipse inferior non sit, & neque pudefiat, si non felix appelletur. Rideo item ipsum eo quod hiatus terræ effodit, manibus eorum perquirens, qui partim a laxa irruente terra oppressi sunt, partim diutissime in hac necessitate detenti, in supplicio velut in patria permanent, argentum & aurum inquirentes, vestigia pulveris ac ramenta perscrutantes, arenam aliam aliunde eruentes, & terræ venas excindentes, ad opulentiam semper glebas

conflantes, ex matre terra hostilem terram, quum tamen eadem sit, facientes & hanc admirantes pedibus calcant. Quanto vero risu dignum est, quod ærumnosam & occultam terram amant, manifestam contumelia afficientes? Alii vero canes emunt, alii equos: alii multam regionem circumscribentes, propriam sibi inscribunt: & multis imperare volentes, neque sibi ipsis imperare possunt. Uxores ducunt, quas paullo post ejiciunt. Amant, deinde odio habent. Cum magna cupiditate liberos generant, deinde adultos ejiciunt. Quæ est illa vana, ac absurda diligentia, nihil ab insania differens? Bellum intestinum gerunt, quietem non amplectentes. Reges alios deponunt, alios surrogant: occidunt homines: terram fodientes, argentum quærunt. Argento reperto, terram emere volunt. Empta terra, fructus vendunt: fructibus divenditis, rursus argentum accipiunt. In quot mutationibus versantur? in quanta malitia? dum opes non habent, opes expetunt: dum habent, occultant, dissipant. Rideo, dum improbe agentes video. Intendo risum, dum infeliciter agentes cerno. Veritatis enim leges transgrediuntur contentionis studio hostilem inter se litem habent, & cum fratribus, & parentibus, & civibus: atque ad hæc pro ejusmodi opibus, quarum nemo, ubi mortuus est, dominus est, se mutuo occidunt vitam illicitam degentes, amicorum ac patriæ penuriam contemnunt. Res indignas & inanimatas divitiarum loco habent: pro universa opulentia statuas emunt, quoniam effigies ita expressa est, ut loqui videatur. Eos vero qui vere loquuntur, odio habent. Res insuper non faciles expetunt. Nam continentem habitantes, mare cupiunt, Et rursus, cum in insulis sunt, continentem desiderant, & omnia pervertunt ad propriam cupidita-

tem. Et in bello quidem fortitudinem laudare videntur. Vincuntur autem quotidie a petulantia, ab avaritia. Ex omnibus adfectionibus ægrotant

Thersitæ vero vitæ omnes sunt. Cur vero meum risum reprehendisti, o Hippocrates? Non enim quispiam suam ipsius dementiam, sed alius alterius deridet; hi quidem ebrios, cum ipsi sibi sobrii esse videntur; alii vero amantes, quum ipsi graviore morbo laborent: alii navigantes, alii eos, qui circa agriculturam occupati sunt. Non enim concordant neque artibus, neque operibus.

Ego vero, hæc quidem, inquam, vera sunt, Democrite; neque alius aliquis convenienter sermo esse poterit ad mortalium miseriam declarandam, verum ipsæ res sanciant necessitatem, & domesticæ dispensationis, & navium fabricationis gratia, reliquæ item vitæ, in qua necesse est hominem esse. Non enim ad otium natura ipsum genuit. Ex his autem rursus ambitio effusa, multorum recte sentientem animam decepit, qui omnia quidem recte ac serio agere student, velut re certa, ac stabili futura. Non autem ita validi sunt ut obscuritatem prævidere possint. Si enim quis o Democrite, uxorem ducens, separationem aut mortem timeret; aut quispiam liberos educans, ipsorum interitum: imo neque in agricultura, & navigatione, & regno, & magistratu, & omnibus quæ sunt in vita, ullus unquam de errore præsumpsit: sed unusquisque horum bona spe alitur, deteriorum vero ne meminit quidem: numquid igitur risus tuus his minime convenit?

At Democritus: Valde, inquit tardo ingenio præditus es, & longe a sententia mea abes, o Hippocrates, qui tranquillitatis & perturbationis modum non consideras, præ ignorantia. Si enim hæc ipsa prudenti mente disponderent; & ipsi fa-

eile liberarentur, & meum risum levarent. Nunc autem, velut rebus in vita firmis, dementes illi superbiunt, ob ratiocinationis expertem mentem, inordinatum impetum suum ægre discentes. Sufficiens enim admonitio ipsis esset omnium rerum vicissitudo, quæ subitis mutationibus irrumpit, & derepente omnigenam circumrotationem inducit. At ipsi, velut hæc firma sit ac stabilis, obliti adfectionum assidue incidentium, aliter alias ea, quæ tristitiam inferunt, cupientes, & quæ non conferunt, quærentes, multis calamitatibus involvuntur. Si vero quis juxta propriam facultatem omnia facere cogitaret, stabilem sane vitam custodiret, seipsum cognoscens, & sui ipsius comparisonem clare considerans, & non cupiditatis studium in infinitum extendens, sed opulentam naturam, & omnium nutricem per sufficientiam intuens. Quemadmodum autem in optimo corporis habitu, adfectionum periculum manifestum est; ita successuum fortunæ magnitudo periculosa est. Insignes autem palam in infelicitatibus conspiciuntur. Alii vero velut proximorum facta non videntes, a propriis malefactis pereunt, tam manifesta, quam obscura non prævidentes, quum longam vitam exemplum habeant eorum, quæ sunt, & quæ non sunt, ex quibus etiam futurum considerare oportebat.

Hæc sunt, quæ mihi risus materiam præbent: o dementes homines, pravitatis pœnas pendentes, avaritiæ, insatiabilitatis, inimicitiae, insidiarum, doli, invidentiæ (difficile est enumerare multiplices malorum versutias, sunt enim infinitæ) & in his dolorosis versutiis vicissim conversantes, & maligne sentientes.

At virtutis apud ipsos modus est, id quod deterius est. Mendacii enim studium exercent,

voluptatem confectantur, legibus non obediētes. Quidam vero ex ipsis providentiam in hominibus esse negat, ut qui neque visus, neque auditur participes sunt. Solus autem sensus hominis recta intelligentia lucidus, & præsens & futurum prævidet. In omnibus displicentiam habent, & rursus ad eadem accedunt, abnegata navigatione navigant, rejecta agricultura, rursus agrum colunt, ejecta uxore, aliam inducunt, genitos sibi liberos sepeliunt, & his sepultis, alios generant, ac rursus educant. Senectam optant, ad ipsam autem pervenientes, gemunt, in nullo rerum statu constantem mentem habentes. Principes, ac Reges privatum prædicant, privatus autem regnum appetit. Qui reipublicæ magistratum gerit, artificem laudat, velut extra periculum constitutum; artifex autem illum, velut per omnia potentem. Rectam enim virtutis viam, puram & levem ac inoffensam non vident, quam nemo ingredi audet. Feruntur autem in contrariam, difficilem & tortuosam, per aspera incedentes, lapsantes ac offendentes; plerique vero excidentēs, anhelantes velut si qui persequatur, litigantes, modo posteriores existentes, modo præcedentes. Et quidam ipsorum petulanti alieni cubilis corrumpendi amore ardent, per impudentiam inducti; alios avaritiæ morbus infinitus consumit; alii mutuo insidias struunt; alii ab ambitionis studio in aerem sublati, per malitiæ gravitatem in profundum perniciæ præcipites deferuntur. Quidam destruunt, deinde rursus ædificant: largiuntur, deinde poenitentia ducti, amicitiae jura tollunt, malefici per inimicitiam cognationis jura bello impetentes. Et horum omnium causa est Avaritia. Qua in re hi a pueris ludentibus differunt? apud quos consilium qui-

dem iudicio caret ; quod vero se forte fortuna obtulit, id iucundum est.

At vero in desideriis quid brutis animantibus reliqui faciunt, quam quod intra sufficientiam feræ ipsæ se continent ? Quis enim leo aurum in terram oculuit ? Quis taurus uberioris alimenti gratia depugnavit ? Quam pardalim unquam infatiabilitas cœpit ? Sitit quidem aper, sed usque ad aquæ appetentiam. Lupus autem, devorato necessario alimento oblato, quiescit. Si dies ac noctes jungat homo, non sentit convivendi satietatem. Et annuorum quidem temporum ordo terminus est brutis ad coitum ; at homo perpetuo infano libidinis œstro stimulatur.

Quæso te, Hippocrates, non ridere debeo plorantem propter amorem, eo quod commodo suo exclusus est ? maxime vero si quis periculorum contemptor sit, & per præcipitia, aut pelagi profunditates feratur, risum non extendam ? Non ridebo autem eum, qui navem multis mercibus onustam demersit, deinde mari indignatur, quod ipsam plenam submersit ? Ego quidem nequaquam mihi ridere videor. Vellem autem potius aliquid molesti contra ipsos excogitare.

At neque medicinam pro his esse oportebat, neque aliquem pæonia pharmaca præparantem. Atque hujus rei documentum præbeat tibi tuus ille progenitor Æsculapius, qui dum servaret homines, fulminis ictus gratiam accepit. Non vides quod & ego malitiei pars sum, dum insanix causam inquirens, animalia mactō, ac refeco ? Oportebat autem ex hominibus causam perscrutari. Non vides quod etiam ipse mundus odio in homines plenus est ? Infinitas enim contra ipsum afflictiones accumulavit.

Totus homo ex nativitate morbus est. Dum educatur, inutilis est, & alienum auxilium implorat. Dum crescit, protervus, insipiens, pædago opus habens. Dum in vigore est, audax est. Dum decrescit, miserabilis, ubi labores suos imprudenter recolit ac jactat. Ex maternis enim uteri inquinamenti talis prodiit. Et propterea alii indignatione, ac immodica ira pleni, in calamitatibus, ac pugnis versantur; alii semper in adulteriis & corrumpendis puellis; alii in rerum alienarum cupiditatibus; alii in suis prodigendis. Utinam facultas esset nobis, univerforum habitationes revelare, & nullum rerum in ipsis velamentum dimittere, atque ita ea, quæ intus aguntur, videre: videremus utique alios edentes, alios vomentes, alios suppliciis torquentes, alios pharmaca miscentes, alios insidias construcentes, alios supputantes, alios gaudentes, alios plorantes, alios amicos accusantes, alios propter ambitionem amentes. Quamquam sint quædam actiones profundiores, quæ in animo occultantur. Et ex his quidam sunt juvenes, quidam senes: petentes, negantes, pauperes, opulenti: fame pressi, luxu gravati: fordidus, vincti; alii delitiis diffuentes, famulitium magnum alentes; alii trucidantes; alii ea quæ habent contemnentes, & speratis possessionibus inhiantes; alii impudentes; alii parci; alii inexplebiles; alii occidentes; alii vapulantes; alii superbientes; alii vana gloria elati. Ex his aliqui apud equos spectatores consistunt; aliqui apud viros, aut canes, aut lapides, aut ligna, aut æs, aut picturas. Et aliqui legationibus, aliqui militiæ, aliqui sacerdotiis præsunt. Et alii coronas gestant, aliqui armati sunt, aliqui occiduntur.

Singuli vero ex his feruntur partim ad pugnam navalem, partim ad militiam, partim ad rusticationem: alii ad onerarias naves, alii ad forum, alii ad concionem, alii ad theatrum, alii ad fugam, alii alio. Et rursus quidam ad voluptatem, delitiasque, ac intemperantiam; quidam ad otium, ac socordiam. Quum igitur tot indignas, ac infelices animas videamus, quomodo non vitam ipsarum ejusmodi intemperantia præditam risu exhibilaverimus?

Quin & valde timeo, neque medicinam tuam ipsis placere. Nam præ intemperantia omnia ipsis displicent, & insaniam sapientiam putant. Profecto suspicor pleraque in scientia tua palam contumelia adfici, aut propter invidiam, aut propter ingratitudinem. Ægrotantes enim simul ut servantur, causam diis, aut fortunæ adtribuunt. Plerique vero suæ naturæ hoc adscribentes, benefactorem odio habent, & parum abest ut indigne ferant, si debitores esse putentur. Sed & plerique artis ignorantiam in seipsis habentes, & imperiti existentes, id quod melius est, purgant. Inter stupidos enim sunt suffragia, & neque ægroti attestari volunt, neque ejusdem artis artifices testimonium præbere. Invidia enim obstat. Non autem inexpertus es tu talium nugarum; imo probe scio, ob hæc te sæpe in memorabilibus afflictionibus accersitum fuisse, & neque causam, aut invidiam libenter derisisse. Veritatis enim neque cognitio ulla est, neque ullum testimonium.

Hæc autem cum diceret, subridebat, & mihi, o Damagete, divina specie apparebat, & velut qui priorem suam formam exsuisset. Et ego: O magnifice Democrite, inquam, magna xenia & hospitalitatis tuæ munera in Co mecum auferam. Multa enim me sapientiæ admiratione implevisti.

Discedo enim veritatis tuæ præco, qui humanam naturam investigasti ac considerasti. Quum autem mentis meæ medelam a te acceperim, ab eo nunc tempore hoc expetente, itemque corporis curatione. Cras vero, & deinceps, hoc loco rursus conveniemus.

Atque hæc loquutus, surrexi. Et ille paratus erat me sequi. Cum vero quidam accederet, haud scio unde, tradebat ipsi libros. Et ego concitatus festinavi, & ad Abderitas in specula me expectantes: Viri, inquam, pro legatione vestra ad me, magna sit vobis gratia. Vidi enim Democritum virum sapientissimum, qui solus potentissimus est homines prudentes facere. Hæc habui, Damagete, quæ de Democrito valde magna animi lætitia tibi recensere volui. Vale.

E P I S T O L A XVIII.

Democritus Hippocrati felicitatem.

ACCESSISTI ad nos velut insanos, o Hippocrates, veratrum nobis daturus, persuasus a viris stolidis, apud quos labor virtutis infania judicatur. Tunc autem de mundi dispositione, & de polis, ac altris cœlestibus scribebamus. Cum vero horum naturam cognovisses, quod omnia valde commode essent creata, & quod procul ab infania, ac desipientia abessent; meam quidem naturam laudasti, desipientes autem, & crudeles, ac furiosos illos judicasti. Nam quæ simulachris per aerem vagantia nos decipiunt, quæ sane mundus esse comprehenduntur, & vicissitudinem habentia creata sunt; ea mens mea, naturam perscrutata, vere in lucem produxit. Cujus rei testes sunt libri a me conscripti. Oportebat igitur te, o Hippocrates, cum viris ejus-

modi prædictis minime congruere, ac conversari, quorum mens superficialis & inconstans est. Si enim ab illis persuasus, mihi velut insano veratrum bibendum dedisses, prudentia insania facta fuisset, & artem tuam reprehendissent, velut quæ insaniæ fuisset causa. Veratrum enim sanis datum, menti tenebras offundit. Insanis autem valde prodesse consuevit.

Arbitror equidem, si non deprehendisses me scribentem, verum recumbentem, aut forte decubulantem, & mecum colloquentem, & nunc quidem indignantem, nunc vero ridentem, ob ea, quæ mente revolvam, & familiaribus me alloquentibus non attendentem, sed cogitatione instantem, & mirum in modum speculantem; putasses sane Democritum, juxta oculorum judicium, ex his, quæ vidisses, insaniæ imaginem præ se ferre.

Oportet igitur medicum non solum visu affectiones judicare, sed etiam re ipsa, & rythmos ac consonantias ut plurimum indagare, & utrum incipiat morbus, aut medium teneat, aut delinat, perscrutari, & differentia, ac anni tempore & ætate observata, affectionem curare, itemque totius corporis naturam considerare. Ex his enim omnibus facile morbum invenies. Porro remissi ad te de insania tractationem a te conscriptam. Vale.

E P I S T O L A XIX.

Hippocratis Coi de insania scriptum (a).

(a) Excusum est in Tom. III. pag. 432.

E P I S T O L A X X.

Hippocrates Democrito felicitatem.

AR T I S Medicæ recte facta, o Democrite, plerique e vulgo hominum non omnino laudant, verum Diis sæpe adtribuunt. Si vero natura reluctata perdiderit eum, qui curatur, medicos reprehendunt, numen prætereuntes. Et ego sane mihi videor, majorem reprehensionem quam honorem artis me adsequutum esse. Ego enim ad finem medicinæ non perveni, etiamsi senex sim. Neque enim ipsius inventor Æsculapius, sed & ipse in multis a seipso dissensit, quemadmodum nobis scriptorum libri tradiderunt.

Proinde epistola a te ad nos missa, veratri medicinam reprehendebat. Inductus equidem sum, o Democrite, velut insanienti veratrum daturus, non perscrutatus qualis quis tandem esses. Ubi vero tecum congressus, cognovi non per Jovem desipientiæ opus, sed ferme omni laude, ac commendatione dignum; valde laudavi naturam tuam, optimumque naturæ, ac mundi interpretem te judicavi. Eos vero, qui me induxerunt ad te, velut insanientes reprehendi. Nam ipsi medicamento opus habebant. Quandoquidem igitur casus nos in idem conjunxit, recte feceris, si ad nos frequentius literas dederis, & libros a te conscriptos impertiveris. Misi autem etiam ipse tibi de veratri usu libellum. Vale.

E P I S T O L A X X I.

Hippocratis de Veratri usu libellus (a).

(a) Legitur impressus p. 302.

E P I S T O L A XXII.

Hippocrates ad Theſſalum filium.

AD cognoscendam geometriam, & numerorum scientiam, mi fili, multum studii adhibeto. Non enim solum vitam tuam illustrem, & ad multa commodam in humanarum rerum statu efficient, sed etiam animam acutiorem, & clariorem reddent ad omnium, quorum usus in medicina expetitur, utilitatem consequendam. Etenim Geometriæ cognitio, quæ multiformis ac varia est, & omnia cum demonstratione transigit, utilis erit & ad ossium situs, & ad exarticulationes, & reliquum membrorum ordinem. Nam ad multiplicem horum adfectionem, & articulorum luxatorum repositione, & ossium contritorum resectione, & perforatione, & compositione, & exemptione, ac reliqua curatione, majore industria utetur quisquis noverit qualis est locus, & quale est os, quod ex eo eluxatum est.

At vero numerorum ratio & ad circuitus, & ad transmutationes febrium præter rationem fiennes, & ad judicia ægrotantium, ac securitatis in morbis, sufficiens erit. Præclara enim res est, tale ministerium in medicina habere, quod tibi partes intensiōis, ac remissionis, cum ex parte inæquales fuerint, facile cognoscibiles exhibet, citra errorem. Quapropter ad hujusmodi experientiae facultatem pervenire sedulo stude. Vale.

E P I S T O L A XXIII.

Democritus Hippocrati de Natura Humana (a).

(a) Editus est. Tom. IV. pag. 205.

E P I S T O L A XXIV.

Hippocrates Cous Demetrio Regi gaudium.

Nos equidem etiam prius, o Rex, studio habentes naturæ humanæ partes in summa considerare, has conscriptas quemadmodum voluisti demisimus. Nunc autem ea, quorum maxime studiosos esse oportet prudentes, partim a prioribus transumpta, partim nunc per nos ipsos comperta, tibi conscripsimus. Quæ si tu priorum morborum signis fientibus sequutus, & iisdem sæpe usus fueris, per omne vitæ tempus morborum exfors esse poteris.

Duo sunt morborum univerforum animalium genera, alterum secundum adfectionem, inter se dissimilia. At vero concupiscentias juxta alimentum ex subcontrariis cognosces, dum ea quæ evacuantur, indicant ea quæ plena sunt; & quæ implent, conjecturam præbent eorum quæ vacua sunt. Morbos autem omnes ex subcontrariis constitutos cognosces, & morbos a morbis fieri.

In convulsionibus febris succedens, sistit morbum; capitis autem dolores, sanguis ex auribus erumpens, aut ex naribus. Convulsionem omnibus morbis atræ bilis succedentes, atram bilem sedant. Et in summa, radix humanorum morborum est caput, & maximi morbi ex hoc accedunt. Quum enim ori velut cucurbita medica incumbat; contingit, ut ipsum omnium eorum, quæ ingeruntur, superfluitates adtrahat, & tenues humores.

Oportet autem animum advertere, & peculiariter vivere, ubi teipsum præparaveris in has partes, quo morbi accidentes nullum augmentum capiant, per curam diligentem & per bonum or-

dinem apud te fientem, ita ut neque rei veneræ intemperantia, neque diverſorum eduliorum incontinentia, neque ſomnis immodicis, inexercitato corpore utaris, ſed ſigna in corpore continentia ſequaris, & uniuſcujuſque corporis occaſionem conſerves, quo morbum irruere parantem vites, & medelis, quas ego perſcribo, utens, a morbis exſors perſeueres. Vale.

E P I S T O L A XXV.

Decretum Athenienſium.

VISUM eſt, ac decretum Senatui & populo Athenienſium. Quandoquidem Hippocrates Couſ medicus, & ab Æſculapio originem ducens, magnam benevolentiam una cum ſalute Græcis oſtendit, quando etiam peſte a Barbaris Græciam profiſcente, diſcipulis ſuis ad locos dimiſſis, indicavit quibus medelis uti oporteat, & accedentem peſtem ſecure effugere, quo medicina Græcis data, ipſorum ægrotos tuto ſervaret. Sed & ſcripta ſua de arte medica exacta edidit, multos eſſe volens medicos qui ſervare poſſent. Et Perſarum Rege ipſum accerſente, & honores optimatibus Perſarum æquales promittente, & dona quæcumque tandem ipſe Hippocrates vellet offerente, Barbari promiſſiones contempſit, eo quod hoſtis & communis inimicus Græcis eſſet. Quo igitur appareat, populum Athenienſium ſemper ea, quæ utilia ſunt Græcis conſultare, & ut gratiam condignam Hippocrati pro benefactis referat; viſum eſt populo, ipſum publice magnis myſteriis initiare, quemadmodum Herculem filium Jovis, & coronare ipſum corona aurea mille aureorum, & ipſam coronam Quinquatriis magnis Minervæ ſeſtis, in certa-

mine gymnico per præconem proclamare. Et licere omnibus Coorum liberis, ut Athenis pubescant, quemadmodum liberi Atheniensium: quandoquidem patria ipsorum hujusmodi virum genuit. Esse vero Hippocrati & vitam, & victum provisum in Prytaneo per omnem vitam.

E P I S T O L A XXVI.

Oratio Hippocratis ad aram consistentis.

Ovos multi & multarum urbium habitatores, in magna dignitate constituti, communi nomine Theffali, omnibus hominibus amara necessitas incumbit, ut quæ a fati statuta sunt ferant. Quapropter ego nunc cedens cum mea sobole, olæ ramulis coronatus, ad Minervæ aram supplex consisto. Quis sim, ignorantibus dicere oportet. Hippocrates, o viri, medicus Cous, non per piam & honestam causam, me ipsum & liberos meos vobis commendo. Cognoscitis me, o plebs. Nam profecto vos estis viri mihi familiares, inter quos, ut verum dicam, inter plerosque vestrum & in multis urbibus vestris cognitus sum, ut in summa dicam. At vero nomen meum longe ulterius, quam formæ meæ adspectus, processit. Atque hæc causa ex arte mea sanitatis, ac vitæ ortum habuisse videtur, quod non solum hominibus vestram regionem habitantibus, sed etiam multis Græcis vobis vicinis cognitus sum. Jam vero qua de causa tantum negotium opere peragendum adsumpsi, referam.

Athenienses male habebunt, o viri Theffali, qui Metropolim, ac patriam nostram Co devastates, in servitutem redigunt ea, quæ libera sunt

sunt ex progenitorum acquisitione, privatim sibi parta facientes: neque cognationem reveriti, quæ ipsis est ab Apolline & Hercule, quæ sane ad Ænium & Sunium filios illorum pervenit, neque Herculis malorum domitoris beneficia mente recolunt, quæ ille communis & vobis & nobis benefaciens Deus in illos contulit. At vos per Jovem supplicationibus colendum, & per cognatos Deos egredimini, vindicate, liberate, propriæ virtutis memores, & nihil ad gloriam vestram spectans intermittentes.

E P I S T O L A XXVII.

Oratio Legati Theſſali filii Hippocratis ad Athenienſes.

CONVENIRE arbitror, Viri Athenienſes, constitutum apud vos, qui non omni multitudini cognitus est, primum indicare quis sit, & unde sit, poſtea vero reliquam orationem perſequi. Mihi equidem pater est Hippocrates, qui quantam in medicina facultatem habeat, vos novistis. Nomen autem mihi est Theſſalus. Cognitus vero & ego ſum non in poſtremis, neque paucis veſtrum. Patria vero mihi est Cos, quæ quomodo vobis cognata ſit ab antiquo, alii dicunt, qui in recensenda hiſtoria ſunt præſtantiores.

Veni autem miſſus a patre, quatuor beneficia a nobis in vos collata prolaturus. Primum quidem vetus quoddam, tempore progenitorum noſtrorum, commune in omnes Amphiſtyonas, quorum vos non minima pars eſtis. Alterum vero illo adhuc majus, & ad plurimos Græcorum progreſſum. Atque hæc quidem urbis, & progeni-

torum meorum esse apparebunt. Tertium autem patris proprium est, & tantum, quantum nemo unus vir & vobis, & multis Græcis contulit. Postremum vero ex quatuor commune est patris & meum, & quod non ad plures, sed ad vos ipsos pervenit. Quod quidem priorum beneficiorum comparatione exiguum videri poterit, verum ad aliorum beneficia collatum, magnum est. Et sane hujusmodi beneficia sic se habent, quemadmodum esse dixi, ut summatim dicam.

Oportet autem non solum dicere, sed etiam demonstrare quod vera sunt. Principium igitur sermonis, ipsum ministeriorum nostrorum principium faciam. Vetustissima vero primum referam, in quibus fortassis longiora, ac altius repetita me dicere deprehenderitis. At quisquam vetus dici expetit. Erat enim tempus quando Crisæa gens erat, & habitabat quidem circa Pythicum templum; terram vero habebat, quæ sane nunc Apollini consecrata est. Appellatur autem Crisæus quidem campus, juxta quem Locri habitant, & cui Melæna adsunt: Cirrhæus vero mons, cui Phocenses adjacent. Hi porro Crisæi cum essent aliquando populosi, & fortes, & opulenti, his bonis ad malum usi sunt. Per insolentiam enim multa horrenda ac iniqua facta perpetrarunt, in Deum impietatem exercentes, Delphos in servitutem redigentes, vicinos deprædantes, agricolas spoliantes, uxores ac liberos abducentes, & corpora ipsorum constuprantes. Quæ de causa Amphictyones ira commoti, & exercitu in terram ipsorum inducto, & ipsius pugna devictis, regionem devastarunt, & urbes expugnarunt. Ubi sane illi, qui multa & impia perpetrarunt, misere accepti sunt, non minores pœnas persolventes, quam ipsi aliis intulerant. Feli-

cissimi vero ex ipsis fuerunt, qui intra manus hostium perierunt. Secundo loco, qui manu capti sunt, & qui ad aliam regionem ac urbes transiverunt. Sua enim mala ob oculos non habuerunt. Qui vero ex captivis isthic manserunt, infelicissimi fuerunt, quicumque in sua ipsorum regione torquebantur. Nam cum uxoribus & liberis, agros & urbes igni tradi videbant. His vero adhuc pejus degebant hi, qui intra mœnia perseverabant, quando relata mala partim videbant, partim percunctabantur, plura veris audientes. Sic enim fieri solet. Et sane malam salutis spem habebant. Erat autem ipsis urbs prope hunc locum maxima, ubi nunc certamen equestre peragitur, cujus muros extruxerant, & eos qui ex aliis urbibus transfugerant, exceperant. Inutilia vero eiecerant, & necessaria importaverant. Et cogitabant obsidionem sustinere, bona spe præditi, neque manuum pugna, neque longi temporis obsidione urbem capi posse.

At vero Amphictyones tum alia devastarunt, tum ad hanc urbem præsidio constructo, & ad expugnationem præparato, reliquum exercitum per urbes dimiserunt. Temporis autem progressu, cum pestis exercitum illapsa esset, & milites ægrotarent, quidam vero etiam morerentur, alii vero, propter morbum, præsidium reliquissent, Amphictyones turbabantur. Et alii alia consultabant. Solet autem in rebus communibus sic fere fieri.

Tandem vero adstrictionem moleste ferentes, & de bello desperantes, Deo rem commiserunt, & quid facere oporteret, interrogarunt. Ille vero bellum gerere iussit, & victores fore promittebat, si ad Co profecti, cervi filium in auxilium adducerent, cum auro: atque hoc festinabundi, ne

Crisæi prius in adyto trito tripodem deprædarentur. Sin minus, urbem capi non posse. Ipsi vero, his auditis, & ad Co profecti, oraculum proposuerunt.

Cum autem Coi dubitarent, & oraculum non intelligerent; surrexit vir genere quidem Asclepiades, progenitor autem noster, medicus vero Græcorum ejus temporis omnium confessione optimus: nomen autem ipsi erat Nebrus: qui oraculum dicere inquit, ut ad seipsum venirent. Nam deus, inquit, admonuit vos, ut profecti ad Co, cervi filium in auxilium adducatis. Cos equidem hæc est. Cervorum autem filii Nebri appellantur, hoc est hinnuli. Nebrus autem est mihi nomen. Quod vero aliud auxilium potius contigerit exercitui ægrotanti, quam medicus? Et profecto non videtur mihi id consequens esse, quod in tantum divitiis Græcos omnes superantes, Deus ad Co proficisci jusserit, & aureum numisma petere. Verum hoc oraculum in meam domum progreditur. Chrysos enim, hoc est aurum, vocatur masculus meus filius natu minimus. Est autem omnino & corporis specie, & animi virtute, quantum patri dicere licet, inter omnes cives præcellens. Ego quidem igitur, nisi vobis aliud videatur, & ipse proficiscar, & filium mecum adducam, nave quæ quinquaginta remis agatur, instructa meis sumptibus & ministeriis medicis ac bellicis referta, quo in utramque partem auxilium feramus. Et hic quidem dixit: illi vero approbaverunt, qui missi fuerunt.

At Nebrus hic etiam virum Calydonium apud se educatum, in navem adsumpsit: de quo statim, ubi res tulerit, dicemus. Cum igitur pervenissent hi viri ad castra, deus gaudebat. Nam

& mortes militum cessabant, & cum divina fortuna equus Eurylochi (qui belli dux erat, Thesfalus genere, & ex Heraclidis ortum ducens) canalem, per quem aqua in urbem ducebatur, ungula percussisset, ubi in pulvere volutari voluisset: Nebrus aquam medicamentis infecit, unde ventres Crisæorum corrupti sunt: & sane multum contulit ad hoc ut civitas caperetur. Atque hinc jam animi obsidentium elati sunt, velut deo jam manifeste auxilium ferente.

Cum autem impetus facerent, & præmia proponerent his qui primi muros conscendissent; certamen erat fortissimum, & urbs capiebatur. Primus enim muros conscendit Chrysus, & turrim occupavit. Sequebatur autem ipsum e vestigio vir ille Calydonius, sub communi scuto auxilium ferens, de quo antea dixi. Et Chrysus quidem hasta percussus cecidit ex summa turri: percussus est autem a Mermode Lyci fratre, qui lapidibus obrutus mortuus est, cum in aditum irrupisset tripodem deprædaturus. Hi igitur civitatem sic cœperunt: & Nebri auxilium cum Chryso, & secundum medicam, & secundum bellicam facultatem recte successit: & deus vera dixit, & quæ promiserat fecit. Qua de causa Amphictyones Apollini quidem templum consecrarunt, quod nunc est in Delphis: & certamen gymnicum, ac equestre prius non peragentes, nunc peragunt: & Crisæorum regionem universam dicarunt deo contributori, reddentes ea quæ dedit in eo, quod oraculum dedit. Et Nebri filium Chrysum in circo equestri sepelierunt: & Delphis publice ipsi parentare præceperunt. Asclepiadis vero in Co attributa est prudentia vaticinandi, quemadmodum his qui mittuntur ex urbibus ad sacrum Amphictyonum concilium: at-

que hoc Nebri gratia. Calydoniis autem ab illo viro & illo ministerio, etiam nunc in Delphis primæ vaticinandi partes, & alimenta dantur.

Verum redeo ad nostra. Nam quod vera dico, hinc clarum est. Cum enim pater & ego accessissemus, Amphictyones hæc renovarunt, & attribuerunt, & in columna descripta in Delphis dedicaverunt. Atque hujus quidem sermonis finis clare ostendit, nostros progenitores esse vestros benefactores.

Cæterum hoc relicto, alium de iisdem, non eundem sermonem, adsumam. Cum enim magnus ille rex cum Persis, & aliis Barbaris bellum gereret contra Græcos, qui aquam & terram non dedissent; patria nostra maluit in totum pessumdari, ne contra vos, & eos qui vobiscum sentirent, hostilia arma sumeret, & in navibus militarem expeditionem mitteret. Sed abnuit, honestum quid & dignum patribus meditata, qui Gigantes & Heraclidæ esse dicuntur. Visum igitur est ipsis, cum quatuor essent muri in insula, omnes relinquere, & ad montes confugere, & salutem tutari. Unde sane quid non mali obvenit? dum regio fuit devastata, & corpora libera mancipata, & hostili lege occisa, & urbs & alia munimenta, ac templa, ad favillam exusta. Insuper autem & filia Lygdamis Artemisiæ, circa patrum victoriam datum est, omnia quæ reliqua essent expiscari ac exportare. At enim, velut apparet, a diis non sumus neglecti: verum tempestatibus ingentibus exortis, & naves Artemisiæ omnes in periculo fuerunt, & multæ perierunt: & in exercitum ipsius multa fulmina inciderunt, quum insula nostra paucis fulminibus impetere-tur. Dicitur etiam spectra Heroum mulieri conspecta esse. Quorum sane omnium timore per-

terrefacta, ab immedicabilibus cœptis destitit, amara confessione facta, quæ & relatu amara est. Quare omittatur.

Attribuam autem & hic progenitoribus meis propriissime minime falsa, quod neque contra vos, neque contra Lacedæmonios, aliosque Græcorum socios, Coi voluntaria arma sumpserint: & quidem quum multi tum insulas, tum Asiam habitantes, cum Barbaris in bello conjuncti fuerint, nulla violentia coacti. Equidem præfecti urbis tunc fuerunt Cadmus & Hippolochus. Verum autem est, & Cadmum & Hippolochum meos progenitores esse. Nam Cadmus, qui & Senatum regebat, matris meæ progenitor est. Hippolochus vero ex Asclepiadis quartus a Nebro, cujus auxilio Crisæi sunt devastati. Nos autem ex virili genere Asclepiadæ sumus. Quare & hoc bonum a progenitoribus nostris profectum amplectimini.

Redeo ad Cadmum. Hic sane vir adeo commodi Græcorum studiosus fuit, ut cum regio ab Artemisiæ obsidione liberata esset, isthic relicta uxore, ac sobole, abiverit cum his qui eadem sentirent in Siciliam, quo Gelonem & fratres ejus prohiberet, ne amicitiam cum Barbaris contraherent contra Græcos. Perpetravit & alia multa egregia facta, quæ longius producere non est tempestivum. Atque hæc quidem & hujusmodi multa sunt publica progenitorum nostrorum in vos & alios Græcos beneficia. Nam deficit me dicendi facultas.

Venio autem jam ad hoc, ut beneficium Hippocratis patris mei apud eos, qui id sciunt, producam: quod hoc modo recensens, vera dicere cognoscar. Cum pestis ex Barbaria adflueret, quæ supra Illyrios ac Pæonas sita est, & cum

malum in hanc regionem venisset ; harum gentium Reges ad famam medicam , quæ vera erat , & undiquaque processerat , & ad patrem meum , nuncios miserunt in Thessaliam (illic enim pater meus & prius , & nunc domum habet) vocantes ipsum ad auxilium ferendum. Et non solum argentum , & aurum , & alias opes se missuros esse receperunt , sed etiam reportaturum esse quæcumque ipse vellet , si auxilium tulisset. Ipse vero cum interrogasset quales motus partiales fierent , & æstus , ac ventos , & caligines perscrutatus , itemque alia quæ habitus ex præsentis statu commovere solent ; cum sane omnia didicisset , illos quidem retro discedere iussit , & nulla sibi facultatem esse ad illorum regionem proficiscendi , pronunciavit. Verum ipse quamcitissime Thessalis denunciare studuit , quibus modis malum accedens caverent , & medelam conscriptam per urbes proponebat. Me vero in Macedoniam dimisit. Cum regibus enim Heraclidarum , qui isthic imperium obtinent , paterna nobis intercedit amicitia. Et ego quidem ibam a Thessalia eo , quo me pater iussit , auxilium his , qui isthic essent laturus. Injunxit autem mihi , ut etiam urbi vestræ opem ferrem. At fratrem meum Draconem ex Pagasis profectum , in Hellespontum navigare iussit , consimili consilio instructum , quali etiam ipse utebatur. Non enim omnes loci eadem auxilia ferunt , eo quod non omnis ambiens non aer similis est. Polybium vero , qui filiam ipsius , meam autem sororem habet , & alios discipulos , ad alios aliorum conventus & vias profecturos emisit , quo quamplurimis opitularetur. Postquam autem ipse res in Thessalia perfecit , ad vicinas gentes auxilium laturus proficiscebatur , & ad Pylas profectus , Doriensibus , & aliis , simul-

que Phocensibus auxilium tulit. Et cum sane ad Delphos pervenisset, supplicationem Deo pro Græcis fecit, & sacrificio factò, iter ad Beotos arripuit. Et cum ipsis opem tulisset, similiter ad vos progressus est, & sufficientia vobis ad salutem, quæ sane nunc ego produco, ex animo penitus dixit. Arbitror autem multos vestrum nosse, quod vera dico. Non enim ita diu est, sed nonus hic est annus, quando abivi, & in Peloponesum missus sum, isthic habitantibus opem laturus.

At vero undiquaque nobis, & verbis, & re ipsa, dignus honor contigit, ut minime pœniteat nos, quod non hunc cum quæstu ex Illyricis, ac Pæonibus oblato permutaverimus. Verum præ reliquis civitatibus magna sunt quæ a vobis data sunt. Nam & respublica vestra alias excedit. Athenæ enim altius quiddam sunt aliis urbibus, quantum ad gloriam adtinet. Et corona illa antea in vestro theatro patri imposita, ad summam æmulationem ac felicitatem ipsum evexit. Sed & hoc beneficium superastis, dum & patrem, & me publice Cereris & Proserpinæ mysteriis, ac sacris initiaistis.

Atque hæc quidem tria sunt beneficia, quantum ego verbis consequi potui, & fracta voce proferre, urbis, & progenitorum, & patris mei, in vos simulque multos Græcos. Quartum nunc dicere aggrediar, quod, velut antea dixi, in vos ego & pater meus collocavimus. Cum enim Alcibiadem emitteretis in Siciliam, multa quidem potentia, non autem ita multa, velut admiranda: & sermo in concione incidisset de Medico, quem exercitum sequi oporteret: pater meus progressus, me ad curanda corpora vestra se daturum esse promisit, propriis sumptibus instructum, & citra

mercedis exactionem, quam diu classis abesset, parvipendens suam utilitatem, ut qui sibi persuasisset, hoc in vestrum commodum cessurum esse. Ego enim non solum res meas infumebam, id quod faciebam vobis inserviens, sed etiam ad alia magna opera destinatus fui. Et hoc minimum est ex his, quæ sum dicturus. Decrevit enim pater ob me filium fortunæ fluctibus agitari, & in terra aliena, & in mari, & in periculis bellicis, & in ægritudinibus, quæ his qui erroneam vitam degunt, magis accedere solent, quam his qui ordinatæ vitæ rationem habent. Novit enim beneficium beneficio metiri, & non velut qui aliquid emisset, contractu ex manu in manum facto semel, discedere. Et hic quidem talia præstitit. Ego vero, ut qui filius illius sim, nihil studii & artis prætermisi, auxilium ferens, & periclitatus vobiscum, si quando occasio tulisset. Et ad hæc ambo præstanda, neque morbus, neque afflictio, neque timor in mari, & intra hostium manus, me prohibuit. Testes autem huius rei non alios aliquos, sed vos ipsos habeo. Quare si quis contradicere volet, is nihil cunctatus exfurgat. Verum non puto me mentiri. Cum autem hæc præstitissem ad annos tres, & aurea corona coronatus, & adhuc pulchrius laudatus; domum redii ad nuptias, quo & artis, & generis nostri successores producerem. Et quæ quidem a civitate, a progenitoribus, a patre, & a me vobis obtigerunt, hæc sunt. Dictum est autem quæ nos a vobis oblata tulimus.

Arbitror autem multos e vobis admirari, quæ de causâ hæc a me ex tam longinquo principio repetita sunt. Quo igitur & vos cognoscatis, & mihi ea quæ cupio contingant, tempestivum est, ut hoc dicam. Pater meus, o viri Athenienses,

& ego petimus vos (sic enim liberos, & amicos loqui decet, quo id, quod petunt ab amicis liberis, consequantur) contra patriam nostram hostilia arma ne sumatis. Si vero oportet, quemadmodum fortassis oportet eos, qui sua ipsorum causa progressi sunt, etiam rogamus, ne nos, qui ejusmodi & tam magna beneficia in vos priores contulimus, servorum loco habeatis. Insuper autem (nam & sic dicere conveniet) supplicamus, ne nostra faciatis vobis ipsis in bello captiva, si contigerit ut multo inferiores superetis.

Verum & hoc considerate, quod fortuna alias alia cito versat; & aliquando magni parvis opus habuerunt, & fortes per debiles salutem adepti sunt. Puto autem clarum esse, ne clarissimum dicam, quod ob unum virum non civitas, sed multæ gentes jam quandoque utilitatem in rebus bellicis consequutæ sunt. Et ubi ars in pretio est, neque nos contemnere poteritis. Nam neque ita viles ac contemnendi sumus, quemadmodum in vobis testimonium situm est. Verum ab initio quidem Dei, unde genus nostrum esse gloriamur, Æsculapius & Hercules in hominum utilitatem prognati sunt. Et hos propter virtutem, quam hic exercuerunt, omnes Deorum loco habent. Urbs autem mea, & ego qui ad vos verba facio, ad tales originem nostram referimus, quemadmodum sane hominum traditiones habent. Unde profecto etiam pro Græcis ambo hac parte, & in omni bono, ad ipsos tutandos stetisse apparebimus. Non enim fabula sunt res ad Trojam gestæ, sed facta, in quibus Cos cum insulis suis non minima, sed maxima ad ferendum auxilium existit. Sic vero etiam Æsculapii filii, non arte solum, sed etiam armis, Græcis auxilium tulerunt. Machaon equidem animam in Troade deposuit,

quando, velut scriptores de his prodentes dicunt, ex equo in Priami urbem venit. Proinde neque eo quod contribules, neque eo quod ex auxiliariorum numero auxiliares etiam ipsi Græcis sumus, nos injuria adfeceritis. Non in longum extendam sermonem, res Crisæorum, aut Persicas iterum repetendo, quando & ipsas audivistis, & in manibus magis sunt, quam ea quæ paullo ante relata sunt. Quin & sic cogitate, minime pium esse benefactores injuria adficere. Nos autem benefactores esse, facta ipsa clamant. Ex quibus patribus prognati esse videbimini (quemadmodum fabulatores dixerunt) si injuria adficere, quam benigni esse malueritis? Neque enim amarulentius quidquam dicere volo. Illi enim, o viri Athenienses, Heraclidis quidem gratias rependerunt. Aliis autem multis, beneficio adfecti, vicissim auxiliati sunt. Deficiat profecto me dies longius narrantem, si recensere velim, quot hominibus quanta bona obvenerint; qui nihil de vobis bene meriti fuerunt.

Circumspicite vos ipsos, & me nullo dicente, considerate qualia perpetretis. Mala res est potestas, o viri Athenienses. Non enim quæ sua sunt, mensura disponere novit. Sed & urbes quasdam & gentes jam perdidit. Si vero ad alios velut in speculum respexeritis, videritis ipsi quæ facitis, & ego vera dico. Quin & lex nova est: Quicumque felici rerum successu confusus, non etiam ad rerum difficultates respicit: Non est hoc vestrum, viri Athenienses. Multum enim etiam sic Deum tentaretis. Nullam vobis injuriam intulimus. Si vero etiam intulimus, non armis, sed verbis judicemur. Deptecamur autem vos etiam hoc, ne faciatis nos aliis gratiam debere, qui nobis auxilium ferent, auxilium enim

nobis ferent, si recte fecerint, & qui intra Theſſaliam, Argos, Lacedæmona, Macedoniam, ſunt reges, & ſicubi alii Heraclidæ, aut Heraclidarum cognati habitant. Præſtat citra violentiam, quam vi coactos facere quæ juſta ſunt. Non dico de inſolenti adverſum vos rebellionem; verum hoc vobis manuſcriptum facio, quod multi noſtri curam gerunt, aut certe curam habebunt, niſi undiquaque de terra periit, benignos adhuc eſſe homines. Ego quidem igitur, exigux enim mihi ſunt ad dicendum vires, utpote qui aliarum rerum ſtudio ſim addiſtus, hic deſinam.

Rogo autem vos per hoſpites noſtros, & per eos qui nobis conſiliarii eſſe conſueverunt, & per Deos, & Heroas, ac gratias, quæ hominibus ab hominibus contingunt, ut inimicitias quidem veſtras adverſum nos deponatis, ad amicitiam vero vos convertatis. Si enim non in veſtra civitate hæc conſequemur, haud ſcio quo progreſſi, eorum, quæ cupimus, compotes ſiemus.



HIPPOCRATIS
VITA EX SORANO,
JANO CORNARIO

[MEDICO PHYSICO INTERPRETE.

HIPPOCRATES genere Cous fuit, Heraclidæ & Praxithæ filiæ Phenaretæ filius. Ad Herculem autem & Æsculapium originem generis sui referebat, ab alteroque se vigesimum, ab altero decimum nonum se numerabat. Ejus autem genealogiæ Eratosthenes mentionem facit, & Pherecydes, & Apollodorus. Arius item Tarsensis.

Cæterum parentis sui Heraclidæ discipulus fuit, deinde Herodici, & ut quidam tradunt, Georgiam Leontinum rhetorem audivit, & Democritum philosophum Abderiten. Floruit temporibus Peloponesiacis, natus (velut Istomachus in primo de Hippocratis secta tradit) primo octogesimæ Olympiadis anno. Soranus vero Cous, qui Coorum bibliothecas perscrutatus est, addit, sub Abriadæ monarchia, Agriani mensis septima & vicesima die, in qua etiam usque in hunc diem Coos Hippocrati omnia sacra facere tradit.

Porro quum in arte medica, totoque disciplinarum orbe exercitatissimus esset, functis vita parentibus, ex patria discessit, ut quidem maligne de eo Andreas in eo, quem de medicinæ origine scripsit, libro prodit propterea quod publicam Cnidiorum bibliothecam igne concremasset.

Alii

Alii autem eo proposito eum patriam reliquisse dicunt, ut rei medicæ effectus & successum per multos locos cognosceret, & in his variis modis exercitaretur, quemadmodum vero Soranus Cous narrat, somnus deus eum per somnium admonuit, quo se ad Thessalorum regionem inhabitandam conferret.

Cæterum per omnem Græciam medicinæ gloria omnibus admirationi fuit, adeo ut etiam a Perdicca Macedonum rege, qui tabe laborare putabatur, vocatus publice sit, ad ipsumque unacum Euryphonte, qui ipso ætate major erat, pervenit; animique hunc regis adfectum esse certis signis deprehendit. Post mortem enim Alexandri parentis, unam ex pellicum ejus numero Phylam nomine Perdiccas deperibat, ad quam quum rem ipsam Hippocrates detulisset, postea ex illius conspectu omnino illum mutari observavit, atque ita morbo depulso regem conservavit. Vocatus est & Abderam, quo præsens ipse Democritum ab insania liberaret, atque eo fanato, a tota urbe pestem depelleret. Quin & in Illyricum plurimasque barbaras terras peste ingruente, & illarum gentium regibus ipsum ad se vocantibus, quum a legatis ipsorum, qui venti in illis regionibus vigerent, didicisset, ipsos re infecta dimisit. At vero, quum prudenti ratiocinatione pestem in Atticam grassaturam prævidisset, futurum id prædixit, & tum civitatum, tum discipulorum curam gessit, intantumque Græciæ amator fuit, ut quum ipsius nominis celebritas usque ad Persas divulgaretur, atque ea gratia ab Artaxerxe per Histanidem Hellesponti præfectum, magnis muneribus & precibus, ut ad ipsum veniret, invitaretur, ob honestatem, argentique contemptum, ac Græciæ amorem, regi id denegarit,

quemadmodum & hoc ex epistola ejus ad illum manifeste ostenditur.

Propriam porro patriam liberavit, quum Athenienses ei bellum illaturi essent, Theſſalis ad auxilium ferendum rogatis, quapropter ſplendidos honores apud Coos conſequutus eſt : imo & apud Theſſalos, Argivosque, & Athenienſes, qui eum Eleuſiniis ſacris ſecundum ab Hercule publice initiarunt, & civem conſcripſerunt, atque in Prytaneo alimenta tum ipſi, tum poſteris ejus dederunt. Liberaliter autem, & minime invidioſe ſtudioſos artem edocuit, decenti jurejurando prius adſtrictos.

Vita functus eſt apud Lariffæos, quando & Democritus obiſſe traditur, atque alii quidem nonageſimo ætatis ſuæ anno, alii octogeſimo quinto, alii centeſimo quarto, quidam vero centeſimo nono deceſſiſſe tradunt. Sepultus autem eſt inter Gyrtoneſ & Lariffam, ubi uſque in hunc diem monumentum ejus cernitur, in quo ſane ad multum tempus examen apum mellificantium erat, quo melle ad infantum oris ulcuſcula juxta tumulum illito, nutrices ea facile perſanabant.

Porro in multis imaginibus velato capite pingitur, ut quidam ajunt pileo, quod nobilitatis ſignum eſt : nam hoc modo etiam Ulyſſes pileatus cernitur. Alii autem pallio velatum dicunt, atque ex his aliqui, decoris gratia, id fieri adferunt, quandoquidem calvus erat : aliqui vero ob capitis imbecillitatem id fieri perhibent, aliqui autem ſignificanter id ab eo factum volunt, nimirum quod principem rationalis animæ ſedem probe munitam & conſectam eſſe oporteat. Alii ſignum peregrinationes amantiſ eſſe ferunt : alii vero rurfus obſcuritatem ſcriptorum ipſius per
hoc

hoc significari contendunt. Alii postremum in testificationem id fieri volunt, quod etiam fanitatis tempore ea, quæ lædere possunt, cavere debeamus. Quamquam quidem affirmant, quod in administratione rerum gerendarum, ne quid a circumfluo pallio manus ipsius impedirentur, id ipsum complicatum in caput rejicere consueverit.

Cæterum de scriptis ipsius multa dissensio est, quare fit, ut quum alia alii opinentur, non facile sit de ipsis certum quid pronunciare, ob multas præsertim causas, quæ iudicii certitudinem obfuscant: velut est primum quidem cognomen. Secundo, quod dictionis characterem possibile sit servare. Tertio, quod unus, & idem modo robustiore, modo remissiore dictione per ætatem utatur: neque desunt etiam aliæ præter has causas, si referre libeat.

Pecuniarum autem penitus contemptor fuit, moribusque sanctis, ac Græcorum amator, quare etiam gentiles suos summa diligentia curavit, adeo ut a peste omnes ipsorum civitates liberaret, quemadmodum supra dixi. Unde & splendidos honores non apud Coos tantum, sed & apud Argivos & Athenienses est consequutus.

Filios a morte reliquit duos, Thessalum & Draconem, discipulorum vero magnum numerum. Clarissimi vero ipsius filij fuisse perhibentur.

* * *

*

DE VITA ET FAMILIA

SCRIPTISQUE

HIPPOCRATIS

TESTIMONIA

EX

JOANNE ANTONI DE VANDER LINDEN.

J. O. A. T Z E T Z E S.

Histor. VII. Chiliad. CLV. 945.

PAULO LACISIO, VERONENSI,
interprete.

ISTE Cons Medicus, magnus Hippocrates,
Patre quidem erat Heraclida, matre autem
Phænareta,

Exsistens septimus decimus, ex Æsculapii pro-
genie.

Post enim Trojæ captionem, in trajectione Rhodi,
Podalirius filius Æsculapii exsistens,

Hippolochum genuit, ex quo Solstratus natus est,
Ex quo Dardanus, ex quo Crisamis, ex quo
Clemyttades,

Cujus filius Theodorus, ex hoc autem Solstra-
tus alius,

Ex quo Soltrato Crisamis secundus natus est.

Crisamide Theodorus secundus rursus natus est.

Ex Theodoro hoc autem Solstratus tertius,

Ex quo Nebrus, ex quo Gnosidicus, ex quo
Hippocrates.

Primi Hippocratis autem, filii Gnosidici,

Filius erat Heraclidas : ex quo , & Phænareta ,
 Ille magnus , qui & secundus , fuit Hippocrates.
 Quem pater Heraclidas , quæ medicorum sunt ,
 docet :

Quique ex Selybria Herodius , cum hoc.
 Gorgias Leontinus vero artem rhetorum ,
 Philosophiam post ipsos Democritus ille.
 In Coe autem librorum custos designatus Hip-
 pocrates ,

Antiquos medicorum exussit libros ,
 Et librorum armentarium , quapropter fugiens
 illinc

In Hedonis moratus est , Græcia , Theſſalia ,
 Artaxerxæ contemporaneus exſiſtens , & Perdicæ.
 Filii Hippocratis autem , Theſſalus atque Dracon ,
 Quos , & Praxagoram Coen , atque alios ,
 Medicinam docuit , ſcripſitque libros
 Tres & quinquaginta. Deinde moritur autem ,
 Annorum exſiſtens centum ſimul atque quatuor.
 Mortuus autem ſepultus eſt medio inter Lariffam ,
 atque Gyrtonem.

Septem Hippocrates autem ſciſto fuiſſe :
 Gnoſidici primum quidem , Heraclidæ autem ſe-
 cundum ,
 Illum Theſſali , illum Draconis , duos filios
 Thymbræi ,

Et illum Praxianactis ſeptimum Hippocratem.
 Septem Hippocrates quidem : iſte autem pingebatur

Contegens ſuum caput ſuo cum veſtimento.
 Quatuor autem cauſſas hujus dicunt eſſe :
 Vel enim dolens caput , vel velut peregrinus ,
 Vel tamquam oſtendens ratiocinationis inſtru-
 mentum id eſſe ,

Vel quo modo in chirurgiis oporteat caput operire.
 Hoc faciebat vir , & ſic depingitur.

Male autem quidam dicunt, empiricum virum.
 Ex Ephesio Sorano res Hippocratis exposui.
 Qui Hippocrates Medicus, Heraclidæ, Cous,
 Jubebat (sententiis erudiebat medicorum genera)
 In alienis calamitatibus proprias vindemiare tri-
 stitias.

VI. 2. S V I D A S

Lexico.

Æ M. P O R T O interprete.

Cos: insula. Unde Hippocrates medicus. Quæ
 & Meropis vocatur.

S T E P H A N U S

de Urbibus.

JO. ANT. VANDER LINDEN interprete.

Cos urbs, & insula. Hinc vero cognomen
 Hippocrates, & Erasistratus medici acceperunt.
 Erat autem Hippocrates ex Nebridis dictis. Ne-
 brus enim fuit nobilissimus Asclepiadarum: cui
 & Pythia testimonium perhibuit, cujus, Gnos-
 dicus: Gnosidici, Hippocrates, & Ænius, & Po-
 dalirius. Hippocratis, Heraclides, cujus, Hippo-
 crates ille celeberrimus, qui & admirabiles libros
 reliquit.

ISIDORUS HISPALENSIS,

Geograph. sive Orig. XIV. 5.

Coos insula, adjacens provinciæ Atticæ, in
 qua Hippocrates medicus natus: quæ, ut Varro
 testis est, arte lanificii prima in ornamento femi-
 narum inclaruit.

SVIDAS

Lexico.

ÆM. PORTO interprete.

Hippocrates Cous medicus, Heraclidæ filius, *artis medicæ peritissimus*. Præfertur enim etiam avo, & patri Heraclidæ, quamvis ejusdem nominis esset, quod tanquam sidus, & lumen fuerit medicinæ, quæ vitæ est utilissima. Fuit autem unus ex posteris Chrysi, & Elaphi, illius filii, qui & ipsi fuerunt medici. Hic primum quidem fuit discipulus patris, postea vero Herodici Selybriani, & Gorgiæ Oratoris ac philosophi; ut vero quidam *tradunt*, Democriti Abderitæ. Ipsum enim adolescentem ad illum jam senem accessisse *ferunt*. Ut vero quidam *dicunt*, fuit & Prodicti discipulus. Commoratus est in Macedonia, Regi Perdiccæ admodum charus. Duos habuit filios, Thessalum, & Draconem. Obiit autem ætatis anno CIV. Sepultus est Larissæ in Thessalia. In imaginibus autem traditur ipsum habere caput veste involutum, & tectum: vel quod hic esset ejus mos, vel propter peregrinandi studium, quo flagrabat, vel ob peculiarem in chirurgia morem. Hic multa scripsit, & apud omnes clarus evasit: adeo ut magnus ille Persarum rex, qui vocabatur Artaxerxes, scriptis ad Hyllanem litteris, hujus viri sapientiam expetiverit. Rex regum, & cætera. Libri autem ab Hippocrate scripti omnibus medicinæ studiosis sunt notissimi, eosque adeo amplectuntur, *tantique faciunt*, ut divinas, non autem ex humano ore progressas voces *esse putent*. Præcipuos tamen & ipsi recensebimus: Primus igitur liber est ille, qui *medicum* juramentum continet: Secundus vero, qui prædictiones explicat:

Tertius Aphorismorum , qui superat ingenium humanum: Quartum locum teneat celeberrimum illud, & valde admirabile opus, quod a LX. librorum numero vocatur Hexecontabiblus, quod omnem medicam scientiam, & sapientiam continet.

Hippocrates, Gnosidici filius, Cous, pater Heraclidæ, patris Hippocratis, medicus & ipse, e familia Asclepiadarum, Artem medicam *scripsit*.

Hippocrates, Thessali F. Cous medicus, nepos Hippocratis secundi, filii Heraclidæ, *scripsit* & ipse medica.

Hippocrates quartus Draconis F. Cous medicus, ejusdem & ipse generis, qui curavit Roxanen. Sub Cassandro autem, Antipatri filio, de vita decessit; *scripsit* & ipse medica.

Hippocrates duo, quintus, & sextus medici, Thymbræi filii, Coi & ipsi, ejusdem generis; *scripserunt* ambo in eandem scientiam.

Hippocrates septimus, Cous, & ipse medicus, Praxianactis filius, ejusdem & ipse generis; *scripsit* & ipse de eadem arte.

J O H. T Z E T Z E S.

Histor. x. *Chil.* CCCXLIX. 722. ut & XII.

Chil. CCCCXXXIV. 638.

PAULO LACISIO VERONENSI.
interprete.

ASCLEPIADÆ igitur vocantur quidem proprie,

Quotquot trahunt feriem a genere hoc,

Sive medici, sive aliam exercentes vitam,

Quemadmodum Hippocrates, atque alii complures.

Medici vero dicuntur magis abusive

Asclepiadæ omnes, ab arte hujusmodi:
Quemadmodum & Nicomachus, pater Aristotelis.

A. C O R N. C E L S U S

Præfat. pag. edit. Linden. 3. lin. 3.

Democriti autem, ut quidam crediderunt, discipulus Hippocrates Cous, primus ex omnibus memoria dignis ab studio sapientiæ disciplinam hanc separavit, vir & arte, & facundia insignis.

S V I D A S

Gorgia

Æ M. P O R T O interprete.

Gorgias Charmiantidæ *filius*, Leontinus, Rhetor, Empedoclis discipulus, magister Poli Agrentini, & Periclis, & Isocratis, & Alcidamantis Eleatæ, qui & in schola ipsi successit. Frater autem fuit Herodici medici.

S V I D A S

Democrito

Æ M. P O R T O interprete.

Ipsius vero discipulus insignis fuit Metrodorus Chius. Cujus vicissim auditores *fuerunt* Anaxarchus, & Hippocrates medicus.

E U S E B I U S P A M P H I L U S

Chronic. lib. I. pag. edit. Scal. 55. l. 8. 12. 17.

V. L. interprete.

Sub Artaxerxe Longimano etiam Peloponnesiacum bellum fuit patratum. Tunc Hippocrates Cous medicus innotuit.

IDEM *ibid.* p. 55. l. 28.

Macedonibus imperante Perdicca, Hippocrates
Cous medicorum optimus innotuit, genus Ascle-
piada.

E U S E B. P A M P H I L U S

Chron. can. p. edit. Scal. 172.

D. H I E R O N Y M O interprete.

l. II. p. ed. Scal. 133.

Olymp. LXXXVI. Democritus Abderites, &
Empedocles, & Hippocrates medicus, Gorgias,
Hippiasque, & Prodicus, & Zeno, & Parmeni-
des Philosophi insignes habentur.

L U C I A N U S

Philopseudei

J O H. B E N E D I C T O interprete.

Et mihi, o Eucrates, est æreus Hippocrates,
magnitudine ferme cubitali, qui duntaxat ex-
tincta lucerna, totam domum in orbem ambit,
strepens, & pyxides evertens, & pharmaca com-
miscens, & ostium subvertens, imprimis si sa-
crificium differamus, quod ei quotannis facimus.
Postulat ergo, inquam ego, etiam Hippocrates
medicus jam ut tibi sacrificetur, indignaturque
nisi in tempore justorum sacrificiorum epulis ac-
cipiatur? quem boni consulere oportebat, si quis
ei libaret, aut mulsum infunderet, aut caput co-
ronaret.

M A X. T Y R I U S

Serm. VII.

C O S M O P A C C I O interprete.

Horum igitur aliquis si figulum audiat dicentem, homines hujusmodi, quod ea ratione compositi essent, ut nequaquam Hippocratis curationibus egerent, oportere Hippocratem ipsum coronatum velleribus, ac delibutum unguentis, in alium locum amandare, ubi vigentes morbi, ejus operam expolerent, & medicinam honorabilem redderent.

P L I N I U S S E C U N D U S

Hist. nat. XXIX. I.

Diis primum inventores suos adsignavit, & cælo dicavit. Nec non & hodie multifariam ab oraculis medicina petitur. Auxit deinde famam etiam crimine, ictum fulmine Æsculapium fabulata, quoniam Tyndaridem revocasset ad vitam. Nec tamen cessavit narrare alios revixisse opera sua, clara Trojanis temporibus, quibus fama certior, vulnerum tamen dumtaxat remediis. Sequentia ejus (mirum dictu) in nocte densissima latuere usque ad Peloponnesiacum bellum: tunc eam revocavit in lucem Hippocrates, genitus in insula Coe, imprimis clara ac valida, & Æsculapio dicata. Is, cum fuisset mos, liberatos morbis scribere in templo ejus Dei, quid auxiliatum esset, ut postea ea similitudo proficeret, exscripsisse ea traditur, atque (ut Varro apud nos credit) jam templo cremato, instituisse medicinam hanc, quæ Clinice vocatur.

ISIDORUS HISPALENSIS

Orig. IV. 3. 4.

Medicinæ autem artis auctor ac repertor apud Græcos perhibetur Apollo. Hanc filius ejus Æsculapius laude vel opere ampliavit. Sed postquam fulminis ictu Æsculapius interiit, interdicta fertur medendi cura, & ars simul cum auctore defecit, latuitque per annos pene quingentos usque ad tempus Artaxerxis regis Persarum. Tunc eam revocavit ad lucem Hippocrates, Asclepio patre genitus, in insula Coo.

Itaque tres viri totidem hæreses invenerunt. Prima Methodica inventa est ab Apolline, quæ remedia sectatur, & carmina. Secunda Empirica, id est experientissima, inventa est ab Æsculapio, quæ non indiciorum signis, sed solis constat experimentis. Tertia Logica, id est, rationabilis, inventa ab Hippocrate. Iste enim discussis ætatum, regionum, vel ægritudinum qualitatibus, artis curam rationabiliter perscrutatus est.

Auctor Medici, c. I.

JO. ANDERNACO interprete.

Perfectam medicinam, & omnibus numeris absolutam, illam divinam scilicet, Æsculapius solus invenit. Illam vero, quæ inter homines versatur, hujus successores, Asclepiadæ posterius veluti hæreditario acceptam tradiderunt, maxime Hippocrates, qui omnibus facile præcelluit, primusque perfectam apud Græcos medicinam in lucem protulit.

PHILOSTRATUS

de Vita Apollon. Tyanei III. 114.

F E D. M O R E L L O interprete.

Iarchas multa bona erga homines divinationem efficere dixit. Inter quæ præcipuum est medicinæ donum. Non enim, inquit, ii, qui sapientes in hac arte habiti sunt, Æsculapii filii tam multum profecissent, nisi Apollinis filius Æsculapius, juxta patris vaticinia morbis proficua remedia composuisset: quæ ille deinceps filios docens, atque illi nepotibus posterisque tradentes, amicis tandem, familiaribusque eadem demonstrarunt.

SORANUS EPHESIUS

Pref. in Artis med. Isag.

Medicinam quidem invenit Apollo, amplificavit Æsculapius, perfecit Hippocrates: quem mihi hominis ducem, & judicem omnium causarum, & quæstionum oportet accipere, tamquam parentem, & inventorem omnium bonorum operum, per quem Logica nobis juxta rationem est facta traditio.

A U C T O R

l. de Catharticis c. I.

Hippocrates libros, amore medicinæ per diversas civitates, provincias, & singulas regiones proficiscens, experimento cognoscitur collegisse, & artificiose vitam & theoremata consummasse: & quomodo ordinando nobis medicinam deditam, voluisset perquirere, ut posteris traderet.

ÆLIANUS

Varia hist. IV. 20.

JUSTO VULTEJO interprete.

Dicunt etiam in primo congressu cum Democrito Hippocratem de ipso tamquam de stulto sensisse. Postquam vero ipsis familiaritas intercesserat, mirum in modum admiratum esse hominis sapientiam.

JOA. TZETZES

Histor. I. Chil. lxi. 978.

PAULO LACISIO

Veronenſi interprete.

Abderites Democritus, filius Hegesistrati,
 Leucippi autem discipulus, discipuli Melissi,
 Tamquam vere philosophus, omnia pulcre sciens,
 Semper vanitatem vitæ deridebat.
 Abderitæ autem arbitrati insanire virum,
 Decem talentis dono missis Hippocrati,
 Rogabant curatum venire medicum Coum.
 Medicus autem profectus navi, & absque pecuniis,
 Conspicatus Democritum ipsum, iterum reversus est,
 Plus ipse curatus, quam qui curasset hunc:
 Confessusque gratias omnibus Abderitis,
 Quod talem propter sapientem virum agnoverit.

DIOGENES LAËRTIUS

Democrito l. IX.

FR. AMBROSIO interprete.

Refert autem Athenodorus in VIII. Deambulationum libro, quum ad Democritum Hippo-

crates venisset, jussisse afferri lac, inspectoque lacte dixisse. Et capellæ primi partus & nigræ est. Unde maximum diligentiae suæ miraculum Hippocrati fecisse. Sed & puellam Hippocratis comitem, primo die ita salutasse, salve virgo: postridie vero, salve mulier. Fuerat enim puella nocte illa vitiata.

S V I D A S

Democrito.

Æ M Y L. P O R T O interprete.

Democritus Abderites non adiit Athenas, sed tantam urbem contempsit. Nam non a loco gloriam accipere volebat: sed loco gloriam conciliare studebat. Cum autem Hippocrates ad Democritum venisset, *ajunt* jussisse lac adferri: quod cum vidisset, dixisse, lac esse capræ primiparæ & nigræ. Hippocratem vero admiratum fuisse ipsius accuratam rerum cognitionem. Quin etiam puellam, quæ cum Hippocrate ad ipsum accesserat, primo quidem die ab ipso sic salutatam: salve puella. Postridie vero, salve mulier. Illa enim puella noctu fuerat stuprata.

P L I N I U S

Histor. nat. VII. 37.

Hippocrates (enituit) medicina: qui venientem ab Illyriis pestilentiam prædixit, & discipulos ad auxiliandum circa urbes dimisit: quod ob meritum honores illi, quos Herculi, decrevit Græcia.

de Re rust. l. 4.

Annon ille Hippocrates medicus in magna pē-
stilentia, non unum agrum, sed multa oppida,
scientia fervavit?

BARTHOL. SYLVANIUS

interpres.

Hippocratis apud Græcos omnes memoria in
ævum durabit, quandoquidem publice est de om-
nibus bene meritus.

AETIUS AMIDENUS

tetrab. II. serm. l. c. 94.

JANO CORNARIO interprete.

Sed & rogo ingenti exstructo & incenso aerem
ad caliditatem & siccitatem transmutare quis po-
test, humidum & frigidum factum, quemadmo-
dum Hippocratem Athenis fecisse dicunt, item-
que Acronem Agrigentinum.

N I C O M E D I S ,

sive ut alii ,

B A S S I

in Hippocratem distichum recurrens ,

ex Anthol. Epigrammat. l. l. c. 39.

Hippocrates fuit arx miseris, ac gentibus ægris
Reddidit hic vires: Dis, tibi pauperies.

Recurrens.

Pauperies tibi, Dis: vires hic reddidit ægris

Gentibus , ac miseris arx fuit Hippocrates.

Joh. Coccejus.

A U C T O R

l. de Ther. ad Pison. c. 16.

JUL. MART. ROTA interprete.

Quocirca summis laudibus prosequor admirandum Hippocratem , qui pestem illam ex Æthiopia ad Græcos venientem non alio præsidio repulit , quam aerem purum faciendo , ne ab hominibus (qualis tunc erat) infectus hauriretur. Præcepit itaque ut per totam civitatem ignis accenderetur , qui non solum ex simplici materia constaret , sed bene olentes coronas & flores haberet. Talia siquidem ignibus alimenta subministrari consuluit , ut & unguenta quam pinguißima infunderent , & id genus alia bonum odorem fundentia : ut hoc pacto cives aerem purum inspirantes ab imminente lue tuti forent ,

G A L E N U S

l. Quot opt. med.

LUD. BELLISARIO interprete.

An nostris seculis quemquam memorare possumus , qui tantum habere cupiat , quantum sit ad usum vitæ necessarium ? qui non verbis tantum effingere , sed etiam propriis vitæ exemplis docere possit divitiarum terminum , qui quidem sit secundum naturam , nec ultra , quam ut fames , sitis , frigus absit , progredi. Sed , si quis tamen ejusmodi est , is & Artaxerxis & Perdiccæ potestatem contemnet , nec unquam in conspectum hujus ibit : huic vero sic ægrotanti , ut Hippocratis artem desideret , medebitur quidem , non

tamen semper cum eo esse volet, sed Cranonem & Thasum, aliaque ad oppida multa proficiscetur, ut pauperibus his locis ægrotantibus curationes adhibeat. Cois hominibus civibusque suis Polybium aliosque discipulos relinquet: ipse Græciam peragens omnem perquiret, (*vel* occupabit) ut naturam locorum, sicut oratione (*vel* narratione) didicit, sic experimentis comprobet.

SCRIBONIUS LARGUS

Epist. ad C. Jul. Callistum.

Hippocrates conditor nostræ professionis initia disciplinæ ab Jurejurando tradidit: in quo sanctum est, ne prægnanti quidem medicamentum, quo conceptum excutitur, aut detur, aut demonstretur a quoquam medico, longe præformans animos discipulorum ad humanitatem.

OCTAVIANUS HORATIANUS

ad Victoriam III. 6.

Abortivum dare nulli unquam fas est. Ut enim Hippocratis attestatur adjuratio, tam duri reatus conscientia medicorum innocens officium non debet maculari.

TER TULLIANUS

de Anima c. 25.

Atqui & in ipso adhuc utero infans trucidatur, necessaria crudelitate, quum in exitu obliquatus denegat partum; matricida, ni moriturus. Itaque & inter arma medicorum & organon est, quo prius patefcere secreta coguntur, tortili temperamento, cum anulo cultrato, quo intus membra cæduntur, anxio arbitrio; cum
hebetes

hebetes unco , quo totum facinus extrahitur violento puerperio. Est etiam æneum speculum , quo jugulatio ipsa dirigitur , cæco latrocinio : ἐμβρυοσφελκτιν appellant , de infanticidii officio utique viventis infantis peremptorium , hoc & Hippocrates habuit , & Asclepiades , & Erasistratus , & majorum quoque professor Herophilus ; & mitior ipse Soranus , certi animal esse conceptum , atque ita miserti infelicissimæ hujusmodi infantiae , ut prius occidatur , ne viva lanietur.

. SORANUS EPHESIUS

Ifag. Art. med. c. 3.

Memor etiam sit juramenti Hippocratis , ut ab omni culpa abstineat , maxime venereo , & corruptibili actu. Ea quæ in domibus aguntur , & dicuntur , tamquam mysteria celanda existimet. Sic enim sibi & arti ampliorem laudem acquirat. Habeat etiam digitorum elegantiam & subtilitatem , ut suavis omnibus videatur , & in tangendo subtilior appareat : hæc enim & ipse Hippocrates dixit.

D. HIERONYMUS

ad Nepotianum de Vita Clericorum cap. 18.

Hippocrates adjurat discipulos , antequam doceat , & in verba sua jurare compellit , extorquet sacramento silentium , sermonem , incessum , habitum , moresque præscribit : quanto magis nos , quibus animarum cura commissa est , omnium Christianorum domos debemus amare quasi proprias ?

Princ. Art. Med. Tom. IV.

Y.

A V E N Z O A R

II. *Theifir.* I. 5.

Quilibet medicus tenetur observare præcepta Hippocratis: quæ sunt, quod medicus non debet discipulum docere, nisi prius jurare ipsum faciat, ne utatur medicinis mortiferis, vel venenosis ullo modo.

M. A N T O N I N U S

Imp. de Rebus suis lib. III. §. 3.

T H. G A T A K E R O interprete.

Hippocrates, ubi multos fustulerat morbos, morbo tandem & ipse sublatuſ est.

I G N O T I

Epitaphium Hippocratis.

Exc Anthol. Epigrammat. sect. III. c. 15.

Theſſalus Hippocrates, Cous genere, hac jacet urna,

Phœbi immortalis ſemine progenitus.

Crebra trophæa tulit morborum armis medicinæ,

Laus cui magna, nec id ſorte, ſed arte fuit.

Th. Morus, Angluſ.

Æ L I A N U S

Var. hiſt. iv. 20.

J U S T O V U L T E J O interprete.

Dicunt præterea, Hippocratem fuiſſe Doriem: ſed in gratiam Democriti Jonica lingua ſuos libros ſcripſiſſe.

C. PLINIUS SECUNDUS

Nat. hist. XXVI. 2.

Hippocrates certe, qui primus medendi præcepta clarissime condidit, referta herbarum mentione invenimus volumina.

M. A U R. C A S S I O D O R U S

Divin. lect. c. 31.

Post hæc legite Hippocratem, atque Galenum latina lingua conversos, id est, Therapeutica Galeni ad philosophum Glauconem destinata. Deinde Cælii Aureliani de medicina, & Hippocratis de Herbis & curis.

D. A U G U S T I N U S

contra Manicheum XXXIII. 5.

Nonne, ut alios omitam, sub Hippocratis medici nobilissimi nomine quidam libri prolati in auctoritatem a medicis non recepti sunt? Nec eos adjuvit nonnulla similitudo rerum, atque verborum, quando comparati eis, quos vere Hippocratis esse constaret, impares judicati sunt, & quod ab eo tempore, quo & cætera scripta ejus, non innotuerunt, quod vere ejus essent. Hos autem libros, quibus illi, qui de transverso proferuntur, comparati respuuntur, unde constat esse Hippocratis, unde si quis hoc neget, nec saltem refellitur, sed ridetur, nisi quia sic eos ab ipso Hippocratis tempore usque ad hoc tempus, & deinceps successionis series commendavit, ut hinc dubitare dementis sit.

A. CORN. CELSUS

de Medic. VIII. 4. p. edit. Linden. 515. l. I.

A futuris se deceptum esse, Hippocrates memoriæ prodidit, more scilicet magnorum virorum, & fiduciam magnarum rerum habentium. Nam levia ingenia, quia nihil habent, nihil sibi detrahunt. Magno ingenio, multaque nihilominus habituro, convenit etiam simplex veri erroris confessio; præcipueque in eo ministerio, quod utilitatis causa posteris traditur; ne qui decipiantur eadem ratione, qua quis ante deceptus est. Sed hæc quidem alioquin memoria magni professoris, uti interponeremus, effecit.

M. F. QUINTILIANUS

Instit. Orat. III.

Nam & Hippocrates clarus arte medicinæ, videtur honestissime fecisse, qui quosdam errores suos, ne posterii errarent, confessus est.

P L U T A R C H U S

de Prof. in virtute.

Qui vero re ipsa proficit, exemplum Hippocratis sibi imitandum ducet, qui errorem suum de futuris capitis professus est, inque litteras retulit, existimabitque indignum fore, si (cum tantus vir, ne alii eodem erroris venirent, suam testatam fecerit ignorantiam) ipse salutis suæ studio non audeat stultitiam inscitiamque suam detegere atque confiteri.

P A U S A N I A S

Phocic. x.

ROMULO AMASÆO interprete.

Phocenses ejus fratri Phayllo summa cum potestate imperium decreverunt. Ei vix dum ad imperandum aggresso talis oblata est per somnium species. Inter Apollinis donaria pervetus effigies quædam fuit, ex ære, hominis, cui diuturniore morbo carne consumpta, sola essent reliqua ossa, agebant Delphi ab Hippocrate medico dedicatam, Huic Phayllus se similem factum videre visus est: ac paucis post diebus macie contabescens somnii eventum implevit.

S U I D A S

Lexico.

Æ M. P O R T O interprete.

Thessalus, Cous medicus, illius illustris Hippocratis filius, cujus iterum *fili fuerunt* Gorgias & Hippocrates. Scripsit libros de re medica sex.

Dracon, nepos Hippocratis illius insignis medici, ex Thessalo f. pater Hippocratis, ex quo, rursus natus est Dracon, & ipse medicus, qui Rhoxanen Alexandri Macedonis conjugem curavit.

G A L E N U S

de Vict. rat. in morb. acut. III. 42.

J O A. V A S S Æ O interprete.

Erasistratus malitiose satis criminatur Hippocratem, discipulos ipsius prope accusans, Apollonium, & Dexippum: quos ait cereos cyathos

duodecim in sextantali cotylæ cyatho effinxisse, atque unum ex illis, aut duos febrientibus admetiri. Verum Erasistratus de Apollonio quidem & Dexippo mentionem facit, nec ullum eorum librum ostendere potest.

S V I D A S

Lexico.

ÆMIL. PORTO interprete.

Dexippus, Cous, medicus, Hippocratis discipulus. Qui arcessitus ab Hecatomno Carum rege, ut ipsius filios desperatos, Mausolum & Pixodorum, curaret, eos ea conditione sanavit, ut bellum, quod tunc adversus Caras Coos potius gerebat, deponeret. Scripsit unum medicum librum, & de præcognitionibus duos.

P L U T A R C H U S

de Stoic. repugn.

Enimvero nobilissimi medicorum testimonium Platoni perhibent, Hippocrates, Philistio, Dexippus Hippocraticus.

J O H. M A N D E V Y L E

de Itinerario cap. 6. De filia Hippocratis mirabile.

Exinde itinerando itur ad insulam de Orecia, & postea ad insulam, quæ Stanco dicitur, & ad insulam de Lango, de quibus insulis Hippocrates exstitit dominus. Et dicitur adhuc, quod in insula de Lango restat adhuc filia Hippocratis, in effigie magni Draconis, qui centum toysas continet longitudinis, sicut dicitur (nam ipse non

vidi) inclusa, quam habitatores dictæ insulæ vocant Dominam patriæ. Jacet autem in quodam castello antiquo: & aliquando ostendit se quibusdam personis, eis minime nocendo, nisi eam aliquis læserit. Fuit autem dicta filia aliquando mutata de pulchra puella in draconem, per unam deissam, quæ Diana vocabatur, & dicitur quod aliquando reducetur ad gradum pristinum, quando videlicet inventus aliquis miles, in tantum audax, quod osculetur eam ore ad os. Sed quando conversa fuerit in mulierem, non vivet ulterius.

Unde modico tempore transacto quidam miles de hospitali de Rodes, valens & audax dixit, quod eam deoscularetur: & adscendens cursorium suum transtulit se ad dictum castrum. Et ingrediendo cavernam Draconis, incepit Draco caput suum contra militem erigere. Cernens igitur miles Draconis vultum horribilem, atque terribilem nimis, rediit de caverna: at equus militis horrore tanto perterritus, super ripam altam profiliens adscensorem projecit in mare, & ita cum equo suo demersus interiit.

Iterum juvenis quidam Draconem prædictum ignorans exiens de navi per medium insulæ incedens, & dictum ingrediens castellum, & cavernam Draconis processit ulterius, & in quadam interiori caverna vidit puellam capillos capitis parantem præmissis speculo ante faciem dictæ domicellæ. Circa quam thesaurus non modicus erat appositus. Cogitansque penes se credit eam fuisse mulierem communem. Expectans tandem juvenis, quousque ejus umbram cerneret, puella quæsit, quis esset juvenis ille. Qui respondebat, quod intendebat esse sponsatus tam pulchræ puellæ. Quæ quæsit a juvene, si miles esset? & respondit, non. Quæ dixit, nullo modo amicitiam

eum ab eadem prius se obtinere, quousque ordini adscriptus fuisset militari. Et dixit, redeundo ad fo tales tuos facias te militari ordini adscribi, & cras exeundo cavernam præcedam te, & veniens dabis mihi osculum, & de turpitudine mea noli terreri, quod non tibi nocebo, & quantumcumque conspexeris me horribilem, ne timeas, quod per incantationes transfigurationem talem recepi, & deformitatem, quam cernis. Quod si osculari me poteris, thesaurum, quem vidisti, recipies, & sponsus meus eris, & ultius insulæ dominus. Rediens tandem ad consocios suos, & ordinem assumens militarem in crastinum ad puellam redit cupiens osculari. Ipsa vero in deformitate horribilissima exeunte perterritus fugam cœpit, & usque ad navem properans puella persequitur, cernensque militem redire ad eam nolle, clamare terribiliter cœpit, & quasi tristis ad cavernam suam reversa est, & miles in continenti moriebatur: nec ausus fuit quisquam ex illa die dictam puellam adspicere, quin statim moriatur. Quando vero aliquis fuerit audent eam osculari, non morietur, sed convertetur puella in pulchritudinem, & osculator erit dominus patriæ.



F R A G M E N T A
E T E L O G I A,

ex eodem Lindenio *ibid.*

P L A T O

Phædro

MARSILIO FICINO interprete.

SOCR. Animæ vero naturam absque totius natura sufficienter cognosci posse existimas? *Phæd.* Si Hippocrati Æsculapii successori credendum est, neque etiam corporis naturam, sive doctrinam hujusmodi comprehendendi posse putabimus. *Socr.* Scite loqueris, o amice. Oportet autem præter Hippocratem considerare, utrum disputationis nobis ratio consonet. *Phæd.* Assentior. *Socr.* De naturæ igitur persequutione quid Hippocrates, & vera ratio dicat, attende.

I D E M

Protagora.

Dic age, o Hippocrates, si ad Hippocratem tibi cognominem Coum illum, Æsculapii stirpe natum, proficisci velles, pro te mercedem erogaturus, & aliquis quæreret, Dic mihi, o Hippocrates, mercedem Hippocrati dabis? Qualinam homini, & cujus ratione? quid responderes? *Hip.* Ut medico. *Socr.* Qualis & ipse futurus, id est cujus gratia? *Hip.* Ut medicus evalurus.

A R I S T O T E L E S

Politic. VII. 4.

Quemadmodum Hippocratem non hominem, sed medicum quis eo majorem dixerit, qui illum corporis magnitudine superat.

CLEMENS ALEXANDRINUS

Stromat. II.

GENTIANO HERVETO interprete.

Fit autem exercitatio, ex sententia Coi Hippocratis, non solum corporis fanitas, sed etiam animæ, impigra laborum susceptio, & non nimia nutrimenti exsaturatio.

I D E M

Stromat. VI.

Quinetiam cum medicus scripsisset Hippocrates, Respicere oportet & tempus, & regionem, & ætatem, & morbos, dicit Euripides in hexametro.

qui volunt mederier,

Ut unaquæque poscit urbs & incolæ,
Hos terram oportet nosse, sic morbo manus de-
mum admove.

T H E O D O R E T U S

de nat. hom. serm. v.

JACOBO SIRMONDO interprete.

Quanta item inter eos controversia sit in collocanda principali animæ vi, facile est videre. Hippocrates enim, & Democritus, ac Plato in cerebro sitam esse affirmant.

G R E G. N A Z I A N Z E N U S

Orat. fun. Cæsarii fratris X. II.

J A C. B I L L I O P R U N Æ O interprete.

Qui cum ob pudicitiam & temperantiam omnibus charus esset, eaque de causa pretiosarum curam susciperet, nec adiuratore Hippocrate ullo modo opus haberet, adeo ut nihil prorsus esset Cratetis simplicitas, si cum illius simplicitate conferretur.

I S I D O R U S P E L U S I O T A

Epist. II. 16.

J A C. B I L L I O P R U N Æ O interprete.

Medicus Hippocrates incurabili morbo correptis manum admoveere vetat.

I D E M.

Epist. II. 79.

Verum Hippocrati morem gerens, ut incurabili morbo laboranti manum haudquaquam admoves. Quamvis in corporibus verum hoc esse quidam existiment (etsi alioqui per sæpe falsum inventum sit: complures enim medici, adnota manu iis, qui incurabili morbo affecti esse videbantur, rem ex sententia gesserunt) in animis tamen hoc magis adhuc falsum esse reperitur.

P L U T A R C H U S

de Plac. Philos. v. 18.

G U L. X Y L A N D R O interprete.

Hippocrates dicit, si uterus impleatur septem mensibus, tunc fetum se exserere, ac in lucem

edi; quod si se exferens non alatur ob umbilici languorem, laboriose gestato fetu, tunc cum non nutriri: si vero novem menses in utero maneat, tunc se promere, integrumque nasci.

I D E M

l. Non posse suaviter vivi sec. Epicuri decr.

Est enim, inquit Hippocrates, ad summum progressa corporis bona affectio periculosa.

I D E M *ibid.*

Sed, sicut inquit Hippocrates, e duobus doloribus minorem a majore obscurari: sic voluptates etiam corporeæ a voluptatibus agendo & honesti studio partis ob animi lætitiā ingentem ac incomparabilem oblitterantur & extinguuntur.

A U C T O R

Prog. de Decub. ex Mathem. c. I.

JAC. ANTON. MARISCOTTO.

Hippocrates igitur, & vetustate admodum notus, & scientia admirandus, inquit: Quicumque exercentes medicinam, Physiognomoniæ sunt expertes, horum mens in tenebras devoluta torpet.

A U C T O R

l. de Spermate c. 14. De Concept. pueri alterata.

Philosophi indubitanter asserunt, teste Hippocrate, quod omnis substantia corporea animata juncta sit, & ligata in planetis, & signis, quatuorque elementorum nexibus.

I D E M

c. 22. *De qualit. & efficacia planetarum.*

Dicit Hippocrates in *Phyfica*, quod terra est apposita generare naturam corporum.

I D E M

c. 23. *De nat. Conjunct. & adjunct. quatuor elementorum.*

Dicit Hippocrates : sicut nulla substantia incorporea, habet nutrimentum a differentia corporea, sic nulla substantia corporea, potest nutriri a differentia incorporea.

SEXTUS EMPIRICUS

adv. Mathem. VII.

Virum autem, hominem : specie abutens pro genere. Speciem namque hominis constituit vir. Solet vero etiam Hippocrates hoc loquendi modo uti : ut cum dicit, Mulier ambidextra non nascitur : hoc est, feminæ in dextris partibus uteri non consistunt.

I D E M

Pyrrhon. hypot. I.

Sed & (canis) Hippocraticum præceptum valde bene observat. Quum enim pedis medela sit quies : siquidem vulnus in pede habuerit, eum sublimem ponit, quantumque potest, immotum servat.

J O H. S T O B Œ U S

serm. CCXLIII. SOL.

Cibi, potus, somni, venus, omnia moderata sint, inquit Hippocrates.

I D E M

Serm. XIII. Apophthegma.

Hippocrati suadebat quis ad Xerxem proficisci, bonum esse regem dicens. At ille, non est opus mihi, inquit, bono domino.

A L I U D

Serm. CXCI.

Verumtamen aliquo opus habet mulier, a quo castigetur. Habet enim in natura lasciviam, quæ nisi quotidie amputetur, luxuriatur, & silvescit instar arborum.

J O H. T Z E T Z E S.

Hist. VII. chil. cl. 884.

JOH. ANT. VAN LINDEN interprete.

Mœrore quotquot occupantur, quibus & mens labat,

Tum quotquot indomitum furunt, ut Hippocrates notat,

Hominem exuunt, & procul ab hominum notis degunt,

Æque perosi notos ut vultus incognitos.

J U L. P O L L U X

Onom. IX. 6.

RUD. GUALTHERO interprete.

Et sane, cum Hippocrates inquit, Frigidum infestum est nervis, ossibus, dentibus, & cerebro: manifestum est, quod calida dentibus offrenda sunt.

N E M E S I U S

de nat. hom. c. 2.

Galenus videtur probare magis, animam esse temperamentum: id enim sequitur morum differentia: quod ex Hippocratis dictis confirmare nititur.

I D E M *cap. 22.*

Veteres tamen etiam os ventris cor usurpant, ut Hippocrates, & Thucydides in descriptione pestis.

ALEXANDER TRALLIANUS

lib. 1. cap. 16.

JOH. GUINT. ANDERNACO interprete.

Quemadmodum divus Hippocrates ait: Confluxus unus, conspiratio una, omnia consentientia.

I D E M VII. 2.

Et, siquidem intra thoracem pus illapsum diutius intus manserit, & non fuerit expurgatum, ut divinissimus ait Hippocrates, in phthisin pervenit.

I D E M IX. 3.

Nam, quæ Hippocraticæ artis methodi vocantur, hæ sunt: nempe contraria contrariorum semper esse remedia.

DEMETRIUS PÉPAGOMENUS

de Podagra in Proëm.

HADRIANO TURNEBO interprete.

Ut diu multumque recusare non potuerim, cum præsertim scirem, quæ maximus omnium

magister Hippocrates dicat, Naturæ a naturis multum differunt, & a locis loca.

A T H E N Æ U S

Deipnos. II. 7.

JAC. DALECHAMPIO interprete.

Vinum subdulce caput non gravat, inquit Hippocrates lib. de rat. victus, quem quidam inscripserunt de morbis acutis, alii vero, Adversus Cnidas sententias. Ejus hæc verba sunt: Vinum dulce capiti grave minus est, quam vinosum, mentemque minus tentat; per intestina citius meat, & excernitur alio quovis.

I D E M *ibid.*

Hippocrates leviolem semper illam esse judicat, quæ promptius incalescit ac refrigeratur: malam, qua tardius coquuntur legumina, nimirum quia falsa vel nitrosa sit. Idem Auctor lib. de Aquis, optimam esse statuit multum exercitatum, & agitatam, noxias autem residues & pigras, quales sunt paludum, & stagnorum: præterea fontium aquas esse maxima ex parte duriores.

Et Mox.

Hippocrates libro de locis optimam esse aquam pronunciat e locis sublimibus, & aridis tumulis profluentem, ut quæ candida sit, dulcis, nec limi trahere multum possit, & æstate frigida, hyeme tepeat. Idem aquam maxime laudat, cujus prokursus orientem solem versus erumpit, præsertim æstivum, quia levis, limpida, & naribus grata sit.

I D E M

I D E M l. II. 16.

Hippocrates vero Coccoalos, in lib. de Ptisana, cujus pars dimidia spuria est, &, ut quidam censent, totum opus.

I D E M l. IX. 13.

ψων quoque meminit sanctissimus Hippocrates.

O R I B A S I U S

ad Aph. II. 28.

Novenarius, qui criticus sine dubio est, a Galenio non immerito additus est: non quod ab Hippocrate hoc ignoratum sit (nihil enim in hominis natura tantum philosophum latuit) sed quod inter cætera ab eo prætermisum sit. Non enim quidquid prætermittitur, etiam ignoratur.

T H E O P H I L U S

de Vrinis

FED. MORELLO interprete.

Ergo primum aggrediamur optimæ substantiæ præparationem. Optimum autem est a sapientissimo Hippocrate hanc ordiri.

A. C O R N. C E L S U S

de Med. l. I. præf. p. Edit. Linden. 17. l. 28.

Ergo etiam vetustissimus auctor Hippocrates dixit, mederi oportere, & communia, & propria intuentem.

Princ. Art. Med. Tom. IV.

Z

I D E M

l. II. præf. p. Edit. Linden. 41. l. 23.

Instantis autem valetudinis signa complura sunt: In quibus explicandis non dubitabo, auctoritate antiquorum virorum uti, maximeque Hippocratis; cum recentiores quoque medici, quamvis in curationibus mutarint, tamen hæc illum optime præfagisse fateantur.

I D E M II. c. 14. p. 88. l. 7.

Neque dubitari potest, quin latius quidem, & dilucidius, ubi, & quomodo frictione utendum esset, Asclepiades præceperit: nihil tamen reperit, quod non a vetustissimo auctore Hippocrate paucis verbis comprehensum sit; qui dixit: Frictione, si vehemens sit, durari corpus: si leni, molliri: si multa, minus: si modica, impleri.

I D E M

VIII. 15. p. 549. l. 18.

Multas esse alias rationes, scire facile est, uno Hippocrate lecto; sed non alia magis usu comprobata est.

I D E M

VIII. 20. p. 554. l. 4.

Sed Hippocrates, & Diocles, & Philotimus, & Nileus, & Heraclides Tarentinus, clari admodum auctores.

A P U L E J U S.

Asclepiades ille, inter præcipuos Medicorum, si unum Hippocratem excipias, cæteris princeps.

CÆLIUS AURELIANUS

Acut. morb. I. 12.

Hippocrates igitur solum nomen videtur tetigisse passionis, libro quem de ptisana scripsit; item libro prædictivo, quem prorrheticum appellavit; nam curationem nullam tradidit.

I D E M

Acut. morb. III. 15.

Item Hippocrates magis phreneticos memoravit, non hydrophobos, parvibibulos. Nam inquit; eos, quod in quibusdam phreneticis frequentare videmus, aut fastidio possessos, non solum cibum, verum etiam potum refugere: vel certe traductos visis, quæ Græci phantasiā appellant (ut ait Eudemus) ut accipiendum non existiment potum: vel suspitione delirationis affecti, admixta putent venena liquori.

I D E M

Tard. pass. II. 1. qua de Paralyfi.

Veterum autem Medicorum Hippocratis, atque Herophili sectatores memorant ea, quæ in passione constitutos sequuntur, curationem vero nullam tradiderunt.

I D E M *Tard. II. 10.*

Alii vero eruptiones, ut Hippocrates, Eurypho. Sed Hippocrates solarum venarum, Eurypho vero etiam arteriarum.

I D E M *Tard. v. i.*

Utilem inquit Hippocrates ischiadicis dysenteriam. Habet enim imitationis quiddam recorporationis faciundæ, quamquam plurima vexatione corpus afficere videatur.

SORANUS EPHESIUS

Pref. in Isag. Art. med.

Medicinam quidem invenit Apollo, amplificavit Æsculapius, perfecit Hippocrates; quem mihi hominis ducem, & judicem omnium causarum, & questionum oportet accipere, tamquam parentem, & inventorem omnium bonorum operum; per quem Logica nobis, juxta rationem, est facta traditio, & tamquam visibilis facta doctrina; ut per eam meliores fiant & acutiores, qui introducuntur ad medicinam, quos Græci εἰσαγομένους appellant.

I D E M

Isag. Art. med. c. 14.

Hippocrates quoque ait: Medici quidem fama multi, sed opere valde pauci. Vult enim Hippocrates, & præterita medicos cognoscere, & præsentia scire, & futura prædicere.

PLINIUS VALERIANUS

de Re med. IV. 17. 20.

Suffito allio feminarum secundas evocari Hippocrates auctor est. Porro capitato ad multa corporis vitia Hippocrates usus est.

OCTAVIUS HORATIANUS

ad Euporist. II. 7.

De his igitur Hippocrates noster, hujus professionis auctor, sic sua sententia judicavit. Apoplecticos, inquit, graviter occupatos, nullo penitus pacto curari posse; leviores autem, licet difficile, liberari.

ad Euseb. fl. IV.

Hippocrates quem primarium medicorum appellamus.

Et Mox.

Ut beatissimus Hippocrates affirmat.

G A R I O P O N T U S

III. 43.

Hoc enim nostri Hippocratis docuit auctoritas, quia nervorum caulis omnia semper frigida nocuerunt.

I D E M VI. II.

Similiter decimum diem Hippocrates omnium peritissimus in uno tantum invenit criticum, & ideo etiam ipsum incertum observamus.

C I C E R O

de Orat. III. 33.

An tu existimas, cum esset Hippocrates ille Cous, fuisse tum alios medicos, qui morbis, alios, qui vulneribus, alios, qui oculis mederentur.

de Nat. Deor. III. 38.

Nec ego multorum ægrorum salutem non ab Hippocrate, quam ab Æsculapio datam judico.

ad Attic. XVI. 15.

Sed desperatis etiam Hippocrates vetat adhibere medicinam.

L. A. S E N E C A

Epist. xcv.

Maximus ille medicorum, & hujus scientiæ conditor feminis nec capillos defluere dixit, nec pedes laborare. Atqui hæ jam & capillis destituuntur, & pedibus ægræ sunt. Non mutata feminarum natura, sed vita est: nam cum virorum licentiam æquaverint, corporum virilium vitia æquaverunt: Non minus pervigilant, non minus potant, & oleo, & mero viros provocant: æque invitis ingesta visceribus per os reddunt, & vinum omne vomitu remetiuntur: æque nivem rodunt, solatium stomachi æstuantis. Quid ergo mirandum est, maximum medicorum, ac naturæ peritissimum, in mendacio prehendi, cum tot feminae podagricæ, calvæque sint? Beneficium sexus sui vitiis perdiderunt; & quia feminam exuerunt, damnatæ sunt morbis virilibus.

I D E M

de Brevit. vitæ c. I.

Maximi medicorum exclamatio est, Vitam brevem esse, longam artem.

I D E M *ibid.*

Itaque alia est Hippocratis secta, alia Asclepiadis, alia Themisonis.

P L I N I U S

Hist. nat. VII. 51.

Jam signa lethalia: in furoris morbo risum: sapientiæ vero ægritudine, fimbriarum curam, & stragulæ vestis plicaturas, a somno moventium neglectum, præfandi humoris e corporibus effluvium: quæque alia Hippocrati principi medicinæ observata sunt.

I D E M

Hist. nat. XXIX. 1.

Diis primum inventores suos adsignavit, & cælo dicavit: nec non & hodie multifariam ab oraculis medicina petitur. Auxit deinde famam etiam crimine, ictum fulmine Æsculapium fabulata, quoniam Tyndaridem revocasset ad vitam. Nec tamen cessavit narrare, alios revixisse opera sua, clara Trojanis temporibus, quibus fama certior, vulnerum tamen duntaxat remediis. Sequentia ejus (mirum dictu) in nocte densissima latuere usque ad Peloponnesiacum bellum: tunc eam revocavit in lucem Hippocrates, genitus in insula Coe, in primis clara, ac valida, & Æsculapio dicata. Is cum fuisset mos, liberatos morbis scribere in templo ejus Dei, quid auxiliatum esset, ut postea similitudo proficeret, exscripsisse ea traditur, atque (ut Varro apud nos credit) jam templo cremato, instituisse medicinam hanc, quæ Clinice vocatur.

TERTULLIANUS

l. de Anima c. 15.

Sed plures.... Medici adversus Andream, & Asclepiadem, Herophilus, Erasistratus, Diocles, Hippocrates, & ipse Soranus.... & esse principale in anima, & certo in corporis recessu consecratum. Si enim scrutatorem, & dispectorem Cordis Deum legimus.... simul utrumque dilucet, & esse principale in anima, quo intentio divina conveniat, id est, vim sapientialem, atque vitalem; quod enim sapit, vividum est; & in eo thesauro corporis haberi, ad quem Deus respicit, ut neque extrinsecus agitari putes principale istud secundum Heraclitum.... neque in cerebro cupare secundum Hippocratem.

AUGUSTINUS

de Civ. Dei v. 2.

Cicero dicit, Hippocratem nobilissimum medicum scriptum reliquisse, quosdam fratres cum simul ægrotare cœpissent, & eorum morbus eodem tempore ingravesceret, eodem levaretur, geminos suspicatum. Quos Possidonius Stoicus multum Astrologiæ deditus, eadem constitutione astrorum natos; eademque conceptos solebat asserere. Ita quod medicus pertinere credebatur ad simillimam temperiem valetudinis; hoc philosophus astrologus ad vim, constitutionemque syderum, quæ fuerat quo tempore concepti natiqque sunt. In hac causa multo est acceptabilior, & de proximo credibilior conjectura medicinalis: quoniam parentes ut erant corpore affecti dum concumberent, ita primordia conceptorum affici potuerunt, ut consecutis ex materno corpore

prioribus incrementis paris valetudinis nascerentur : deinde in una domo eisdem alimentis nutriti, ubi aerem, & loci positionem, & vim aquarum plurimum valere ad corpus, vel bene vel male accipiendum medicina testatur, eisdem etiam exercitationibus assuefacti, tam similia corpora gererent, ut etiam ad ægotandum uno tempore eisdemque causis similiter moverentur. Constitutionem vero cæli, ac syderum, quæ fuit, quando concepti, sive nati sunt, velle trahere ad istam ægotandi parilitatem, cum tam multa diversissimi generis animalia diversissimorum affectuum, & eventuum eodem tempore in unius regionis terra eidem cælo subdita, potuerunt concipi, & nasci : nescio cujus sit insolentiæ. Nos autem novimus, geminos non solum actus, & peregrinationes habere diversas, verum etiam dispares ægritudines perpeti. De qua re facillimam, quantum mihi videtur, rationem redderet Hippocrates, diversis alimentis, & exercitationibus, quæ non de corporis temperatione, sed de animi voluntate veniunt, dissimiles eis accidere potuisse valetudines.

C Y P R I A N U S

Epist. lxxvi.

Porro autem, quod quidam eos salutare aqua, & fide legitima Christi gratiam consecutos, non Christianos, sed Clinicos vocant, non invenio, unde hoc nomen assumant; nisi forte qui plura, & secretiora legerunt apud Hippocratem, vel Soranum, *καὶ οὖν* istosprehenderunt.

P O L L U X

Onom. II. I.

RUD. GUALTHERO interprete.

Septem sunt ætates secundum Hippocratem. Prima, ab anno primo ad septimum. Secunda, a septimo ad decimumquartum annum. Tertia, a decimoquarto usque ad vicesimum primum. Quarta, a vicesimoprimum usque ad vicesimum octavum. Quinta, a vicesimo octavo ad tricesimum quintum. Sexta, a tricesimo quinto ad quadragesimum secundum. Septima, a quadragesimo secundo ad quadragesimum nonum. Prima quidem; Puerulus: secunda, Puer: tertia, Adolefcens: quarta, Juvenis: quinta, Vir: sexta, Senex: septima, Decrepitus dicitur.

M A R T I A L I S

Epigr. IX. 96.

D E H I P P O C R A T E.

Santonica medicata dedit mihi pocula virga:

Os hominis, mulsam me rogat Hippocrates.

Tam stupidus nunquam nec tu, puto, Glauce,
fuiſti,

Chalcea donanti Chryſea qui dederas.

Dulce aliquis munus pro munere poſcit amaro?

Accipiat, ſed ſi potat in helleboro.

I N C E R T I A U C T O R I S.

G A L E N U S.

Dempſeris Hippocratem, medicorum primus habebor.

Debeo multa illi, debet & ille mihi.

Nam, quæ nota parum reliquis dedit, omnia
feci
Mille libris claro lucidiora die.

I D E M.

Hippocratem magnum brevis insula, me dedit
ingens

Terra Asiæ, plus nos scripsimus, ille minus:
Ille elementa dedit, nos inde extruximus aram,
Quam servat medici præful Apollo chori.

In Iconem

H I P P O C R A T I S.

ex Floril. Epigr. sect. IV. cap. XIII.

S Y N E S I I S C H O L A S T I C I.

Unde is, qui posuit? quo nomine? Byzantinus
Eusebius. Tu quis? Coius Hippocrates.
Quare is te pinxit? Pro verbis patria munus
Picturæ nostræ grata rependit ei.
Et cur ille suam non protulit icona? Major
Illi honor est proprio prætetulisse meum.

I N C E R T I.

Vel vocem Pæan tibi finxit vel medicinæ
Illius testis magnus es, Hippocrates.

J. Ant. Vander Linden.

A N O N Y M I.

Ille vias meruit tectas aperire medendi,
Ille hominum Pæan Coius Hippocrates.

J. Ant. Vander Linden.

AMBROSIUS

Epist. VII. 39.

Celebretur itaque hebdomas, eo quod per septem ætatum cursus vita hominum usque ad senectutem transcurritur, sicut Hippocrates medicinæ magister scriptis explicuit suis. Prima ætas infantia est, secunda pueritia, tertia adolescentia, quarta juvenus, quinta virilis ætas, sexta ævi maturitas, septima senectus. Est ergo infans, puer, adolescens, juvenis, vir, veteranus, senex. Ergo Hippocrates vel septem ætates, vel hebdomadas ætatum norit, in illis se hebdomadas præferet.

MACROBIUS

in Somn. Scip. I. 6.

Hoc cum a Phisicis deprehensum sit, Hippocrates quoque ipse, qui tam fallere, quam falli nescit, experimenti certus asseruit, referens in libro, qui de natura pueri inscribitur, tale feminis receptaculum de utero ejus ejectum, quam septimo post conceptum die gravidam intellexerat. Mulierem enim semine non effuso, ne gravida maneret, orantem, imperaverat saltibus concitari; aitque septimo die saltum septimum ejiciendo cum tali folliculo, qualem supra retulimus, suffecisse conceptui: Hæc Hippocrates.

A. GELLIIUS

Noct. Attic. III. 16.

Mense nonnunquam octavo editum esse partum M. Varro in lib. XIV. rerum divinarum scriptum reliquit. Quo in libro, undecimo mense aliquando nasci posse hominem dicit. Ejusque

sententiæ , tam de VIII quam de XI mense Aristotelem laudat auctorem. Sed hujus de mense VIII diffensionis causa cognosci potest in libro Hippocratis, qui inscriptus est *περὶ τριμῆς*; Ex quo libro verba hæc sunt: *ἔτι δὲ καὶ ἐκ ἑσιν ὀκτάμηνου γένεσις*. Id tam obscure, atque præcise, tamque adverse dictum Sabinus medicus, qui Hippocratem commodissime commentatus est, his verbis enarravit: *ἔτι μὲν φαινόμενα ὡς ζῶν μετὰ τὴν ἑκτῶσιν, ἐκ ἑσιν δὲ ὡς θνήσκοντα μετὰ ταῦτα, καὶ ἔτι ἐν φαντασίᾳ μὲν παραυτίκα ὄντα, δυνάμει δὲ ἐκ ἑσιν*.

Et poslea.

Hippocrates autem in eo libro, de quo supra scripsi, cum & numerum dierum, quibus conceptum in utero coagulum conformatur, & tempus ipsius partionis nono aut decimo mense definisset: neque id tamen semper eadem esse finidixisset, sed alias ocyus fieri, alias ferius; hisce ad postremum verbis usus est: *γίνεται δὲ ἐν τέτοις ἢ πλείω, ἢ ἐλάσσω, ἢ ὅλον κατὰ μέτρον, ἢ ἔποιμεν δὲ ἢ πλείω πλείωνων, ἢ ἐλάσσω ἐλασσόνων*. Quibus verbis significat, quod aliquando ocyus fieret, non multo tamen fieri ocyus: neque quod ferius, multo ferius.

CENSORINUS

de Die natali c. 6.

Nec Hippocrates Caus decimo partum posse fieri contendit.

I D E M cap. II.

Hippocrates quoque, aliique medici in corporum valetudinibus non aliud ostendunt.

I D E M *cap. 14.*

Hippocrates medicus in septem gradus ætates distribuit : finem primæ putavit VII annum ; secundæ XIV, tertiæ XXIIX, quartæ XXXV, quintæ XLII, sextæ LVI, septimæ novissimum annum vitæ humanæ. Solon autem partes fecit decem ; & Hippocrates gradum tertium, & sextum, & septimum, singulos bifariam divisit ; ut unaquæque ætas annos haberet septenos.

J U S C A N O N I C U M

III. *Decret. ex Hieronymi adversus Jovinianum lib. II. dist. v. c. 29. Ne tales.*

Hippocrates in aphorismis docet, crassa, & obesa corpora, quæ crescendi mensuram compleverint, nisi cito ablatione sanguinis imminuantur, in paralyfin, & pessima morborum genera erumpere : & idcirco esse necessariam demptionem, ut rursus habeant, in quæ possint crescere ; non enim manere in uno statu naturam corporum, sed aut crescere semper, aut decrescere, nec posse vivere animal, nisi crescendi capax sit.

P A U L U S ^{Ictus}

l. II. ff. de Statu hominum.

Septimo mense nasci perfectum partum, jam receptum est propter auctoritatem doctissimi viri Hippocratis ; & ideo credendum est, eum, qui ex justis nuptiis septimo mense natus est, justum filium esse.

U L P I A N U S Ictus

l. 3. §. 12. ff. de Suis, & legit. her.

De eo autem, qui centesimo octogentesimo secundo die natus est, Hippocrates scripsit, & D. Pius Pontificibus rescripsit, justo tempore videri natum, nec videri in servitutem conceptum, cum mater ipsius ante centesimum octogentesimum secundum diem esset manumissa.

B A R T O L U S Ictus

l. III. ff. Si certa pet.

Standum est libris Hippocratis tamquam authenticis.

C O N S E N T I E N T I A ,

E X

G A L E N O .

G E N U S .

l. de Articul. IV. 42.

V I D O V I D I O interprete.

H I P P O C R A T E S , quemadmodum & Ctesias Cnidius cognatus ejus, genere Aesclepiades erat.

l. de Victu in morb. acut. II. 18.

J O . V A S S Æ O interprete.

Loquor autem de Hippocrate Heraclidæ filio, qui librum hunc confecit. Nam avus ipsius

Gnosidici filius Hippocrates, quorumdam judicio, nihil omnino scripsit.

l. I. Prorrhetic. III. 18.

J O. V A S S Æ O interprete.

Duo magni Hippocratis filii fuisse perhibentur, Draco, & Theſſalus: quorum utriusque rurſum filius Hippocrates.

l. de Respir. diffic. II. 18.

J A N O C O R N A R I O interprete.

Quintus vero Epidemiorum non magis Hippocratis, Heraclidæ filii, ſed junioris filii Draconis eſt.

l. de Nat. hum. I. I.

V I C T. T R I N C A V E L L I O interprete.

Theſſalus illius filius, vir & ipſe admirabilis: is tamen in patria non eſt, ut Polybus, diu moratus: Archelao etenim Macedoniæ regi adhæſit.

l. III. Epidem. II. init.

H E R M. C R U S E R I O interprete.

Erat ille Hippocratis filiorum clariffimus, Theſſalus nomine, qui exacte ſententiam patris eſt æmulatus.

P A T R I A, H A B I T A T I O.

l. de ſanit. tuenda II. 7.

T H O. L I N A C R O interprete.

Optime temperata eſt Hippocratis patria: etenim ea tum hyeme, tum æſtate mediocrem temperiem exhibet.

l. de

l. de Articul. I. 22.

V I D O V I D I O interprete.

Est autem Smyrna urbs multo major illa, cuius ubique meminit Hippocrates, ut qui plurimum in ea versaretur.

in l. de Artic. I. 23.

V I D O V I D I O interprete.

Urbes, quarum meminit Hippocrates, ubi diutius egit, non plures incolunt, quam Romæ vicum unum.

Æ T A T I S,

feu seculi mos.

l. de Artic. I. 22.

V I D. V I D I O interprete.

Hippocratis seculo medici optime artis præcepta discebant, atque ea præsertim, quæ ad manus operam pertinent: ea nunc a medicis vel nullo modo addiscuntur, vel certe exiguo temporis spatio.

l. Quod opt. med. sit philos.

L U D. B E L L I S A R I O interprete.

Nostræ ætatis medici ita a studio rationalis medicinæ averſi sunt, ut eos etiam, qui in ea re operam consumunt, quasi inutilia tentantes, reprehendant.

L I N G U A

l. de Humor. I. 2. f.

JO. BAPT. RASARIO interprete.

Atticorum lingua Hippocrates aliqua ex parte utitur.

in l. de Fractur. I. I.

V I D . V I D I O interprete.

Atticis enim hoc prorsus est usitatum, quorum linguam Hippocrates aliquantum usurpat, ita ut ejus fermo a nonnullis priscus Atticus existimetur. Nos autem in alio parvo libello, quid de fermone Hippocratis judicemus, seorsum demonstravimus.

P H R A S I S

in l. III. Epidem. III. 32.

HERM. CRUSERIO interprete.

Non est Hippocratis institutum, inusitatis, & infrequentibus uti nominibus.

ibidem, initio.

Etenim Hippocrates, cujus etiam Aphorismos esse, & Præfagia autumant, usitatissimis esse usus, & proinde clavis vocabulis videtur, quæ vocare rhetorici civilia solent.

l. Expos. obsolet. voc. Hipp.

MARIO NIZOLIO interprete.

Sic & Hippocrates ex nominibus, quæ usitata non sunt, aliqua adsumit, aliqua & ipse facit, aliqua autem novis adjunctis sententiis mutat.

in l. de Offic. med. II. 23.

VIDO VIDIO interprete.

Quod ab Hippocrate effertur, præcise dicitur, nisi quid aliud subintelligitur.

in lib. Aphor. VII. 63.

NIC. LEONICENO interprete.

Dicta Hippocratis exquisita sunt.

in l. de Artic. I. 69.

VIDO VIDIO interprete.

Solet Hippocrates quasdam figuras, ac linguarum proprietates usurpare, quamvis consuetam locutionem sequatur.

in l. Aphor. VI. 58.

NIC. LEONICENO interprete.

Commune huic cum aliis ab Hippocrate dictis, ut perpetuum quiddam ex figura dictionis ostendatur; quamvis res ipsæ non semper eodem modo eveniant; sed, licet, raro, interdum etiam aliter eveniant.

l. de Comate cap. 3.

AUG. GADALDINO interprete.

Somnolenta tentabo distinguere, ut possis invenire dictam ab Hippocrate differentiam. Non enim vir iste erat eorum, qui vane imponunt nomina; neque stulte adjicit cataphoræ, pigra: neque dicit, sicut Homerus, lac album; sed

unumquodque vocabulum, & syllaba omnis rem aliquam significat apud eum.

in lib. de Vi&ct. acut. IV. 67.

J O. V A S S Æ O interprete.

Dictio, quæ symptomatum multorum, quæ non in omni ægro coeunt, & conveniunt, complicationem habet, utilis est; cum doctrina ab universalibus recipiat commoditatem: quo Hippocrates modo facere consuevit.

in lib. de Vi&ct. acut. IV. 10.

J O. V A S S Æ O interprete.

Legitimi appellationem secundum morborum ideas inferre consueverunt cum alii medicorum probatissimi, tum Hippocrates ipse.

S C R I B E N D I M O S

in l. VI. Epid. I. 3. f.

J U N. C R A S S O interprete.

Hippocrates sibi ipsi, ut memoriæ subveniret, nonnulla scripsit, prout unumquodque aut experientia comprehendisset, aut rationali meditatione excogitasset.

in l. I. Epid. 37.

H E R M. C R U S E R I O interprete.

Solet Hippocrates frequenter antedicta in summam colligere.

in l. de humor. I. 7.

JO. BAPT. RASARIO interprete.

Hippocrates omnibus in locis adferre demonstrationes conatur.

in l. de Nat. hum. I. 9.

VICT. TRINCAVELLIO interprete.

Semper fane Hippocrates ea sectatur, quæ evidentia sunt.

in lib. de Nat. hum. II. 7.

VICT. TRINCAVELLIO interprete.

Hippocratem videmus non modo omnia ad amussim in commentarios retulisse, quæ cunctis plane conspicua sunt; verum etiam ea, quæ ad videndum sunt difficiliora.

l. de diffic. Respir. II. 8.

JANO CORNARIO interprete.

Hippocrates nihil eorum, quæ etiam aliis manifeste cognoscuntur, scribit.

l. de Dieb. decret. II. 13.

JO. GUINTHERIO interprete.

Hippocrates aliquando solum id, quod creberrime oculis usurpatum est, nihili faciens, id quod raro evenit, pronunciat.

l. de Venæs. adv. Erasistrataeos, c. 4.

JOS. TECTANDRO interprete.

Hippocrates cum in plurimis suis operibus brevitati summopere studeat, tamen quod ad venæ

sectionem attinet, non est gravatus scribere, tum partem corporis, in qua secari vas oporteat, tum evacuationis mensuram, una cum occasione ipsa.

l. de Offic. med. III. 8.

VIDO VIDIO interprete.

Hippocratis mos est, ex unius, vel alterius rei exemplo res universas complecti, quum id, quod proponitur evidentia antecellit ea, quæ sunt ejusdem generis, sic ut ex ipso intelligantur.

l. de Elem. I. 3.

VICT. TRINCAVELLIO interprete.

Hippocrates si aliquando unum quippiam ex eorum numero proferat, quæ eandem naturam continent, reliqua deinde, quæ eandem vim habent, nobis ad rationem addenda relinquit.

l. I. Prorrh. III. 7.

JOH. VASSÆO interprete.

Medicinalis speculationis doctrina ab Hippocrate in legitimis omnibus libris per universalia facta est, expromente etiam aliquando particularia quædam, gratia exempli, ad eorum, qui discunt, peripicuitatem.

l. Aphorif. VI. 25.

INIC. LEONICENO interprete.

Videtur Hippocrates dixisse multa veluti exempla sermonum universalium, a quibus ejus, quod solet evenire, experientiam possumus habere manifestiorem. Talia etenim exempla oportet esse.

l. de Diff. resp. II. 8.

JANO CORNARIO interprete.

Hippocrates, quum consuetæ species symptomatum exstiterint, tunc sane solo universali morbi nomine contentus est; quum vero aliquid ex variis incidit, post universalem & communem totius morbi appellationem, statim illud ipsum discriminat.

l. de Fractur. II. 71.

VIDO VIDIO interprete.

Solet Hippocrates, ubi de una specie pertractat, complura docere ex iis, quæ communia sunt, ac generalia, monens ea non esse propria unius speciei, sed ad omnes, vel multas, vel aliquot pertinere.

l. de Artic. II. 35.

VIDO VIDIO interprete.

Consuetudo ex Hippocratis in iis præceptis, quæ singulis communia sunt, cum semel unius mentionem facit, exponere vim rei communem esse omnium similium.

l. de Diffic. respir. II. 7.

JANO CORNARIO interprete.

Existimant veteres, omnia quæ ægris contingunt, Hippocratem conscribere, velut Thucydidem: verum res non ita habet; sed hoc ipsum est, in quo vel maxime contraria sunt Hippocratis, & Thucydidis scripta. Thucydides enim omnia scribit, etiam idiotis nota, nihil ipsorum penitus prætermittens. Hippocrates vero pauca ex iis,

quæ ad totam adfectionem pertinent; circa quam ægrotus est periclitatus: multa vero alia ab idiotis quidem neglecta, artificiosam vero, & exactam cognitionem exhibentia, & quæ optimos medicos sæpe latere possunt.

Et mox.

Thucydides quidem, quæ circa ægros contingunt, velut idiota idiotis conscripsit; Hippocrates vero ut artifex artificibus.

in l. de Victu acut. II. 18.

J O H. V A S S Æ O interprete.

Medicos culpat Hippocrates, qui languentes ipsos in absoluta ciborum abstinencia servant; non tamen mentionem eorum facit, qui cibos validiores ante morbi concoctionem ministrant. Consuevit siquidem interdum, prætermiſſis, quæ maxima sunt, erratis, culpæ minora; & eam quæ ex illis oritur, demonstrare offensam.

l. de Diff. respir. II. 8.

J A N O C O R N A R I O interprete.

Hippocrates, cum breviloquus sit, hunc morem habet, ut ad unum nomen, & caput partialia semper reducat. Neque verisimile eum in præſenti fortuito scribere, qui haud unum aliquod temere scribat.

D O C T R I N A.

in l. de Alim. III. 21.

J O. B A P T. R A S A R I O interprete.

Hippocrates cum in aliis rebus omnibus ornandus est laudibus, tum vel maxime in hoc,

quod censet, usque eo progredi medicum oportere, quousque pervenire ipsius ars potest.

in l. de Vict. acut. I. 17.

JOH. VASSÆO interprete.

Ob id juste venit laudandus Hippocrates, qui de sola secundum rei veritatem meminit controversia; quam, qui aliquam constituere artem volunt, patiuntur, cum secum, suoque in animo differenter opinantur, & non verbo tenus simulate, ac subdole id agunt, ob gloriæ, vel lucri cupiditatem.

in lib. de Humor. I. 7.

JO. BAPT. RASARIO interprete.

Hippocrates, vir admirabilis, multa potius experientia, quam ratione videtur cognovisse.

in l. de Artic. I. 3.

VIDO VIDIO interprete.

Hippocrates, cum quid nunquam vidit, commentitias causas scribendas esse minime credidit, ubique magis fide dignum existimans, quod evidenter apparet, quam quod a ratione ducitur. Sic &, quæcunque ipse ad curationem excogitavit, priusquam nos doceat, experimento comprobatur; non, sicut nonnulli ex junioribus medicis, qui in scriptis de ratione medendi nobis ea imperarunt, quæ ipsi nunquam ante sunt experti.

in l. Prorrh. III. 33.

Videtur Hippocrates ex multa experientia, quam ex particularibus sibi fecit, universalia collegisse.

l. de Dieb. decret. II. 14.

JO. GUINTHERIO interprete.

Hippocrates non ratione quadam persuasus decimum septimum decretorium esse statuit, vigesimo autem primo efficaciam ademit, sed usu, & experientia doctus.

in l. Aph. I. 15.

NIC. LEONICENO interprete.

Verum est, quod quidam hyeme non modo melius concoquunt cibum, sed etiam quod pauca adsumentes refrigerantur, atque ideo offenduntur: si vero plura adsumserint, in nullos plethoricos morbos incidere, ipse eventus ostendit manifeste. Cujus causæ inquisitio cum omnes fatiget, tu animadvertite, numquid hac in parte aliis quidem omnibus ratio sit inexplicabilis, soli vero Hippocrati, atque ejus sectatoribus explicabilis.

I N V E N T A .

in l. de Humor. II. 20.

JO. BAPT. RASARIO interprete.

Hippocrates omnium bonorum inventor.

l. de Crisib. III. II.

NIC. LEONICENO interprete.

Hippocrates nobis omnium fuit dux, atque auctor optimarum disciplinarum.

l. Quod Animi mor. 7. f.

JUN. PAUL. CRASSO interprete,

Sed ad divinum Hippocratem medicorum omnium, philosophorumque primum hujusce contemplationis inventorem accedere licet.

in l. de Humorib. I. I.

JO. BAPT. RASARIO interprete.

Hippocrates princeps omnium eorum, quorum nomen fama ad nos pertulit, principia demonstrationum, quibus postea Aristoteles usus est, ipse prior monumentis mandavit litterarum.

in l. Aphorism. IV. 76.

NIC. LEONICENO interprete.

In his itaque, sicuti & in aliis, Hippocrates dignus est admiratione, cum ipse eorum inventor exstiterit, quæ ne pluribus quidem medicis ad hunc usque diem fuere comperta.

l. de Arte cur. ad Glauc. I.

NIC. LEONICENO interprete.

Artifex plus aliquid, quam ii, qui arte carent assequitur. Quid vero hoc ipsum plus sit, primus omnium quos novimus, & hoc memoravit Hippocrates.

l. de Dieb. decret. II. 2.

JO. GUINT. ANDERNACO interprete.

Pulchrum omne, & ordinatum, & artificiosum ex supernis innasci; inordinatum contra, &

erraticum ex materia, quæ hic versatur, provenire, primus omnium, quorum memoria ad nos pervenit, græcorum Hippocrates credidit; post eum philosophorum præcipui.

l. de Elem. I. 9.

VICT. TRINCAVELLIO interprete.

Primus profecto omnium Hippocrates videtur naturæ rerum omnium elementa excogitasse, atque, quantum satis esse possit, demonstrasse.

l. de Nat. facult. I. 2.

THO. LINACRO interprete.

Hippocrates primus omnium tum medicorum, tum philosophorum, quorum utique fama ad nos pervenit, demonstrare tentavit, quatuor esse omnes, quæ mutuo in se agerent, qualitates: a quibus quæ genitum, interitumque agnoscunt, omnia gignantur, ac perimantur. Quin etiam misceri eas mutuo totas per totas, primus omnium, quorum fama ad nos percrebuit, Hippocrates novit: principiaque demonstrationum, quas Aristoteles postea pertractavit, scripta apud eum priorem invenias.

in l. de Alim. III. 22.

JO. BAPT. RASARIO interprete.

Hippocrates ut qui primus Naturæ opera novit, hanc admiratur, & perpetuo prædicat, & justam nominat, & solam animalibus ad omnia sufficere dicit, & ipsam ex se sine doctore, quæ opus sunt, efficere.

l. Meth. med. I. 2.

THO. LIMACRO interprete.

Audisti Platonem simili methodo Animæ naturam inveniendam esse censere, qua corporis naturam Hippocrates. An adhuc vis, multas hominis dictiones ex multis librorum ejus locis deligam, in quibus ille Hippocratem omnium, qui ante se fuerunt, maxime admiratur?

l. Quod an. mores. c. 8. f.

JUN. PAULO CRASSO interprete.

Hippocrates primus consuetudini, quæ postea increbuit, initium dedit, omnium, quisquis esset, arteriarum motum, pulsum nominans.

l. de Format. fet. c. I.

JOH. BERN. FELICIANO interprete.

Hippocrates primus omnium, quos scimus, de Formatione fetuum vera conscripsit, non ratione tantum nixis opinionibus quæstionem hanc persecutus, sed sensui expositis evidentiis, atque his non paucis.

l. de Decr. Hipp. & Plat. VIII. I.

JOH. BERN. FELICIANO interprete.

Et Hippocrates, & Erasistratus, Eudemus, Herophilus, Marinus, omnes post veterum memoriam dissectoriam speculationem, negligentia posteritatis interlapsam, pro se quisque restituerunt.

l. de Præcogn. ad Posth. c. 1.

JUL. MART. ROTA interprete.

Præcognoscendi ars ab antiquorum multis, & in primis ab Hippocrate, qui nobis bonorum omnium auctor existit, conscripta est.

l. de Theriac. ad Pis. c. 4.

JUL. MART. ROTA interprete.

Magistrum Hippocratem exactissimum medicinarum, ut reliquorum omnium, artificem fuisse, multa probant.

in l. VI. Epidem. VIII. 1.

JO. BAPT. RASARIO interprete.

Quemadmodum Hippocrates bonorum omnium, quæ ad faciendam medicinam, quæque ad morbos cognoscendos, & causas indagandas pertinent, omniumque, quibus ad tuendam sanitatem opus est, & ad recuperandam eam, quæ jam perdita sit, inventor fuit: ita etiam ipse princeps fuit, quem victus rationem recte instituisse cognovimus.

l. de Hipp. & Plat. decr. IX. 6.

JOH. BERN. FELICIANO interprete.

Atque has utrasque methodos ex omnibus veteribus medicis, & philosophis pulcherrime, atque optime Hippocrates, & Plato invenerunt, multaque opera ab auctoribus, qui communia a propriis distinguere nesciebant, falso fuisse conscripta, demonstrarunt.

l. de Temper. II. 14.

THO. LINACRO interprete.

Sane ejuscemodi signorum auctor, æque ut reliquorum omnium, mirus est Hippocrates.

in l. III. Epid. I. 8.

HERM. CRUSERIO interprete.

Omnium, quæ ad prædictionem, princeps est divinus ille Hippocrates.

in l. Prognost. III. I.

LAUR. LAURENTIANO interprete.

Ceterum cognovit non primus solum, sed etiam maxime, admirandus Hippocrates decretorium dierum naturam.

l. de Dieb. decret. I. 2.

JO. GUINT. ANDERNACO interprete.

Cum igitur non solum mihi, tot annis observanti, hujusmodi quædam dierum differentia, sed Archigeni etiam in artis operibus diligenter admodum versato, inventa sit: insuper hoc superiori Tarentino Heraclidi, qui experientia speculationem collegit; postremo etiam Philotimo, & Diocli, aliisque veteribus; tum ante hos universos Hippocrati divinissimo: quomodo non quis jure in dierum numero differentiam quamdam statuatur?

in l. Prorrh. III. 69.

JO. VASSÆO interprete.

Hippocrates quantum superiores suos in virium

cujuslibet simplicis medicamenti inventione superaverit, in omnibus suis libris demonstratum est.

l. de Comp. κ. γένν. IV. 5.

JO. ANDERNACO interprete.

Rite fasciandi primus, quorum ad nos memoria pervenit Hippocrates inventor exstitit, quum in ea omnes ante ipsum peccarent.

l. Meth. med. VII. 2.

THO. LINACRO interprete.

Cum ab Hippocrate discesseris, qui nobis omnium salutarium præceptorum semina præbuit, reliquorum certe nemo vel conatus est methodo curare. Postulant autem, quæ ipse Hippocrates reliquit, non malos agricolas, qui ea tum fement commode, tum augeant, tum perficiant.

l. Meth. med. IX. 8.

THO. LINACRO interprete.

Hippocrates omnem ad medicationem viam aperuisse videtur, sed ita ut ea curam, & diligentiam ad absolutionem desideret.

l. de Atra bile c. I.

BART. SYLVANIO interprete.

Hippocrates primus id, quod ad artis officia pertinet, prodidit.

l. Meth.

l. Meth. med. v. 10.

THO. LINACRO interprete.

Omnium methodorum nobis auctor Hippocrates.

l. Meth. med. iv. 6.

THO. LINACRO interprete.

Hippocrates omnium, quos novimus, primus indicationem adinvenit.

l. Meth. med. xi. 15.

THO. LINACRO interprete.

Hippocrates ab ipsa rei natura idoneum curationis modum invenit.

l. Meth. med. v. 3.

THO. LINACRO interprete.

Nam & hæc, derivatio, & revulsio scilicet, Hippocratis quoque inventa sunt, omnis scilicet immodicæ vacuationis communia remedia.

l. de Comp. κ. τέπ. vi. 5.

JANO CORNARIO interprete.

Omnia enim respectu ad aliquid, tum emolumentum, tum detrimentum in se habent. Quod ipsum etiam cum Hippocrates dixerit primus omnium, quos sciam, ii, qui post ipsum fuerunt, insequuti sunt.

l. de Resp. diff. II. I.

JANO CORNARIO interprete.

Hippocratem inventorem, ac veluti patrem dogmatum venerabimur. Hoc est enim justum, simulque decens præmium eorum, qui quodcumque tandem in vita bonum invenerunt, ut videlicet inventa ipsorum non occultentur, neque hominibus sint ignota, sed tum ipsa appareant, tum ratio, & methodus, quæ ipsa invenit, cognoscatur. Sic enim & pro dignitate ipsos in admiratione constitui continget.

DILIGENTIA.

in l. de Alim. III. 25.

JO. BAPT. RASARIO interprete.

Hoc autem non omnes medici norunt; cum tamen Hippocrates & hoc ipsum, & alia multa perspicue docuerit.

l. de Nat. hom. II. 7.

Hippocratem videmus non modo omnia a damussum in commentarios retulisse, quæ cunctis plane perspicua sunt, verum etiam ea, quæ ad videndum sunt difficiliora.

l. de Dieb. decret. II. 13.

JO. GUINT. ANDERNACO interprête.

Si quid optime dividi potest, Hippocrates præter cæteros hoc mihi fecisse videtur.

CONSENTIENTIA.

l. de Natur. fac. II. 8.

THO. LINACRO interprete.

De succorum generatione, haud scio, an aliquis exactius quicquam afferre in medium possit iis, quæ Hippocrates, Aristoteles, Praxagoras, Philotimus, aliique veterum non pauci reliquerunt.

in l. I. Prorrh. II. 40.

JOH. VASSÆO interprete.

In ægris utilissimum est omnia contemplari, nihilque prætermittere : quod utrumque fecit Hippocrates.

l. de Resp. diff. II. 3.

JANO CORNARIO interprete.

Apparet enim Hippocrates confessione, ac suffragio omnium medicorum, ad eorum, quæ ægris accidunt, observationem diligentissimus fuisse.

in l. de Humor. I. 12.

JO. BAPT. RASARIO interprete.

Hippocratis diligentiam tum in aliis rebus omnibus, tum vel maxime in eo commendo, quod scopum eum, qui non in uno, alterove morbo solum, sed in omnibus ad purgationem indicandam præstet cæteris, non omiserit.

l. Meth. med. IV. 6.

THO. LINACRO interprete.

Hippoeratem sane diligentiae nomine admiror, cum in aliis omnibus, tum vero quod scopum,

qui medico ad indicationem, non in uno, alterove, sed prorsus omni morbo sit spectandus, non omiserit.

l. de Decr. Hipp. & Plat. IX. 2.

JO. BERN. FELICIANO interprete.

Hippocrates, & Plato exempla nobis & ad artes, & ad omnes vitæ actiones utilia tradidere.

l. de Atra bile c. 7.

BARTHOL. SYLVANIO interprete.

Hippocrates ergo vir quidam honestus bonusque videtur fuisse, non honoris, aut gloriæ, sed veritatis amator.

L A U S .

l. de Hipp. & Plat. decr. IX. 5.

JO. BERN. FELICIANO interprete.

Diocles, Hippocrates, Empedocles, alique quamplures ex veteribus, humanitate, & benignitate hominibus medebantur.

l. de Subfig. empir. 13.

I N C E R T O interprete.

His enim officiis Hippocrates omnium posteriorum judicio Æsculapii gloriam adeptus est.

l. Defin. medic. c. I.

BARTHOL. SYLVANIO interprete.

Veteres quidem, quique ante Hippocratem fuere, in quorum nos volumina incidimus, nec

aliqua finiverunt, quæ ad artem pertineant, nec libros complures, sed paucos admodum reliquere. His igitur jure laus debetur, quod animum applicuerint primi, ac vitæ emolumentum aliquod invenire studuerint. Post hos vero exortus Hippocrates medicinam literis prodidit: ille nimirum, qui semper bonorum auctor, ac princeps fuit.

l. de Decr. Hipp. & Plat. III. 4.

JO. BERN. FELICIANO interprete.

Hippocrates consensu omnium medicorum facile princeps.

in l. de Fract. I. I.

V I D O V I D I O interprete.

Magnus Hippocrates maximus inter Græcos habitus est auctor, & medicus.

l. de Subfig. empir. c. 13.

I N C E R T O interprete.

Maximus artis medicæ exornator Hippocrates.

l. de Semine. I. 9.

JOH. BERN. FELICIANO interprete.

Hippocrates in omnibus admirabilis.

l. ad Thrasyb. c. 47.

JUN. PAULO CRASSO interprete.

Hippocrates, & Diocles, Praxagoras, Philotimus, atque Herophilus totam corporis præsidem artem, ut ipsorum testantur volumina, callebant.

l. de Dieb. decret. I. 3.

J O. G U I N T H E R I O interprete.
Hippocrates , vir verax.

l. de Nat. fac. I. 13.

T H O. L I N A C R O interprete.
Dogmata Hippocratis recta , veraque sunt.

in l. de Victu acut. I. 44.

J O. V A S S Æ O interprete.
Omnia Hippocratis dogmata verissima sunt.

l. Meth. med. III. 2.

T H O. L I N A C R O interprete.

Nosti quam longo tempore aphor. XXXI. lib. VI. consideraverim , quamque ex reliqua Hippocratis diligentia speraverim , ne in hoc quidem vel falsum quippiam , vel quod fieri non possit , præcipi : idque fuisse quod me ad inquisitionem incitavit , quoad ipsa Hippocratis insistens via , inveni.

l. de Atra bile c. 5.

B A R T H. S Y L V A N I O interprete.
Qui in artis operibus versatus est , vera dicere Hippocratem affirmabit.

l. de Subfig. empir. IO.

I N C E R T O interprete.

Si Hippocratem , & Andream conferas , illum veritissimum , & studiosissimum veritatis invenies ,

hunc rudem , & temerarium , prorsusque ab Hippocratis gravitate alienum.

l. Meth. med. IV. 4.

THO. LINACRO interprete.

Empirici nec antiquis maledicunt , nec Hippocratem pro nihilo habent ; immo vero ipsum laudant , fereque omnia vere dixisse affirmant.

l. de Diff. respir. I. 4.

JANO CORNARIO interprete.

Etiam in hac parte , quæ ad respirationum notitiam spectat , longe reliques omnes Hippocrates antecellit.

SECTA.

l. Medicus , sive Isag. c. 4.

JO. ANDERNACO interprete.

Rationalis sectæ auctor Hippocrates Cous fuit , qui & princeps sectæ extitit , & primus constituit rationalem sectam.

l. Quod opt. med. sit philos.

LUD. BELLISARIO interprete.

Quod per genera speciesque ignota sit morborum divisio ; idcirco medicis a curandi scopis errare contingat , animadvertit Hippocrates , cum nos ad rationalem contemplationem adhortatur.

in l. de Artic. III. 28.

V I D O V I D I O interprete.

In quo Empiricorum impudentiam cognosces, qui audent Hippocratem appellare empiricum. Fuit enim omnium, qui medicinam exercuerunt, maxime experiens, maximeque experimentorum spectator, iisque omnia comprobavit, quæ multis fretus rationalibus argumentis invenit: potissimumque rationi corporum incidendorum operam dedit, ut quæ mirum in modum ad artem conferat.

in l. de Vict. acut. III. 62.

J O. V A S S Æ O interprete.

Quæ medicum, ait Hippocrates, ante animadvertisse, ægro non referente, oportet, plurima sunt. Hæc, qui Hippocratem dogmaticum esse putant, locos affectos esse dixerunt, & affectiones ipsas, & causas. Sed qui Hippocratem empiricum esse existimant, anni tempora esse, regiones, ætates, & ambientis nos aeris conditiones affirmarunt.

in lib. de Offic. med. I. 4.

V I D O V I D I O interprete.

Nonnullis placet, ex opinionibus, quas videntur sectarum auctores invenisse, nullam esse novam, sed quæ priori seculo tradita fuerunt, una cum aliorum mente interiisse. Si quis in opinione ad res ipsas animum advertat, neque Pyrrhonis sectam, neque Academicam, Stoicam, Peripateticam, nec quamvis aliam, post Hippocratem sumisse initium judicabit, quum Pyrrhonii ad

vetustissimos auctores suam referant sectam. Quocirca verisimile est, vel adeo non verisimile, sed necessarium, Hippocratis seculo de naturalibus judicandi potentiis disceptatum esse, & quosdam nullam talem posuisse, quemadmodum postea Pyrrhonii; quosdam sensum duntaxat; alios nihil huic tribuentes, id verum putasse, quod vulgatum est, mens videt, mens audit, cætera furda sunt, & cæca: alios utramque dedisse judicandi potentiam, sensum in iis, quæ sensibus subjiciuntur, mentem in iis, quæ comprehenduntur intelligentia: quosdam alias animi nostri potentias concepisse. Hippocrates igitur, ut eorum vitaret importunitatem, generatim duarum potentiarum meminit, sensus, & mentis; quas solas in nobis docet cognoscendi, ac judicandi vim habere.

A U C T O R I T A S.

l. de Atra bile c. 7.

BARTHOL. SYLVANIO interprete.

Hippocrate posteriores infatiabiliter immeritæ gloriæ libidine vexati, contradictionibus adversus se vetustiores adductis, proprias sectas pravas constituerunt.

in l. de Victu acut. I. 44.

JO. VASSÆO interprete.

At potius culpa eos, qui, cum ea, quæ ab Hippocrate bene præcepta sunt, elaborare, & conficere deberent, laudis appetentia ducti sectam aliam constituunt. Verum nos, qui veritatem honoramus, laudamus Hippocratem cum in cæteris omnibus, tum quod in unoquoque opere pro-

prium scopum ita docuerit, ut huic attentus omnino quispiam definitam certamque inventionis auxiliorum habeat viam.

l. An anim. quod in ut. c. 3.

H O R. L I M A N O interprete.

Hippocrates antiquus est.

l. Meth. med. I. 2.

T H O. L I N A C R O interprete.

Si Stoicis philosophis in confessum admissis iudicium permittetur, ex iis placitis, quæ ipsimet statuunt, Hippocrati palmam dabunt.

Ibidem paulo post.

Quare Platonis, & Peripateticorum, & Stoicorum iudicio, Hippocratis physiologiæ victoria dabitur.

Et mox.

Quid si Geometris, Astronomis, Musicis, aut Rhetoribus iudicium concedet, putemusne hos, Hippocrate prætermisso, ulli alii palmam daturus?

in l. Prognost. III. I.

L A U R E N T. L A U R E N T I A N O

interprete.

Quæcumque arti utilia ab Hippocrate didicisse oportet.

l. de Dieb. decr. II. 1.

JO. GUINTHERIO interprete.

Hippocrates, vir ut cæteris fide dignior, ita omnium consensu decernendi peritissimus.

l. de Ufu part. I. 9.

Hippocratis dictio velut Dei vox est.

l. de Dieb. decr. III. 12.

Nihil quicquam ab Hippocrate frustra scriptum invenio.

l. de Decr. Hipp. & Plat. VIII. 5.

JO. GUINTERIO interprete.

Quod sane pituita alba appareat, eo quod in generatione ipsius exiguæ multæ bullæ excitantur, Hippocrates dicere ausus non est, ceu quid ulterioris contemplationis, quam ad artem medicam pertineat.

l. de Respir. diff. II. 1.

JANO CORNARIO interprete.

Ne quis Hippocraticæ famæ, ac nomini honore habito flectatur, ac citius dictis fidem præbeat, priusquam per demonstrationes cogatur.

in l. I. Epidem. III. 7.

Neque Hippocrati decet diffidere (præsesert enim oculis arbitrata hæc conscribere) neque mentiri convenit, dicereque etiam se se vidisse. Quare observandum nobis est sedulo, & experientia de veritate existimandum.

l. Quod animil mor. c. 9.

JUN. CRASSO interprete.

Hippocrates testis fane fide dignus, atque gravissimus est, si quisquam testibus, ut nonnullis mos est, decretorum suorum veritatem afferat. At ego viro huic non tamquam testi, ut plerique assolent, sed quoniam ejus rationes firmas invenio, idcirco fidem adhibeo, eumque laudo.

l. contra Julian. c. 5.

JUL. ALEXANDRINO interprete.

Hippocrati, præter optimos medicos, philosophorum etiam optimi consentiunt.

l. de Usu part. I. 8.

Imitator, si quis alius unquam, Hippocratis Plato fuit, & ab illo dogmata mutuatus est maxima.

l. de Decr. Hipp. & Plat. VIII. 5.

JO. BERN. FELICIANO interprete.

Neque solus Plato, sed & Aristoteles, & Theophrastus, aliique cum Platonis, tum Aristotelis discipuli Hippocratis de Humoribus rationem æmulati sunt. Quin etiam ex medicis gravissimi quique, Diocles, Plistonius, Mnesitheus, Praxagoras, Herophilus.

lib. Meth. med. I. 2.

THO. LINACRO interprete.

Rationum Hippocratis de natura Aristoteles interpretis est.

in l. de Alim. III. 22.

JO. BAPT. RASARIO interprete.

Si quis in Aristotelis, ac Theophrasti libris sit versatus, is ceu commentarios physiologiæ Hippocratis illos conscriptos esse, arbitrabitur.

l. de Nat. facul. II. 4.

THO. LINACRO interprete.

Hæc omnia, atque etiam alia quamplurima, tum de prædictis facultatibus, tum de morborum generatione, tum remediorum inventione Hippocrates, omnium post hominum memoriam primus recte dixit: Aristoteles post eum recte est interpretatus.

l. Meth. med. I. 2.

THO. LINACRO interprete.

Testis cœtus Peripateticus, qui & ipse Hippocratis Physiologiæ principia confirmat.

l. Quod opt. med. initio.

REN. CHARTERIO interprete.

Quod moris patiuntur Athletarum plerique, cupientes quidem Olympiorum victores evadere, nihil autem moliri; quo id consequantur studentes; idem & multis medicis accidit. Nam Hippocratem quidem laudant, ac omnium principem existimant; ut autem fiant illi inter similes, ipsi omnia potius, quam id agunt.

I M I T A T I O .

l. Quod opt. med. sit philos. f.

LUD. BELLISARIO interprete.

Certe nos primum studium debemus in philosophia consumere, si veri Hippocratis æmuli esse volumus. Quod si fecerimus, nihil impediet, quominus eo meliores efficiamur, nedum similes, si, cognitis iis, quæ ab illo bene dicta sunt, cetera, quæ arti defunt, ipsi inveniamus.

in. l. de Victu acut. I. 17.

JOH. VASSÆO interprete.

Nam quæ ab Hippocrate scripta sunt, ea in prudentibus viris, qui vere artem constituere student, reperiri possunt.

l. de Tot. morb. temp. c. 8.

JO. GUINTERIO interprete.

Præstat vero artem Hippocratis excolere, quod nemo proprie facitavit.

l. de Usu part. I. 8.

NIC. RHEGINO interprete.

Cur itaque Plato (præsertim cum Hippocratis imitator, si quis alius unquam, fuerit, & ab illo dogmata mutuatus sit maxima) tam negligenter de unguium utilitate locutus est ?

CONTRADICTA,

ET

DEFENSÆ.

ARISTOPHANES *Nubibus.*

JO. ANT. VAND. LINDEN. interprete.

TE filiis Hippocratis
Similem, blitum vocant iners.

EUPOLIS ἐν Δήμοις

citante Schol. Aristoph. *ibi.*

JO. ANT. VAND. LIND. interprete.

Hippocratis fuere filii nothi,
Soboles infulsa, nullius frugi bonæ.

Etymologicon in Σύγς.

Sues Hippocratis filios dicunt, cum Panætio,
& Memnone suillum ingenium cavillantes.

A T H E N Æ U S.

Deipnos. III. 17.

ISAC. CASAUBONO interprete.

Deinceps illata est vulva, metropolis revera,
& mater filiorum Hippocratis. quos propter ingenium suillum scio esse Comicis irrisos.

l. Quod an. mores c. 4.

JO. GUINT. ANDERNACO interprete.

Hippocratis autem filii ob calorem immodicum stulti Comicorum fabulis ridentur alterius HIPPOCRATIS Atheniensis filii.

l. adv. Lycum, initio.

JUL. ALEXANDRINO interprete.

Qui Hippocratem accusare, aut pro eo respondere vult, priusquam facit, exerceri eum oportet in sententia senis.

l. de Elem. I. 9.

VICT. TRINCAVELLIO interprete.

Hippocrates solita antiquorum brevitate utitur.

l. de Usu part. I. 9.

NIC. RHEGINO interprete.

Multa Hippocrates verbis paucis eos docet, qui ipsius dicta assequi possunt.

l. de Crisib. III. II.

NIC. LEONICENO interprete.

Multi priscant brevitatem assequi minime consueti, quædam deficere arbitrantur.

l. de

l. de Fractur. III. 4.

V I D O V I D I O interprete.

Brevitatis Hippocratis proprium est, id, quod in proposito sermone desideratur, aperte ex eo, quod subjicitur, indicare.

l. de Resp. diff. III. 5.

J A N O C O R N A R I O interprete.

Quæ est igitur via facultatis? oportet enim inde initium sumere Una quidem communis illa omnibus veteribus familiaris breviloquentia. Altera vero peculiaris illa Hippocratis animi altitudo. Monstratum enim nobis est, quam gravis sit sæpe numero hic vir, ut qui ea, quæ aliis medicis nota sunt, prætereat, velut quæ a nemine eorum, qui artem exercent, ignorari queant; quæ vero talibus ignota sunt, omnia diligenter, simulque perspicue exponat.

in. l. de Artic. IV. 16.

V I D. V I D I O interprete.

Iis, qui hæc requirunt, respondendum est; Hippocratem eo tantum intendere, ut propositam rem exprimat; quod & ipse Plato faciendum nobis præcipit.

l. de Elem. II. 3.

V I C T. T R I N C A V E L L I O interprete.

Oratio Hippocratis brevis, & concisa est. quia id, quod evidenter apparet, absque ulla proba-
Princ. Art. Med. Tom. IV. C c

tione scripsit, haud suspicatus fore, qui hæc ignoraret, aut negaret.

l. de Purg. facult. c. 5.

JUL. MART. ROTA interprete.

Sunt, qui omnia potius, quam verba Hippocratis, vera esse volunt.

l. de diff. resp. I. 4.

Sententiam Hippocratis exponere, ac veritatis, quæ in ea est, certitudinem iis, qui in nostra inciderint, exhibere multo melius est, quam præoccupare tempus existimationi, ac famæ venerandi senis.

l. de Suc. bon. & mal. c. I.

JUL. ALEXANDRINO interprete.

Eorum, qui ab Hippocratica doctrina descivere, apud me nonnulli clam confessi sunt, manifesto se quidem cernere cupiditatem contendendi adversus Hippocratem, interim pudore affici, si post quinquagesimum demum annum ad Hippocratem deficiant.

in l. Aph. v. 64.

NIC. LEONICENO interprete.

Non simpliciter, neque semper servare brevitatem videtur Hippocrates, sed in quibus magnum aliquod periculum imminet, si negligentius, quod ab ipso docetur, accipiatur, in his bis terve repetere eadem non veretur.

l. Meth. med. IX. 8.

THO. LINACRO interprete.

Hippocrates, ceu primus inventor, nec debitum omnibus ordinem dedit, nec cuiusque indicationis dignitatem ad unguem finivit, & quasdam in ipsis discretionem omisit, obscureque plurima pro antiqua dicendi brevitate est interpretatus.

in l. de Vict. acut. II. 36.

JO. VASSÆO interprete.

Fieri nequit, ut uno libro omnia ad medendum pertinentia, bene scriberet Hippocrates, atque ordine doceret, præcipue cum ipse primus horum inventionem sit molitus.

in l. de Off. med. I. 10.

VIDO VIDIO interprete.

Hippocrates breviter loquitur, quum quid existimat evidens futurum, si qui id ipsum invenire studeant. Non enim rudes decuit, quemadmodum nos nunc, sed admodum in disciplinis assuefactos, sic ut ex eorum, quæ prius ostensa sunt, consequutione, talia per se nullo negotio assequantur.

in l. de Artic. III. 49.

VIDO VIDIO interprete.

Si quis prima lectione non intelligit, quæ clare ab Hippocrate scribuntur, iterum, & tertio, & sæpius diligenti animadversione relegat: quod si faciat, quæ plane ab ipso traduntur, omnino intelliget.

l. de Præcogn. ad Posth. c. 12.

JUL. MART. ROTA interprete.

Solam pulsum scientiam Hippocrates non excoluit.

in l. de Humor. II. 28.

JO. BAPT. RASARIO interprete.

Notitiam a pulsibus profectam vel non habuit Hippocrates, vel certe non exercuit.

in l. de Artic. III. 37.

VIDO VIDIO interprete.

Quædam Hippocrates prætermisit, vel quod non ex toto universam eorum naturam fuerit intuitus, vel quod tam diligentem inquisitionem ad propositum pertinere non existimaret.

in l. de Fractur. I. 9.

VIDO VIDIO interprete.

Sagittariorum exemplum transferre ad vincendum, existimari debet prorsus fatuum, fatiusque fuisset eos ab Hippocrate nullo modo commemorari, quam acerrime refelli. Nam quæ prorsus stulta sunt, deridenda magis sunt, quam a scriptoribus confutanda. Non tamen prohibeo, quominus, dum in vivis agunt, redarguantur; ac præsertim ubi, qui hæc nugatur, audientibus persuadet, ut sibi hominis curationem committant. Fit etiam interdum, ut nos quoque inscribendo stultis opinionibus contradicamus, ubi multos videmus illis credere, quasi veræ sint; quod & nunc accidit Hippocrati, nihil esse commune sagittariis, & vinciendis, ostendenti.

in l. de Vi&. acut. I.

J O H. V A S S Æ O interprete.

Logicam magis speculationem sapere videtur, quod ab Hippocrate in quæstionem disceptationemque ponitur, cum & sine hujusmodi speculationibus recte sanare queamus. Nempe morbos recte sanare inest medicis ex faciendorum cognitione, & non ex investigatione causæ: ob quam sunt controversi, qui varias in hujusmodi morbis scripserunt curationes. Est vero secundum veritatem id non commodissimum modo, verum quoque & omnium primum, & quæsitum necessarium, ut procedente exponam sermone: quod enim quæstione dignum sit quod proponit, & quo solvit modo.

l. de Dieta Hipp. in acut. c. II.

A U G. G A D A L D I N O interprete.

Temere Hippocrati adversantur, qui ad ejus scripta imparati accedunt, priusquam litteras didicerint. Suam enim ipsorum ignorantiam accusare cum debuissent, obscuritatem Hippocratis reprehendunt: quippe qui ob propriam imbecillitatem non possint magnitudinem Hippocraticæ virtutis assequi. Ita enim, opinor, affectæ sunt ad Hippocratis scripturas insipientium, abjectorumque hominum animæ, ut oculi ad solem, dum in ipsum intuentur. Ut enim illi de propria imbecillitate redarguantur a solis pulchritudine, convincunturque; quippe qui haud possint perseveranter citra laborem in ipsum intueri, sed tandem cæcutientes ad tenebrosa se vertunt; ita animæ profanorum hominum, quæ prius in en-

cyclopædiis non fuerint educatæ, a pulchritudine scripturarum Hippocratis, & fulgure circum circa perculsæ, ac dogmatum lumine vallatæ, quodam modo cæcæ fiunt, & ab iis, quæ majora sunt, quam ut ipsæ ferre possint, aversæ, ad parva quædam, & obscura, suæque ipsarum ignorationi accommodata, accedunt.

l. Meth. med. XI. 15.

T H O. L I N A C R O interprete.

Sed aliqui sunt (ut Hippocrates ait) qui ex eo, quod ignorant, non parum lucri faciunt.

l. de Venæs. adv. Erasistr. c. 3.

J O S. T E C T A N D R O interprete.

Asclepiades adeo contentionis studiosus fuit, ut mortis meditationem cum Hippocratis, tum veterum medicinam nominare non sit veritus.

in l. I. Epid. II. 50.

H E R M. C R U S E R I O interprete.

Posteaquam non parum multos vidi claros medicos jure ob id reprehensos, quod vel in mit-tendo sanguine, vel lavando, vel medicamento dando, aut vino propinando, aut frigida, offendissent, cogitavi mecum fortasse etiam ipsi Hippocrati tale quid usu venisse: necessario itaque multis etiam aliis ejus æqualibus medicis.

A. C O R N. C E L S U S.

III. 4. Edit. Lind. p. 121. l. 9.

Igitur sic ægros nutriebant, ut dierum imparium accessiones expectarent; deinde postea ci-

bum, quasi levioribus accessionibus instantibus, darent; adeo ut Hippocrates, si alio die febris desisset, recidivam timere sit solitus.

Id Asclepiades jure ut vanum repudiavit; neque in ullo die, quia par, imparve esset, ægris vel majus, vel minus periculum esse dixit. Interdum enim pejores dies pares fiunt, & opportunius post febrium accessiones cibus datur. Nonnunquam etiam in ipso morbo dierum ratio mutatur: fitque gravior, qui remissior esse consueverat. Atque ipsius quartus decimus par est, in quo esse magnam vim antiqui fatebantur.

A. C O R N. C E L S U S.

III. 4. *Edit. Lind. p. 121. l. 34.*

Est etiam apud Hippocratem, ei, quem septimus dies liberaturus sit, quartum esse gravissimum. Ita, illo auctore, in die pari & gravior febris esse potest, & certa futuri nota.

Atque idem alio loco quartum quemque diem, ut in utrumque efficacissimum apprehendit, id est quartum, septimum, quartumdecimum, decimumseptimum; in quo ab impare ad paris rationem transit. Et ne in hoc quidem propositum conservavit; cum a septimo die undecimus, non quartus, sed quintus sit. Adeo apparet, quacunque ratione ad numeros respexerimus, nihil rationis, sub illo quidem auctore, reperiri. Verum in his quidem antiquos tum celebres admodum Pythagorici numeri fecellerunt.

CÆLIUS AURELIANUS.

Acut. morb. II. 29.

Hippocrates libro regulari (quem diætetikum vocavit) peripneumonicæ inquit remedium aptat-

dum ex cocco, atque galbano, atque attico melle, vel abrotano, ex aceto mulso, atque pipere admixto, & helleboro nigro. Summum, inquit, est etiam panacem in mulso ex aceto confecto decoquere, & liquatum dare bibendum.

Sed hæc omnia Soranus esse judicavit, & propterea reprobanda, adjiciens, quod mulsum ex aceto factum constringat, & sit inconveniens tumori.

I T E R U M.

Acut. III. 4.

Antiquorum Hippocrates libro quem ad sententias Cnidas conscripsit, ex utroque oportere, inquit, brachio synanchicos phlebotomari.

Sed hoc erit vitandum. Siquidem coacervata sanguinis effusio animi facit defectionem, & propterea prohibet tantum detrahi, quantum sufficiat ad relaxandam strictionem.

I T E R U M.

Acut. morb. III. 6.

Febrem vero secundum Hippocratem in spasmus venientem, salutarem accipimus; spasmus autem in febrem, perniciosum: quamquam ejus excludant sententiam, dicentes, quia secundum ipsum febres corpora gravant, multo magis geminant incommodum, cum vehementibus doloribus. Laxat enim, inquit, tumorem naturalis, ac mediocris fervor: febrium vero acer, & contra naturam immodicus vexat.

I T E R U M.

Acut. III. 7.

Hippocrates libro quem ad sententias Cnidas scripsit, cerotario inquit ungendos opisthotoni-

cos, & aqua calida eorum crura fovenda. Jacere jubet in lineis stramentis, utens ad ventrem movendum collyriis, quæ appellavit balanos, & potiones ex radice bryoniæ, & danco, atque vino confectis. Offert præterea farinam coctam tepentem in partem cibi, ut sæpiissime facit, permittens etiam vinum superbibendum, quando voluerint ægrotantes. Tetanico vero non advertens adhibendam vere phlebotomiam, sed non solam. Non enim dignum, atque sufficiens tantæ passionis unum adjutorium esse probatur. Item collyria, sive balani, & potiones supra memoratæ, & vinum intemporaliter datum patientibus, contrarium, atque saluti noxium monstratur. Aliæ enim tempore importuna nervis officiunt.

I D E M

Acut. III. 8.

Item secundo libro, quem de morbis scripsit, ait esse aliquando conducibile tetanico sine vulnere effectio, atque primævo corpore, & habitudine vigenti, ætatis tempore plurimæ frigidæ ablu-tionem, siquidem fervorem reclamet, ac revocet. Dat etiam nigrum helleborum cum pipere, & lacte asinino carne concocto potat, atque sternutamentum commovet.

Mirandum igitur, quod in his, qui tali passione afficiuntur, frigida utendum existimat Hippocrates, qui jamdudum ait, frigida quæque esse inimica ossibus, nervis, dentibus, & cerebro. Sternutamenta etiam commovere tumores, nulli non dubium est. Item asininum lac nulla ratione

laxare tumentia probatur. Dehinc stomachum evertet ; siquidem fit tetri odoris, & saporis. Item helleborum nigrum nervos obsidet, atque purgando, vel deducendo corpus exagitat.

I D E M

Acut. III. 17.

Veterum autem medicorum, Hippocrates secundo libro de morbis, communiter inquit refrigeranda superiora, particulariter autem adhibenda vomifica medicamenta, & phlebotomia ex brachio, & capite. Tunc facculum aqua calida plenum deponendo jubet ægrotantes : facere etiam collyrium decem digitorum, quem appellavit balanum, atque hunc summo tactu felle taurino ungendum : tunc si nihil perfecerit, clysterem adhibendum. Vel si hoc quoque minus valuerit, folliculo artis ærariæ immittendum, inquit, ventum per podicem, quo distantia ventris intestinorum replicatis folliculis fiat, tunc statim adhibendum clysterem probat, detracto supradicto folliculo, & podicem cum spongia obstruendum, atque in aquam calidam ægrotantem deponendum. Utendum inquit primo tempore passionis melle decocto, atque vino.

Secundo libro epidemion multum vini meraci, atque frigidi dari jubet, donec somnus, vel dolor fiat crurum, suspicione caussarum follicitatus : existimat enim vel constituit fieri passionem incendio superiorum, & frigore inferiorum.

Contrarias igitur virtute materias adhibendas judicavit, non intuens passionem ex tumore fuisse confectam. Denique principio vomitus,

quem adhibendum probat, asperat ejus celeritatem : siquidem disjiciendo corpora commovet. Phlebotomare autem convenit non post vomitum, sed laxamenti causa, non ut Hippocrates affectandum putat, ob frigidandum corpus. Dehinc ex brachio, non ex capite, neque simul ex multis partibus phlebotomare oportet. Etenim repentina sanguinis effusio virium defectum faciens, non sinit congruam fieri detractionem, vel quantum magnitudini passionis est conveniens. Collyrium autem felle taurino perunctum, omnifariam nocens accipimus : Etenim ob acrimoniam fellis, atque mordicationem tumentia provocat in fervorem, & ob longitudinem digitorum decem immissum premit eas partes, quæ neque tenuem liquorem sine gravatione accipere, vel ferre valent. Nam ex ærario folliculo quid dicere oportet, si ubi inflationis metus est, immittendum extrinsecus existimat ventum, atque, quod est maximi peccati, frigidum his partibus, quæ etiam naturali tactu prægravantur, non aliter quam si quemquam in tetanica passione constitutum cum sit potestatis laxativis curare virtutis, eundem organis distendere contendamus. Advertendum igitur, quod magis roborat vexationem, vel duplicat corporis inflationem, adjiciens graviora, quo etiam per clysterem liquoribus magis prægravet corpus, ut tumentia importune vento vexata, etiam liquoris percussu intemporaliter feriantur. Item spongia apponenda quam probat, extenta magis premit. Utitur autem vino, malis quidem, sed sui similibus consiliis. Neque enim temporaliter declinationem passionis observavit. Præterea usu immodico, siquidem plurimum dari jubet, & intemperato, quod sæpe in sanitate constitutos

alienari mente perficit, tunc etiam incongrue, si-
quidem frigidum. Omne etenim frigidum tumen-
tia auget. Repugnanti ergo iudicio vinum dare
perspicitur, effectum somno, atque dolori cru-
rum adscribens, somnus etenim levigata atque so-
luta passione efficitur: dolore autem pejorante,
& asperato tollitur. Quod ita manifestum est,
ut demonstratione non indigeat.

I D E M

Tard. IV. 3.

Hippocrates enim libro, quem ad sententias
Cnidias scripsit, helleborandos principio ægros
ordinavit, ultimum adjutorium cæteris antepo-
nens. Dat præterea panem ita curatum, ut ne-
que ab hominibus recte valentibus posse digeri
facile videatur. Item pulmentum, atque fœni græci
semina.

Cum sint hæc qualitate contraria; alia enim
adstringunt, alia relaxant, & nulli adjutorio tem-
pus adjunxit.

I D E M

Tard. pass. IV. 8.

Hippocrates libro Prognostico significare in-
quit lumbricos interfectionem ægrotantis, quo-
ties mortui fuerint exclusi omnibus in morbis.

Herophilus vero libro, quem ad Hippocratis
Prognosticum scripsit, siue vivos, siue mortuos
excludi negat incongruum.

Et Mox.

Chrysippus Asclepiadis sectator, libro tertio de lumbriticis sic inquit, Hippocratem ferri, dicentem suo libro, eos qui in ægritudinis declinatione cum stercorebus egeruntur, nihil grave significare.

Sed neque inquit Dioclem Hippocrati contrariam protulisse sententiam, dicendo mortuos vel inanes esse meliores: siquidem hic in febribus solutionum hoc dixisse videtur, Hippocrates autem mortem significare in febribus structuræ.

I D E M

Tard. v. i.

Hippocrates vero libris, quos ad sententias Cnidas scripsit, magis utendum dicit egestate, atque vaporatione, & continentia, & danda sicca, vel arida quæque, & acriora mandenda. Si enim æquibilis æger fiat, hoc est, urina facilior, ac si spiratio difficilis fuerit, quam dyspnoeam vocant, & tempus æstatis; & æstas media, dicit ex brachio phlebotomandos, & post detractionem factam dat panem calidum vino infusum, atque oleo, & carnem suillam ex aceto decoctam. Dat etiam cantharides tres detracto capite, & pedibus, & primis in tribus cyathis aquæ contritas.

Sed neque quo tempore exercitio utendum sit manifestat, neque usque quo mandenda sint acriora, vel quando vaporationes adhibendæ.

Dehinc si phlebotomare oportuerit, non solum æstivo tempore, ac media æstate, sed etiam omni tempore, atque ætati convenire phlebotomiam probamus. Est præterea importunum vinum, ac repugnans eo tempore commodis phlebotomiæ. Item cantharides humorem commovent. Carnis quoque offerendæ tempus significare neglexit.

F I N I S.

O P E.

OPERUM HIPPOCRATIS

TABULA GENERALIS.

TOMUS PRIMUS CONTINET.

1	<i>Hippocratis librum de aeribus, aquis & locis.</i>	pag. 1
2	<i>De natura hominis.</i>	33
3	<i>De locis in homine.</i>	51
4	<i>De humoribus.</i>	89
5	<i>De alimento.</i>	102
6	<i>De morbis popularibus lib. I.</i>	110
7	<i>De iisdem lib. III.</i>	138
8	<i>Prognosticon.</i>	166
9	<i>Predictionum lib. II.</i>	193
10	<i>De victus ratione in morbis acutis libros IV.</i>	228
11	<i>De fracturis.</i>	282
12	<i>De articulis.</i>	326
13	<i>Morbicus.</i>	408
14	<i>De capitis vulneribus.</i>	430
15	<i>De officina chirurgi.</i>	449
16	<i>Aphorismorum sectiones VII.</i>	469

TOMUS

TOMUS SECUNDUS CONTINET.

I	Hippocratis librum de corporum resectione.	pag. I
2	De carnibus seu principiis.	3
3	De ossium natura.	19
4	De corde.	35
5	De glandulis.	40
6	De genitura.	50
7	De natura pueri.	60
8	De septimesiri partu.	90
9	De octimesiri partu.	99
10	De superfetatione.	103
11	De dentitione.	123
12	De predictionibus.	125
13	Coactæ prænotiones sectiones III.	142
14	De judicationibus.	205
15	De diebus judicatoriis.	215
16	De morbis popularibus lib. II.	222
17	lib. IV.	247
18	lib. VI.	268
19	lib. V.	293
20	lib. VII.	319
21	De adfectionibus sect. III.	366
22	De internis adfectionibus sect. III.	401

TOMUS TERTIUS CONTINET.

I	Hippocratis librum I. de morbis.	I
2	ejusdem librum II.	35
3	ejusdem librum III.	94
4	ejusdem librum IV.	118
5	Muliebrium lib. I.	161
6	Muliebrium lib. II.	252
7	De natura muliebri.	331

TABULA GENERALIS.

417

8	<i>De sterilibus.</i>	pag.	383
9	<i>De morbis virginum.</i>		409
10	<i>De morbo sacro.</i>		411
11	<i>De insania.</i>		431
12	<i>De flatibus.</i>		433
13	<i>De visu.</i>		447

TOMUS QUARTUS CONTINET.

1	<i>Hippocratis de sanorum victus ratione librum I.</i>	I
2	<i>. ejusdem librum II.</i>	31
3	<i>. ejusdem librum III.</i>	60
4	<i>De victus ratione salubri.</i>	81
5	<i>De insomniis.</i>	88
6	<i>De ulceribus.</i>	101
7	<i>De fistulis.</i>	115
8	<i>De hæmorrhoidibus.</i>	122
9	<i>De veteri medicina.</i>	129
10	<i>De arte.</i>	155
11	<i>De medico.</i>	169
12	<i>De decenti habitu.</i>	178
13	<i>Præceptiones.</i>	186
14	<i>De lege.</i>	195
15	<i>De jurejurando.</i>	197
16	<i>De hominis structura.</i>	199
17	<i>De natura hominis.</i>	205
18	<i>De ætate.</i>	208
19	<i>De ætate fragmentum.</i>	210
20	<i>De septimestri partu.</i>	211
21	<i>De significatione vite & morbis secundum motum lune & aspectus planetarum.</i>	214
22	<i>De liquidorum usu.</i>	230
23	<i>De medicamentis purgantibus.</i>	238
24	<i>De veratri usu.</i>	241

25	<i>Antidotos.</i>	.	.	.	pag.	243
26	<i>De exsectione fetus.</i>	245
27	<i>De re veterinaria.</i>	247
28	<i>Epistolae.</i>	268
29	<i>Vitam ex Sorano.</i>	318
30	<i>De vita & familia scriptisque Hippocra-</i> <i>tis testimonia.</i>	322
31	<i>Fragmenta & elogia.</i>	345
32	<i>Consentientia.</i>	367
33	<i>Contradicta & defensa.</i>	399

